

২য় খণ্ড, ১ম সংখ্যা।।

বৈশাখ, ১২৮৩।

বঙ্গ মহিলা।

মাসিক পত্রিকা ও সমালোচন।

নারী হি জননী, পুংসাং নারী শ্রীকৃত্যতে বুধৈঃ।
তস্মাৎ গেহে গৃহস্থানাং নারীশিক্ষা গরীরসী।

বিষয়ঃ	পৃষ্ঠা।
১। নববর্ষারম্ভ।	১
২। দণ্ডকারণের পৌরাণিক ইতিহাস ...	৫
৩। নূতন বৎসর।	১১
৪। শিশু বিনয়ন।	১৫
৫। স্বাস্থ্যরক্ষা।	১৮
৬। প্রাপ্তবৃদ্ধের সংক্ষিপ্ত সমালোচনা। ...	২৩
৭। সংবাদসার।	২৪

চৌরবাগান-বালিকা-বিদ্যালয়ের অধ্যক্ষসভা হইতে
প্রকাশিত।

কলিকাতা।

শ্রীঈশ্বরচন্দ্র বসু কোম্পানির বহুবাজারস্থ ২৪৯ সংখ্যক ভবনে
ষ্ট্যানহোপ বস্ত্রে মুদ্রিত।

১৯০৭

বঙ্গমহিলার নিয়ম ।

অগ্রিম বাৎসরিক মূল্য ১১০ টাকা মাত্র ।

মফস্বলে ডাক মাসুল ১০ আনা ।

প্রতি সংখ্যার মূল্য ৩০ আনা ।

বাণ্যাসিক বা ত্রৈমাসিক হারে মূল্য গৃহীত হইবে না ।

পত্রিকা প্রাপ্তির সময় হইতে ৪ মাসের মধ্যে অগ্রিম মূল্য না দিলে বঙ্গমহিলা আর পাঠান যাইবে না ।

সচরাচর অগ্রিম মূল্য না পাঠাইলে অপরিচিত নূতন গ্রাহকের নিকট 'বঙ্গমহিলা' পাঠান হইবে না ।

মনি অর্ডার বা ডাক টিকিট, যাহার বাহাতে সুবিধা হয়, তাহাতেই মূল্য প্রেরণ করিতে পারিবেন, কিন্তু ডাকের টিকিটে, টাকায় এক আনার হিসাবে বাটা দিতে হইবে ।

মূল্য প্রাপ্তি স্বীকার বঙ্গমহিলার শেষ পৃষ্ঠায় করা হইবে ।

কলিকাতা ও তলিকটবর্তী গ্রাহকগণ সম্পাদকের স্বাক্ষরিত বিল ভিন্ন বঙ্গমহিলার মূল্য প্রদান করিবেন না ।

বিজ্ঞাপনের নিয়ম প্রতি পংক্তি ১০ আনা ।

গ্রাহকগণ অগ্রিম মূল্য সত্ত্বর প্রেরণ করিয়া বাধিত করিবেন ।

বামাগণের গদ্য বা পদ্য রচনাবলী অতি সাদরে বঙ্গমহিলায় বিন্যস্ত হইয়া থাকে। অতএব সকলে প্রেরণ করিয়া বাধিত করিবেন ।

কলিকাতা, চোরবাগান, } শ্রীভুবনমোহন সরকার,
মুক্তারাম বাবুর ষ্ট্রীট, ৭৭ নং । } সম্পাদক ।

স্বর্গীয় বাবু প্যারীচরণ সরকারের স্মরণার্থক চিল্লের নিমিত্ত চাঁদা ।

রাজা কমলকৃষ্ণ বাহাদুর সভাপতি এবং কতিপয় সম্ভ্রান্ত মহোদয় কর্তৃক একটি সভা সংস্থাপিত হইয়া চাঁদা সংগৃহীত হইতেছে। চাঁদা গ্রহণের ভার আমার উপর অর্পিত হইয়াছে, অতএব দাতাগণ আমার নিকট স্ব স্ব দান প্রেরণ করিয়া বাধিত করিবেন ।

শ্রীভুবনমোহন সরকার,
সভার সম্পাদক ।

বঙ্গমহিলা ।

মাসিক পত্রিকা ।

নারীহি জননী পুংসাং নারী শ্রীচ্যতে বৃধেঃ
তস্মাৎ গেহে গৃহস্থানাং নরীশিক্ষা গরীয়সী ॥

চোরবাগান বালিকাবিদ্যালয়ের অধ্যক্ষ সভার সম্পাদক

শ্রীভুবনমোহন সরকার কর্তৃক

সম্পাদিত ।

দ্বিতীয় খণ্ড ।

১২৮৩ ।

কলিকাতা ।


শ্রীঈশ্বরচন্দ্র বসু কোম্পানির বহুবাজারস্থ ২৪৯ সংখ্যক

ভবনে ষ্ট্যান্‌হোপ যন্ত্রে মুদ্রিত ।

মূল্য ১১০ টাকা ও ডাকমাসুল সমেত ২ টাকা ।

সূচীপত্র ।

বিষয় ।	পৃষ্ঠা ।	বিষয় ।	পৃষ্ঠা ।
অশোকে রাজবালা	৩৩	৩। আমি তো'বিধবা	১৮৬
অসভ্যজাতির বিবাহপ্রথা	৫৮	৪। আর কেন ?	২০৯
অমৃতের গরল	১০৬	৫। কি দিব তোমায় ?	৯৫
ইংলণ্ডের শাসন-প্রণালী	২৪৫	৬। কে লিখিল ?	২৩৫
কলিকাতার লোকসংখ্যা	১৬২	৭। কোন একটী পাখীর প্রতি	১১৭
কল্পনা ও কবি	১৯৯, ২২১	৮। "নিদাঘ নিশিতে"	৯৩
কামিনী-কুল	৫৬	৯। পূর্ণশলী	৪৬
কাশ্মীর-কুম্ম	১০৪	১০। বসন্ত	২৫৯
কালীপূজা ও ভাতৃ- দ্বিতীয়	১৪৫, ১৬৯	১১। বিরহিণী	১৮৯, ২১৩
দণ্ডকারণের পৌরাণিক ইতিহাস	৫	১২। ভাতৃবিরহে	১১৪
নববর্ষারম্ভ	১	১৩। মৃত পত্নীর নিমিত্ত পতির বিলাপ	২৩৮
নূতন বৎসর	১১	১৪। লঙ্কার পতন	৬৫, ২৬১
পদ্মিনী-চরিত	১৩৪, ১৭৯	১৫। শিবচতুর্দশী	১৪৩
পদার্থ-বিজ্ঞা	২২৫	১৬। সংসারের-সার রত্ন	২৮৭
প্রভাত	১৭৩	ভারতবর্ষের শাসন-প্রণালী	২৬৫
প্রাপ্তব্রহ্মের সংক্ষিপ্ত সমালোচনা	২৩, ৪৮, ৭১, ৯৩	মিষ্টভাষিতা	২৬৯
প্রণয়	২৭৪	রমণী-হৃদয়	১৯৩
ফিয়ার সাহেবের বিদায়	৯২	শিশু বিনয়ন	১৫, ৮৫
বঙ্গমহিলা	২৫, ৪৯, ৭৩, ৯৭, ১২১	শেষ দেখা	৮০
বর্তমান সমাজ	২০৪	স্বর্ষা	১৪০
বঙ্গদেশে বর্ণবিভাগ	২৩১, ২৫২	সংবাদসার	২৪, ২১৬
বিশ্ববিদ্যালয়ে স্ত্রীলোক- দিগের পরীক্ষা	২৭১	স্ত্রীশিক্ষা ও ছাত্রীশক্তি	৪৩
বীরজননী-বিলাপ	১২৭	স্ত্রী ও পুরুষ	২৪১
বামাগণের রচনা :—		স্ত্রী-স্বাধীনতা	২১৭
১। আমি ভালবাসি না ?	৪৭	স্বপ্নশক্তি	১৫২
২। আমি কি উন্মাদিনী ?	১৬৪	স্বাভাবিক সংস্কার	৩৯, ৮৯
		স্বাস্থ্য-রক্ষা	১৮, ৬১, ১০৯, ১৫৮, ১৮৪, ২০৭, ২২৮, ২৫৬, ২৭৭
		সৌন্দর্য ও অলঙ্কার	২৮৭



বঙ্গ মহিলা

নারীহি জননী পুংসাং নারী ত্রীরুচ্যতে বুধেঃ
তস্মাৎ,গেহে গৃহস্থানাং নারীশিক্ষা গরীয়সী ॥

২য় খণ্ড।

বৈশাখ ১২৮৩।

১ম সংখ্যা।

নববর্ষারম্ভ।

এই নববর্ষের আরম্ভে আমাদের “বঙ্গমহিলার” বয়ঃক্রম এক বৎসর হইল। ঐহাদের অহুগ্রহে “বঙ্গমহিলা” এতদিন প্রতিপালিতা হইয়াছে, তাঁহাদিগকে সর্কান্তঃকরণে ধন্যবাদ প্রদান করি। জগৎপাতার কৃপায় আমাদের পাঠক ও পাঠিকাগণ সুখে ও স্বচ্ছন্দে কালযাপন করুন, তাহা হইলেই আমাদের এই ক্ষুদ্র পত্রিকাখানির মঙ্গল। ঐহাদের স্বচ্ছন্দ ও উন্নতির উপর, “বঙ্গমহিলার” অনাময় ও আজীবন নির্ভর করিতেছে, তাঁহাদের শুভকামনা, আমাদের পক্ষে নিতান্তই যে স্বাভাবিক হইবেক, তাহা বিচিত্র নহে। অধিক কি, যদি বাসনাই ক্ষমতার পরিমাণ হইত, তাহা হইলে আমরা প্রত্যেক পাঠক ও পাঠিকাকে এক একটা “আলাদিনের দীপ” উপহার দিতাম। তাহা হইলে আমাদের পত্রিকাখানির সৌভাগ্যের সীমা থাকিত না। কিন্তু জগতে বাসনা ও ক্ষমতাকে বিস্তর অন্তর। পরন্তু আমরা সেকালের মুনি ঋষির গ্রায় সিদ্ধবাক নহি যে, বরদান করিয়া পাঠক পাঠিকাগণের ঐশ্বর্য্য বৃদ্ধি করিয়া দিব। সুতরাং তজ্জন্ত ঐশ্বরের কৰুণার

উপর নির্ভর করা ভিন্ন দ্বিতীয় উপায় নাই। এই সাধারণ বিশ্ব-জনীন প্রথাই অস্মাদৃশ লোকের পক্ষে শ্রেয়স্কর।

আমরা পত্রিকার ভূমিকাতে যেরূপ অঙ্গীকার করিয়াছিলাম, সাধ্যমত তদনুসারে কার্য করিতে প্রয়াস পাইয়াছি। কিন্তু আমাদের যতদূর অঙ্গীকার ও প্রত্যাশা ছিল, তদনুরূপ যে ফল লাভ হয় নাই, তাহা আমরা দিব্য চক্ষে দেখিতেছি। বস্তুতঃ আমরা নিজের ত্রুটি ও অভাব বিষয়ে কখনই অন্ধ নহি। আমরা ভূমিকাতে বলিয়াছিলাম যে, এই পত্রিকাখানিকে নানা রসে কচিরা করিব, এবং ইহাতে বর্তমান ঘটনারও যথোচিত সমাবেশ থাকিবেক। কিন্তু পত্রিকাখানির সঙ্কীর্ণ আয়তন বশতঃ, ইচ্ছানুরূপ কার্য করিতে পারি নাই; তন্নিবন্ধন আপনাদিগকে অপরাধী মনে করিতেছি। কিন্তু সকলই সময় ও সুবিধা, বিশেষতঃ সাধারণের অনুগ্রহের উপর নির্ভর করে। হয় ত ক্রমে এমনও ঘটতে পারে যে, আমরা পত্রিকাখানির কলেবর বৃদ্ধি করিয়া উল্লিখিত দুইটি বিষয়ে যে অভাব আছে, তাহার পরিহার করিতে অধিক পরিমাণে সমর্থ হইব। কিন্তু এ বিষয়ে আমরা কোন অঙ্গীকার করিতে অধিকারী নহি, কারণ সাধারণের অনুগ্রহ নিতান্ত অনিশ্চিত পদার্থ; তাহার উপর নির্ভর করিয়া যদিও অনেক প্রত্যাশা করা যাইতে পারে সত্য, কিন্তু কোন প্রকার অঙ্গীকার করা সমীচীন নহে। অতএব আমরা কেবল এই পর্যন্ত বলিতে পারি, যে, বর্তমান অবস্থাতে যতদূর সম্ভব, ততদূর পাঠকপাঠিকাগণের চিত্তানুবর্তন করিতে ত্রুটি করিব না। আমরা এপর্যন্ত যে পরিমাণে কৃতার্থতা লাভ করিয়াছি, তাহাতে আমাদের ভগ্নাংশ হইবার কোন কারণ নাই। প্রত্যুত অধিকতর বড় ও উজ্জ্বলকরা উচিত।

বাঙ্গালী পুস্তক ও পত্রাদির সংখ্যা যেরূপ দিন দিন বৃদ্ধি পাইতেছে তাহাতে বঙ্গমহিলাগণের পৃষ্ঠোপযোগী পুস্তকসমূহ নির্বাচন করা নিতান্ত আবশ্যিক বিবেচনা করিয়া, আমরা এই বৎসর হইতে নূতন পুস্তকগুলির সমালোচনার প্রবৃত্তি হইলাম।

কেহ কেহ বোধ হয় এমন ভাবিতে পারেন যে, আমরা পত্রের জন্ত অপেক্ষাকৃত অধিক স্থান দিয়া ভাল করি নাই। আপাত-দৃষ্টিতে এরূপ বোধ হওয়া অসম্ভব নহে। কিন্তু সমুদয় অবস্থা পরীক্ষা করিয়া দেখিলে, অনুযোগ করিবার কারণ থাকিবেক না। এই পত্রিকা প্রণয়নের উদ্দেশ্যগুলি মনে করিয়া দেখিলে, প্রতীয়মান হইবেক যে, আমরা কি বিজ্ঞাপনে কি ভূমিকাতে স্পষ্টাক্ষরে নির্দিষ্ট করিয়াছিলাম যে, এই পত্রিকাতে বামাগণের রচনা সাদরে গ্রহণ করিব। তাহার তাৎপর্য্য এই ছিল যে, তাহা হইলে তাঁহাদের মধ্যে পরস্পর একপ্রকার প্রতিদ্বন্দ্বিতা উত্তেজিত হইবেক, এবং তন্নিবন্ধন রচনার অধিকতর অভ্যাস ও জ্ঞানের অধিকতর অনুশীলন হইবেক। আমাদের এই প্রত্যাশা নিতান্ত অপূর্ণ হয় নাই। তবে যে বামাগণ গল্প অপেক্ষা পত্রের অনেক অধিক রচনা করিয়াছেন, তজ্জন্ত আমরা দায়ী হইতে পারি না। বিশেষতঃ পত্রেরই সমধিক অনুশীলন হইতেছে বলিয়া, রচয়িত্রীগণকে নিকৎসাহ করা উচিত নহে। ইহা প্রকৃতির একটা অপরিহার্য্য নিয়ম যে, বুদ্ধির ও কল্পনার নব উন্মেষকালে, গল্প অপেক্ষা পত্রেরই আধিক্য দেখা যায়। যেমন জাতীয় বুদ্ধি ও কল্পনার প্রথম উদয়ে কেবল পত্রেরই রচনা দেখিতে পার, তদ্রূপ নারীগণের পক্ষে সে প্রকার না ঘটবার কারণ নাই। আমাদের দেশে স্ত্রীজাতির মধ্যে জ্ঞানের এই নব উন্মেষ মাত্র। বিশেষতঃ পাশ্চাত্য স্ত্রীগণ অপেক্ষা প্রাচ্য রমণীদের কল্পনাশক্তি বোধ হয় অধিক স্ফূর্তিমতী। এ অবস্থায় তাঁহাদের রচনাতে পত্রের ভাগ অধিক হওয়াই স্বাভাবিক। সুতরাং আমরা স্বভাবের গতিরোধে সাহসী হই নাই বলিয়াই পত্রের এত ছড়াছড়ি হইয়াছে। এখন ভরসা করি, যে যুক্তি প্রদর্শিত হইল, তাহাতে স্ত্রীগণ সন্তুষ্ট হইবেন।

যে দ্বাদশমাসে “বঙ্গমহিলার” জীবন সীমাবদ্ধ, তাহা পরিবর্তন-শূন্য নহে। আমরা সামাজিক ও রাজনৈতিক পরিবর্তনের

কথা বলিতেছি না, অধিক কি এদেশে শ্রীশিক্ষার অবস্থাভেদ সম্বন্ধেও এস্থলে বাক্যব্যয় করা আমাদের অভিলাষ নহে। কেবল “বঙ্গমহিলা” সম্বন্ধে যে দুই একটি প্রধান ঘটনা হইয়াছে, তাহারই উল্লেখ করিব। “বঙ্গমহিলা” প্রধান বন্ধু প্রদ্বাম্পদ বাবু প্যারীচরণ সরকার সংসারলীলা সম্বরণ করিয়াছেন। তাহার যত্ন, উৎসাহ ও আত্মকূল্য, আমাদের বিরূপ সম্বল ছিল, তাহা বলিয়া শেষ করিতে পারি না। সেই প্রধান-অবলম্বনে অকালে বঞ্চিত হইয়া “বঙ্গমহিলা” এই কোমল বয়সে যে বিরূপ ক্ষতি-প্রাপ্ত হইয়াছে, তাহা সকলেই বুঝিতে পারিয়াছেন। বঙ্গমহিলা বন্ধুগণ মার্জনা করিবেন যদি আমরা বলি যে, সেই ক্ষতির পূরণ হইতে অনেক সময় লাগিবেক।

ফিয়ার দম্পতীর বিলাত যাত্রাই আমাদের ক্ষোভের দ্বিতীয় কারণ। বিচার সম্বন্ধে শ্রীযুক্ত ফিয়ার সাহেবের অমূল্য অপক্ষ-পাতিতার প্রসঙ্গ করা আমাদের উদ্দেশ্য নহে। ফিয়ার দম্পতীর উৎসাহ ও যত্নে বঞ্চিত হইয়া, শ্রীশিক্ষা ও শ্রীশিক্ষার অঙ্গস্বরূপ “বঙ্গমহিলা” ন্যায় পত্রিকা যে নিতান্ত ক্ষতিপ্রাপ্ত হইল, তাহার উল্লেখ করাই আমাদের অভিলাষ। যাহা হউক এই সকল দুর্ঘটনার বর্ণনা করিয়া পাঠক পাঠিকাগণের কোমল অন্তঃকরণে বেদনা দিতে আমরা যার পর নাই অনিচ্ছুক। পরিবর্তনই কালের নিয়ম। পরিবর্তনে শুভাশুভ উভয়ই ঘটিয়া থাকে। অতএব প্রার্থনা করি, “বঙ্গমহিলা” হিতৈষিগণ ভবিষ্যতের উপর নির্ভর করিয়া মঙ্গলেরই প্রত্যাশা করিবেন। সৃষ্টিক্রিয়ার চরম পরিণাম শুভ, এবং কালের গতিতে যে সকল পরিবর্তন ঘটে, তৎসমুদায়ের সমষ্টি ফল মঙ্গল ও উৎকর্ষ, অতএব এই বিশ্ব-জনীন বিশ্বাসের বশব্দ হইয়া, আমরাও “বঙ্গমহিলা” উন্নতি কামনা করিতেছি।

দণ্ডকারণের পৌরাণিক ইতিহাস ।

আমাদিগের বর্তমান শিক্ষার একটি প্রধান দোষ এই যে, আমরা স্বদেশের ইতিহাস অবহেলা করিয়া পরদেশের ইতিহাস বিলক্ষণ অভ্যাস করিয়া থাকি। কৃতবিদ্যেরা গ্রীস বা রোম-দেশের দেব-দেবীর অনায়াসে বিবরণ করিতে পারেন, কিন্তু ভারতীয় দেব-দেবীর বিবরণ করিতে হইলে তাহাদের জিহ্বার ভয়ানক জড়তা উপস্থিত হয়। প্রায় সকল বিষয়েই এইরূপ দেখিতে পাওয়া যায়।

আমরা এই কারণে পুরাণাদি হইতে উত্তম উত্তম ইতিহাস মধ্যে মধ্যে বঙ্গমহিলায় উদ্ধার করিতে মনস্থ করিয়াছি।

রামায়ণ ও মহাভারত পাঠে দণ্ডকারণ নামে একটি অদ্ভুততম অরণ্যানীর বিষয় অবগত হওয়া যায়। এই যোজনশত বিস্তৃত যুগাদি পরিপূর্ণ বিষয় গহন মনোরম অরণ্য বিরূপে সমুৎপন্ন হইল, তাহার ইতিহাস পদ্মপুরাণে এইরূপ বর্ণিত আছে;—

সত্যযুগে মহারাজ মনু দণ্ডধর পদে প্রতিষ্ঠিত হইয়াছিলেন। তাহার ইক্ষাকু নামে এক অত্মরূপ পুত্র সমুৎপন্ন হইলেন। তিনি যারপর নাই রূপবান্ ও জ্ঞানবান্, এবং সর্বত্র খ্যাতিবান্, ও সম্মানবান্ ছিলেন। রাজর্ষি মনু পুত্রকে সর্বতোভাবে রাজ-পদের উপযুক্ত দেখিয়া, পূর্ব রাজ্যে প্রতিষ্ঠিত করিয়া, পৃথিবীতে রাজবংশ সকলের অভিরাজ বলিয়া উল্লেখ করিলেন। পুত্রও তথাস্তুরলিয়া, প্রতিজ্ঞা পূর্বক ধর্ম্মানুসারে প্রজা পালন করিতে লাগিলেন।

বহুতর কর্ম্মানুষ্ঠান দ্বারা সেই নরপতি ইক্ষাকুর জন্ম হয়। এক্ষণে তিনি পিতার পরলোকান্তে রাজপদে প্রতিষ্ঠিত হইয়া, বহুসংখ্য দেবতাপর পুত্রের জন্ম দান করিলেন। তন্মধ্যে তাহার কনিষ্ঠ পুত্র অশ্বাত্থ সমুদয় পুত্রের অপেক্ষা শান্ত, দান্ত, কৃতবিদ্য ও গুরু বিপ্রাদি পূজায় সংস্কৃত ছিলেন। বুদ্ধিমান ইক্ষাকু তাহার

নাম দণ্ড রাখিয়াছিলেন। তিনি পুত্রের শরীরপার্শ্বে ভাবী দণ্ডপতনরূপ ঘোরতর হুঃখ সন্দর্শন করিয়া, বিক্র্যাগিরির শৃঙ্গ-দ্বয় মধ্যে পুর নির্দিষ্ট করিয়া দিলেন। মহাভাগ দণ্ড সেই রমণীয় পবিত্র শৃঙ্গে রাজ্য হইলেন এবং অবস্থানার্থ এক অপ্রতিম নগরী বিনির্মাণ করিলেন। ঐ নগরীর নাম মধুমন্ত বেলিয়া বিখ্যাত। মহীপতি দণ্ড সাতিশয় শূর, মহাত্মা ও প্রবলপ্রতাপ ছিলেন। তিনি প্রবল পরাক্রমে সমস্ত অরাতি বিনিহত ও বিষ্ণু-পরম্পরা নিরাকৃত করিয়া, পুরোহিতের সহিত অনুজ্জিত শাসনে দ্বিতীয় বাসবের স্থায় রাজ্য করিতে লাগিলেন। এইরূপে সেই প্রকৃষ্ট ধনধান্য সমাকীর্ণ রাজ্য শাসন করিতে করিতে বহুশত বৎসর অতীত হইলে, হুরাশয় দৈব তাঁহার প্রতিকূলে অভ্যুত্থান করিল। মনোহর চৈত্রমাস সমুদিত হইয়া প্রকৃতির অনুরাগ বিবর্জিত করিলে, তিনি সমুচিত পরিচ্ছদে পরিবৃত্ত হইয়া মহর্ষি ভার্গবের আশ্রমপদ দর্শনার্থে গমন করিলেন। তথায় উপনীত হইয়া দেখিলেন, তদীয় কন্যা বিরজা আশ্রমপদ অলঙ্কৃত করিয়া, যুহুমন্দ সঞ্চারে মূর্তিমতী তপোলক্ষ্মীর স্থায় অথবা আশ্রমধিষ্ঠাত্রী দেবীর স্থায়, বিচরণ করিতেছেন। তিনি রূপলাবণ্যের সাক্ষাৎ সীমা। ধরাতলে তাঁহার প্রতিমা বা উপমা নাই। তাঁহার বদনমণ্ডল নবোদিত পূর্ণচন্দ্রের স্থায়, হাশ্রু কৌমুদীর স্থায়, লোচনযুগল সুধাপানমজ্জ চকোরীর স্থায়, ললাটপট্ট শশধর-কিরণ-ধৌত বিশাল গগনপদবীর স্থায়, বর্ণ প্রতপ্ত চামীকরের স্থায়, কটাক্ষ খরতর সায়কের স্থায়, সমুদয় অঙ্গ প্রত্যঙ্গ রত্নসারবিনির্মিতের স্থায়, পয়োধরযুগল বিধাতার দৃষ্টিচাতুর্যের চরমোত্তম, মধ্যদেশ সাতিশয় ক্ষীণ ও মনোহারি দৃষ্টির প্রথম বিকাশ এবং শরীর উন্নত ও পীবর। দর্শন মাত্র আঙ্কাদের পরাকর্ষ্য উপস্থিত হইয়া থাকে। তৎকালে তিনি প্রথম যৌবনসীমায় পদার্পণ করিয়া, মদন রাজার কুলদেবতার স্থায় প্রতিভা ধারণ করিয়াছিলেন। তাঁহার স্নকুমার সৌন্দর্য্য, পৌর্ণমাসী

শশধর দর্শী সাগরের স্থায় উদ্বেল হইয়া, আকাশ পাতাল দিক বিদিক যেন আত্মসাৎ করিতেছিল। তিনি একমাত্র বসন পরিধান করিয়া একাকিনী সেই বিরল অরণ্যে বিচরণ করিতেছেন, দর্শন করিয়া, মহীপতি দণ্ড হুনিবার মোহাভিভব বশতঃ নিতান্ত হতবুদ্ধি হইয়া, তাঁহাকে মূর্তিমতী বসন্তলক্ষ্মীর স্থায় বোধ করিলেন, এবং সান্ন্যয়ন বচনে বলিতে লাগিলেন, স্ত্রোত্রিণি! তুমি কে? কাহার পরিগ্রহ? তুমি জন্ম গ্রহণ বা অধিষ্ঠান দ্বারা কোন্ কুল অলঙ্কৃত করিয়াছ? হে শোভনে? তোমার এই অনিসর্গজ অসু-পম রূপরাশি দর্শন করিয়া, হুরাচার কুসুমশর আমারে নিতান্ত নিপীড়িত করিতেছে। সেই জন্তই আমি তোমাকে জিজ্ঞাসা করিতেছি, হে চপলায়তলোচনে! তুমি দর্শনমাত্র আমার মনঃ প্রাণ সমুদায়ই হরণ করিয়া লইয়াছ। আমি এখন কি করি। হে সুলোচনে! আমারে জীবন দান কর। হে বরারোহে! আমি তোমার ভক্ত ও কিঙ্কর, আমারে ভজনা কর।

মহীপতি দণ্ড হুনিবার মদনাবির্ভাব বশতঃ উন্মত্তের ন্যায়, বিষমূর্চ্ছিতের ন্যায়, সুরাপায়ির ন্যায়, এই প্রকার প্রলাপপরম্পরা প্রয়োগ করিতে প্রবৃত্ত হইলে, বিরজা অনুনয়সহকারে তাঁহারে সবিশেষ সান্ত্বনা করিয়া বলিতে লাগিলেন, রাজন্! আমি অক্লিষ্ট-কর্মা মহাভাগ শুক্রের হুহিতা, নাম বিরজা। আমি এই পিতার তপোবনেই বাস করিয়া থাকি। তুমি যে পথে প্রবৃত্ত হইয়াছ, ইহা তোমাদের কুলোচিত নহে। অতএব তুমি ইহা হইতে বিনিবৃত্ত হও। হে মতিমন্! মহামনাঃ শুক্র আমার পিতা, তুমি তাঁহার শিষ্য। অতএব আমি ধর্মতঃ তোমার ভগিনী, আমারে এবিধ বিগর্হিত বাক্য প্রয়োগ করা তোমার সমুচিত হয় না। দেখ, তোমার সহিত আমার যেরূপ সম্পর্ক, তাহাতে আমারে অত্যাচার হুরাচার হস্তে রক্ষা করা তোমার অবশ্য কর্তব্য। বিশেষতঃ মদীয় পিতা শুক্রদেব সাতিশয় কোপন ও রৌদ্রস্বভাব, তিনি জানিতে পারিলে এই মুহূর্তেই তোমারে ভস্মসাৎ করিবেন। তুমি জানিয়া গুনিয়াও

কিজন্য এরূপ সঙ্কটসঙ্কুল বিষম পথে পদার্পণ করিতেছ। হুবুন্ধি শলভ প্রাণত্যাগী জন্মই জ্বলন্ত অনলে নিপতিত হয়। অথবা যদি নিতান্ত আকুল হইয়া থাক, তাহা হইলে, ধর্মদৃষ্টি কর্তব্যসম্মত পিতার নিকট আমারে প্রার্থনা কর। তিনি ধর্মজ্ঞ, অবশ্যই তোমার অভিলাষ পূরণ করিতে পারেন। যদি তুমি বলপূর্বক ইহার অগ্রথা-চরণে প্রবৃত্ত হও, তাহা হইলে, পরিণামে দাক্ষণ ভয় সমুপস্থিত হইবে। যেহেতু মহামনাঃ শুক্র অসীমতপঃপ্রভাবসম্পন্ন। তিনি ক্রুদ্ধ হইলে, তোমার কথা কি, সমুদায় সংসার দগ্ধ করিতে পারেন।

হুবুন্ধি দণ্ড যত্নের আসন্নতরবর্তী হইয়াছিলেন। কালের কুটিল গতি বশতঃ তাঁহার দাক্ষণ বুদ্ধিবিপর্যায় উপস্থিত হইয়াছিল। অতএব তিনি শুক্রকর্তার অনুময়সহকৃত উপদেশেও বিনিবৃত্ত হইলেন না। প্রত্যুত, তাঁহার অমৃতরসগর্ভ স্তম্ভুর বচন শ্রবণে আরও উন্মত্ত ও হতচিত্ত হইয়া, মস্তক দ্বারা বন্দনাপূর্বক পুনর্বার বলিতে লাগিলেন, অগ্নি যদিরাগতলোচনে! আমি কুসুমধর শরপাতে নিতান্ত ব্যথিত হইয়াছি। ইহা অপেক্ষা তোমার পিতার ক্রোধানল ভয়ঙ্কর বা মর্মবিদারক নহে। অতএব তুমি আমার প্রতি প্রসন্ন হও। এই প্রকার বলিয়াই বলপূর্বক তাঁহারে ধারণ করিলেন। এইরূপে মহাঘোর সূদাক্ষণ অনর্থ সংঘটন করিয়া অবশেষে মধুমত্টিতে নগরাভিমুখে প্রস্থান করিলেন। পরপুরুষ সংস্পর্শে বিরজা খরকিরণতাড়িতা মুক্তালতার গায় ত্রিয়মাণা হইয়া, আশ্রমের অবিদূরে কেবল রোদন করিতে লাগিলেন। তিনি স্বভাবতঃ তেজোরশি বিপ্রের ঔরসে জন্মগ্রহণ করিয়াছিলেন। দাক্ষণ অভিমানে উন্মাদিনী হইয়া, অশ্রুমাগর তরঙ্গে অবগাহন-পূর্বক, আপতিত-শোকাবেগ-সংবরণার্থ পিতৃপাদদর্শনের অভি-লাষিণী হইলেন। কিন্তু পিতা মূর্তিমান তপোরাশি ও স্বভাবতঃ দেবতার গায়, কিরূপে তাঁহার নিকট এইপ্রকার কলঙ্ক প্রকাশ করিবেন; তিনি শুনিয়াই বা কি বলিবেন, এইরূপ ও অগ্ররূপ নানাপ্রকার চিন্তা করিয়া, পদেপদেই উদ্বিগ্না হইতে লাগিলেন।

• যে সময়ে এই লোকবিগর্হিত বিসদৃশ কাণ্ড সংঘটিত হয়, তৎকালে মহর্ষি শুক্র স্নানার্থ গমন করিয়াছিলেন। তিনি শিষ্যগণে পরিবৃত্ত ও ক্ষুধার্ত হইয়া মুহূর্ত মধোই স্বীয় আশ্রমপদে প্রত্যাবৃত্ত হইলেন। দেখিলেন, তাঁহার আত্মজা বিরজা ধূলিধূস-রিতাঙ্গী ধূরাতলে পতিতা রহিয়াছেন। তাঁহার কেশপাশ আলু-লায়িত, ও বদন কুমুদ নিতরাং মলিন হইয়া গিয়াছে। তদর্শনে ক্ষুধার্ত মহর্ষির রোমানল প্রজ্বলিত হইয়া উঠিল। তিনি যোগবলে সমুদায় জানিতে পারিয়াছিলেন, অতএব কণ্ঠা না বলিতে বলিতেই যেন ত্রিলোকদাহে সমুদ্রত হইয়া, রোষকষায়িত চিত্তে শিষ্যদিগকে বলিতে লাগিলেন, তোমরা অদূরদর্শী ভ্রষ্টাচার দণ্ডের প্রদীপ্ত অগ্নিশিখার গায় ঘোরসঙ্কাস বিপত্তি অবলোকন কর! আমি এই মুহূর্তেই ছুরাত্মার সমুচিত শাস্তি বিধান করিয়া, শাস্তি লাভ করিব। ছুরাত্মা না জানিয়া, প্রজ্বলিত হুতাশন-শিখা স্পর্শ করিয়াছে; সেই অধর্ম বশতই অনুগামী সহিত ক্ষয় প্রাপ্ত হইয়াছে। বলিতে কি, সেই পাপিনীল দুর্মতি বখন ঐদৃশ ঘোরশংসিত অগ্নায় অনুষ্ঠান করিয়াছে, তখনই তাহার দুর্নিবার বিপৎ আপতিত হইয়াছে! ঐ নরাধম যার পর নাই পাপাত্মা ও যার পর নাই পাপাবতার। অতএব কৃত্য বল ও বাহন সহিত সপ্তাহ মধ্যে বিনষ্ট হইবে। দেবরাজ ইন্দ্র বিন্দুমাত্র বারিবর্ষণে পরাণুখ হইয়া, তদীয় অধিকারে শত যোজন সমস্তাৎ মহৎ পাংশু বৃষ্টি করিবেন। এই প্রকার অনবরত পাংশু বৃষ্টি প্রাহৃত হইয়া, পঞ্চ রাত্র মধ্যে স্থাবর জঙ্গম সমুদায় প্রাণী একেবারেই বিনষ্ট হইবে। মহাভাগ শুক্র ক্রোধপরীত চিত্তে এইপ্রকার শাপপ্রদানান্তর স্বীয় আশ্রমবাসিদিগকে কহিলেন, তোমরা এই কথাকে আশ্রম হইতে দূরে অপসারিত কর। চিরপবিত্র মহাপ্রভাব ভৃগুবংশ অশ্রু ইহা হইতে কলঙ্কিত হইল। সরল-হৃদয়া বিরজা ব্যাকুল-লোচনে পিতার মুখপানে চাহিয়া ছিলেন। এবং প্রতিক্ষণেই তাঁহার পরিহার প্রতীক্ষা করিতেছিলেন। ছুরাত্মার কর-সংস্পৃষ্ট

পাপ-মলিন দেহে তাঁহার আর কিছুমাত্র মমতা ছিল না। অতএব পিতা এই প্রকার বলিবামাত্র তিনি স্বয়ংই আশ্রম হইতে বহির্গতা হইলেন। ছুরাচার দণ্ড তখনও নগরে গমন করেন নাই। সরল-স্বভাবা বিরজা স্নানান্তর বিরজা হইয়া তাহারে সম্বোধন করিয়া কহিলেন, রে ছুরাঅন্! ভবিতব্যতার প্রতিঘাত করা কাহারও সাধ্য নহে। অদৃষ্টের গতিও নিতান্ত কুটিল। যাহা হউক, আর আমার এই কলঙ্কিত দেহে কিছুমাত্র প্রয়োজন নাই। অতএব যাবৎ এই পাপমলিন দঙ্কপ্রাণ বিসর্জন না করি, তাবৎ তুমি এই আশ্রমপদে অধিষ্ঠান কর।

এদিকে, মহাপ্রভাব ভার্গব কথাকে কহিলেন, অগ্নি হত-ভাগিনি! তোমার জীবন দূষিত হইয়াছে। তুমি আর এই তপোবনবাসের বা তপস্বি-দেহ-ধারণের যোগ্য নহ। অতএব এই মুহূর্ত্তেই সরসী হও। অকৃতাপরাধা বিরজা পিতৃনিয়োগ আকর্ষণ পূর্ব্বক নিরতিশয় হুঃখিতা হইলেন এবং তখাস্ত বলিয়া অঙ্গীকার পূর্ব্বক তৎক্ষণাৎ যোজনবিস্তৃত পরম মনোহর সরোবর রূপে পরিণত হইলেন। মহারাজ দণ্ডও অকৃতাপরাধে ব্রহ্মকুল দূষিত করিয়া, নিতান্ত স্নান ও একান্ত ত্রুষ্ণী হইয়া উঠিলেন। অনন্তর শুক্রের লাগি স্বরণ করিতে করিতে ব্যাকুল ও ত্রিস্তম্ভ হইয়া, স্বীয় নগরে গমন করিলেন। তখন মহর্ষি শুক্র শিষ্যদিগকে সম্বোধন করিয়া কহিলেন, ছুরাচার দণ্ড আমার এই পবিত্র আশ্রম-পদ দূষিত করিয়াছে। আমা হইতেই সুপ্রসিদ্ধ ভৃগুবংশে কলঙ্কের নবাবতার সংঘটিত হইল। এখানে থাকিলে, সমুদায় স্মৃতিপথে সমুদিত হইয়া, নবীভূতের স্থায় অন্তঃকরণ ব্যাকুল করিবে। অতএব চল, অন্ত্র আশ্রম বন্ধন করি। এই বলিয়া তিনি অশ্রবাস আশ্রয় করিলেন।

ইক্ষাকুনন্দন দণ্ড নগরে প্রত্যাবৃত্ত হইয়া, কোন মতে স্বস্তি লাভ করিতে পারিলেন না। শুক্র অসামান্য প্রভাবসম্পন্ন, তাহা তাঁহার সবিশেষ পরিজ্ঞাত ছিল। অতএব তাঁহার প্রদত্ত শাপাত্ত

যে কোন মতেই ব্যর্থ হইবে না, তাহাও তিনি স্পষ্ট বুঝিতে পারিলেন। নিতান্ত শঙ্কিত ও চকিতের স্থায়, সেই ভয়ঙ্কর সময়ের প্রতীক্ষা করিতে করিতে প্রতিক্ষণ হুর্নিবার মর্ম্মপীড়া অহুভব করিতে লাগিলেন এবং অহুতাপ রূপ স্তূঃসহ দহনে নিরতিশয় দহমান হইয়া উঠিলেন। অনন্তর ব্রহ্মবাদী শুক্র যেরূপ নির্দেশ করিয়াছিলেন, তদনুসারে সপ্তদিন মধ্যেই তিনি সবাহন ও সপরিজনে ভ্রমসাৎ হইলেন। এবং তদীয় অধিকার মধ্যে ঘোরতর পাংশু-বৃষ্টি হইতে লাগিল। বিক্রান্তে তাঁহার অধিকার সংস্থাপিত ছিল। তিনি শুক্রশাপে বিনষ্ট হইলে, পাংশুবৃষ্টিতে আচ্ছন্ন হইয়া তাঁহার সেই অধিকারও বিনাশ প্রাপ্ত হইল। তদবধি উহা দণ্ডকারণ্য বলিয়া অভিহিত হইয়া থাকে।

নূতন বৎসর ।

ভব - রঙ্গভূমি করিয়া সৃজন
ঘটনা-অঙ্কিত - ঐহিক - জীবন
নরনারীকুলে খুইলা ধাতা।

জীবনের চাক - নাটকাভিনয়
অনুদিন নব রসের আলয়,
আশৈশব অঙ্ক পঞ্চোতে* বিভাগ,
বিবিধ-ঘটনা - সচিত্র - সরাগ ;

ভাবি - করতলে কি সুখদাতা !
কালের পরীক্ষা তাহে সুকঠিন,
আশার কুহকে যতই নবীন,
দীপ্তিমান পট মানস - মোহন,
সুদূরে যতই নরন - রঞ্জন,

*যথা শৈশব, বাল্য, যৌবন, প্রৌঢ়, বার্দ্ধক্য।

কিন্তু সে অপটী হইলে পতন,
আর কি সে শোভা জুড়ায় নরন ?
পরশে বিলুপ্ত সে ইন্দ্রজাল।

ঘুরিছে নিয়ত আয়ু চক্রাকার
তুলিছে ফেলিছে পট অনিবার ;
খেলিছে তাহাতে মানব মানবী,
(সাক্ষীর স্বরূপ সুধাকর রবি)
নাচিছে গাইছে মনের প্রমাদে,
পরক্ষণে কাঁদে দাক্ষণ বিষাদে ;
কখন ধরিছে সিংহের গর্জন
বীর রসে মাতি ঘূর্ণিত-লোচন,
আবার তখনি শিথিল - গঠন
ভয় - আকুঞ্চিত বিরস - বদন ;
বলিহারি তব মহিমা কাল !

ভবসিন্ধু - নীরে মিলিল অতীত
আয়ু-পরমাণু তাহাতে নিহিত।
কালের তরঙ্গে দিব্য দণ্ড পল
পরমায়ু - জাল সঙ্কুল বিরল।
অনন্ত সে কাল যুগ যুগান্তর
অবিরামগতি লভিতে সাগর,
ফেনপুঞ্জময় জীবন - রাশি।

অনন্ত - সাগর - অনন্ত - সলিলে
অনন্ত ঘটনা অনন্ত সংমিলে
পল অল্পপল দিবস সহিতে
পূর্ণ বার মাস, দেখিতে দেখিতে
ডুবিল অঁচিরে ভরসা নাশি।

সুখের সুদিন নব অহুরাগ
অভেদ পর্যায়ে কায়ার বিভাগ,
পরম কোঁতুক সদা হান্সময়
অসীম-সৌভাগ্য-প্রফুল্ল-হৃদয় !
তবে কেন এবে বিষণ্ণ বদন
ঝর ঝর ঝর ঝরে ছনয়ন ?
হারায় সে ধন অতীত-সলিলে
বথা ভাব তুমি, কি হবে ভাবিলে,
পুনঃ কি সে দিন লভিবে আর ?

শৈশবের সখা অন্তর বিমল
এক রন্তে ছুটি সরস কমল ;
উদ্ভিত মুদিত হয়ে যুগপৎ
আনন্দ-হিমালী লভিয়া কিয়ৎ,

পরিণামে কাল করিল পৃথক ;
জীবিত নলিন মলিন সম্যক
যাপি' অধোমুখে বিয়োগ-রজনী
বিষম বিষাদে পরমাদ গনি
ফেলে অশ্রুণীর নীহার-ধার।

আলুথালু-কেশী মলিন - বসনা
করতলে গণ্ড করিয়া স্থাপনা
করান্তরে মহী অঙ্গুলি - পরশে
কি লিপি লিখিছে অন্তর বিবশে ?
যন যন বহে বিষাদে নিশ্বাস,
আঁখি ছল ছল গণিছে হতাশ ;
কহ লো ভাবিনি কমল-বরনি
কোন্ পরিতাপে মুদিত-নয়নী ?
হারায়েছ বৃষ্টি অঞ্চলের ধন
পরান পুতলি—সন্তান - রতন,
তাই কি স্মরণপথে সমুদিতে
ডুবিলে পয়োধি-তরঙ্গ অতীতে,
বাড়ব অনল পশিল মনে।

অহে ধনদাস, সুধাই তোমায়
হ'ল কি বিগত বরষ-সেবায় ?
আত্মীয় স্বজন বন্ধু পরিবার
কিষ্ণা দারস্থত মায়ার সংসার,
মমতা-বিহীনে করিলে বঞ্চনা
অনাহারতৃপ্ত অর্থের সাধনা ;
ধিক নরাধম পাপি ছুরাশয়,
পাষণ - হৃদয় বাসনা - হুজয় !
কি ফল তিমির-নিহিত ধনে ?

অতুল - বিক্রম নরেন্দ্র ভূপতি
মদকল - চিত্ত নিরঙ্কুশ - গতি,
শোণিত-লোলুপ খল যুগাদন,
সমর-প্রাঙ্গণ - সাক্ষাৎ - শমন !
ইহল অতীত অশুভ বৎসর
কিন্তু রাজ্যলাভে প্রফুল্ল অন্তর,
ধিক নৃপ হেন রাক্ষস-অধিকার
হেন ভূপনাম কলঙ্ক - আধার,
বাসনার দাস নিরয়গামি !

নমঃ শুভ্রকেশ দশমি - প্রবর !
শুষ্ক আয়ুরন্ত মহ - শাখি'পর,
পতন উন্মুখ শ্মশান - ভূতলে
কুড়াইবে কাল পরমাত্মফলে ;
তাই কি জপিছ অন্তরযামী ?

মুদিত - নয়নে মলিন বসনে
পাপের জলধি দাক্ষণ মন্থনে
হলাহল পান করিয়া সংসারে
কে তুমি কাঁদিছ মনের বিকারে
অবনত শিরঃ ধরি' জটাভার
দীর্ঘ-শ্মশ্রুধর—যোগীর আকার,
কিন্তু করপদে শৃঙ্খল - বন্ধন ;
কেন এ নিগড় করিছ ধারণ—

অহো ! ছুরাচার তঙ্কর-রীতি ?

কারাগার অঙ্ক-তমস, বিজন,
অপরাধ-রাজি - কলুষ - ভবন ;
নীরস - পাদপ - তনু - অহৃদয়
নরাধম, শঠ, কুটিল - অন্তর !

মুক্তলাভ আশা তথাপি প্রবল
জ্বলিল অন্তরে নিশ্চিভ অনল,
জাগিল স্মরণে কচির কুটীর
উদিল সহসা প্রণয় - মিহির,
ফুটিল নলিনী আনন্দ-কাসারে
কাঁপিল হৃদয়-যুগল সে ভারে,
বহিল গৌরবে স্নেহের পবন
তাহে অহুকুল অতীত জীবন ;
তদা সে অপাঙ্গ ঈষৎ ক্ষুরণে
আসার-মণ্ডিত-সুধাংশু - বদনে
নিরখে তোরণ ঘুচায়ে ভীতি।

সাধের প্রতিমা বরষ নবীন !
তাজিল প্রকৃতি বসম মলিন,
নব সাজে রাজে সতী বহুধরা
ধরিয়া মস্তকে মঙ্গল পসরা
বালার্ক - সিন্ধুর মণ্ডিত তায়।

নবীন অকণ নবীন গগনে
উজলিল মহী নবীন কিরণে ;
নবীন সমীর বহে সুললিত,
নবীন পল্লব তাহে সঞ্চালিত ;
নবীন বসম নবীন ভূষণে
ঊষা রসবতী নবীন যৌবনে
নবীন কাননে কোঁতুকে ধায়।

নাচিল সে ফিঙ্গা বিটপী-শিখরে
নাচিল ময়ূর গিরির কন্দরে,
কুহু কুহু রবে পুরিয়া কানন
কলকঠ করে সুধা বরষণ,

নানা বর্ণ-ধারী বিহঙ্গের গান
নব অহুরাগে মিলায়ে' স্তন
নবীন বরষ আগম ঘোষে ।
নন্দা কাবেরী সিন্ধু গোদাবরী
সরযু জাহ্নবী কলনাদ ধরি
আনন্দ-প্রবাহে আকুল-পরাণ ;
যমুনার বারি বহিছে উজ্জান !
নীল নভস্তলে পূর্ণ শশধর
উড়ুন্দ মাঝে শোভার আকর ;
সরসী - সলিলে সরস যুগালে
হুঁলিছে কুমুদী, খেলিছে মরাণে ;
রোহিণীর সখী কাদম্বিনী ধনী
খেলিছে গগনে ল'য়ে নিশামনি ;
ধরণি - পিকন - কোমুদী - বসন
উড়ায় কোঁতুকে মলয় পবন ;
গুঞ্জরে মধুপ কুমুম কাননে
অহুরাগে ভোর প্রণয় সাধনে,
আনন্দ-সাগরে মগ্ন চরাচর
পাপিষ্ঠ মানব বিরস - অন্তর,
কিছুতেই মনঃ নাহিক তোষে ।
তবে কি মানবে বিভু দয়াময়
এতই বিরূপ এতই নিদয় ?
নিখিল সংসার আনন্দ-কানন ;
দাবানলে দহে মনুজ-জীবন ?
এ রহস্য তবে সুধাই কাহারে
তাজিব পরাণ মনের বিকারে,
দেখিব মস্তিষ্ক পুটক - ভঞ্জে
কোন্ উপাদানে সন্তোষ নিধনে ;

ভবের প্রভু করিয়া ধারণ
কিসে তবে নর অধম-জীবন ?
সুখের সহিত বাহিক দেখা ।
শান্ত হও মনঃ ত্যজ ভবমায়া
ধন মান কায়া সকলিতু ছায়া ;
প্রকৃত পদার্থ সুখ নিরমল,
চিদানন্দভোগ্য চেতনা বিমল ।
ধরিছ হৃদয়ে হুরাশার স্রোত,
কলুষ-কল্মষ - কলঙ্কিত - পোত,
কাঞ্চন বিভ্রমে রাজিক ব্যাপারী
সে হেতু অমূল্য সুখের ভিখারী,
করহ আয়ত্ন মানস দুর্বীর
ধরমে পদবী প্রয়োগ তাহার,
অনন্ত সে কাল অমূল্য রতন
যাহার পরাক্ষ-ভগ্নাংশ জীবন,
হেলায় হোর'না সে হুলভ নিধি
(যাহাতে মিলিত আপনি সে বিধি)
এ মর্ত্য জীবন বিতস্তি প্রমাণ,
কিন্তু পরমাত্মস্থিতি যুগমান ;
তবে কেন মন বিষাদে মগন
চরমে সুলভ্য সুখ - নিকেতন,
দারা স্তত ভাই বন্ধু পরিজন
সকলি সে মায়া-নটীর সৃজন ;
সুবশ সুনাম রাখ চিরদিন,
কীর্তির কুমুম কোর না মলিন ;
অথবা হিরণ্য-রেতায় হিরণ্য
দহি কিছুকাল যেমতি সুধন ;
রাখ তথা স্মৃতি-নিকষে রেখা ।

শিশু বিনয়ন ।

আমাদের গৃহের বর্তমান অবস্থা স্মরণ করিলে নিতান্তই
মনঃপীড়া জন্মে। পরিবারের অনেক ভাগই অতি দূষিত ও নিকৃষ্ট
ভাবাপন্ন হইয়া রহিয়াছে। পিতা সন্তানকে শিক্ষাদানে অপটু,
মাতা সন্তান পালনে অক্ষম, স্বামী ভার্যাকে মর্যাদা করিতে
জানেন না, ভার্যা স্বামিকে প্রীতি ও ভক্তি করিতে অনভিজ্ঞ,
সন্তান পিতামাতার প্রতি প্রকৃত শ্রদ্ধা ভক্তি প্রকাশে অসমর্থ ;
এইরূপ পরস্পর পরস্পরের প্রতি কর্তব্যপালনে অক্ষম বলিয়া
আমাদের গৃহ বিজাতীয় দুঃখ ও ক্লেশের আগার হইয়া রহিয়াছে।
আমাদিগের গৃহের সম্পূর্ণ সংস্কার আবশ্যিক। কিরূপে আমরা
বাল্যকাল হইতেই শিক্ষালাভ করতঃ বয়োবৃদ্ধি সহকারে মনুষ্যত্ব
প্রাপ্ত হইয়া আমাদের জীবন যাত্রা সুচারুরূপে নিৰ্বাহ করিতে
পারি, ইহা শিক্ষা করা আমাদের সর্বাগ্রে কর্তব্য। এক্ষণে
অধিকাংশ বালক পিতামাতার নিকট ধনোপার্জন প্ররতিই
বিশেষরূপে শিক্ষা করে, গৃহের কর্তা ও গৃহিণীগণ অনেকে
নানা প্রকার কুসংস্কার শিক্ষা দিয়া, তাহাদের কোমল চিত্তকে
সঙ্কুচিত ও জড়িত করিয়া ফেলেন, তাহারা অনেক দিকেই
সত্য এবং স্তায় ব্যবহারের শিক্ষা পায় না, স্তরাং বয়সাম্বি-
কোর সঙ্গে সঙ্গে বিশেষরূপে কুটিলতা শিক্ষা করে ও বিষম
স্বার্থপর হইয়া উঠে। কথাগণের ত কথাই নাই, অনেক পিতা-
মাতার নিকট হইতে কি নীতিশিক্ষা, কি বিদ্যাশিক্ষা, এ উভয়
হইতেই তাহাদিগকে বঞ্চিত হইতে হয়। বালক যখন বয়ঃপ্রাপ্ত
সহকারে স্বার্থপর ও ধর্মশূন্য হইয়া দাঁড়াইল, কন্যা যখন কেবল
শরীরের শোভা সম্পাদন ও স্বার্থসাধনই শিক্ষা করিল, তাহারা
পরিণয়সূত্রে বদ্ধ হইয়া পরিণামে যে নূতন পরিবারের সৃষ্টি
করিবে, সে পরিবার যে কেবল দুঃখ ও বিপদের নিলয় হইবে,
তাহাতে আর আশ্চর্য কি? অতএব শিশুকে নীতিশিক্ষা দিতে যত্ন

করা সকলেরই কর্তব্য, তাহা হইলে যে আমরা পরিবারের মূল সংস্কার করিতে পারিলাম তাহাতে আর সন্দেহ নাই ।

শিশুকে যথারূপে শিক্ষিত করিতে ইচ্ছা করিলে পিতা মাতার চরিত্র ও স্বভাব সম্পূর্ণরূপে বিশুদ্ধ হওয়া উচিত । কারণ শিশু-গণের কোমল হৃদয় কিছুমাত্র ভাল মন্দ বিবেচনা করিতে না পারিয়া যাহা দর্শন বা শ্রবণ করে, তাহাই অনুকরণ করিয়া বসে । অধিকন্তু পিতা মাতার শারীরিক অবস্থা কোন রূপে দৃশ্য হইলে সন্তান সন্ততির অমঙ্গলের আর ইয়ত্তা থাকে না । সাধু এবং অসাধু দৃষ্টান্ত প্রদর্শন দ্বারা তাহার আপনাদের পাপ ও পুণ্য উভয়ই সন্তানসন্ততি পরম্পরায় একপ্রকার অখণ্ডরূপে বিন্যস্ত করিতে পারেন । অনেকেই দেখিয়াছেন, এক এক বংশে বা জাতিতে এক প্রকার স্বভাব প্রবল থাকে, সেই স্বভাব দেখিয়াই এইরূপ সিদ্ধান্ত করা যাইতে পারে যে, অমুক অমুকবংশ বা জাতি সম্ভূত । অতএব পৃথিবীতে যত প্রকার কর্তব্য ভার আছে, তন্মধ্যে পিতামাতার কর্তব্য ভার অতি গুরুতর । তাহাদিগের হস্তে এক একটা বংশের সম্পূর্ণ উন্নতি ও অবনতি সমধিক পরিমাণে নির্ভর করিতেছে । এজন্য প্রতি পরিবারের পিতামাতাকেই আমরা প্রকৃত দেশসংস্কর্তা বলিলে অত্যাঙ্গি হয় না । সূক্ষ্মরূপে বিবেচনা করিতে গেলে দেশসংস্কার প্রথম পিতামাতা দ্বারা আরম্ভ হয়, শিক্ষকেরা তাহা বর্দ্ধিত করেন, এবং প্রতি ব্যক্তি তাহাকে পরিণত করিয়া জগতে বিস্তার করেন ।

এক্ষণে যে প্রণালীতে শিশুশিক্ষা প্রদান করিলে তাহা বিশেষ ফলোপধায়ক হইতে পারে তদ্বিষয়ে কতকগুলি সাধারণ নিয়ম নিম্নে নির্দ্ধারিত করা গেল, যথা :—

প্রথমতঃ—সংশোধন অপেক্ষা নিবারণ, এবং বলপূর্ব্বক কর্তব্য সাধন করান অপেক্ষা অসুচিত কার্যের বিষম ফল প্রদর্শন করিয়া তাহা হইতে নিবৃত্ত রাখা উত্তম কল্প । যদি সন্তানদিগকে সাহসী করিতে ইচ্ছা হয়, তাহা হইলে তাহাদিগকে কোন

না কিছু ক্ষতিগ্রস্ত হয় । এক পা চলিলে বা একটা কথা কহিলেও আমাদের শরীরের কিছু না কিছু ক্ষয় হয় । কেবল যে ইচ্ছানু-গত অঙ্গচালনা প্রভৃতি ক্রিয়া দ্বারাই আমাদের শরীর ক্ষয় হয় এমত নহে, শরীরের স্বাভাবিক কতকগুলি ক্রিয়া আছে, যথা শ্বাস, প্রশ্বাস, রক্ত-সঞ্চালন, পাকক্রিয়া ইত্যাদি, বাহার দ্বারাও শরীরের সূক্ষ্ম পদার্থ সকল ক্রমে ক্ষয় প্রাপ্ত হয় । শেষোক্ত ক্রিয়া সকল আমাদের ইচ্ছাধীন নহে এবং অজ্ঞাতভাবে সর্ব-দাই সাধন হইয়া থাকে, নিদ্রাবস্থায়ও ক্ষান্ত নহে । যত আমরা চিন্তা করি, ততই আমাদের মস্তিষ্কের ক্ষয় হয় । যতপি প্রাতঃ-কালে নিদ্রাভঙ্গের পর শয্যা ত্যাগান্তে কোন ব্যক্তিকে ওজন করা যায় এবং তৎপরে তিন চারি ঘণ্টা পরিশ্রমের পর আহারের পূর্বে সেই ব্যক্তিকে পুনর্বার ওজন করিয়া দেখিলে, উভয় গুরুত্বের অনেক বিভিন্নতা দৃষ্ট হইবে । প্রথম ওজন অপেক্ষা শেষ ওজন অনেক কম হইবে, তাহার কারণ অঙ্গচালনা, চিন্তা প্রভৃতি নানা শারীরিক ক্রিয়া দ্বারা ঐ তিন চারি ঘণ্টার মধ্যে শরীরের অনেক ক্ষয় হইয়াছে । ক্ষয়ভাগ নানা উপায়ে শরীর হইতে বহির্গত হয়, যথা, কতকগুলি ফুস্ফুস দ্বারা নিশ্বাসিত বায়ুর সহিত নির্গত হয়, কতক মুত্রাশয় দ্বারা মূত্রের সহিত এবং কতক চর্ম্মের দ্বারা ঘর্ম্মের সহিত ইত্যাদি । এইরূপে ২৪ ঘণ্টার মধ্যে একজন সবল ব্যক্তির শরীর হইতে ৩ বা ৩।০ সেরের মধ্যে ক্ষয় পদার্থ নির্গত হয় । অতএব এইরূপ সর্বদা ক্ষয় দ্বারা আমাদের শরীর নিশ্চয়ই শীঘ্র শীর্ণ হইয়া যাইত যতপি ঐ ক্ষতিপূরণের কোন উপায় নির্দ্ধিষ্ট না থাকিত । নিত্য নূতন দ্রব্য শরীর মধ্যে গ্রহণ না করিলে এই ক্ষতিপূরণের আর অত্র উপায় নাই । খাদ্য এবং পানীয় দ্রব্য সকল শরীর মধ্যে গ্রহণ করিবার কৌশল থাকাতেই, ঐ সকল দ্রব্য পাকস্থলীতে গৃহীত হইয়া, শরীরের পুষ্টি সাধন করে । বায়ুর জীবনীভাগ অল্পমান বায়ু যাহা আমরা নিশ্বাস দ্বারা শরীর মধ্যে গ্রহণ করি, তাহাও উক্ত ক্ষতিপূরণের

একটি উপায় বলিতে হইবে। যে পরিমাণে শরীর ক্ষয় হয়, সেই পরিমাণে ভিন্ন ভিন্ন নূতন আহারীয় দ্রব্য ব্যক্তি মাত্রেই শরীর মধ্যে গ্রহণ করা কর্তব্য এবং শিশুগণের শরীর নিত্য বৃদ্ধি প্রাপ্ত হয় বলিয়া তাহাদিগের ক্ষয় ভাগ অপেক্ষা অধিক পরিমাণে আহার করা কর্তব্য। এক্ষণে জিজ্ঞাস্য হইতে পারে যে, এই সকল জীবনশূন্য পদার্থ যথা, ভাত, কচী, দাল, তরকারী ফলমূল, জল ইত্যাদি যাহা আমরা আহার করি, ইহারা কিরূপে জীবন প্রাপ্ত হইয়া আমাদের শরীরের মাংস, অস্থি, কেশ, চর্ম প্রভৃতি ভিন্ন ভিন্ন অংশে পরিণত হয়। ঈশ্বরের এই আশ্চর্য্য জীবন প্রণালী আমাদের বুদ্ধির অগম্য, এবং এইরূপ কত শত আশ্চর্য্য ব্যাপার তাঁহার সৃষ্টিতে আমাদের নয়নগোচর হয়, যাহার ভাব আমরা কিছুই সংগ্রহ করিতে পারি না, কেবল আশ্চর্য্য হইয়া অবলোকন করি, এবং তাঁহার অসীম শক্তির প্রশংসা করিয়া মনের উদ্বেগ নিবারণ করি।

শারীরিক তাপ জীবন রক্ষার আর একটি অত্যাৱশ্যক অবস্থা। এবং এই তাপ শরীর মধ্যে সর্বক্ষণ বিজ্জমান রাখিবার নিমিত্ত, অগ্নির আৱশ্যক করে, এবং সর্বক্ষণ অগ্নি রাখিতে হইলেই কাঠের প্রয়োজন হয়। এই জীবনাগ্নির কাঠ আমরা খাদ্যদ্রব্য হইতে সংগ্রহ করি। ভুক্তদ্রব্যের শ্বেতসার তৈলময় ও শর্করা অংশ রাসায়নিক কার্য্য বিশেষ দ্বারা নানা অবস্থা প্রাপ্ত হইয়া দেহের উষ্ণতা রক্ষা করে। অতএব ইহাতে স্পষ্ট দেখা যাইতেছে যে, খাদ্য দ্রব্য আমাদের শারীরিক পুষ্টিতা ও জীবনরক্ষার একটি প্রধান উপায়।

খাদ্যদ্রব্য প্রধান দুই অংশে বিভক্ত করা যাইতে পারে, সজীব ও নির্জীব পদার্থ। সজীব খাদ্যদ্রব্য উদ্ভিজ্জ ও প্রাণীসমূহ হইতে সংগৃহীত হয়, যথা শস্য, ফলমূল, মাচ, মাংস ইত্যাদি এবং নির্জীব খাদ্যদ্রব্য খনিজ হইতে প্রাপ্ত হওয়া যায় এবং ইহারা প্রায় সজীব দ্রব্যের সহিত স্বতই সংযুক্ত থাকে যথা লবণ, চূণ, জল ইত্যাদি। সজীব পদার্থ দুই প্রকার (১) যবক্ষারজান-বিশিষ্ট,

সাহসিক কার্য্যে বল বা উৎসাহ দিরা নিযুক্ত করান অপেক্ষা তাহাদিগকে দুর্বলতা এবং ভীকতা হইতে এককালীন নিবৃত্ত রাখাই সমধিক কার্য্যকর।

দ্বিতীয়তঃ—উপদেশ ও শিক্ষা অপেক্ষা দৃষ্টান্ত সমধিক ফলদায়ক। স্থানীয় বায়ু যেমন আমাদের শরীরের উপর অলক্ষিতরূপে কার্য্য করে, সেইরূপ সহবাসের দোষ গুণ শিশুগণ অলক্ষিত ভাবে গ্রহণ করে।

তৃতীয়তঃ—কতকগুলি মহান্ সত্য উপদেশ দ্বারা শিক্ষা দেওয়া অপেক্ষা সামান্য ও সহজ বিষয় সকল দৃষ্টান্ত দ্বারা শিশু-হৃদয়ে মুদ্রিত করা অধিক কার্য্যকর।

শিশুগণকে কি করা কর্তব্য বলিলে হইবে না, কিরূপে করিতে হয়, দেখাইয়া দিতে হইবে, এবং সেই কার্য্য সম্পন্ন হইল কি না, তাহার প্রতি দৃষ্টি রাখিতে হইবে। নিয়ম কার্য্যে ও কার্য্য অভ্যাসে পরিণত না হইলে সে নিয়মে কোন ফল নাই। শিক্ষাকার্য্যে এইটী প্রধান, অথচ ইহাতে বত অমনোযোগ এমন আর কিছুতে দেখা যায় না। এ কার্য্য কর, এতাদৃশ আদেশ অতি সহজ, কিন্তু সেই কার্য্য আদেশাৱয়ানী করান এবং তাহা জীবনে পরিণত করা সহজ ব্যাপার নহে। বেকন কহিয়াছেন, “অভ্যাস দ্বিতীয় প্রকৃতি,” সুতরাং আমাদের সর্বদা সতর্ক থাকিতে হইবে যে এই অভ্যাস যেন প্রকৃতিকে বিকৃত করিয়া না ফেলে। প্রকৃতিকে প্রকৃতিস্থ রাখিতে শিক্ষা দেওয়াই প্রকৃত শিক্ষা। ব্যক্তি বিশেষের অভ্যাসগত সঙ্কুচিত ভাব দ্বারা কোমল হৃদয়কে তদবস্থাপন্ন করা প্রকৃত শিক্ষাদানের ফল নহে।

চতুর্থ—কেবল বর্তমান কালের উপর দৃষ্টি না রাখিয়া শিশুদিগের ভারী জীবনকে লক্ষ্য করিয়া আমাদের স্ব স্ব আচরণ বিশুদ্ধ করিতে হইবে, যেহেতু তাহাদের পরিণত বয়সে কোন দোষ না জন্মিতে পারে।

অকাল পরিণত জ্ঞান, অকাল পরিণত মানসিক তেজ, অকাল

পরিণত বোধ বা অনুভাব, এমন কি অকাল পরিণত উচিত আচরণও স্বভাবের প্রকৃত দৃঢ়তার পরিচয় দেয় না। এতাদৃশ ভাব ভাবীজীবনে যে অনুরূপ ফল উৎপাদন করিবে ইহা অতি অল্প সম্ভাবনা।

পঞ্চমতঃ—অনুদার ভাব হইতে রক্ষা করা সর্বতোভাবে কর্তব্য। কি ইংলণ্ডে কি এতদেশে শিশুগণকে বাল্যকাল হইতেই এক স্থলে স্পর্শরূপে অন্যত্র গূঢ়রূপে অনুদার ভাব শিক্ষা দেওয়া হয়। তাহারা চতুর্দিকস্থ বস্তু প্রতিবেশী এবং ঈশ্বর সকলকেই অনুদার ভাবে দর্শন করিতে শিক্ষা পায়। বাল্যকাল হইতে ঈশ্বর বিষয়ক জ্ঞান শিশুর কোমলান্তঃকরণে সতর্কতা ও বিজ্ঞতা সহকারে নিহিত করিয়া দিলে উন্নত বয়সে তাহাদের চিত্ত উদার হইবে। আমাদিগের একথা মনে করা উচিত যে একজনের অন্তঃকরণে ঈশ্বর বিষয়ক প্রকৃতভাব বহুদিনে বিশুদ্ধভাব প্রাপ্ত হয়। অতএব শিশুর অন্তঃকরণে যে ধর্মবীজ নিহিত রহিয়াছে, তাহার ক্রমোন্নতি সাধনে যথাকালে যত্ন না করিলে তাহা হইতে সতেজ ধর্মতক উদ্ভূত না হইয়া বরং সেই বীজ বিনষ্ট হইয়া যাইবে। ক্রমিক উন্নতভাব ধারণ করিলে সেই উন্নতি যেমন অপরিবর্তনীয় ও স্থায়ী হয় এমন আর কিছুতেই হয় না।

স্বাস্থ্য-রক্ষা ।

খাওয়া ।

ইহা পূর্বেই বলা হইয়াছে যে, নিশ্বাস, জলপান ও আহার এই তিনটি আমাদিগের জীবন রক্ষার নিত্য আবশ্যিক ক্রিয়া। তন্মধ্যে আহার কার্যটি খাওয়া দ্বারা সম্পন্ন হয়। শরীরের সমস্ত পদার্থ সতত ক্ষয় প্রাপ্ত হয়। অঙ্গ প্রত্যঙ্গের চালনায় এবং যন্ত্র সমূহের স্ব স্ব কার্য সাধনে, মাংস, স্নায়ু এবং অন্যান্য দৃঢ় ও জলীয় পদার্থের সততই ক্ষয় হইয়া থাকে। যে কোন সামান্য কর্ম আমরা করি, তাহাতেই আমাদিগের শরীর কিছু

উহার সর বা পনির, তৈলময় পদার্থ উহার মাখন, শর্করা উহার মিষ্ট ভাগ এবং নানাবিধ খনিজ পদার্থ যথা লবণ, জল ইত্যাদি।

প্রাপ্ত গ্রন্থের সংক্ষিপ্ত সমালোচনা ।

১। সন্তাপিনী নাটক । জনৈক ভদ্রমহিলাপ্রণীত। বাগবাজার স্মিথ এণ্ড কোং । মূল্য এক টাকা।

সুশিক্ষিত বঙ্গমহিলা কর্তৃক যত পুস্তক প্রণীত হয় ততই আমাদিগের গৌরবের বিষয়। এই নাটকখানির উৎসর্গ পত্র পাঠে আমরা জ্ঞাত হইলাম, এখানি উক্ত ভদ্রমহিলার দ্বিতীয় উত্তম। নাটকের ভাষা উত্তম বলিতে হইবে এবং স্থানে স্থানে গ্রন্থকর্ত্রীর কবিত্বশক্তিরও পরিচয় পাওয়া যায়। ইহাতে মনুষ্যচরিত্রের হুই একটা সুন্দর প্রতিকৃতি প্রদর্শিত হইয়াছে কিন্তু আমরা পুস্তকখানি নাটকোচ্চিত গুণবিশিষ্ট বলিতে পারি না। আমরা গ্রন্থকর্ত্রীকে অনুরোধ করি, তাহার বাঙ্গালা ভাষায় যেরূপ অধিকার আছে, তাহাতে তিনি যদি নাটক না লিখিয়া অগ্ন্যায় বিষয়ে লেখনী চালন করেন, তাহা হইলে তাহার গ্রন্থ সর্বত্র আদরীয় হইতে পারিবে।

২। হোমিওপেথিক সচিত্র পুস্তকাবলী। ১ম ও ২য় সংখ্যা। শ্রীবসন্তকুমার দত্ত কর্তৃক সম্পাদিত। অণুবীক্ষণ যন্ত্রে মুদ্রিত। ১ম সংখ্যা। সদৃশ ভৈষজ্যসার। এখানিতে তিনটি ঔষধের ইতিবৃত্ত, আকার, জন্মস্থান, প্রস্তুতপ্রণালী, মাত্রা, সমশ্রেণীস্থ ঔষধ, প্রতিষেধক ঔষধ, এলোপেথিক মতের ব্যবস্থা, ক্রিয়া ও আময়িক প্রয়োগ, লক্ষণ, বিশেষ লক্ষণ, সমশ্রেণীস্থ ঔষধের আপেক্ষিক গুণ বিচার এবং মৃত-দৈহিক অবস্থা বিশেষ বাহুল্যরূপে লিখিত হইয়াছে। এখানি হোমিওপেথিক চিকিৎসক এবং উক্ত চিকিৎসানুরাগী সাধারণ লোকের পক্ষে বিশেষ উপকারী হইবে সন্দেহ নাই।

২য় সংখ্যা সদৃশ চিকিৎসাসার। এখানিতে ভিন্ন প্রকার জ্বরের ইতিবৃত্ত, নিদান, রোগনির্গম, কারণ, লক্ষণ, ভাবীফল, এলো-

পেথিক মতের ব্যবস্থা, হোমিওপেথিক চিকিৎসা, মৃতদেহ পরীক্ষাদি বিশেষরূপে বর্ণিত হইয়াছে। বসন্ত বাবু যেরূপ পরিশ্রমের সহিত এই পুস্তকাবলী সম্পাদিত করিতেছেন, তাহাতে তাঁহাকে প্রশংসা না করিয়া থাকা যায় না। আমরা তাঁহাকে কেবল একটা কথা বলিব। তিনি যখন রোগের বিশেষ বিবরণ লিখিতে প্রবৃত্ত হইয়াছেন, তখন তাঁহার বর্ণনার সকল ভাগই সম্পূর্ণ হওয়া কর্তব্য। কোন বিশেষ মতের পক্ষপাতী হইয়া লিখিতে হইলে এই অসম্পূর্ণ দোষ দৃষ্ট হইবে। তাঁহার “এলো-পেথিক মতের ব্যবস্থা” বর্ণন অসম্পূর্ণ বলিয়া বোধ হয়।

সংবাদসার ।

আমাদের মান্যবর ছোট লার্ট সাহেব, কলিকাতা, ২৪ পরগণা ও হুগলীর বালিকা বিদ্যালয়ের পরিদর্শনার্থ আননীয় পাদরি কৃষ্ণমোহন বন্দ্যোপাধ্যায়ের কন্যা শ্রীমতী মনোমোহিনী ছইলারকে তত্ত্বাবধায়িকা নিযুক্ত করিয়াছেন। ইহাতে বিদ্যালয়গুলির বিশেষ উন্নতি হইবার সম্ভাবনা।

আমরা আঙ্লান্ডের সহিত প্রকাশ করিতেছি, বাঙ্গাল গবর্নমেন্ট কলিকাতা, বর্ধমান ও ঢাকা বিভাগের বালিকা বিদ্যালয়ের বালিকা-গণকে কতকগুলি বৃত্তি পুরস্কার দিবার ব্যবস্থা করিতেছেন। এই বৃত্তির নিমিত্ত নিম্ন, মধ্য ও উচ্চ এই তিন শ্রেণীর পরীক্ষা গ্রহণ করা হইবে। পরীক্ষার অন্যান্য বিষয় সকল বালকদিগের ছাত্রবৃত্তি পরীক্ষার সহিত সমান থাকিবে, কেবল গণিত ও পদার্থ বিদ্যার পরিবর্তে সূচিকার্য্য নির্দিষ্ট হইবে।

চোরবাগান বালিকা বিদ্যালয়ের অধ্যক্ষ সভা কর্তৃক প্রস্তাবিত অন্তঃপুর শ্রীশিক্ষার পরীক্ষা সম্বন্ধে যে বিজ্ঞাপন দেওয়া হইয়াছে, তাহা কার্য্যে পরিণত করিবার নিমিত্ত, আমরা মহিলাগণকে অনুরোধ করি, যে তাঁহারা স্ব স্ব নাম ও ধাম সহর উক্ত সভায় সম্পাদকের নিকট প্রেরণ করেন।

যথা, মাংস, ডিম্ব, গোম, চাল, দাল প্রভৃতি শস্যাদি এবং (২) যব-ক্ষারজান-বিহীন, যথা, বসা, তৈল, শর্করা, শ্বেতসার, গৌদ ইত্যাদি। যবক্ষুরজান-বিহীন সজীব পদার্থ আবার দুই অংশে বিভক্ত, (১) আঙ্গার ও উদজানবিশিষ্ট, যথা বসা, তৈল, মৃত ইত্যাদি এবং (২) আঙ্গার উদজান ও অল্পজান-বিশিষ্ট, যথা শ্বেতসার, গৌদ, শর্করা ইত্যাদি।

এইরূপে খাদ্য দ্রব্য প্রধান চারি অংশে বিভক্ত হইল, (১) যব-ক্ষারজানবিশিষ্ট পদার্থ, যথা মাংস, ডিম্ব, গোম, চাল, দাল প্রভৃতি শস্যাদি। (২) আঙ্গার ও উদজানবিশিষ্ট পদার্থ, যথা, বসা, তৈল, মৃত ইত্যাদি। (৩) আঙ্গার উদজান ও অল্পজানবিশিষ্ট পদার্থ, যথা শ্বেতসার, গৌদ, শর্করা ইত্যাদি। (৪) নিজীব খনিজ পদার্থ, যথা, লবণ, চূণ, জল ইত্যাদি।

এক্ষণে ইহাদের প্রত্যেকের গুণ এবং কে কি রকমে আমাদের শরীরের কার্য্য সাধন করে তাহা দেখা কর্তব্য।

(১) যবক্ষারজানবিশিষ্ট পদার্থের দ্বারা শরীরের মাংস মেদ স্নায়ু প্রভৃতি পদার্থ সকল নির্মিত হয় এবং ইহাদের ক্ষয়প্রাপ্ত অংশ সকল পূরণ হইয়া থাকে। এই খাদ্য দ্রব্যের উপযুক্ত পরিমাণের অস্পতা হইলে, শ্বাস, প্রশ্বাস, রক্তসঞ্চালন, পাক ইত্যাদি প্রধান ক্রিয়া সকল নিয়মিতরূপে সম্পাদিত না হওয়াতে শারীরিক বলের এবং মস্তিষ্কের ত্রাস হইয়া পড়ে এবং শরীর ক্রমে দুর্বল ও রোগগ্রস্ত হয়। আবার অধিক পরিমাণে এই সকল দ্রব্য আহাৰ করিয়া তাদৃশ পরিশ্রম না করিলে অতিরিক্ত পুষ্টিজনক ক্লেম ভোগ করিতে হয়।

(২) আঙ্গার ও উদজানবিশিষ্ট পদার্থ। মৃত, বসা বা চর্কি, নানাবিধ উদ্ভিজ্জ তৈল, যথা নারিকেল-তৈল, সরিসা-তৈল, ভেরাণ্ডা তৈল, ইত্যাদি, এবং প্রাণিজ তৈল যথা কডু মৎস্যের তৈল ইত্যাদি দ্রব্য সকল এই শ্রেণীভুক্ত। এই সকল পদার্থ প্রধানতঃ তাপ উদ্ভাবনে ব্যয়িত হয় এবং অবশিষ্ট অংশ, মেদ, পেশা

এবং মস্তিষ্কের তৈলময় অংশরূপে পরিণত হয় এবং কিয়দংশ স্বতন্ত্ররূপে শরীরের অভ্যন্তরে থাকিয়া যায়। এই সকল দ্রব্য শরীরের প্রয়োজনানুসারে আহার করিলে কতক অংশ শরীরের কার্যে ব্যয়িত হয় এবং অতিরিক্ত ভাগ মলের সহিত নির্গত হইয়া যায়। এই শ্রেণীর দ্রব্যের মধ্যে স্নাতক, মাখন ও সরিষার তৈল আমরা অধিক পরিমাণে ব্যবহার করিয়া থাকি। বঙ্গা আমরা ব্যবহার করি না, কিন্তু ইয়োরোপীয় এবং অন্যান্য জাতির মধ্যে উহা একটা বিশেষ আহারীয় দ্রব্য।

(৩) আঙ্গুর উদ্ভিদ ও অল্পজানবিশিষ্ট পদার্থ। নানাবিধ শ্বেতসার, শর্করা, গৌদ ইত্যাদি এই শ্রেণীভুক্ত। যদিও এই সকল দ্রব্য শরীরের নিত্য প্রয়োজনীয় নহে, কিন্তু প্রায় সকল জাতির মধ্যে ইহা বহুল পরিমাণে ব্যবহার হইয়া থাকে। দ্বিতীয় শ্রেণীস্থ পদার্থের গ্রহণ ইহারাও শরীর মধ্যে তাপ উদ্ভাবন করে। অধিক পরিমাণে ব্যবহার করিলে ইহারা বঙ্গায় পরিণত হয় এবং এই বঙ্গা অধিক পরিমাণে শরীর মধ্যে সঞ্চিত হইলে আমাদিগকে স্কুলাকার করিয়া ফেলে। শর্করা অধিক পরিমাণে আহার করিলে অল্প এবং বায়ু উৎপত্তি হইয়া পাক-কার্যের বিশেষ অনিষ্ট করে এবং নানাপ্রকার রোগ উপস্থিত হয়। সাণ্ড, আরাবুট, টাপিওকা গোল আলু, চাউল ইত্যাদি দ্রব্যে শ্বেতসার অধিক পরিমাণে আছে। এই নিমিত্ত ইহারা বহুমাত্র রোগে বিশেষ নিষিদ্ধ।

(৪) নির্জীব খনিজ পদার্থ, যথা লবণ, চূণ, জল ইত্যাদি। ইহারা ১ম ও ২য় শ্রেণীর দ্রব্যের গ্রহণ শরীরের পক্ষে নিত্য প্রয়োজনীয়। আমাদের জীবনধারণের নিমিত্ত জল একটা প্রধান পদার্থ এবং উহা অধিক পরিমাণে আমাদের সকল অঙ্গেই বিস্তারিত আছে। চূণ প্রভৃতি কঠিন খনিজ পদার্থ দ্বারা অস্থি নির্মাণ হয়। ইউরোপীয় পণ্ডিতেরা হুঙ্কে আদর্শ করিয়া খাত্তদ্রব্য এইরূপে তার অংশে বিভক্ত করিয়াছেন। হুঙ্কের উপাদান মধ্যে এই চারি প্রকার পদার্থই দৃষ্ট হয়, যথা যবক্ষারজানবিশিষ্ট পদার্থ

বঙ্গমহিলা।

মাসিক পত্রিকা ও সমালোচন।

নারী হি জননী পুংসাং নারী শ্রীরুচ্যতে বুধেঃ ।
তস্মাৎ গেহে গৃহস্থানাং নারীশিক্ষা গরীয়সী ।

বিষয়।	পৃষ্ঠা
১। বঙ্গমহিলা।	২৫
২। অশোকে রাজবালা।	৩৩
৩। আভাবিক সংস্কার।	৩৯
৪। শ্রীশিক্ষা ও ছাত্রীশিক্ষা।	৪৩
৫। বামাগণের রচনা।	৪৬
৬। প্রাপ্তবয়স্কের সংক্ষিপ্ত সমালোচনা।	৪৮

চোরবাগান-বালিকা-বিদ্যালয়ের অধ্যক্ষসভা হইতে
প্রকাশিত।

কলিকাতা।

শ্রীধরচন্দ্র বসু কোম্পানির বহুবাঙ্গারস্থ ২৪৯ সংখ্যক ভবনে
ষ্ট্যান্‌হোপ যন্ত্রে মুদ্রিত।

১২৮৩।

বঙ্গমহিলার নিয়ম ।

অগ্রিম বাৎসরিক মূল্য ১১০ টাকা মাত্র ।

মফস্বলে ডাক মাসুল ১০ আনা ।

প্রতি সংখ্যার মূল্য ১০ আনা ।

ষাণ্মাসিক বা ত্রৈমাসিক হারে মূল্য গৃহীত হইবে না ।

পত্রিকা প্রাপ্তির সময় হইতে ৪ মাসের মধ্যে অগ্রিম মূল্য না দিলে বঙ্গমহিলা আর পাঠান যাইবে না ।

সচরাচর অগ্রিম মূল্য না পাঠাইলে অপরিচিত নূতন গ্রাহকের নিকট 'বঙ্গমহিলা' পাঠান হইবে না ।

মণি অর্ডার বা ডাক টিকিট, যাহার যাহাতে সুবিধা হয়, তাহাতেই মূল্য প্রেরণ করিতে পারিবেন, কিন্তু ডাকের টিকিটে, টাকায় এক আনার হিসাবে বাটা দিতে হইবে ।

মূল্য প্রাপ্তি স্বীকার বঙ্গমহিলার শেষ পৃষ্ঠার করা হইবে ।

কলিকাতা ও তন্নিকটবর্তী গ্রাহকগণ সম্পাদকের স্বাক্ষরিত ছাপা বিল ভিন্ন বঙ্গমহিলার মূল্য প্রদান করিবেন না ।

বিজ্ঞাপনের নিয়ম প্রতি পংক্তি ... ১০ আনা ।

গ্রাহকগণ অগ্রিম মূল্য সত্বর প্রেরণ করিয়া বাধিত করিবেন ।

বামাগণের গদ্য বা পদ্য রচনাবলী অতি সাদরে বঙ্গমহিলায় বিন্যস্ত হইয়া থাকে। অতএব সকলে প্রেরণ করিয়া বাধিত করিবেন ।

কলিকাতা, চোরবাগান, } শ্রীভুবনমোহন সরকার,
মুক্তারাম বাবুর স্ট্রীট, ৭৭ নং । } সম্পাদক ।

বিজ্ঞাপন ।

১২৮২ সালের বঙ্গমহিলা একত্র বাধান প্রস্তুত আছে। মূল্য ডাকমাসুল সমেত দুই ২ টাকা ।

১২৮২ সালের বঙ্গমহিলা ১ম, ২য় ও ৩য় সংখ্যা ব্যতীত যাহার যে কোন সংখ্যা প্রয়োজন হইবে, প্রতি সংখ্যার মূল্য ডাকমাসুল সমেত ১০ দুই আনা প্রেরণ করিলে প্রাপ্ত হইবেন ।

বঙ্গমহিলা ।

প্রকাশিতের পর ।

আমরা বঙ্গমহিলার অনেকস্থলেই মনুসংহিতার উল্লেখ করিয়াছি। আমাদের বোধ হইতেছে যে, বঙ্গমহিলাসম্বন্ধে মনুসংহিতার যাহা কিছু প্রয়োগ হইতে পারে, তাহার নিঃশেষে বিবরণ করা উচিত হইতেছে। নতুবা আমাদের প্রস্তাব অসম্পূর্ণ হইবে। আমরা এই নিমিত্ত সমগ্র মনুসংহিতা অনুসন্ধান করিয়া এ বিষয়ে যাহা কিছু দেখিয়াছি অল্প ধারাক্রমে তাহাই উদ্ধার করিলাম।

মনু স্ত্রীলোকের বিষয়ে সাধারণতঃ নানাস্থানে নানাপ্রকার কহিয়াছেন, আমরা সে সকল পরিণামে উদ্ধার করিব। তাহার পঞ্চম পরিচ্ছেদ স্ত্রীদিগের বিষয়ে বিশেষ করিয়া লিখিত হইয়াছে, আমরা প্রথমতঃ তাহাই উদ্ধার করিতেছি।—পাঠক মনুসংহিতার পঞ্চম পরিচ্ছেদের ১৪৬ কবিতা হইতে আমাদের অনুসরণ করুন, দেখিতে পাইবেন, আমাদের পূর্বপুরুষেরা কিরূপ রীতির অনুসারে স্ত্রীপালন করিতেন।—মহাত্মা মনু ১৪৬ কবিতায় মুনিগণকে সম্বোধন করিয়া এইরূপে আরম্ভ করিয়াছেন, যথা—

“মানুষকে পবিত্রভাবে কালযাপন করিতে হইলে যে সকল নিয়ম আবশ্যক হয় তাহার সমগ্র বর্ণনা করা হইল, এক্ষণে স্ত্রীলোকের বিষয়ে কিরূপ নিয়ম আবশ্যক তাহা শ্রবণ কর।”

১৪৭। বালিকাই হউক, তরুণীই হউক আর বৃদ্ধাই হউক স্ত্রীরা যেন স্তত্রভাবে কোন কর্মই না করে। বাহিরের কথা দূরে থাকুক, স্বগৃহেও যাহা করিবে যেন তাহাতে স্বেচ্ছাচার প্রদর্শন না করে।

১৪৮। বাল্যকালে পিতা, যৌবনে ভর্তা এবং ভর্তার মরণে পুত্রগণ স্ত্রীদিগের অবৈক্ষণ করিবে। পুত্রবিরহে স্বামীর বান্ধবগণ, তদ্বিরহে পিতার বান্ধবগণ এবং তদ্বিরহে রাজা স্ত্রীদিগের শরণস্থল হইবে। অর্থাৎ স্ত্রীরা পর্যায়ক্রমে ইহাদের শরণাগত হইবে।

১৪৯। স্ত্রী যেন পিতা, ভর্তা বা পুত্রগণ হইতে পৃথক্ হইয়া বাস না করে, কারণ ওরূপ করিলে সে উভয় কুলকেই নিন্দাতাজন করিবে ।

১৫০। স্ত্রীলোকের স্বভাব সদা প্রসন্ন হইবে। সে গৃহকর্ম পটুতা সহকারে নিরীহ করিতে পারিবে। গৃহের দ্রব্যসামগ্রী সাবধানতা সহকারে অরক্ষণ করিবে। এবং ব্যয়স্থলে মিতাচারী হইবে।

১৫১। পিতা বা পিতার অনুমতি লইয়া ভ্রাতা, তাহাকে যাহার করে সমর্পণ করিয়াছে, সে তাহাকে জীবিতকালে দ্বিধা রহিত হইয়া পূজা করিবে। এবং মরণেও বিস্মৃত হইবে না।

১৫২ ও ১৫৩ কবিতার মর্মার্থ। স্বামী স্ত্রীর সম্পূর্ণ অধিকারী। স্বামী রীতিমত মন্ত্র উচ্চারণ করিয়া স্ত্রীকে বিবাহ করিলে সে তাহার ইহকাল ও পরকালের গতি হইয়া থাকে।

১৫৪। স্বামী ভ্রষ্টাচার পরস্রীরত ও গুণহীন হইলেও ধার্মিক স্ত্রী তাহাকে দেবতার ন্যায় পূজা করিবে।

১৫৫। যজ্ঞই বল আর ধর্মকর্মই বল স্বামীকে ছাড়িয়া স্ত্রী কিছুই করিতে পারিবে না। স্ত্রী স্বামীর যেরূপ পূজা করিবে, পরিণামে তাহার সেই পরিমাণেই সদ্গতি হইবে।

১৫৬। পতিপরায়ণ স্ত্রী যদি স্বর্গে স্বামিসহবাস বাসনা করে, তবে সে যেন স্বামীর জীবনে বা মরণে তাহার অনভীষ্ট না করে।

১৫৭। বরং বিশুদ্ধ ফলপুষ্পমুলাহার করিয়া জীর্ণ শীর্ণ হইবে, তথাপি স্বামী মরিলে সে পরপুরুষের নামও উচ্চারণ করিবে না।

১৫৮। ক্ষান্তি, কষ্টকারিতা, জিতেন্দ্রিয়তা এবং ধর্মব্রত পতি-পরায়ণ স্ত্রীদিগের আমরণ একমাত্র কর্তব্য।

১৫৯। আজন্ম জিতেন্দ্রিয়তা অভ্যাস করিলে মানুষ পুত্র না থাকিলেও স্বর্গারোহণ করিবে।

১৬০। এইরূপ যে স্ত্রী স্বামী মরিলে পর কঠোর ব্রহ্মচর্যা অভ্যাস করে সেই ধার্মিক পুত্রবতী না হইলেও স্বর্গারোহণ করিবে।

১৬১। বিধবা পুত্রার্থে যতপতির অবমাননা করিয়া পুনর্বার বিবাহ করিলে ইহলোকে তাহার কলঙ্ক এবং পরলোকে সে স্বামি-সঙ্গ-বিবর্জিত হইবে।

১৬২। পুত্র পতির ঔরসজাতভিন্ন হইলে সে পুত্রে স্ত্রীর অধিকার নাই। ধর্মরতা নারীর পক্ষে এই সংহিতার কোন স্থানে পতান্তর গ্রহণ করিবার ব্যবস্থা নাই।

১৬৩। পূর্বস্বামী নীচবংশের হইলেও তাহাকে বিস্মৃত হইয়া স্ত্রী যদি কুলীন পতি গ্রহণ করে, তথাপি সে ইহলোক ও পরলোকে নিন্দনীয় হইবে।

১৬৪। উচ্চ স্ত্রী পতির প্রতি কর্তব্যচরণ না করিলে জীবনে কলঙ্কিনী এবং মরণে গাধাগর্ভে প্রবেশ করিবে বা তাহার কুষ্ঠাদি মহারোগ হইবে।

১৬৫। যে স্ত্রী কায়মনোবাক্যে স্বামিশুক্রমা করে নিশ্চয়ই সে পরলোকে স্বামিসহবাস প্রাপ্ত হইবে। সাধুরা এইরূপ স্ত্রীদিগকেই সাধী কহিয়া থাকে।

১৬৬। আমি নিশ্চয় কহিতেছি যে, স্ত্রীলোকের কায় মন ও বাক্য এইরূপ সংযত হইলে নিশ্চয়ই সে পরলোকে স্বামিসহবাসের অধিকারী হইবে।

১৬৭। বেদপারগ ব্রাহ্মণ এইরূপ সতী স্ত্রীকে মরণের পর অবশ্য অবশ্য পবিত্র ছতালন ও উপকরণ সহকারে সৎকার করিবে।

১৬৮। সতী স্ত্রীর এইরূপ সৎকার করিয়া সে পুনর্বার বিবাহ করিতে পারে।

পতিসেবা বিষয়ে স্ত্রীদিগের এইরূপ কর্তব্য মহুসংহিতার পঞ্চম পরিচ্ছেদে দৃষ্ট হইয়া থাকে। ভারতমহিলারা এইরূপ শাসনেই চিরকাল চলিয়া আসিতেছেন। স্ত্রীলোককে যতপ্রকার মহুপদেশ প্রদান করিতে হয়, মহাত্মা মহু তাহা সকলই করিয়াছেন। বোধ হয় উল্লিখিত কবিতা সকলে বাহা কিছু লিখিত

হইয়াছে ইংরাজীসভ্যতাসমাকীর্ণ নব্য সম্প্রদায় তাহার প্রতিবাদ করিতে সাহস করিবেন না।

অনন্তর আমরা মনুসংহিতার অন্তর্গত দণ্ডনীতি হইতে স্ত্রী-সম্বন্ধি শাসনসকল উদ্ধার করিতেছি;—

৮ পরিচ্ছেদ, ৬৮। স্ত্রীলোকের সাক্ষ্যস্থলে স্ত্রীলোককেই গ্রহণ করিতে হইবে।

৭০। অশ্লীল সমুচিত সাক্ষ্য না পাইলে স্ত্রীলোকের সাক্ষ্য গৃহীত হইতে পারিবে।

২০৫। কন্যার অমুক অমুক দোষ আছে, অর্থাৎ কন্যা উন্মাদ-গ্রস্ত বা কুষ্ঠগ্রস্ত বা পরপুরুষসংসর্গকলুষিত হইয়াছে, যদি কন্যার আত্মীরেরা কন্যার দোষ এইরূপ স্পষ্টাক্ষরে প্রকাশ করিলেও কোন ব্যক্তি তাহাকে বিবাহ করে, তবে আত্মীরেরা দণ্ডনীয় হইবে না।

২২৪। পুরস্কারলোভে কন্যার আত্মীরেরা কন্যার দোষ ও দুশ্চরিত প্রকাশ না করিয়া তাহার বিবাহ দিলে দণ্ডনীয় হইবে। রাজা তাহার ৯৬ পণ জরিমাণা করিবেন।

২২৫। কিন্তু যদি কোন ব্যক্তি কেবল ঈর্ষাবশে এইরূপ কহে যে, “যাহাকে বিবাহ করিতেছ সে কন্যা কুমারী নহে,” তাহা হইলে তাহার ১০০ পণ জরিমাণা হইবে।

২২৬। পবিত্র বিবাহমন্ত্র অসম্বুদ্ধ কুমারীদিগের বিবাহেই উচ্চারিত হইবে। যাহারা ওরূপ কুমারী নহে, তাহাদের বিবাহে কোনপ্রকার শাপ্তীয় অনুষ্ঠান সমাচরিত হইবে না।

আমরা জানিতাম স্ত্রীলোককে প্রহার করিবার ব্যবস্থা নাই, কিন্তু সংহিতার ২৯৯ কবিতায় তাহার উল্লেখ দেখিয়া আমরা সঙ্কচিত হইলাম। সংহিতার অশ্লীল স্থলে বোধ হয় ইহার বিরোধ দৃষ্ট হইতে পারে। ফলতঃ স্ত্রীকে প্রহার করা যে আর্ষ্যদের মধ্যেও চলিত, আমরা তাহা জানিতাম না। যথা:—

২৯৯। পত্নী, পুত্র, দাস, ছাত্র এবং কনিষ্ঠভ্রাতা দোষ করিলে

রজ্জু বা সামান্য বেত্রাঘাত দ্বারা তাহার সংশোধন করিবে। অনন্তর আবার লিখিয়াছেন।

৩০০। কিন্তু কেবল পৃষ্ঠে আঘাত করিতে হইবে, অশ্লীল স্থানে আঘাত করিলে তাহার দোষ বা জরিমাণা চোরের দোষ বা জরিমাণার সীমান হইবে!!!

ইহাতে বোধ হইতেছে যে, অতি সাবধানে প্রহার করিতে হইবে।—অর্থাৎ প্রহার না করাই প্রশস্ত হইবে। অনন্তর কবিতায় পুনর্বার স্ত্রীলোকের এইরূপ উল্লেখ আছে।

৩২৩। স্ত্রীলোককে কেহ চুরি করিলে তাহার প্রাণদণ্ড হইবে।

অবশ্য রাক্ষসবিবাহ চুরির মধ্যে গণ্য হইত না। ইংরাজী আইনে পিতামাতা স্ত্রী প্রভৃতির আনাগোনা কর্তব্য সমাধান না করিলে তাহাদের প্রতি দণ্ডের ব্যবস্থা নাই। কিন্তু মনুতে তাহাও আছে, যথা:—

৩৩৫। পিতা বা শিক্ষক বা বন্ধু বা মাতা বা স্ত্রী বা পুত্র বা পুরোহিত আনাগোনা কর্তব্য দৃঢ়রূপে সমাধান করিবে। না করিলে, রাজা তাহার দণ্ডদান করিবেন।

মনু ব্যভিচার বিষয়ে বিশেষ দৃষ্টি করিয়াছেন। আমরা পশ্চা-ল্লিখিত কবিতাসকল ক্রমান্বয়ে প্রদর্শন করিতেছি।

৩৫২। যদি দেখা যায় যে, অমুক ব্যক্তি প্রকাশ্যরূপে পরদার-সক্তি প্রদর্শন করিতেছে, তবে তাহাকে রাজ্য হইতে বহিষ্কৃত করিতে হইবে। কেবল বহিষ্কৃত নহে, শরীরের প্রকাশস্থলে এরূপ দাগ দিতে হইবে, যাহাতে তাহার প্রতি লোকের ষ্ণণোদ্বেগ হয়।

৩৫৩। ব্যভিচারে সর্বনাশ হয়, ইহাতে শঙ্করজাতির উৎপত্তি হয়। এইরূপ উৎপত্তি হইলে কর্তব্যহানি হইয়া থাকে এবং কর্তব্যহানি স্বর্গলাভের অন্তরায় হয়।

৩৫৪। যদি কোন ব্যক্তি কোন স্ত্রীর সহিত ব্যভিচার করে বলিয়া একবার ধরা গিয়া থাকে, তবে সে যদি গোপনে আবার কাহার স্ত্রীর সহিত কথা কহিতেছে এরূপ দেখা যায়, তাহা হইলে তাহার জরিমাণার সীমা থাকিবে না।

৩৫৫। কিন্তু যদি এমন হয় যে, পূর্বে ব্যভিচার করিয়াছে বলিয়া জানা নাই, এরূপ একজন পুরুষ কোন কারণবশতঃ কাহারও স্ত্রীর সহিত কথা কহিতেছে, তাহা হইলে তাহার দণ্ড হইবে না।

৩৫৬। তীর্থস্থানে, অরণ্যে, কুঞ্জে বা নদীসঙ্গমে কোন ব্যক্তি কাহারও স্ত্রীর সহিত কথা কহিলে সে ব্যভিচারদোষে দোষী বলিয়া গণ্য হয়।

৩৫৭। পরদারের সহিত পরিহাস বা আমোদ প্রমোদ করিলে, বা পরদারকে পুষ্পোপহার প্রেরণ করিলে বা পরদারের বসন ভূষণ স্পর্শ করিলে, বা পরদারের সহিত এক শব্যার আসীন হইলে, তাহাকেও ব্যভিচারী বলা যায়।

৩৫৮। পরিণীতা স্ত্রীর বক্ষঃস্থল বা অন্ত কোন অস্পৃশ্য স্থান স্পর্শ করিলে বা পরিণীতা স্ত্রী পুরুষের এরূপ স্পর্শ করিলে এবং এরূপ স্পর্শের পর তাহা সহ করিলে ব্যভিচারকে পরম্পরের সম্মতি-জ্ঞান বলিয়া মনে করা যায়।

এই সকল দেখিয়া বোধ হয় যে, পরস্ত্রীর সহিত কথোপকথনাদি গহুর সময় হইতেই ভারতবর্ষে নিরাকৃত হয়, উহা কখনই আধুনিক নহে।

৩৫৯। ব্রাহ্মণী হরণ করিলে শূদ্রের প্রাণদণ্ড হইবে। সকল বর্ণের স্ত্রীদিগকেই বিশেষ করিয়া রক্ষা করা উচিত।

৩৬০। সন্ন্যাসী, স্ত্রাবক, পুরোহিত, পাবক ও তদ্রূপ অত্যাচারী পরিণীতা স্ত্রীর সহিত কথা কহিতে পারিবে।

৩৬১। এ সকল নিয়ম নৃত্যকর বা গীতকর পত্নীদের প্রতি খাটিবে না। যাহারা স্ত্রীদিগের উপায়ে জীবিকা নির্বাহ করে তাহাদের প্রতিও খাটিবে না। যাহারা স্ত্রীদিগকে বহন করে তাহাদের প্রতিও খাটিবে না। যাহারা অন্তঃপুর লুকাইয়া থাকে তাহাদের প্রতিও খাটিবে না। স্ত্রী স্বামির অনুমতি লইয়া ব্যভিচার করিলেও তাহার প্রতি এ নিয়ম খাটিবে না।

৩৬২। উক্তবিধ স্ত্রীদিগের সহিত গোপনে ব্যবহার করিলে পরের দাসীর সহিত ব্যভিচার করিলে, বা ধর্মভ্রষ্ট যোগিনীর সহিত ব্যভিচার করিলে কেবল সামান্য জরিমাণা হইবে।

৩৬৩। সম্মতি বিনা স্ত্রীলোককে কলুষিত করিলে শারীরিক দণ্ড হইবে। সম্মতি লইয়া সর্বগার সহিত ব্যবহার করিলে শারীরিক দণ্ড হইবে না।

৩৬৪। বালাগণ কুলীন পুরুষকে অহুরাগ প্রকাশ করিলে তাহার কিছুই জরিমাণা হইবে না। কিন্তু নীচ পুরুষকে এরূপ করিলে তাহাকে গৃহ মধ্যে বদ্ধ করিয়া রাখিতে হইবে।

৩৬৫। নীচ পুরুষ উচ্চ বর্ণার অভিলাষ করিলে তাহার শারীরিক দণ্ড হইবে। কিন্তু সর্বগার অভিলাষী হইলে তাহার পিতাকে উপহার দিয়া পিতার সম্মতি লইয়া বিবাহ করিতে পারিবে।

৩৬৬। স্ত্রীলোককে বলাৎকার করিলে রাজা তৎক্ষণাৎ দোষীর অঙ্গুলিহরণ কাটিয়া দিবেন এবং ছয় শত পণ জরিমাণা করিবেন।

৩৬৮। স্বামির অনভিমতে বা অজ্ঞাতে সর্বগা স্ত্রীর অনুমতি লইয়া ব্যবহার করিলে দোষীর দুই শত পণ জরিমাণা হইবে। কারণ এরূপ জরিমাণা না করিলে সে ভবিষ্যতে আবার অপরাধ করিবে।

৩৬৯। কোন স্ত্রীলোক অন্য স্ত্রীলোককে অসতী করিলে তাহার দশ বেত হইবে, এবং দূষিতা স্ত্রীর বিবাহসময়ে তাহাকে স্বামী ও পিতা যাহা দান করিয়াছিল পূর্বোক্ত স্ত্রীকে তাহার দুই গুণ ও অতিরিক্ত দুই শত পণ জরিমাণা দিতে হইবে।

৩৭০। তাহার মস্তক মুণ্ডন করিয়া তাহার দুই অঙ্গুল কাটিয়া দিতে হইবে এবং তাহাকে গাধায় চড়াইয়া সদর রাস্তায় ভ্রমণ করাইতে হইবে।

৩৭১। যে স্ত্রী পিতৃকুলের ঐশ্বর্য্যগৌরবে অহঙ্কৃত হইয়া স্বামির প্রতি তাম্বিল্য প্রকাশ করিবে তাহাকে সর্বসমক্ষে কুকুর দিয়া খাওয়াইতে হইবে।

৩৭২। ব্যভিচারীকে উত্তপ্ত লৌহশয্যায় শয়ন করাইয়া তাহার তলায় অনবরত অগ্নি দান করিতে হইবে। পাতকী যতক্ষণ না মরিবে ততক্ষণ এইরূপ করিতে হইবে।

৩৭৩। বিজাতীয় নারী বা চণ্ডালী সেবন করিলে, দুই গুণ (?) জরিমানা হইবে।

৩৭৪। শূদ্র বা তদ্রূপ নীচ জাতীয় লোক ব্রাহ্মণী হরণ করিলে তাহার দণ্ড হইবে। সে যদি কোন অরক্ষিতা ব্রাহ্মণীকে সেবন করে তবে তাহার দূষিত অঙ্গ ছেদন ও পুরুষত্ব নষ্ট করিতে হইবে। সুরক্ষিত ব্রাহ্মণীর পরিসেবন করিলে জীবনপর্যন্ত বিনাশ করা যাইবে।

৩৭৫। বৈশ্য সুরক্ষিতা ব্রাহ্মণী হরণ করিলে প্রথমতঃ তাহার এক বৎসর কারাবাস ও তৎপরে সমুদয় ধনসম্পত্তি বাজেয়াপ্ত হইবে। ক্ষত্রিয় গুরুপ করিলে তাহার হাজার পণ জরিমানা হইবে এবং গর্দভমূত্রে তাহার মস্তক মুগুন করিতে হইবে।

৩৭৬। বৈশ্য বা ক্ষত্রিয় অরক্ষিতা ব্রাহ্মণী হরণ করিলে বৈশ্যের পাঁচ শত এবং ক্ষত্রিয়ের হাজার পণ জরিমানা হইবে।

৩৭৭। কিন্তু বৈশ্যই হউক আর ক্ষত্রিয়ই হউক, গুণবতী অথচ অভিভাবকসংরক্ষিতা ব্রাহ্মণী অপহরণ করিলে তাহার তুষানল হইবে।

৩৭৮। ব্রাহ্মণ কোন কুলস্ত্রীর অনভিষতে তাহার পরিসেবন করিলে সহস্র পণ অর্থদণ্ড হইবে। সম্মতি লইয়া করিলে ৫০০ পণ।

৩৭৯। ব্রাহ্মণ পরদার হরণ করিলে তাহার মস্তকমুগুন হইবে অথচ কোন দণ্ড হইবে না।

ক্রমশঃ

অশোকে রাজবালা।

নিবিড় তমসাবৃত শীতল রজনী,
তিমির বসন ল'য়ে ক্রমে আগুসরি
অবনী হইতে যবে যায় সুরদনী,
তখন কুটীরে সীতা উঠেন শিহরি ॥

“কেন রে ও কালনিদ্রা ভ্রান্তিল আবার,
কেন রে এ কাল নিশি পুনঃ পোহাইল,
কোথা সে রাঘব-ইন্দ্র—বল্লভ আমার,
বুঝিছ ভুঞ্জিতে দুঃখ জীবন রহিল।

“হায় নাথ! কতদিনে দিবে দরশন,
অনুপম তম শ্রাম জুড়াবে নয়ন।
অধরে মধুর হাসি, হায়, কবে পরকাশি,
দাসীর এ চিরজ্বালা করিবে মোচন,
জ্বালিয়ে আশার দীপ তুমি হে কখন?”

“মধুর বচন কবে শুনিব রে হায়,
পুতধারা - নীরময়ী - সুরধুমী - প্রায়,
কাঞ্চন - তপন - ভ্রাতি বিমল সলিল কাঁতি,
বিবিধ কুমুম মালা বিরাজিত কায়,
“সুধাবে কি 'প্রিয়ে' বলে আবার আমায়?”

বিয়েগবিধুরাবালা—কুশাঙ্গী কাতর,
তরুহীন লতা সম ধূলায় ধূসর ॥
কাঁদিছে কুটীরে বসি, রাহুর গরাসে শশী
নাহি সে উজ্জ্বল ভ্রাতি মুনি-মনোহর;
ভেবে ভেবে হীনপ্রভা ক্ষীণ কলেবর।

৬

কাঁদিলে যে মুক্তকণ্ঠে হেন শক্তি নাই,
চারিদিকে চেড়ীগণ রয়েছে ঘেরিয়া,
প্রহারিবে এই ভয় কেবল সদাই,
মনেতে জাগিছে হুঃখ মরমে পশিয়া ।

৭

অসিতা শর্করী দেবী হেরি গতপ্রায়,
বন্দিবারে বৈদেহীরে সরমা সুন্দরী,
বিয়োগ-বিধুরা-বালা কাঁদেন যথায়,
সভয়ে চলিল তথা গৃহ পরিহারি ।

৮

আলু খালু কেশপাশ, হ'য়ে সাত্তিলাব,
ক্রত পদে ধায় তথা নিশান্তে সুন্দরী
যদ্যপি না পূরে আশা পোহালে শর্করী ।
উঠিলে হুরন্ত চেড়ি ঘেরিবে সীতারে
না পাব দেখিতে আর রাঘব-রামারে ।

৯

উতরিয়া ধনী, তবে অশোক কাননে,
পত্রের কুটীর দ্বারে দেখে নিরখিয়া,
কনক ব্রততী এক বিটপি - বিহনে,
অচেতনে ধরাতলে রয়েছে পড়িয়া ।

১০

'মা' 'মা' রবে বার বার সরমা সুন্দরী
ডাকেন সীতারে আহা অনুন্নয় করি ।
অচেতনে রাজবালা ভূতলে লুটায়,
নিরখি সে দীন তনু সুকোমল হায়,
দর দর ছনরনে অশ্রু অবিবল,
ভাসাইল সরমার চাক উরহল ।

১১

“নির্মম বিধাতা তোর একি অবিচার,
কমলা-জনক-বালা অতি সুকুমার ।
পারে কি সহিতে বালা, এ কঠোর জ্বালা,
একেত তরুণ এবে তাহাতে অবলা ।

১২

“কি বলি দিতেছ জ্বালা দেখ না নরনে,
নাথের বিহনে এর কত হুঃখ মনে ।
পতিধ্যান, পতিজ্ঞান পতিপরায়ণা,
পতি বিনা সদা কাঁদে সীতা স্থলোচনা ।

১৩

“প্রফুল্ল কমল সম সুন্দর আনন,
আ মরি সুন্দর কিবা আয়ত লোচন ।
যুগল - নিন্দিত দেখ বাহু সুললিত,
নাথের বিহনে আহা ভূতলে লুণ্ঠিত ।

১৪

“দেখিতে আইনু ফিরে হীনপ্রাণা সীতা,
ধিকরে কঠোর তুই নির্মম বিধাতা ।
জীবন - সর্বস্ব যার রাম প্রাণধন,
যার জন্ম পয়োনিধি হইল বঙ্গন ।

১৫

“যার জন্ম সিনুতীরে বাঁধেন কুটীর
যার জন্ম সহে জ্বালা শ্রীরাম সুধীর
যার জন্ম সৈন্যচর হইল সঞ্চয়
যার জন্ম ঘোরতর সদা রণ হয় ।

১৬

“যার জন্ম দিবা নিশি মরিছে রাক্ষস
যাকে উদ্ধারিতে রাম চঞ্চল-মানস ।
তার কিরে এই দশা এ ঘোর বিপিনে?
শোকানলে দগ্ন করে, সাত্তনা-বিহিনে?”

১৭

শুনিয়ে বিধাতা বুঝি বামা - তিরস্কার
জাগালে কোমল প্রাণী সীতার আবার,
কতক্ষণে সীতা সতী মেলিল নয়ন
ভ্রাতিল প্রভায় আহা অশোক কানন ।

১৮

ভাবিয়া ছরন্ত চেড়ি সরমা সতীরে,
'হা নাথ' 'হা নাথ' বলি ডাকেন অধীরে,
বুঝিয়া সরমা তবে সে ভাব সতীরে
“শুন কথা, নহি চেড়ি, অভাগা দাসীর।”

১৯

শুনিয়ে সরমা-বাণী বিস্মিত অন্তরে,
“সরমা, এস, মা,” বলি ডাকেন সতীরে ।
বর্ষাগমে শুষ্ক নদী যেমন প্রবল,
কহেন বিষাদে সীতা আঁখি ছল ছল ।

২০

উখলিল শোক - সিন্ধু সরমা নিরখি
কাদেন কাতরে বামা মনোহুঃখে হুঃখী ।
“নবীন নীরদ সম, সেইরূপ অল্পম
হেরিয়া আনন্দ মম হবে কি আবার,
হার সেই হারা নিধি, আবার দিবেন বিধি,
যার জন্ত নিরবধি ষাতনা অপার ।

২১

“আশার প্রদীপ কবে, আবার প্রদীপ্ত হবে
ভাসিবে হৃদয় কবে আনন্দে অপার,
কাল নিশি পোহাইবে, সুখ-ভানু সমুদিকে
উজ্জ্বল হইবে কবে জগৎ আবার ।
সুধার সু-ধারা নিন্দি কবে সে বচন,
‘প্রিয়ে’ ‘প্রিয়ে’ রবে মোর তুষিবে প্রবণ ।

২২

“তোজিয়া বসন ভূষা রঞ্জিত সুন্দর,
তোজিয়া রাজার ভোগ মন প্রীতিকর ।
তোজিয়া কাম্যক বন আইলু কাননে,
তোজিয়া সুখের আশা বুখা ভাবি মনে ।

২৩

“তোজিয়া অষোধ্যাপুরী স্বর্গপুর প্রায়
আইলু নাথের সহ সুখের আশায় ।
কাননে ভাবিলু স্বর্গ আইলাম বনে
দেখিব সতত মম নাথেরে নয়নে,
তিলেক বিচ্ছেদ মম বর্ষযুগ জ্ঞান,
অদর্শনে রাঘবের বাহিরায় প্রাণ ।

২৪

“মধুবনে ছিলু যবে মনের হরষে,
ভুঞ্জিতাম কত সুখ রজনীর শেষে ।
শত শত পাখী করি মধুর ঝঙ্কার,
আনন্দে ঢালিত কাণে সুধার সু-ধার ।

২৫

“কোকিল ভাঙ্গিত ঘুম মধুর কুজনে,
বিতরিঙ সুখ-বাস যুহু সমীরণে ।
আনন্দে নাথের সহ ভ্রমিতাম বনে
বনবাস স্বর্গবাস ভেবেছিহু মনে ।

২৬

“মধুর নিকুঞ্জে আসি হরিণ-দম্পতী,
নাচিত কতই রঙ্গে হরষিত-মতি ।
মেলিয়া সোণার পাখা ময়ূর ময়ূরী,
নাচিত কুটীরদ্বারে, আহা মরি মরি ।

“নাথ— ২৭

প্রভাতে তোমার সহ কুমুম কাননে,
ভ্রমিতাম কত রঙ্গে হরষিত মনে।
পড়িত কুমুম - রেণু আমার গায়েতে,
'বনদেবি' বলি দেব আমার ডাকিতে।

“সখি— ২৮

হায় সে সুখের দিন আর কবে হবে,
সুদিন কুমুম মম কবে রে ফুটিবে।
কবে রে রাঘব - সূর্য্য প্রথর আমার,
বিনাশিয়া হুঃখতম উদিবে আবার!

“সখি— ২৯

ওই দেখ সুখতারা উদিত গগনে,
সুখতারা সুখহারা হইল কেমনে।
কেন কেন কিসে বল অন্তর আমার,
নেহারি সুখের তারা কাঁদে অনিবার।

৩০

“তরল বারিদজাল বেরিল তারারে,
নিবাইল আঁহা সখি কিবা মনোহর,
যেমন আশার জাল মানস মাঝারে।
প্রথমে উদিয়া শেষে হয় রে অন্তর।

৩১

“ওই দেখ প্রিয়সখি জ্বলিল আবার,
ঝিক্‌মিক্‌ ঝিক্‌মিক্‌ করে অনিবার।
ওরূপে কবে রে সখি আমার কপাল,
বিনাশিবে মম এই বিপদ বিশাল।

৩২

“হায় কবে আঁখি তারা হরষে মানসে,
কাটিয়া বারিদজাল আবার উদিবে?
কবে রে হেরিব নিধি মনের হরষে
কবে রে মনের তমঃ মম গত হবে?

৩৩

“কেও যেন স্বজনি লো বিহরি অশ্বরে
করিছে মধুর রব মধুর ঝঙ্কারে,
অহে চারু পক্ষিবর! শুন মম কথা ধর,
সত্বর গমনে তুমি যাও সিদ্ধু - তীরে,
জানাও নরেন্দ্রে, আমি ভাসি হুঃখনীরে।

৩৪

“কাঁদ কি হে পিকবর আমার হুখেতে,
ভাল জানি ভাল বাস মনের সহিতে,
প্রণয়ীর এই ধারা, পর হুখে সুখ-হারা
পারে না সখীর হুঃখ কখন দেখিতে,
প্রণয়ীর উপকার করে বিধি মতে।

৩৫

“এলে কি মলয়ামিল করিতে প্রচার
'দিনেশ' আইল বলি জগৎ-মাঝার
হুঃখিনীর কুটীরেতে কেন আগমন?
বাঞ্ছ কি বিবাদরাশি করিতে বহন?

৩৬

“যাও হে পবনবর, যথা সেই নরবর
আকুল - হৃদয় নাথ বিপদ - ভঞ্জন,
কও হে হুঃখের ভাব তাঁহার সদন।
অবশ্য মমতা হবে আমার উপর,
অধিনীর মনঃ - জ্বালা হইবে অন্তর।”

শ্রীমতী শ—দেবী
সাং নৈহাটী।

স্বাভাবিক সংস্কার ।

নিকৃষ্ট প্রাণিবর্গের সহজ জ্ঞানকে সংস্কার কহে। এই সংস্কা-
রের প্রভাবে, কেহ শিখাইয়া না দিলেও কীট পতঙ্গাদি বাসস্থান

নির্মাণ করিয়া স্ত্রী শাবকগণকে প্রতিপালন করিতে সক্ষম হয় এবং পক্ষীগণ নানাপ্রকার কুলায় নির্মাণ করিয়া আশ্চর্য্য শিষ্প-নৈপুণ্য প্রকাশ করে ; ফলতঃ মনুষ্য যে সকল কার্য্য বহুদর্শন ও বুদ্ধিচালনা ভিন্ন করিতে পারে না, তাহা এই সংস্কারবলে নিকৃষ্ট প্রাণীসমূহ অবলীলাক্রমে করিতে পারে। কিন্তু নিকৃষ্ট জীবসমূহ সকলকার্য্য যে কেবল সংস্কারবশতঃই করিয়া থাকে, ভবিষ্যতে কি হইবে তাহা ভাবিয়া কার্য্য করিতে অক্ষম, এরূপ বিশ্বাস ভ্রান্তিমূলক বলিয়া বোধ হয়। অত্যাধিক করিলে ইহাদের কার্য্য-প্রণালী বিষয়ে বিলক্ষণ বুদ্ধির পরিচয় পাওয়া গিয়া থাকে।

অনেক প্রকার কীট শরীররক্ষার্থ নানাবিধ উপায় অবলম্বন করে। কোন কোন কীট স্পর্শ করিবামাত্র মৃতের স্থায় আকার ধারণ করে; কাহার বা গাত্র হইতে এরূপ হুর্গন্ধময় পদার্থ নিঃসৃত হয় যে, কীটাহারী জীব উহার গন্ধ সহ করিতে না পারিয়া উহাকে ত্যাগ করে। এক প্রকার কীট আছে, যাহারা তাড়িত হইলে উদর হইতে একপ্রকার ধূম ত্যাগ করিয়া আততায়ীকে ভয় দেখায় এবং উহা নির্গত হইবার সময় বন্ধকের স্থায় শব্দ হয়। মধুমক্ষিকারা আত্মরক্ষা করিতে বিলক্ষণ পটু। যদি কোন শত্রু মধুক্রমের মধ্যে প্রবেশ করে, তাহা হইলে উহার গাত্রে ছল ফুটাইয়া উহাকে বধ করে, এবং উহা ক্ষুদ্র জীব হইলে তাহাকে মধুক্রম হইতে ফেলিয়া দেয়; কিন্তু আততায়ী নিতান্ত বৃহৎ হইলে, উহাকে তাহার চেলিয়া ফেলিতে সক্ষম হয় না। পাছে উহা পচিয়া হুর্গন্ধ বহির্গত হয় ও মধুক্রমকে বিবাক্ত করিয়া ফেলে, এই নিমিত্ত তাহার একটা অদ্ভুত উপায় অবলম্বন করে। বোধ হয়, অনেকে শ্রুত আছেন যে, পূর্বকালে মিসরদেশীয় লোকেরা মৃতদেহ অবিকৃতাবস্থায় রাখিবার নিমিত্ত উহার উদর মোম ও নানাপ্রকার সুগন্ধ দ্রব্য দ্বারা পূর্ণ করিয়া মাটির মধ্যে পুতিয়া রাখিত। সেইরূপ করাতে মৃতদেহ সহজ বৎসরেও বিকৃত হইত না; এমন কি এখন পর্য্যন্ত ঐ মৃতদেহ অবিকৃতাবস্থায়

প্রাপ্ত হওয়া যায়। মধুমক্ষিকারাও সেইরূপ উপায় অবলম্বন করে। উহার নানাবিধ পুষ্প হইতে এক প্রকার সার্জেরসিক (সার্জেরস অর্থাৎ ধূনা সম্বন্ধীয়) পদার্থ আহরণ করিয়া মৃতজীবের গাত্রে প্রলেপ দিতে থাকে; এরূপ করাতে তাহা হইতে কোন প্রকার হুর্গন্ধ নির্গত হয় না। শম্মুকাদি মধুক্রম আক্রমণ করিলে, উহাদিগকে মারিবার নিমিত্ত আর এক উপায় অবলম্বন করিয়া থাকে। শম্মুকের গাত্র কঠিন আচ্ছাদনে আচ্ছাদিত থাকতে ছলের দ্বারা আঘাত করিতে পারে না। এই নিমিত্ত পুষ্প হইতে আটায়ুক্ত পদার্থ আহরণ করিয়া শম্মুকের চতুঃপার্শ্বে লাগাইয়া দেয়; তাহা হইলে শম্মুক কঠিন আবরণ হইতে শরীর বহির্গত করিতে না পারিয়া অল্পকাল মধ্যে প্রাণত্যাগ করে।

সকলেই বোধ হয় জ্ঞাত আছেন যে, মধুমক্ষিকা দুই প্রকার; পুংজাতি ও স্ত্রীজাতি। পুংমক্ষিকারা নিতান্ত অলস, তাহার কোন কার্য্যই করে না। স্ত্রীজাতিরাই চক্রের সকল কার্য্য সম্পাদন করে। আহার সামগ্রী আহরণ, গৃহনির্মাণ, শিশুপালন, বিপক্ষ-দমনাদি নানাপ্রকার কার্য্যে তাহার সতত নিযুক্ত থাকে। প্রতি চক্রে সকল মধুমক্ষিকা অপেক্ষা বৃহৎকায় একটা স্ত্রী-মক্ষিকা থাকে, তাহাকে ঐ চক্রের রাজ্ঞী কহে। ঐ চক্র মধ্যে তাহার সম্পূর্ণ প্রভুতা থাকে। রাজ্ঞী-মক্ষিকা যে সকল ভিষ প্রসব করে, তাহা হইতে অল্প রাজ্ঞী-মক্ষিকা এবং পুংজাতীয় ও স্ত্রীজাতীয় মক্ষিকাসকল জন্ম গ্রহণ করিয়া থাকে। অপর স্ত্রীজাতিমক্ষিকা ভিষ প্রসব করিতে পারে না। আশ্চর্য্যের বিষয় এই যে, যে সকল অণু হইতে রাজ্ঞী-মক্ষিকা জন্মগ্রহণ করে, সেই প্রকার অণু হইতে, লালনপালনের তারতম্য হেতু জননশক্তিহীন—স্ত্রীমধুমক্ষিকা জন্মিয়া থাকে। রাজ্ঞী অণু প্রসব করিলে উহা হইতে স্ত্রীমক্ষিকা প্রস্তুত করিতে হইলে শ্রামিক মধুমক্ষিকারা ঐ ভিষ ক্ষুদ্র ক্ষুদ্র প্রকোষ্ঠে স্থাপন করে এবং ইহাদিগকে অল্প পরিমাণে খাদ্য প্রদান করে; শাবক যতই কেন আহারের জন্ম লালায়িত

ইউক না, শ্রামিক মধুমক্ষিকারা কিছুই প্রদান করে না এবং প্রচুর খাত্তবিহনে শাবকগণ জননশক্তিহীন হইয়া থাকে। কিন্তু রাজী-মক্ষিকা প্রস্তুত করিতে হইলে, ঐ অণুকে বহু প্রকোষ্ঠে স্থাপন করে এবং প্রচুর পরিমাণে সুখাত্ত প্রদান করে; এইরূপ করিলে ঐ শাবক ক্রমে ক্রমে রাজী-মক্ষিকা হইয়া উঠে ও অন্যান্য মধুমক্ষিকারা উহাকে গ্রহণ করিয়া রাজী-পদে বরণ করে।

কীট ও পতঙ্গাদির বিষয় পর্যালোচনা করিলে একেবারে বিমোহিত হইতে হয়। জাতিভেদ, ব্যবসায়ভেদ, ক্ষীণ প্রাণীদিগকে দাস করা, পরস্পরের প্রতি অনুরাগ ইত্যাদি যে, কেবল মনুষ্য-জ্ঞানের ফল এমত নহে, ইহা অনেক কীট পতঙ্গেও দৃষ্ট হইয়া থাকে। পিপীলিকা অতি ক্ষুদ্র প্রাণী বটে কিন্তু তাহাদিগের কার্যদক্ষতা, আচার, ব্যবহার প্রভৃতি অবলোকন করিলে কাহার না প্রতীর্ণমান হইবে যে, ঐ সমুদয় তাহাদিগের সুমহৎ জ্ঞান-বিকাশি শৃঙ্খলার ফল। পিপীলিকা নানাজাতীয়। এক জাতীয় পিপীলিকা আছে, তাহারা অতিশয় শ্রমকাতর। তাহাদিগকে নবাব-পিপীলিকা বলা যাইতে পারে। ভূত্বের সাহায্য বিনা তাহারা কোন কার্য করিতে পারে না; এমন কি আহাৰ পর্যন্ত গ্রহণে অক্ষম। যুদ্ধ করিয়া অশ্রুজাতীয় পিপীলিকাকে দাস করাই তাহাদের জীবনের একমাত্র কার্য। তাহাদের যুদ্ধযাত্রা ও যুদ্ধপ্রণালী দেখিতে বিশেষ আমোদ পাওয়া যায়। তাহারা প্রায় রাত্রিকালে শ্রেণীবদ্ধ হইয়া শত্রুর দুর্গ আক্রমণ করে এবং তাহাদিগকে পরাভব করিয়া বলপূর্বক তাহাদের অক্ষুট অণুগুলি মুখে করিয়া আপনাদের দুর্গ মধ্যে আনয়ন করে। তথায় যে সকল দাস থাকে, তাহারা শত্রুপক্ষের অণুগুলি যথাস্থানে সন্নিবেশ করিয়া অতি যত্নের সহিত প্রক্ষুটিত করে, ও প্রক্ষুটিত হইলে উহাদিগকে দাসত্ব পদে বরণ করে। নবাব-পিপীলিকাগণ যুদ্ধের পর নিতান্ত অলসভাবে কালযাপন করে। দাসদিগের উপর সমস্ত সংসারের ভার নির্ভর করে; এবং বাসস্থান পরিবর্তনকালে

উহাদিগকে মুখে করিয়া অশ্রুত লইয়া যায়। শিউবার নামক একজন সাহেব কতকগুলি নবাব-পিপীলিকাকে তাহাদের শাবক ও প্রচুর খাত্তের সহিত একটা কাচপাত্রে আবদ্ধ করেন। তাহারা এরূপ শ্রমবিমুখ যে, শাবকদিগকে যত্ন পূর্বক লালনপালন করা দূরে থাকুক, আপনাদিগের আহাৰ মুখে তুলিয়া খাইতে না পারিয়া, অল্প দিনের মধ্যে অনাহারে যতপ্রায় হইয়া গেল। এই দেখিয়া সেই সাহেব একটা দাস-পিপীলিকা সেই পাত্র মধ্যে ছাড়িয়া দিলেন। সে যতপ্রায় নবাবদিগকে আহাৰ প্রদান করিয়া সজীব করিল ও শাবকদিগকে যত্নের সহিত পালন করিতে লাগিল। বলিতে কি, সেই একটা মাত্র দাস-পিপীলিকা সে যাত্রা নবাবদিগের জীবন রক্ষা করিল।

পিপীলিকারা আবার গোসেবা করিয়া থাকে। 'এফাইডিস' নামক উকনের ন্যায় এক প্রকার কীট তাহাদের গোস্বরূপ। উহাদের পশ্চাদ্দেশে নলের ছায় হুইটী অঙ্গ আছে, তাহা দোহন করিলে এক প্রকার রস নির্গত হয়। ঐ রস পিপীলিকাগণ অতি আশ্রয়ের সহিত পান করিয়া থাকে। এই নিমিত্ত কখন কখন তাহারা ঐ সকল কীটদিগকে গৃহে লইয়া গরুর ন্যায় বদ্ধ করিয়া রাখে ও তাহাদের আহাৰের নিমিত্ত পত্রাদি দান করে। আশ্চর্যের বিষয় এই যে, পূর্বোক্ত কীটগণ পিপীলিকা ভিন্ন আর কাহাকেও হুন্ধ দান করে না। পিপীলিকারা যেরূপে শুণু দ্বারা হুন্ধদোহন করে, প্রসিদ্ধ পণ্ডিত ডাক্তার সাহেব সেইরূপ করিতে চেষ্টা করেন, কিন্তু কিছুতেই কৃতকার্য হইতে পারেন নাই!

স্ত্রীশিক্ষা ও ছাত্রীবৃত্তি ।

বঙ্গদেশে স্ত্রীশিক্ষার উন্নতি অল্পই হইতেছে। আমরা শিক্ষা-সম্বন্ধীয় গবর্ণমেণ্টের কার্যবিবরণ পাঠে অবগত হইলাম, এফগে প্রায় চারি শত (তন্মধ্যে তিন শত গবর্ণমেণ্ট সাহায্যকৃত) বালিকা-

বিদ্যালয় আছে, তাহাতে সর্বশুদ্ধ প্রায় নয় সহস্র বালিকা শিক্ষালাভ করিতেছে। পূর্বে বৎসর প্রায় তিন শত বালিকা-বিদ্যালয় ছিল, তাহাতে প্রায় আট হাজার বালিকা পাঠ করিত। ১৮৭৫ সালে স্ত্রীশিক্ষার নিমিত্ত ১৮২,২৯৫ টাকা ব্যয় হয়, তন্মধ্যে গবর্ণমেন্ট ৮৭, ৯৭২ টাকা সাহায্য করেন। ছয় কোটি লোকের মধ্যে নয় সহস্র বালিকামাত্রের শিক্ষালাভ করা, আর সমুদ্রে পাদ্য অর্ঘ্য ছই সমান। ইহা অবশ্যই স্বীকার করিতে হইবে যে, অস্বদেশীয় লোকের মধ্যে বিদ্যাভ্যাসে বর্তমান অসুরাগ অনেকাংশ গবর্ণমেন্টের অগ্রহ ও যত্নসম্মত। গবর্ণমেন্ট কর্তৃক বালকদিগের উত্তরোত্তর পরীক্ষা করিবার এবং পারিতোষিক ও ছাত্রবৃত্তি প্রদানের ব্যবস্থা থাকাতে তাহাদিগের শিক্ষানৈপুণ্য বিলক্ষণ প্রকাশ পাইতেছে। কিন্তু স্ত্রীশিক্ষার প্রতি গবর্ণমেন্টের তাদৃশ মনোযোগ না থাকাতে স্ত্রীশিক্ষার বিশেষ উন্নতি হয় নাই। যাহা হউক সম্প্রতি স্ত্রীশিক্ষা বিষয়ে গবর্ণমেন্টের শূভদৃষ্টি হইয়াছে দেখিয়া আমরা যার পর নাই আশ্লাদিত হইয়াছি। বালকদিগের স্থায় বালিকাগণের পরীক্ষা গ্রহণ এবং তাহাদিগকে উপযুক্ত পারিতোষিক ও ছাত্রবৃত্তি প্রদান করিয়া স্ত্রীশিক্ষার উন্নতিসাধন ও উৎসাহবর্দ্ধন করিতে গবর্ণমেন্ট কৃত-সংকল্প হইয়াছেন।

বালকদিগের নিমিত্ত যেরূপ নিম্নশ্রেণী, মধ্যশ্রেণী ও উচ্চশ্রেণীর তিন প্রকার পরীক্ষা ও বৃত্তির নিয়ম আছে, বালিকাদিগের পরীক্ষা ও বৃত্তিতেও সেইরূপ তিনটি বিভাগ থাকিবে প্রস্তাব হইয়াছে। পরীক্ষার অগ্রাণ্ড বিষয়সকল বালকদিগের সহিত সমান থাকিবে, কেবল বালকদিগের জন্ম উচ্চ গণিত ও বিজ্ঞান স্থানে বালিকাদিগের সূচিকার্য্য পরীক্ষা হইবে। কিন্তু ইহার নিমিত্ত গবর্ণমেন্ট স্বতন্ত্র সাহায্য দান না করিয়া ছাত্রবৃত্তির হিসাবে যে টাকা প্রতি বৎসর ব্যয়িত হয়, তাহার অনধিক চতুর্থাংশ ছাত্রীদিগের জন্ম ব্যয় করিবেন স্থির করিয়াছেন। প্রেসিডেন্সী, ঢাকা ও বর্দ্ধমান এই তিন বিভাগে স্ত্রীশিক্ষার অপেক্ষাকৃত অধিক উন্নতি হইতেছে বলিয়া ছাত্রবৃত্তির ব্যবস্থা আপাততঃ এই তিন ভাগে করা হইয়াছে। এবং এরূপ উন্নতি অত্র স্থানে দৃষ্ট হইলে, এই ব্যবস্থা সে সকল স্থানেও করা হইবে। কিন্তু অর্থাভাবে আপাততঃ এ প্রণালী কলিকাতায় প্রচলিত হইতেছে না।

গবর্ণমেন্টের প্রস্তাবিত ছাত্রবৃত্তি দ্বারা যে স্ত্রীশিক্ষার বিশেষ উন্নতি হইবে তাহাতে অণুমাত্র সন্দেহ নাই; কিন্তু গবর্ণমেন্টের অর্থক্লেশ্তাহেতু আপাততঃ আশাশূন্য ফল লাভের প্রত্যাশা করা যায় না। বালকদিগের শিক্ষার নিমিত্ত যেরূপ উত্তম ব্যবস্থা আছে, তাহাতে বালিকারা তাহাদের সহিত কখনই প্রতিযোগিতায় সমর্থ হইবে না। এবং কাজে কাজেই বালকদিগের ভুক্তাবশিষ্ট অণুমাত্রই প্রসাদ বালিকাদের ভাগ্যে পড়িবে। এই জন্ম গবর্ণমেন্টের বালিকাদিগের জন্ম বৃত্তির স্বতন্ত্র ব্যবস্থা সর্বতোভাবে কর্তব্য।

বালিকাদিগের জন্ম ছাত্রবৃত্তি ব্যবস্থা করিলে যে তাহাদের বিদ্যাভ্যাসে অধিক প্রবৃত্তি জন্মিবে তাহাতে কিছুমাত্র সন্দেহ নাই। কিন্তু বালকগণ যেমন ছাত্রবৃত্তি লইয়া উচ্চতর বিদ্যালয়ে পাঠ করিতে পারে, বালিকারা সেরূপ পারে না, যেহেতু বাল্যবিবাহ-নিবন্ধন অণুকাল মধ্যে বিদ্যালয় পরিত্যাগ করিয়া তাহাদিগকে, অন্তঃপুর-নিবন্ধা হইতে হয়। ভবিষ্যতে বিদ্যালয়শিক্ষার বয়স স্কুলন করা বৃত্তিদানের একটি উদ্দেশ্য বলিয়া বোধ হয়। যখন ছাত্রবৃত্তি দান করিয়া সে উদ্দেশ্য সফল হইতেছে না, তখন কি করা কর্তব্য? গত চৈত্রমাসের বঙ্গমহিলায় অন্তঃপুর-স্ত্রীশিক্ষার পরীক্ষাসম্বন্ধে আমরা যে প্রস্তাব করিয়াছি, তাহার অগ্রকরণে গবর্ণমেন্ট যদি সেইরূপ অন্তঃপুর-স্ত্রীশিক্ষার পরীক্ষা করেন এবং উপযুক্ত পারিতোষিক দিয়া মহিলাগণের উৎসাহ বর্দ্ধন করেন, তাহা হইলে স্ত্রীশিক্ষার বিশেষ উন্নতি হইতে পারে।

এস্থলে আর একটি কথা বলা উচিত। ইহা বলা বাহুল্য যে, অনেক ভদ্রলোক গবর্ণমেন্ট সম্বন্ধীয় বিদ্যালয়ে বালিকা পাঠাইতে অনিচ্ছুক। তাহারা যে বিবাহিত কন্যা বা ভগিনীকে প্রকাশ্য স্থানে পরীক্ষা দিতে পাঠাইবেন, তাহা কখনই আশা করা যাইতে পারে না। তবে যদি প্রতিপল্লীর কোন ভদ্রব্যক্তির বাটীতে ঐ ব্যক্তির পরিচিত কতকগুলি পরিবারের বিবাহিতা রমণী নির্দিষ্ট সময়ে একত্রিত হন ও একটি সুশিক্ষিতা শিক্ষয়িত্রী সেই স্থানে উহাদিগকে প্রত্যহ তিন চারি ঘণ্টা যথানিয়মে শিক্ষা দেন এবং অন্তঃপুরে শিক্ষয়িত্রীর সম্মুখে লিখিত প্রশ্নের দ্বারা পরীক্ষা গ্রহণ করা হয়, তাহা হইলে উহাদিগকে সেস্থলে পাঠাইতে বোধ হয় সকলেই সম্মত হইতে পারেন। এরূপ করিলে, ছাত্রবৃত্তিদানের সফলতা হইবে ও স্ত্রীলোকদিগের প্রকৃত উন্নতি সাধন হইবে।

আমরা যে প্রস্তাব করিলাম, সেই অনুসারে যদি প্রতিপল্লীতে ও প্রতিগ্রামে স্ত্রীবিজ্ঞানস্বাপিত হস্ত এবং গবর্ণমেন্ট সাহায্য ও রুতি দানদ্বারা তাহাদিগকে উৎসাহ প্রদান করেন, তাহা হইলে যে অনতিবিলম্বেই স্ত্রীশিক্ষার সুফল ফলিবে তাহাতে সন্দেহ নাই।

বামাগণের রচনা ।

পূর্ণশশী ।

জাহ্নবী - হৃদয়ে যবে
কেলি করে যুহু রবে,
থেকে থেকে কেঁপে উঠি তরঙ্গ নিচয় ।
হেন কালে ছাদে বসি,
হেরিলাম পূর্ণশশী,
উঠিয়াছে নভো মাঝে—পীযুষ - আলয় ।

আমে পাশে তারাগুলি,
যেন রে কুমুদ তুলি,
সাজায়েছে চাঁদে বিধি মনের মতন ;
নীলাকাশে পূর্ণশশী,
যেন রে অঙ্গুর বসি,
ঢাকিয়াছে নীলাঘরে শরীর আপন ।

অথবা সুবীল জলে,—
যেখানে জমর দলে,
ঘুরে ঘুরে খেলা করে মধুপান - আশে ;
বসি সেথা (বোধ হেন)
অশ্বিনীকুমার যেন,
আপন রূপের গর্কে আপনিই হাসে ।

নিয়ম দিয়া ছুছ স্বরে,
জাহ্নবী হৃদয়োপরে,
সারি সারি তরী চারি দিকে চলি যায় ;
সেই জলে শশিকর
(নয়নের তৃপ্তিকর,)
পড়িয়া উজলে দিক রজত বিভায় ।

হৃদয় আনন্দ ভরে,
চাহিলাম নভোপরে,
• হেরিবারে পূর্ণশশী নয়ন - রঞ্জন ;
কিন্তু হায় মেঘরাশি
কোথা হতে দ্রুত আসি,
হরিল কৌমুদী ঢাকি চাঁদের বদন ।
কলিকাতা • স্রীমতী—দেবী ।

আমি ভাল বাসি না ?

কি শুনালে প্রিয়তম ?—আমি ভাল বাসি না—
শত বজ্র এক কালে
পড়িত যদি হে ভাল,
তাহা হ'লে এ হৃদয় কাতর তো হ'ত না,
কেন হে বলিলে তবে আমি ভাল বাসি না ?

এই দেখ দর দরে
জাঁখি ধারা সদা ঝরে
তথাপি নিঠুর তুমি রহিয়াছ গুমরে
নাহি কি দয়ার লেশ তোমার হে অন্তরে ?

ফাটিছে হৃদয় নাথ কেন কথা কহ না,
যারে মন ভালবাসে
তাহার সামান্য ভাষে

হৃদয় কেমন করে তাও কি হে জান না ?
কি বলিলে প্রিয়তম আমি ভাল বাসি না ?
যে সংসারে বাস করি
সকলে আমার অরি

তুমি সুধু অভাগীর হৃদয়ের বাসনা—
কি বলিলে প্রিয়তম আমি ভাল বাসি না ?

শাশুড়ী বিমাতা তব বাঘিনী সমান হে
অগুণ্ণ কষ্ট দেন
তাহাতে আমার প্রাণ

কাতর ত এইরূপ কভু নাথ হয় না—
কি বলিলে প্রাণনাথ আমি ভাল বাসি না ?

তব মৌন বিষ শর
করে প্রাণ জর জর
কিরূপে অবলা তাহে থাকিবে হে বাঁচিয়া ।
তাই বলি কৃপা করি কহ কথা তুষিয়া ।

শ্রীমতী সুর-সোহাগিনী দেবী ।

প্রাপ্ত গ্রন্থের সংক্ষিপ্ত সমালোচনা ।

১। পরীও স্বর্গ । সূচাক্ষয়ত্রে মুদ্রিত । মূল্য ১০ আনা মাত্র ।
এই ক্ষুদ্র কাব্যখানি কবির মুর প্রণীত লালাকৃষ্ণ নামক প্রসিদ্ধ
ইংরাজি কাব্য হইতে অনুবাদিত । ইংরাজি পদ্যের এরূপ সুন্দর
পদ্যানুবাদ আমরা অস্পষ্ট দেখিয়াছি । অবিকল অনুবাদ করিয়াও
ভাষা কিরূপ প্রাঞ্জল ও সুখপ্রাণ্য করা যায়, তাহা গ্রন্থকার এই
কাব্যে স্পষ্ট রূপে দেখাইয়াছেন ।

২। ব্রটস ও এটনির বক্তৃতা । ভাওয়াল-রাজ-হুহিতা শ্রীমতী
কৃপাময়ী দেবীর সাহায্যে শ্রীহরিদাস গঙ্গোপাধ্যায় কর্তৃক
প্রকাশিত ।

এখানিও ইংরাজী কাব্যের অনুবাদ । ষাঁহার এ রূপ সরল
ও ওজোগুণ বিশিষ্ট কবিতা লিখিতে সক্ষম, তাঁহার ইংরাজি
পুস্তক হইতে যে কেন অনুবাদ করেন তাহা আমরা বুঝিতে পারি
না । কাব্যখানিতে কবির যতই কেন গুণপনা থাকুক না, তথাপি
কবিতিলক সেক্সপীরার “জুলিয়াস সিজার” নামক নাটকে
এটনির বক্তৃতার সহিত তুলনাই হয় না । কবি যদি উহার
ছায়া মাত্র লইয়া স্বীয় কল্পনা-প্রদর্শিত পথে বিচরণ করিতেন,
তাহা হইলে নিশ্চয়ই তাঁহার গ্রন্থ অধিকতর আদরণীয় হইতে
পারিত ।

৩। গৃহ-চিকিৎসা । বাবু বসন্তকুমার দত্ত প্রণীত । ইহার
সপ্তম সংখ্যা প্রকাশিত হইয়াছে । প্রতি সংখ্যার মূল্য দুই আনা
মাত্র । ইহাতে সাধারণ রোগ, ওলাউচা, স্ত্রীচিকিৎসা ইত্যাদি
প্রস্তাবগুলি বিশেষরূপে বর্ণিত হইয়াছে । ইহার ভাষা এরূপ সরল
যে স্ত্রীলোকেরাও পাঠ করিয়া অনায়াসে বুঝিতে পারেন ।

বঙ্গমহিলা ।

মাসিক পত্রিকা ও সমালোচনা ।

নারী হি জননী পুংসাং নারী শ্রীকৃত্যতে বুধৈঃ ।
তস্মাৎ গেহে গৃহস্থানাং নারীশিক্ষা গরীয়সী ।

বিষয় ।	পৃষ্ঠা
১। বঙ্গমহিলা ।	৪৯
২। কামিনী-কুল ।	৫৬
৩। অসভ্যজাতির বিবাহ প্রথা ।	৫৮
৪। স্বাস্থ্যরক্ষা ।	৬১
৫। বামাগণের রচনা ।	৬৫
৬। প্রাপ্তগ্রন্থের সংক্ষিপ্ত সমালোচনা ।	৭১

চৌরবাগান-বালিকা-বিদ্যালয়ের অধ্যক্ষমতাই হইতে
প্রকাশিত ।

কলিকাতা ।

শ্রীঈশ্বরচন্দ্র বসু কোম্পানির বহুবাজারস্থ ২৪৯ সংখ্যক ভবনে
ষ্ট্যান্‌হোপ যন্ত্রে মুদ্রিত ।

বঙ্গমহিলার নিয়ম ।

অগ্রিম বাৎসরিক মূল্য ১১০ টাকা মাত্র ।

মফস্বলে ডাক মাসুল ১০ আনা ।

প্রতি সংখ্যার মূল্য ১০ আনা ।

বাণ্যাসিক বা ত্রৈমাসিক হারে মূল্য গৃহীত হইবে না ।

পত্রিকা প্রাপ্তির সময় হইতে ৪ মাসের মধ্যে অগ্রিম মূল্য না দিলে বঙ্গমহিলা আর পাঠান হইবে না ।

সচরাচর অগ্রিম মূল্য না পাঠাইলে অপরিচিত নূতন গ্রাহকের নিকট 'বঙ্গমহিলা' পাঠান হইবে না ।

মনি অর্ডার বা ডাক টিকিট, বাহার বাহারে সুবিধা হয়, তাহাতেই মূল্য প্রেরণ করিতে পারিবেন, কিন্তু ডাকের টিকিটে, টাকায় এক আনার হিসাবে বাটা দিতে হইবে ।

মূল্য প্রাপ্তি স্বীকার বঙ্গমহিলার শেষ পৃষ্ঠায় করা হইবে ।

কলিকাতা ও তন্নিকটবর্তী গ্রাহকগণ সম্পাদকের স্বাক্ষরিত ছাপা বিল ভিন্ন বঙ্গমহিলার মূল্য প্রদান করিবেন না ।

বিজ্ঞাপনের নিয়ম প্রতি পংক্তি ১০ আনা ।

গ্রাহকগণ অগ্রিম মূল্য সত্ত্বর প্রেরণ করিয়া বাধিত করিবেন ।

বাংমাগণের গদ্য বা পদ্য রচনাবলী অতি সাদরে বঙ্গমহিলায় বিন্যস্ত হইয়া থাকে। অতএব সকলে প্রেরণ করিয়া বাধিত করিবেন ।

কলিকাতা, চোরবাগান, } শ্রীভুবনমোহন সরকার,
মুক্তারাম বাবুর ষ্ট্রীট, ৭৭ নং । } সম্পাদক ।

বিজ্ঞাপন ।

১২৮২ সালের বঙ্গমহিলা একত্র বাধান প্রস্তুত আছে।
মূল্য ডাকমাসুল সমেত দুই ২ টাকা ।

১২৮২ সালের বঙ্গমহিলা ১ম, ২য় ও ৩য় সংখ্যা ব্যতীত বাহার যে কোন সংখ্যা প্রয়োজন হইবে, প্রতি সংখ্যার মূল্য ডাকমাসুল সমেত ১০ দুই আনা প্রেরণ করিলে প্রাপ্ত হইবেম ।

বঙ্গমহিলা ।

প্রকাশিতের পর ।

কিজন্ত এ প্রস্তাবে মনুসংহিতার উল্লেখ করা হইয়াছে, আমরা তাহা পাঠকদিগকে ইতিপূর্বেই কহিয়াছি। বাহাদের সংস্কার আছে যে, প্রাচীন ইতিহাস সংগ্রহ করিলে প্রাচীনদিগকে উপহাসাম্পাদ করা হয়, আমরা তাহাদের অনুসারী নহি। আমরা পুনর্বার কহিতেছি যে, বঙ্গমহিলার ইতিহাস সম্পূর্ণ করিবার নিমিত্ত আমাদের প্রস্তাবে মনুসংহিতার উল্লেখ করা হইতেছে। আমরা সময়ক্রমে নারদ প্রভৃতি ঋষিদিগের মতামতও উল্লেখ করিব। এক্ষণে আমরা প্রস্তুত বিষয়ে অবতরণ করিলাম।—

৩৮৩। ব্রাহ্মণ ক্ষত্রিয় বা বৈশ্য-বধুর প্রতি ব্যভিচার করিলে তাহার সহস্র পণ জরিমাণা হইবে। ক্ষত্রিয় বা বৈশ্য শূদ্রাণীর প্রতি ঐরূপ করিলেও সহস্র পণ জরিমাণা হইবে।

৩৮৪। বৈশ্য ক্ষত্রিয়ার প্রতি ব্যভিচার করিলে তাহার ৫০০ পণ এবং ক্ষত্রিয় বৈশ্যার প্রতি ঐরূপ করিলে তাহার ৫০০ পণ জরিমাণা ও মুদ্রদারা তাহার মস্তক মুণ্ডন করিতে হইবে।

৩৮৫। অরক্ষিতা ক্ষত্রিয়া বৈশ্যা বা শূদ্রানী অপহরণ করিলে ব্রাহ্মণের এক শত পণ জরিমাণা হইবে। অপকৃষ্ট শঙ্করজাতীয়া অপহরণ করিলে সহস্র পণ জরিমাণা হইবে।

৩৮৬। যে রাজ্যে ব্যভিচার নাই সে রাজ্যের রাজা মরণে ইন্দ্রপুর লাভ করিবে।

৩৮৭। মাতা পুত্রকে বা স্বামী স্ত্রীকে অকারণে পরিত্যাগ করিলে তাহার ৬০০ পণ জরিমাণা হইবে।

৪০৭। দুই মাস গর্ভবতী স্ত্রীলোককে যাতায়াতকালে পথকর প্রদান করিতে হইবে না।

৪০৮। পত্নী যে অর্থ উপার্জন করে তাহা সে নিজস্ব বলিয়া

মনে করিবে না, পরন্তু তাহা তাহার স্বামীর অধিকার বলিয়া মনে করিবে ।

অনন্তর নবম অধ্যায়ে পুনর্বার স্ত্রীদিগের নিয়মাদি উল্লেখ করা হইয়াছে, যথা—

২। স্ত্রীলোক দিবারাত্র অভিতাবকদিগের অধীন হইয়া কার্য করিবে। তবে নির্দোষ ক্রীড়া ও আমোদস্থলে তাহাদিগকে স্বাধীনতা প্রদান করিতে হইবে। এমন কি, সেসকলস্থলে অতিরিক্ত আমক্তি প্রদর্শন করিলেও তাহাদের ব্যাঘাত করা হইবে না।

৩। স্ত্রী কখন স্বাতন্ত্র্য লাভ করিবে না, সে যৌবনে স্বামীর ও বার্ককো পুত্রের অধীন হইয়া থাকিবে।

৪। উপযুক্ত সময়ে কন্যার বিবাহ না দিলে পিতাকে এবং যথাকালে স্ত্রী গমন না করিলে স্বামীকে দূষিত হইতে হইবে। যে পুত্র ভর্তৃহীনা মাতার পালন না করে, তাহাকে পতিত হইতে হইবে।

৫। স্ত্রীলোকদিগকে সাবধানতা সহকারে বিগর্হিত ইন্দ্রিয়-সেবন হইতে রক্ষা করিতে হইবে। না করিলে তাহার উভয়কুল হুঃখভাগী হইবে।

৬। স্বামী ইহাকে পরম বিধি বলিয়া মনে করিবে। সে যতই কেন আসক্ত হউক না, প্রাণপণে উক্ত প্রকার রক্ষা করিবে।

৭। কারণ যে ব্যক্তি স্ত্রীকে পাপ হইতে রক্ষা করে, সে অপত্যকে জারজ সন্দেহ হইতে রক্ষা করে। এবং তাহার কুলাগত ব্যবহার অব্যাহত, তাহার পরিবার অকলঙ্কিত এবং তাহার কর্তব্য অব্যাহত থাকে।

৮। স্বামী পুত্ররূপে স্ত্রীর গর্ভে জন্মগ্রহণ করে। এইরূপে ইহলোকে তাহার পুনর্বার জন্মগ্রহণ করা হয়। এবং এই কারণেই পত্নীকে জায়া কহিয়া থাকে।

৯। স্ত্রী এইরূপে স্বামীর অনুরূপ সন্তান প্রসব করে। এইরূপ সন্তান উৎপাদন করিতে হইলে, পুরুষ অবশ্য স্ত্রীকে পুরোক্ত-রূপ রক্ষা করিবে।

১০। স্ত্রীকে বলপূর্বক কেহই ওরূপ হুমকি হইতে নিরত রাখিতে পারে নাই। যদি পাপ হইতে উহাকে বাস্তবিকই রক্ষা করিতে হয়, তবে নিম্নলিখিত উপায় সকল অবলম্বন করা উচিত;—

১১। স্বামী স্ত্রীকে এই সকল কর্মে নিযুক্ত করুক, যথা অর্থ-সংগ্রহ, অর্থ ব্যয়, পাবনক্রিয়া, স্ত্রীক্রিয়া, রন্ধন ও গৃহসামগ্রীর পর্যবেক্ষণ।

১২। গৃহ মধ্যে অবরোধ করিয়া রাখিলেই স্ত্রীর সচ্চরিত্রতা রক্ষা হইতে পারে না। অভিতাবকেরা প্রণয় যা যত পূর্বক অবরোধ করিয়া রাখিলেই ওরূপ হইবে না। যে স্ত্রী ইচ্ছাপূর্বক আপনাকে আপনি রক্ষা করে, সেই যথার্থ রক্ষিত।

১৩। মদ্যপান, অসৎ সংসর্গ, স্বামিবিরহ, যথেষ্টভ্রমণ, অসঙ্গত নিদ্রা ও পরগৃহবাস, স্ত্রীলোকের এই ছয়টি দূষণ।

১৪। উল্লিখিত স্ত্রীলোকেরা সৌন্দর্য্যও দেখিতে চায় না, বয়সও দেখিতে চায় না। প্রিয় পুরুষ স্মরণ কি কুৎসিত তাহা ভাবিতে চায় না। সে পুরুষ হইলেই যথেষ্ট হইল, তাহা হইলেই যথেষ্ট সুখানুসরণ করে।

১৫। নূতন নূতন পুরুষে অহুরাগ, চপলতা, প্রণয়ের ক্ষণিকতা, এবং কুপ্রবৃত্তি বশতঃ স্ত্রীলোকে স্বামীর প্রতি অপরাগ হইয়া থাকে। তাহাদিগকে সহজ রক্ষা করিলেও রক্ষা করা যায় না।

১৬। ঈশ্বর এইরূপ প্রকৃতি স্ত্রীদিগকে প্রদান করিয়াছেন জানিয়া স্বামিগণ স্ত্রীদিগকে অবশ্য অবশ্য সাবধানতাসহকারে রক্ষা করিতে চেষ্টা করিবে।

১৭। মনুর মতে স্ত্রীলোকেরা শয়্যাপ্রিয়, স্থানপ্রিয়, ভূষণপ্রিয়, অসৎ সঙ্গ, কোপনা, প্ররোচনীয়া, অপকার প্রিয়; এবং অসচ্চরিত্র।

১৮। স্ত্রীলোকের বেদে অধিকার নাই। স্মরণ্য প্রমাণ জ্ঞান ও প্রায়শ্চিত্ত বিধানাদি স্ত্রীলোকের অগোচর। অতএব স্ত্রীলোক পাপকর্ম করিলে তাহাকে সাক্ষাৎ পাপ বলিয়া মনে করিতে হইবে, ইহাই চিরন্তন নিয়ম।

১৯। ২০। পুত্র বেদ হইতে এইরূপ পাঠ করিবে যথা— আমার মাতা ব্যভিচার বাসনা, পরগৃহ ভ্রমণ ও পতির প্রতি অনাচার করিয়া যে পবিত্র শোণিত দূষিত করিয়াছেন সেই শোণিত আমার পিতা পবিত্র করুন। মাতাকে অসৎস্বভাব জানিলে পুত্রকে এইরূপ বেদোচ্চারণ করিতে হইবে।

২১। পত্যহুরাগের বিরুদ্ধ কোন প্রকার কুচিন্তা হইলেই স্ত্রীলোকের এইরূপ পাপশুদ্ধি প্রার্থনা করিতে হয়। কারণ ঐরূপ কুচিন্তাই ব্যভিচারের প্রারম্ভ।

২২। স্বামীর দোষ গুণ স্ত্রীলোকে নিশ্চয় প্রাপ্ত হইবে। যেমন নদী সমুদ্রের সহিত মিলিত হইলে তাহার দোষ গুণ প্রাপ্ত হয়।

২৩। অক্ষমালা নীচবংশে জন্মগ্রহণ করিয়াছেন। কিন্তু বশিষ্ঠের সহধর্মিণী হইয়া সাতিশয় উন্নত হইয়াছিলেন। নীচ জন্মাশারঙ্গবীণা এইরূপ মন্দপালের গৃহিণী হইয়া এইরূপ হইয়াছিলেন।

২৪। এই সকল ও অশাস্ত্র স্ত্রীরা নীচকূলে প্রসূত হইলেও স্বামীর গুণে ইহলোকে পরাগত লাভ করিয়াছিলেন।

২৬। সতীস্ত্রী পুত্র কামনার অনুবর্তিনী হইয়া যে সৌভাগ্যবান মহান-পুরুষের গৃহ উজ্জ্বল করে, তাহার স্ত্রী অচলা হয়।

২৭। সন্তানোৎপাদন, সন্তানপালন ও গৃহকর্ম পর্য্যবেক্ষণ স্ত্রীলোকের বিশেষ ধর্ম।

২৮। স্ত্রী হইতেই সন্তান উৎপন্ন হয়। স্ত্রী হইতেই পরিবার পালন ব্যবস্থা হয়, স্নেহ মায়া দাক্ষিণ্যাদি স্ত্রী হইতেই উৎপন্ন হয়, স্ত্রী হইতেই স্বামী ও পিতৃগণের সঙ্গতি হয়।

২৯। যে স্ত্রী স্বামীকে পরিত্যাগ করিবে না, প্রত্ন্যুত কায়মনোবাক্যে স্বামিসেবা করিবে, সে চরমে স্বর্গলাভ করিবে। এবং ধার্মিকেরা তাহাকে ইহলোকে সাধী বলিয়া ডাকিবে।

৩০। কিন্তু যে স্ত্রী অসতী হইবে, ইহলোকে তাহার কলঙ্কের সীমা থাকিবে না। এবং সে পরলোকে গোধাগর্ভে জন্মগ্রহণ করিবে। এবং উৎকর্ষ পীড়ায় অস্থির হইবে।

৩১। এক্ষণে সন্ততিবিষয়ক ব্যবস্থাসকল বর্ণিত হইতেছে।

৩২। পুত্র স্বামীর অধিকৃত। কিন্তু এস্থলে স্বামীশব্দে বেদে মতভেদ লক্ষিত হয়। কেহ তাহাকে জন্মদাতা কহে, কেহ বা ঞ্জানুসারে পরিণেতা ভর্তা মনে করে।

৩৩। স্ত্রীকে ক্ষেত্র এবং পুরুষকে বীজ কহিয়া থাকে। উদ্ভিদ সকল ক্ষেত্র ও বীজের সহযোগে উৎপন্ন হয়।

৩৪। কোন কোন স্থলে পুরুষের এবং কোন কোন স্থলে স্ত্রীলোকের উৎপাদনকারিতার প্রশংসা করিতে হয়। উভয়ের সমান শক্তি হইলেই সন্ততির প্রশস্ততা হইয়া থাকে।

৩৫। সাধারণতঃ পুরুষশক্তিই উৎকর্ষ বলিয়া কথিত হয়। কারণ জীবমাত্রেরই অপত্যে পুরুষশক্তির উৎকর্ষই লক্ষিত হইয়া থাকে।

৪১। বেদপারগ বেদান্তবিৎ পুরুষ পরক্ষেত্রে বীজ বপন করিবে না।

৪৬। বিক্রয় বা পরিত্যাগ দ্বারা স্ত্রী স্বামীর অধীনতা হইতে মুক্ত হইতে পারে না।

৪৭। দায়ভাগ একবার হইতে পারে, স্ত্রীলোকের বিবাহ একবার হইতে পারে, এবং “অহং দদামি” এই বাক্য একবার বলা যাইতে পারে। এই তিন সামগ্রীর একবার দান হইলে আর প্রত্যপহার হইতে পারে না।—

এইরূপ আরও কয়েকটি তর্কবিতর্কের পর মহাত্মা মনু স্ত্রীদিগের সম্বন্ধে পুনর্বার ব্যবস্থা করিয়াছেন, যথা।—

৫৭। জ্যেষ্ঠের স্ত্রীকে কনিষ্ঠ শাশুড়ীর স্থায় মনে করিবে। কনিষ্ঠের স্ত্রীকে পুত্রবধুর স্থায় মনে করিতে হইবে।

আমরা এস্থলে দেবরেন্ন স্ত্রীত্যাগপ্রভৃতি ব্যবহার উল্লেখ করিলাম না।

৭২। রীতিমত বিবাহের পরও পত্নীকে দূষিতা রোগগ্রস্তা বা অনক্ষতা জানিলে স্বামী তাহাকে পরিত্যাগ করিতে পারিবে।

৭৩। প্রতারণা পূর্বক কাহাকে দূষিতা কথ্য প্রদান করিলে, পতি তাহার বিবাহ অসিদ্ধ বলিয়া প্রত্যাখ্যান করিতে পারিবে।

৭৪। স্বামী প্রবাসকালে স্ত্রীর জন্ম অর্শন বসনের আয়োজন করিয়া যাইবে। কারণ স্ত্রী পরম সতী হইলেও আহাঙ্গাদির অভাবে প্রতারিত হইতে পারে।

৭৫। এইরূপ ভরণপোষণের আয়োজন করিয়া গেলে, প্রবাসীর পত্নী কঠোরব্রতা হইয়া বাস করিতে থাকিবে। আর স্বামী ভরণপোষণ না রাখিয়া গেলে, স্ত্রী চরকা ও অন্নাশ নির্দোষ শিষ্পাদি দ্বারা জীবিকা নির্বাহ করিবে।

৭৬। স্বামী ধর্মকর্মোপলক্ষে বিদেশবাসী হইলে স্ত্রী তাহার জন্ম আট বৎসর, জ্ঞানোপার্জনের নিমিত্ত হইলে ছয় বৎসর, আশ্রমের জন্ম হইলে তিন বৎসর অপেক্ষা করিবে। নির্দিষ্ট কালের অবসানে তাহার অনুগমন করিবে।

৭৭। স্ত্রী স্বামীকে বিরাগ প্রদর্শন করিলে স্বামী তাহা এক বৎসর পর্যন্ত সহ করিতে পারে। কিন্তু পরে তাহার বিভবাদি কাড়িয়া লইয়া তাহার সহিত সহবাস রহিত করিবে।

৭৮। স্বামী ব্যসনাসক্ত, মত্তাসক্ত বা আতুর হইলেও স্ত্রী যদি তাহার প্রতি অবজ্ঞা প্রকাশ করে, তাহা হইলে স্বামী তাহাকে তিন মাস পরিত্যাগ করিবে। এবং তাহার ভূষণ ও গৃহসামগ্রী কাড়িয়া লইতে পারিবে।

৭৯। কিন্তু যে স্ত্রী উন্মাদগ্রস্ত বা মহাপাতক বা ক্লীব বা পুরুষত্ববিহীন বা কুষ্ঠাদিরোগগ্রস্ত স্বামীতে বিরাগ প্রদর্শন করিবে, তাহাকে পরিত্যাগ বা তাহার ভূষণাদি গ্রহণ করা যাইবে না।

৮০। মত্তপায়িনী, হুরাচারিণী, স্বামি-বিরাগিণী, অচিকিৎস রোগী, অপকারিণী, ধনক্ষয়কারিণী স্ত্রীর মায়া পাশ ছেদন করিয়া যে সে সময়ে পত্যন্তর গ্রহণ করা যাইতে পারে।

৮১। স্ত্রী বন্ধা হইলে আট বৎসর দেখিয়া পরে বিবাহ করা যাইতে পারে। স্তবৎস হইলে দশ বৎসর, কেবল কন্যা প্রসব

করিলে একাদশ বৎসর অপেক্ষা করিবে। কিন্তু অপ্রিয়-ভাষিণী হইলে ঋণমাত্রও অপেক্ষা করিবে না।

৮২। কিন্তু প্রিয়া ও ধার্মিক স্ত্রী অতি রোগিণী হইলেও তাহার অবমাননা করিবে না। তবে তাহার সম্মতি লইয়া বিবাহ করা যাইতে পারে।

৮৩। পত্যন্তর গ্রহণ করিলে পূর্ব স্ত্রী যদি কুপিত হইয়া গৃহ পরিত্যাগ করে, তবে তাহাকে তৎক্ষণাৎ অবরোধ বা সর্ব-সমক্ষে পরিত্যাগ করিতে হইবে।

৮৪। স্ত্রীকে বারণ করিলেও যদি সে পানবিরত না হয় বা যাত্রাদি স্থানে গত্যাত পরিত্যাগ না করে তবে তাহার ছয়রতি স্তব্ধ জরিমানা হইবে।

৮৫। উৎকৃষ্ট গুণ-সম্পন্ন স্ত্রীর ও সর্বগুণবককে লোকে কন্যা প্রদান করিবে। বর সৎপাত্র হইলে কন্যা আট বৎসরের অধিক বয়স্ক না হইলেও প্রদান করা যায়।

৮৬। বরং যাবজ্জীবন অবিবাহিতা থাকিয়া পিতৃগৃহে বাস করা ভাল, তথাপি নিগুণ পাত্রে পাণিদান করিবে না।

৮৭। বিবাহযোগ্য হইলেও তিন বৎসর অপেক্ষা করা যাইতে পারে। পরে পিতা মাতা কন্যার বিবাহ না দিলে সে স্বয়ং পতি নির্বাচন করিবে।

৮৮। এরূপ স্থলে বিবাহ করিলে কন্যা বা বরের অপরাধ হইবে না।

৮৯। কিন্তু এরূপ স্থলে কন্যা পিতৃ মাতৃ বা ভ্রাতৃদত্ত অলঙ্কার স্বামিগৃহে লইয়া যাইতে পারিবে না। লইয়া গেলে সে চৌর্যা-পরাধে অপরাধিণী হইবে।

৯০। পূর্ববয়স্ক স্ত্রীকে বিবাহ করিলে বরকে কন্যার পিতাকে পণ দিতে হইবে না। কারণ সময়ে বিবাহ না দিয়া পিতা তাহার স্বত্ব হইতে আপনি বঞ্চিত হইয়াছে।

৯১। ত্রিশৎ বর্ষ বয়স্ক বর দ্বাদশ বার্ষিকী স্ত্রী কন্যাকে বিবাহ

করিতে পারিবে। ২৪ বৎসর বয়সের বর ৮ বৎসর বয়সের কন্যাকে বিবাহ করিতে পারিবে। কিন্তু পঠদশা স্বপ্নকালে নিৰ্বাহিত হইলে বা আশ্রমান্তরের ব্যতিক্রম হইলে তৎক্ষণাৎ বিবাহ করিতে পারিবে।

ক্রমশঃ ।

কামিনী ফুল ।

একি দেখি কুসুম কামিনি !
ধরিলে সহসা শোভা মানস-মোহিনী।
গত কল্য সুবদনে!
কোথা ছিলে সংগোপনে
ঘোমটা খুলিয়া কিন্তু আজি উষাগমে,
মৌরভে মাতালে পান্থ তেয়াগি সরমে।
কমলিনী রবি-সোহাগিনী
মিহির-উদয়ে হয় মহা উল্লাসিনী;
কিন্তু তুমি কার তরে
নিশান্তে এ শোভা ধরে,
একান্তে কাননধারে বিরাজ সুন্দরি!
বাড়াইয়া প্রকৃতির আনন্দ-লহরী?
রূপে তুমি উজলি কানন,
রসজ - ভাবুক - চিত্ত করিছ হরণ।
শুনি আজি কলরব,
তব ধামে মহোৎসব,
ঝাঁকে ঝাঁকে অলিপুঞ্জ মক্ষিকার সনে;
গুন্ গুন্ রবচ্ছলে মত্ত আলাপনে।

যুহু মন্দ চতুর সমীর,
তোমার সুখমা হেরি হয়েছে অধীর।
সুরভি - হরণ আশে,
ঘুরিতেছে আশেপাশে,
হতাশ স্বসনে তার, কোমল - হৃদয়ে!
কাঁপিতেছে অঙ্গ তব নিদারুণ ভয়ে।

কিন্তু তাহে মরন্দ ঝরিয়া
উল্লাসে পবনচিত্ত দিছে মাতাইয়া।
নবীন-কিশোরী তুমি,
করি তোমা রঙ্গভূমি,
খেলিছে রসিক বায়ু ধূর্ত - শিরোমণি,
বহিছে ভারতা তব জুড়িয়া অবনি!

তোমার মঞ্জরী মুনিলোভা,
কোমল কামিনী-কুল কবরীর শোভা!
কত শত সীমন্তিনী,
নিত্য তব বিলাসিনী,
হেরিয়া তোমার মুগ্ধ যতেক ভাবিনী;
কামিনী-স্বজনী তুমি বিকচ কামিনি!

এ• রূপমাধুরী ক্ষণকাল
বিরাজি লভিবে হায় নিধন করাল!
যৌবন তরঙ্গ - মালা,
অবলা কুলের জ্বালা,
তাহার বিগমে কিন্তু ধরণি সুস্থির;
শুকালে কামিনী তুমি তোষে কি সমীর?

অসভ্যজাতির বিবাহ প্রথা ।

অসভ্যজাতিদিগের মধ্যে যে রূপ বিবাহপ্রথা প্রচলিত দৃষ্ট হইয়া থাকে, তাহাতে স্পষ্ট প্রতীয়মান হয় যে, পশুর সহিত তাহাদের অস্পষ্ট প্রভেদ। যে সকল জাতি অসভ্যতার সর্ব-নীচ পদবীতে অবস্থান করিতেছে, তাহারা বিবাহ যে কি পদার্থ তাহা অবগত নহে। দক্ষিণ আমেরিকায় পাৰাগুয়ানিবাসী অসভ্যজাতির মধ্যে বিবাহের নির্দিষ্ট নিয়ম নাই। ইচ্ছানুসারে স্ত্রী পুরুষ সম্মিলিত হয়, ইচ্ছানুসারে আবার পৃথক হইয়া থাকে। যে সকল অসভ্যজাতির মধ্যে উদ্ধাহপ্রথা প্রচলিত আছে, তাহারা প্রকৃত দাম্পত্যপ্রণয় কাহাকে বলে তাহা জানে না, কেবল ইন্দ্রিয়তৃষ্টিই বিবাহের একমাত্র উদ্দেশ্য বলিয়া মনে করে। গ্রিন্‌লণ্ড-নিবাসী এককুইমো জাতির পুরুষেরা বহুপত্নী গ্রহণ করিতে পারে। যুবতী, সুন্দরী ও চতুরা হইলে কোন কোন রমণী দুই পতির ভার্য্যা হয়। আত্মীয় বন্ধুকে কিছু কালের নিমিত্ত ভার্য্যাকে ঋণ দেওয়াও দোষাবহ বলিয়া গণ্য হয় না। উড়িয়া জাতীয় নীচ বর্ণের মধ্যে ভ্রাতার প্রাণ বিয়োগ হইলে ভ্রাতৃজায়ার পানি-গ্রহণ প্রথা প্রচলিত আছে এবং তিব্বতদেশে পাণ্ডুদিগের ছায় সকল সহোদরে মিলিয়া একটী রমণী বিবাহ করে, জ্যেষ্ঠ ভ্রাতা ঐ স্ত্রী মনোনীত করিবার অধিকারী।

মলবারনিবাসী নায়র সম্প্রদায়ের (রাজা ও ভূম্যধিকারী) উদ্ধাহপদ্ধতি অতিশয় জঘন্য। ইহারা দশ বৎসর বয়ঃক্রম হইলে বিবাহ করে ও বিবাহের পর স্ত্রীর সহিত কোন সম্পর্কই থাকে না। পুরুষেরা অন্য রমণী অবলম্বন করে, ও স্ত্রীরা পিত্রালয়ে বাস করিয়া মর্গ্যাদাপন্ন স্বজাতীয় পুরুষকে গ্রহণ করে; তাহাতে কিছুমাত্র দোষ বোধ করে না। স্ত্রীদিগের গর্ভে যে সকল সন্তান হয়, তাহাদের সহিত বিবাহকর্তার কোন সম্পর্ক নাই। তাহারা স্ব স্ব মাতুলের উত্তরাধিকারী হয়। একপস্থলে স্ত্রী পুরুষে বিবাহ যে কেন দেওয়া হয়, তাহা বুঝিতে পারা যায় না।

বলপূর্বক স্ত্রী হরণ করা অসভ্যজাতিদিগের মধ্যে প্রবল দৃষ্ট হয়। ইহাকে রক্ষস বিবাহ বলা যায়। পূর্বকালে হিন্দু-দিগের মধ্যেও এইরূপ বিবাহ প্রথা প্রচলিত ছিল, কিন্তু হিন্দুরা ইহাকে সর্বনিকৃষ্ট বিবাহপ্রথা বলিয়া গণ্য করিত। অফ্রেলিয়াবাসী-দিগের মধ্যে রক্ষস বিবাহ প্রচলিত আছে, তদেগীর পুরুষ জাত্য-ন্তর হইতে আপনার ভাবী ভার্য্যা মনোনীত করিয়া তাহাকে ধরিবার নিমিত্ত গুপ্তভাবে তাহাকে অহসরণ করে। পরে তাহাকে তাহার রক্ষকগণ হইতে কিয়দূরে দেখিতে পাইলেই গোপনে তাহার সন্নিধানে আগমন করে। এবং তাহার সহিত প্রীতিগর্ভ মধুরালাপ করার পরিবর্তে কাষ্ঠ বস্তু বা অন্য কঠোর দণ্ডদ্বারা তাহাকে প্রহার করিয়া এককালে অচৈতন্য করিয়া ফেলে। তদ-নন্তর তাহাকে স্বজাতির মধ্যে আনয়ন করিয়া বিবাহ করে। কোন কোন অসভ্যজাতির মধ্যে রক্ষস বিবাহ প্রকৃত প্রস্তাবে দৃষ্ট হয় না বটে কিন্তু বিবাহহোৎসবে উহা একটী প্রধান অঙ্গ বলিয়া গণ্য। ইহারা কন্যাকে বলপূর্বক হরণ করে না, তথাপি বল-পূর্বক হরণ করিতেছে, এইরূপ ভাণ করিয়া থাকে।

কেম্বেল নামক একটী সাহেব মথলপুর নিবাসী খণ্ডজাতির বিবরণে এইরূপ লিখিয়াছেন :—“আমি এক দিন রাত্রিতে একটী গ্রামে মহা কোলাহল শুনিতে পাইলাম এবং সারামারি হইতেছে এরূপ মনে করিয়া তথায় উপনীত হইলাম। দেখিলাম, যে একটী যুবা রক্তবর্ণ বস্ত্রাচ্ছাদিত কোন পদার্থ পিঠের উপর করিয়া লইয়া বাইতেছে এবং সেই যুবার চতুর্দিকে প্রায় বিশ ত্রিশটী যুবা তাহাকে কতকগুলি যুবতী রমণীর আক্রমণ হইতে রক্ষা করিতেছে। এই অদ্ভুত ঘটনার কারণ জিজ্ঞাসা করিতে, একজন বলিল যে, ঐ যুবা বিবাহ করিয়া আপনার স্ত্রীকে স্বন্ধে করিয়া নিজগ্রামে গমন করিতেছে। কন্যার সখীরা তাহাকে ফিরিয়া পাইবার নিমিত্ত বরের গাত্রে ঢিল ছুড়িতেছে।”

ক্রাঙ্ক সাহেব মালয় দেশের বিবাহপ্রথা উপলক্ষে এইরূপ

লিখিয়াছেন :—“বর ও কন্যা ধাৰ্য্য হইলে তাহাদিগকে একটী বৃহৎ মাঠে লইয়া যাওয়া হয়। কন্যা প্রথমে ঐ মাঠে দৌড়াইতে থাকে এবং বর তাহার পশ্চাৎ পশ্চাৎ ধাবমান হয়। যদি বর কন্যাকে দৌড়াইয়া ধরিতে পারে, তবে তাহাদের মধ্যে শুভ বিবাহ অতি শীঘ্রই সম্পন্ন হয়; ধরিতে না পারিলে, বরকে কন্যাপ্রাপ্তির আশা ত্যাগ করিতে হয়। ইহাতে এরূপ বিবেচনা করা উচিত নহে যে, যে পুরুষ দ্রুত দৌড়াইতে পারে, তাহারই ভাগ্যে স্ত্রীরত্ন ঘটে। যদি বর কন্যার মনোনীত হয়, তাহা হইলে কন্যা আপনাকে হইতেই ধরা দেয়; মনোনীত না হইলে কাহারও সাধ্য নাই যে তাহাকে ধরে।

পূর্বোক্ত প্রথার নিদর্শন অধুনাতন সুসভ্যজাতিদিগের মধ্যেও দৃষ্ট হইয়া থাকে। সকলদেশেই “বরটী যেন চোরটী।” বর বিবাহ করিতেছে, কন্যাকে আপনায় গৃহে লইয়া যাইতেছে, অতি কুকর্ম করিতেছে, অতএব বরের নিগ্রহ কর। ইংরাজদিগের মধ্যে বিবাহের সময় বরকে চটি জুতা ছুড়িয়া মারা হয়; আর আমাদের মধ্যে কাণ মলা, নাক মলা খাইতে খাইতে বরের প্রাণ ওষ্ঠাগত হয়।

আমরা এতৎসম্বন্ধে একটী আশ্চর্য্য প্রথার কথা বলিয়া উপসংহার করিব। দক্ষিণ আমেরিকাস্থিত ব্রেজিলে কোন স্ত্রীলোক সন্তান প্রসব করিলে, তাহার স্বামীকে তৎক্ষণাৎ শয্যাগত লইয়া গিয়া মাজুর চাপা দেওয়া হয়। প্রসূতি স্বচ্ছন্দে আহার বিহার করে; কিন্তু তাহার স্বামীকে দুই তিন দিবস অনাহারে শয্যাগত রাখিয়া থাকিতে হয়। তাহার সেবা দেখিলে এইরূপ বোধ হয় যেন সেই সন্তান প্রসব করিয়াছে।

স্বাস্থ্য-রক্ষা ।

আমরা খাদ্যদ্রব্য প্রধান চারি অংশে বিভক্ত করিয়াছি, এক্ষণে যে সকল ভক্ষ্যদ্রব্য আমরা সচরাচর ব্যবহার করিয়া থাকি, তাহাদের বিষয় সংক্ষেপে বর্ণনা করিব। ইতিপূর্বে বলা হইয়াছে যে, যে সকল সজীব যবক্ষারজানবিশিষ্ট বলকারক দ্রব্য আমরা ভক্ষণ করি, তাহা কতক উদ্ভিজ্জ হইতে এবং কতক প্রাণী হইতে প্রাপ্ত হওয়া যায়।

উদ্ভিজ্জ-বলকারক-দ্রব্য :—অর্থাৎ বাহাতে শরীরের মেদ মাংস প্রভৃতি নির্মিত হয়। ইহা দুই প্রকার, কলাই ও শস্য।

কলাই।—বাহা শুঁটীর মধ্যে জন্মে। আমাদের দেশে কলাই নানাপ্রকার, যথা মুগা, মাসকলাই, মসুর, তেওড়া বা খেসারি, অরহর, ছোলা বা বুট প্রভৃতি দাল বিশেষ, শিম এবং নানাবিধ কলাই যথা, শাদাছোলা, মটর, বরবটী ইত্যাদি। হৃদয়ের মধ্যে যেমন সর উহার বলকারক পদার্থ, এই সকল কলাইয়ের বলকারক পদার্থকেও উদ্ভিজ্জ সর বলে। কলাইয়ের সমস্ত উপাদান পদার্থের ১০০ ভাগের মধ্যে এই বলকারক সর পদার্থ ২৫ হইতে ৩০ ভাগ। আধসের কলাইয়েতে যে সর আছে, ৭৭ সের গোলআলুতে তাহা আছে। কিন্তু মানুষের পাকাশয়ে শস্য বা মাংস যেরূপ সহজে জীর্ণ হয় কলাই সেরূপ হয় না, এই নিমিত্ত উহা অপেক্ষাকৃত নিকৃষ্ট খাদ্যের মধ্যে গণ্য। এ সকল দ্রব্য রন্ধন দ্বারা সুদিক্ত না হইলে পরিপাকের ব্যাঘাত করে, এবং অজীর্ণতা হেতু পেটের পীড়া উপস্থিত হয়। কলাইয়ের সহিত ঘৃত বা শ্বেতসার কিয়ৎ পরিমাণে ব্যবহার করিলে অধিক উপকারী হয়। সকল দাল অপেক্ষা মসুর দালে বলকারক সর পদার্থ অধিক পরিমাণে আছে, এই নিমিত্ত বৈজ্ঞানিক হুর্কল রোগীকে মসুরের ঝোল ব্যবস্থা করিয়া থাকেন।

শস্য।—এই দ্রব্য মনুষ্যজাতি মাত্রের জীবন ধারণের প্রধান

খাদ্য। আমাদের দেশে প্রধান শস্য চাল, গোম, যব, জনার ইত্যাদি।

চাল।—পৃথিবীর অধিকাংশ লোকেই এই চাল ভক্ষণ করিয়া জীবিকা নির্বাহ করে। আমাদের দেশেই ইহার জন্ম এবং বহুকাল হইতে ইহা ভারতবর্ষ, চীন এবং সম্মিকটস্থ দ্বীপসমূহ বাসীগণের প্রধান খাদ্য দ্রব্য। চালে বলকারক সার ভাগ অপেক্ষাকৃত কম, ইহার সমস্ত পদার্থের ১০০ ভাগের মধ্যে ৩ হইতে ৭ ভাগ সার পদার্থ। বলকারিত্বে ইহা সকল শস্য অপেক্ষা নিকৃষ্ট। এই নিমিত্ত ইহার সহিত মৎস্য, মাংস, হৃৎক, দধি, দাল ইত্যাদি অন্য প্রকার দ্রব্য ব্যবহার না করিলে, শরীরের সম্যক পুষ্টি হয় না। ভাতের স্বাদ পান্বে, এই নিমিত্ত কচী অপেক্ষা ভাত খাইতে অধিক তরকারী বা মিষ্ট সামগ্রীর আবশ্যিক হয়। চাল কিছু দিন শুষ্ক করিয়া ব্যবহার করিলে শীঘ্র জীর্ণ হয়, এই নিমিত্ত নূতন চালের ভাত খাইলে প্রায় পেটের পীড়া হয়। অভাব-পক্ষে ছয় মাস কাল পরে নূতন চাল ব্যবহার করা উচিত। কিন্তু আমাদের স্ত্রীলোকেরা অগ্রহায়ণ মাসে নূতন চাল উঠিতে না উঠিতে নবান্ন উৎসর্গ করিয়া ফেণে ফেণে নূতন চালের ভাত বিশেষ তৃপ্তির সহিত ভক্ষণ করিয়া থাকে। পুরাতন অপেক্ষা নূতন চালের ভাত সুস্বাদ হইতে পারে, কিন্তু পীড়াদায়ক বলিয়া ব্যবহার করা উচিত নহে। বাঙ্গালাদেশে হুই প্রকার চাল প্রস্তুত হয়, আতপ ও সিদ্ধ। সিদ্ধ অপেক্ষা আতপ চাল অধিক পুষ্টিকর। পশ্চিমাঞ্চলের লোকেরা আতপ চাল ভিন্ন সিদ্ধ চাল ব্যবহার করে না।

গোম।—সকল শস্য অপেক্ষা শ্রেষ্ঠ, এবং বলকারক সার পদার্থ চাল অপেক্ষা ইহাতে অধিক আছে; ইহার ১০০ ভাগে সার পদার্থ প্রায় ১০ ভাগ। ইহাতে তৈলময় পদার্থের ভাগ অল্প থাকাতে ইহা কচী করিয়া খাইতে হইলে যত বা মাখনের সহিত ব্যবহার করা উচিত। গোম হইতে ময়দা, আটা এবং সুজি প্রস্তুত হয়।

আমরা ইহার দ্বারা কচী, লুচী, ও নানা প্রকার মিষ্টান্ন প্রস্তুত করিয়া ব্যবহার করিয়া থাকি। পশ্চিমাঞ্চলের অধিকাংশ লোকে কেবল গোম ব্যবহার করে এবং এই নিমিত্ত তাহারা অন্নহারী বাঙ্গালী অপেক্ষা পুষ্টিকর এবং বলবান।

প্রাণিজ-বলকারক-দ্রব্য।—পশু পক্ষাদির মাংস, মৎস্য, ডিম্ব, হৃৎক ইত্যাদি।

মাংস।—ইহাতে যবক্ষার জানবিশিষ্ট পদার্থ অধিক পরিমাণে আছে। মনুষ্যেরা জাতিভেদে ভিন্ন প্রকার মাংস ব্যবহার করিয়া থাকে, যথা, হিন্দুজাতির মধ্যে কেবল ছাগ ও মৃগ এবং হুই এক প্রকার পক্ষীর মাংস ভক্ষণীয়। ইউরোপ-খণ্ডের লোকেরা গরু, মেঘ, শূকর, কুকুটজাতীয়-পক্ষী এবং কখন কখন অশ্ব মাংসও ব্যবহার করিয়া থাকে। মুসলমানেরা শূকর ব্যতীত শেষোক্ত সকল মাংসই ব্যবহার করে। পাকা মাংস অপেক্ষা কচি মাংস নরম এবং শীঘ্র জীর্ণ হয়।

মৎস্য।—আমাদের দেশে মৎস্য নানা প্রকার, তন্মধ্যে কই সর্কোৎকৃষ্ট। অধিক তৈলযুক্ত মৎস্য মাত্রেই গুরুপাক, যথা, ইলিস, তপ্পে, ভাঙ্গন, পার্বে ইত্যাদি। এই সকল মৎস্য অধিক খাইলে পরিপাকের ব্যাঘাত হয়। কৈ, মাগুর, সিঙ্গি, ছোটপোনা, মোরোলা, বেলে প্রভৃতি মৎস্য সকল লঘুপাক এবং রোগীর পক্ষে উপকারী। চিংড়ীকে আমরা মৎস্যের মধ্যে গণ্য করি এবং সচরাচর চিংড়ি মাছ বলিয়া থাকি কিন্তু উহা বাস্তবিক মৎস্য নহে, কাঁকড়া শ্রেণীভুক্ত। চিংড়ী মাছের মাথার মধ্যে যতবৎ বস্তু অতি উপাদেয় এবং পুষ্টিকর কিন্তু উহার শরীরভাগ সুসিদ্ধ না হইলে শীঘ্র জীর্ণ হয় না।

ডিম্ব।—হংস, কুকুট প্রভৃতি কয়েকটি পক্ষীর ডিম্ব মনুষ্যের ভক্ষ্য। ডিম্ব বিলক্ষণ পুষ্টিকর, এবং সম্পূর্ণরূপে সিদ্ধ অপেক্ষা আধসিদ্ধ বা কাঁচা ডিম্ব শীঘ্র জীর্ণ হয়।

হৃৎক।—সকল খাদ্যের আদর্শ স্বরূপ এবং শিশুগণ কেবল ইহাই

পান করিয়া ক্ষুধা নিবৃত্তি করে এবং দিন দিন বল প্রাপ্ত হয়। হৃদ্ধ সারক এবং এক বা দুই বলক জ্বাল দিয়া খাইলে বিশেষ উপকারী হয়, অধিক জ্বাল দিয়া ক্ষীর করিলে পীড়াদায়ক হইতে পারে। আমাদের দেশে মাংসের ব্যবহার সামান্য থাকিতে, হৃদ্ধ অপেক্ষাকৃত অধিক আদরীয়। আমাদের প্রধান আহারই হৃদ্ধ। হৃদ্ধ হইতে নানাবিধ বস্তু প্রস্তুত হয়, যথা যত, মাখন, সর, টাটী, যোল, দধি, ছানা, ক্ষীর ইত্যাদি।

এক্ষণে দেখা যাউক, আমিষ ভোজন করা মনুষ্যের পক্ষে উচিত কি না। আমরা দেখিতে পাই, পৃথিবীর ভিন্ন ভিন্ন জাতি ভিন্ন ভিন্ন প্রকার খাদ্য ব্যবহার করে। কেহ কেবল উদ্ভিজ্জভোজী, কেহ আমিষভোজী এবং কেহ মিশ্রভোজী অর্থাৎ উদ্ভিজ্জ ও আমিষ দুই ব্যবহার করে। মনুষ্যের পক্ষে আমিষ ভোজন নিতান্ত প্রয়োজনীয় না হইক, অস্বাভাবিক বলিয়া বোধ হয় না। আমাদের দেশে অধিকাংশ লোক কেবল উদ্ভিজ্জ ভক্ষণ করিয়া শরীরের পুষ্টিসাধন করে এবং প্রাণিহত্যা করিয়া আমিষ ভক্ষণ করাকে নিতান্ত নিকৃষ্ট ও অস্বাভাবিক কার্য বলিয়া মনে করে। উদ্ভিজ্জভোজীগণ তর্ক করিয়া থাকেন যে, জীবহিংসা করিয়া আমিষ ভক্ষণ করা পরমেশ্বরের অভিপ্রেত নহে, এবং মাংস মনুষ্য পাকযন্ত্রের উপযোগী বলিয়া বোধ হয় না। ইহার উত্তরে কেবল এইমাত্র বলা যাইতে পারে যে, বহুকাল হইতে সমস্ত মনুষ্যজাতি আমিষপ্রিয় বলিয়া বোধ হয় এবং দেশ বিশেষে কোন কোন জাতি উদ্ভিজ্জ অভাবে কেবল আমিষ ভক্ষণ করিয়া জীবন রক্ষা করিতে বাধ্য হয়। শীতপ্রধান দেশের যেস্থানে উদ্ভিজ্জ অতিশয় হুস্প্রাপ্য, লোকদিগকে উদ্ভিজ্জের অভাবে কেবল মাংসের উপর নির্ভর করিতে হয়। উষ্ণপ্রধান দেশে উদ্ভিজ্জের অতিশয় থাকিতে সে স্থানের লোকেরা আহারের নিমিত্ত প্রায় উদ্ভিজ্জের উপর অধিকাংশ নির্ভর করে। আবার সমগীতোষ্ণ দেশে প্রাণী এবং উদ্ভিজ্জের ভাগ সমতুল্য থাকিতে সে স্থানের

লোকেরা উভয় প্রকার দ্রব্য হইতে নানাবিধ খাদ্য সংগ্রহ করে। স্তন্যপায়ী জীবগণের পাকযন্ত্রের কৌশল দেখিয়া আমরা স্থির করিতে পারি যে কাহারো উদ্ভিজ্জ এবং কাহারো আমিষভোজী। আমিষ ও উদ্ভিজ্জভোজীদিগের দন্তেরও প্রভেদ দৃষ্ট হয়। মনুষ্য-জাতির স্থায় মিশ্রভোজীদিগের পাকযন্ত্র এবং দন্তের গঠন এই উভয় প্রকারের মাঝামাঝি। ইহাতে স্পষ্ট প্রতীয়মান হইতেছে যে, মনুষ্যজাতির মিশ্র-ভোজনই অভিপ্রেত এবং আমিষ ভক্ষণ তাহাদিগের পক্ষে নিতান্ত অসংগত বলিয়া বোধ হয় না। ভারত-বর্ষে কিহা পৃথিবীর কোন স্থানে সম্পূর্ণ উদ্ভিজ্জভোজী ব্যক্তি আছে বলিয়া বোধ হয় না। এতদ্দেশে অনেকে আমিষ ভক্ষণ করে না বটে, কিন্তু তাহারা প্রাণী হইতে উদ্ভূত হৃদ্ধ, যত, মাখন ইত্যাদি দ্রব্য সকল অধিক পরিমাণে ব্যবহার করিয়া থাকে। অতএব সম্পূর্ণ উদ্ভিজ্জভোজী ব্যক্তি মনুষ্যের মধ্যে বিরল।

বামাগণের রচনা।

লক্ষার পতন।

নীলাম্বুধি বক্ষে স্বর্ণ লক্ষাপুরী,
স্বর্ণ সৌধশ্রেণী বিরাজে তায়,
যেন স্বর্ণ পদ্ম সাগর-হৃদয়ে
অটল প্রণয়ে বাঁধা সদায়।

বীররস পূর্ণ সুবর্ণ কমল
বিজয় নিশান বক্ষে উড়ায়;
বীরপত্নীপ্রেমে বীরেশ জলেশ
তরঙ্গে তরঙ্গে নেচে বেড়ায়।

প্ৰণয় উচ্ছ্বাসে উছলে উছলে
প্ৰেমিকাচরণ প্রকালি ধায় ;
বীর্য্যভিমানিনী বীর - প্রম্বিনী
প্ৰেমের সোহাগে ভাসিয়া যায় ।

অবহেলে যেন অমর নগরী
আপন গৌরবে আপনি মাতে,
খাকিবে গৌরব কত দিন আর ?
চির গর্ভ চূর্ণ কালের হাতে ।

দঙ্ক লক্ষা এবে, হায় ! কালবশে ।
কপি সেনাবৃত্ত তোরণ - দ্বার ;
রণে মত্ত অই লঙ্কেশ রাবণ,
দেব - দৈত্য - ত্রাস প্রতাপ যার ।

পুত্র-শোকানলে বীর্য্যহীন আহা !
রাঘব-বিশিখ-প্রহারে হায় !
ক্ষত কলেবরে কথির প্লাবন ;
রণে ভঙ্গ দিয়ে চলিয়ে যায় ।

রক্ষকুল - অরি রাম রঘুমণি
হাসিয়া হাসিয়া বলে তখন,
গরিমা - পূরিত বীরত্ব - ব্যঞ্জক
মর্মভেদী অতি ধীর রচন ।

“ কোথা যাও, ফিরে চাও, ওহে দশানন !
লঙ্কেশের শোভে কি হে রণে পলায়ন ?
কেন রক্ষকুলে চালিবে কালী ?
আজি না মরিলে মরিবে কালি,
বাঁচিবার পথ, নাহি মহারথ !
প্রবেশ সমরে যা করে কালী ।

“ শমনের দূত এই অসি ধরধার
নিবারিবে তুষা—রক্ষরক্ত - পিপাসার,
রণস্থলে তব বক্ষ ভেদিয়া
হৃদয় - শোণিত লবে শোষিয়া,
যুদ্ধ পারাবারে, নিস্তারিতে পারে,
হেন জন নাহি পাবে খুজিয়া ।

“ জাতুবর কুলুকর্ণ কোথায় এখন ?
রক্ষিত বাহার তুমি ছিলে হে রাজন !
কোথা ইন্দ্রজিৎ ? অর তাহারে,
স্মরণ করে বীরবাহু রে,
নাহি রক্ষা আর, এস একবার,
পাঠাব এবার অন্তক - পুরে ।

“ ধরে ছিলে যেই করে সতীর কুলল,
কেন এবে সেই কর সমরে অচল ?
এস মহারাজ ! সমর কর,
ভিখারী রামেরে কেন হে ডর ?
তুমি বোদ্ধপতি, আমি ক্ষুদ্র অতি,
কি ভয় ? সমরে ধৈর্য ধর ।

“ বনচারী রাম আমি ক্ষীণ-কলেবর,
স্বর্গজয়ী রাজা তুমি খ্যাত চরাচর,
সঙ্গে তব সেনাবল প্রবল,
মম সঙ্গে মাত্র বানর দল,
তুমি বিমানতে, আমি অবনীতে,
কেন তবে ভয়ে পলাও বল ?

“ করিলে কি এই বলে জানকী - হরণ ?
এই না কি তব ভুজ - বল দশানন !
এই মুখে না কি দেবের 'নারী
বীরবীর্যে বীর ! আনিলে হরি !
কোথা সেই বীর্য্য ! কেন হীনবীর্য্য ?
প্রকাশ বীরত্ব, বীর কেশরি ;

“ ফিরে এস শুনি দিগ্বিজয় সমাচার,
হেন রূপে যুদ্ধ করিয়াছ কত বার,
করিলে কিরূপে বালীরে জয়,
কিরূপে বালীর গৌরব ক্ষয়,
অর্জুনের সনে, ঘোরতর রণে,
করিলে কিরূপে যশঃ সঞ্চয় ।

“ সবংশে লঙ্কেশ ! চল বম-নিকেতন,
বাঁচিবার সাধ আর করো না এখন ।
শর ধন্থ মম নহে ভূষণ,
অসি নহে মাত্র কটি - শোভন ।
সতের পালনে, অসং নাশনে,
অসি ধন্থ শর করি ধারণ ।

“ বৃথা আর পলায়নে ফলিবে কি ফল ?
ঘেরিয়াছে চারিদিকে সীতা-কোপানল ।
পলায়নে ত্রাণ পাবে না আর,
কর ইচ্ছদেবী স্মরণ সার,
আপন কুক্ৰিয়া, ভাবিয়া ভাবিয়া,
প্রতিফল এবে ভোগ তাহার ।

“ মরণ এড়াতে নাহি পারে কোন জন্ম,
কাল গতে কাল মুখে হইবে পতন ।
জন্ম হইল মর ভুবনে
যদি পলাইবে অঘোর বনে,
তথাপি মরিবে, অমর নহিবে,
কেন তবে ভীত মরিতে রণে ?

“ হলো কেন মতিচ্ছন্ন ওহে বীরবর !
ভুলে বীরগর্ভ, কেন হইলে কাতর ?
বীরধর্ম্ম বীর ! রাখ যতনে,
অধর্ম্ম আচরে বর্ধরগণে,
সম্মুখ সংগ্রাম, কর গুণধাম,
কি ভয় বীরের দেহ-পতনে ?

“ অযশঃ হইতে যত্ন অতি শুভকর,
এস রামে রণে জিনে যশোলাভ কর ।
সম্মুখ সংগ্রামে পলাও ডরে,
কেমনে এ মুখ দেখাবে পরে,
তাজি লোকলাজ, কেন মহারাজ !
পলায়ন - পর হলে সমরে ?

“ তুমি নাকি ত্রিভুবনে বীর চূড়ামণি !!
তব বাহুবলে নাকি সশঙ্ক ধরণী !!
কেন রণে তবে জম্বুক - ব্রতি
আরাধিলে এবে হে মহারথি !
সে সব গৌরব, ফুরাল কি সব,
এই কি তোমার চরম-গতি ?

“আপনার দুর্বলতা জানিতে আপনি,
শূন্যগর্ভ গর্ভে কেন ঘাঁটাইলে ফণী ?
কাকের ছলতা, ভেকের বল
জমুক-চাতুরী তাহে সম্বল,
হৃদয়ে ভীকতা, আশয়ে নীচতা,
সিংহ সনে রণ-বাঞ্ছা প্রবল ।

“জ্বলন্ত দহনে যেন পতঙ্গ পতন;
বজ্রের শিখায় যেন ভূগের দলন;
মত্ত মাতঙ্গের ভৈরব রণে,
অজা অগ্রগণ্য নিয়তিক্রমে,
তেমতি তোমার, হইল এবার,
অবাধে যাইবে যম-সদনে ।

“‘ধিকৃ দশানন!’ বলে কপি সেনাগণ;
কি বলিবে মন্দোদরী শুনে পলায়ন;
যদি হে মরণ হবে আহবে
খ্যাতি প্রতিপত্তি ভুলোকে রবে,
অন্তে স্বর্গবাস, হেন ধর্মনাশ
কেন করিতেছ? লোকে কি কবে?

“না পলাও ফিরে চাও ওহে দশানন !
লঙ্কেশের শোভে কি হে রণে পলায়ন ?
গৌরব গরিমা সকলি দূর,
শূন্য বীরত্ব হইল চূর,
রণে পলায়ন, রমণী - হরণ,
এই কি তোমার বল প্রচুর ?

“আপনিই হাতে ধ’রে খাইলে গরল,
আপনিই গর্ভভরে গেলে রসাতল;
হিল না কি তব অজের বল,
কালের কবলে বিচূর্ণ হল,
যুগিত জীবন, করিয়া ধারণ,
হইবে কি ফল ? তুমিও চল ।

“ফিরে চাও, ফিরে এস, দেখা(ও) বীরপণা;
ধর শর, কর যুদ্ধ, দা(ও) জয় ঘোষণা;
ভজ কালী, বল হরি, অন্তিম সময়;
মহা পাপে পরলোকে অনন্ত নিরম ।”

ক্রমশঃ ।

জয়দেবপুর ।

শ্রীমতী কু-দেবী ।

প্রাপ্ত গ্রন্থের সংক্ষিপ্ত সমালোচনা ।

অবসর-সরোজিনী ।—শ্রীরাজকৃষ্ণ রায় প্রণীত ।

রাজকৃষ্ণ বাবু বঙ্গসাহিত্য সমাজে সুপরিচিত ও সুকবি বলিয়া খ্যাত । মাইকেলের ব্রজাঙ্গনা, হেম বাবুর কবিতাবলী, নবীন বাবুর অবকাশ-রঞ্জিনীর গ্রন্থ অবসর-সরোজিনী একখানি উৎকৃষ্ট কোষকাব্য বলিয়া গণ্য হইতে পারে । এরূপ হৃদয়গ্রাহী, ভাবপূর্ণ কবিতা আমরা অল্পই পড়িয়াছি । ভাষা এরূপ প্রাজ্ঞ যে, পাঠ করিলে বোধ হয় যেন কবির মনের ভাব আপনা আপনিই সুললিত ভাষায় ব্যক্ত হইয়াছে । প্রকৃত কবি এই রূপই হইয়া থাকে । তাঁহাকে নূতন নূতন ভাবের নিমিত্ত মস্তিষ্ক বিলোড়ন অথবা তাহা ভাষায় ব্যক্ত করিতে কষ্ট কল্পনা করিতে হয় না । আমাদের অসুরোধ যে, শিক্ষিত বঙ্গমহিলাগণ সকলেই এই পুস্তকখানি একবার পাঠ করেন ।

অবকাশ-গাথা ।—শ্রীবিজয়কৃষ্ণ বসু প্রণীত । এখানিও একখানি কোষকাব্য । ইহার কতকগুলি কবিতা প্রথমে বঙ্গমহিলায় প্রকা-

শিত হইয়াছিল। ইহার প্রশংসা করিতে হইলে, আত্ম-প্রশংসা করা হয়, এই নিমিত্ত আমরা ইহার সমালোচনা করিলাম না।

ভারত-সুহৃদ।—মাসিক পত্র ও সমালোচন। ফরিদপুর হইতে প্রকাশিত। এই পত্রের উদ্দেশ্য মহৎ। “বঙ্গমহিলা” স্বত্ব যেরূপ বঙ্গমহিলাগণের উপকারার্থে ব্যয়িত হইয়া থাকে, ভারত-সুহৃদের স্বত্বও সেইরূপ ভারতবর্ষের সর্বপ্রকার উপকারের নিমিত্ত ব্যয়িত হইবে। লেখকগণ সকলেই লিপিপটু। তবে তাঁহাদিগের সহিত আমাদের অনেক বিষয়ে মতভেদ আছে।

অঙ্ক-সূত্র।—শ্রীবিজয়কৃষ্ণ বসু প্রণীত।

এই পুস্তকখানি পাঠীগণিত শিক্ষাসম্বন্ধে উপক্রমণিকা স্বরূপ। ইহাতে পাঠীগণিতের মৌলিক নিয়মগুলি বিস্তারিতরূপে এবং সরল ভাষায় লিখিত হইয়াছে। সুকুমার বালক বালিকাদিগের পাঠার্থে এখানি বিশেষ উপযোগী হইয়াছে। তবে যে কতকগুলি ইংরাজি মাপ, ওজন ইত্যাদির বিষয় বিস্তারিতরূপে লিখিত হইয়াছে তাহা উহাদিগের পক্ষে এক্ষণে অতিরিক্ত বলিয়া বোধ হয়। আমরা ভরসা করি এ পুস্তকখানি সকল বিদ্যালয়ে ব্যবহৃত হয় ও মূল্য অতি স্বল্প, ১/১০ দশ পয়সা মাত্র।

বিয়োগী বন্ধু।—শ্রীঅঘোরনাথ চট্টোপাধ্যায় বিরচিত।

লেখক তরুণ বয়স্ক এবং কবিতা লেখায় এই তাঁহার প্রথম উদ্যম। কবিতাটি অতি সরল ভাষায় লিখিত এবং মধুর হইয়াছে। সময়ে লেখক একজন সুকবি হইতে পারিবেন।

চিকিৎসাতত্ত্ব। মাসিক পত্র ও সমালোচন।

শ্রীনৃসিংহপ্রসাদ রক্ষিত কর্তৃক প্রকাশিত।

ইহার কয়েক সংখ্যা আমরা পাইয়াছি। এখানি পাঠ করিলে প্রাচীন আৰ্য্য ও বর্তমান পাশ্চাত্য চিকিৎসা বিষয় জ্ঞাত হওয়া যায়।

বঙ্গমহিলা।

মাসিক পত্রিকা ও সমালোচন।

নারী হি জননী পুংসাং নারী শ্রীকৃত্যতে বুধৈঃ।
তস্মাৎ গেহে গৃহস্থানাং নারীশিক্ষা গরীয়সী।

বিষয়।	পৃষ্ঠা
১। বঙ্গমহিলা।	৭৩
২। শেষ দেখা।	৮০
৩। শিশুবিনয়ন।	৮৫
৪। স্বাভাবিক সংস্কার।	৮৯
৫। ফিয়ার সাহেবের বিদায়।	৯২
৬। বামাগণের রচনা।	৯৩

চোরবাগান-বালিকা-বিদ্যালয়ের অধ্যক্ষসভা হইতে
প্রকাশিত।

কলিকাতা।

শ্রীঈশ্বরচন্দ্র বসু কোম্পানির বহুবাজারস্থ ২৪৯ সংখ্যক ভবনে
ষ্ট্যান্‌হোপ যন্ত্রে মুদ্রিত।

বঙ্গমহিলার নিয়ম ।

অগ্রিম বাৎসরিক মূল্য ১১০ টাকা মাত্র ।

মফস্বলে ডাক মাণ্ডুল ১০ আনা ।

প্রতি সংখ্যার মূল্য ১০ আনা ।

বাণ্যাসিক বা ত্রৈমাসিক হারে মূল্য গৃহীত হইবে না ।

পত্রিকা প্রাপ্তির সময় হইতে চারি মাসের মধ্যে অগ্রিম মূল্য না দিলে বঙ্গমহিলা আর পাঠান যাইবে না ।

সচরাচর অগ্রিম মূল্য না পাঠাইলে অপরিচিত নূতন গ্রাহকের নিকট 'বঙ্গমহিলা' পাঠান হইবে না ।

মনি অর্ডার বা ডাক টিকিট, বাহার বাহাতে সুবিধা হয়, তাহাতেই মূল্য প্রেরণ করিতে পারিবেন, কিন্তু ডাকের টিকিটে, টাকায় এক আনার হিসাবে বাটা দিতে হইবে ।

মূল্য প্রাপ্তি স্বীকার বঙ্গমহিলার লেখ পৃষ্ঠার করা হইবে ।

কলিকাতা ও তন্নিকটবর্তী গ্রাহকগণ সম্পাদকের স্বাক্ষরিত ছাপা বিল ভিন্ন বঙ্গমহিলার মূল্য প্রদান করিবেন না ।

বিজ্ঞাপনের নিয়ম প্রতি পংক্তি ১০ আনা ।

গ্রাহকগণ অগ্রিম মূল্য সত্ত্বর প্রেরণ করিয়া বাধিত করিবেন ।

বামাগণের গদ্য বা পদ্য রচনাবলী অতি সাদরে বঙ্গমহিলায় বিন্যস্ত হইয়া থাকে। অতএব সকলে প্রেরণ করিয়া বাধিত করিবেন ।

কলিকাতা, চোরবাগান, } শ্রীভুবনমোহন সরকার,
মুক্তারাম বাবুর স্ট্রীট, ৭৭ নং । } সম্পাদক ।

বিজ্ঞাপন ।

১২৮২ সালের বঙ্গমহিলা একত্র বাধান প্রস্তুত আছে।
মূল্য ডাকমাণ্ডুল সমেত দুই ২ টাকা ।

১২৮২ সালের বঙ্গমহিলা ২য় ও ৩য় সংখ্যা ব্যতীত বাহার যে কোন সংখ্যা প্রয়োজন হইবে, প্রতি সংখ্যার মূল্য ডাকমাণ্ডুল সমেত ১০ দুই আনা প্রেরণ করিলে প্রাপ্ত হইবেন ।

বঙ্গমহিলা ।

• প্রকাশিতের পর ।

১৫। স্ত্রী দৈবপ্রাপ্তা হইলেও যদি সে সতী হয় তবে তাহাকে ইচ্ছাপূর্ব্বক বিবাহ না করিলেও স্বামী তাহাকে গ্রহণ ও পালন করিবে। এবং এইরূপ করিলে দেবতারা তাহার প্রতি প্রসন্ন থাকিবে ।

১৬। স্ত্রী মাতা হইবার নিমিত্ত এবং পুরুষ পিতা হইবার নিমিত্ত জন্মিয়াছে। এই নিমিত্ত বেদোক্ত বিধি সকল স্বামী সস্ত্রীক হইয়া সমাচরণ করিবে ।

১৭। বালা যে ব্যক্তির যৌতুক গ্রহণ করিয়াছে সে বিবাহের পূর্ব্ব মরিলে তাহার ভ্রাতা উহার সম্মতি লইয়া উহাকে বিবাহ করিতে পারে ।

১৮। কন্যার বিবাহ দিয়া নীচবংশীর লোকেরাও যেন বরের নিকট দান গ্রহণ না করে। কারণ দানগ্রহণ করিলে কন্যাকে বিক্রয় করা হয় ।

১৯। পুরাতন বা আধুনিক কালের কোন ভদ্রলোকেই এক জনকে বাকুদান করিয়া অশ্রুকে কন্যাদান করে নাই ।

১০০। পূর্ব্ব পূর্ব্ব সৃষ্টিতেও আমরা কখন কোন ব্যক্তিকে কন্যা-বিক্রয় করিতে শুনি নাই ।

১০১। স্ত্রী ও স্বামী মরণকাল পর্য্যন্ত পরস্পরে অহুরাগ রক্ষা করে ইহাই সংক্ষেপে বলিতে গেলে স্ত্রী পুরুষের পরম ধর্ম্ম ।

১০২। স্ত্রী ও পুরুষ পরস্পর বিবাহবদ্ধ হইয়া সাবধানভাবে বাস করিতে থাকিবে। সাবধান যেন পরস্পর বিরহিত হইয়া পরস্পর ধর্ম্মভঙ্গ না করে ।

১০৩। স্ত্রী ও পুরুষের পরস্পর ধর্ম্ম এইরূপ বর্ণনা করা হইল। এক্ষণে দায় মীমাংসা কথিত হইতেছে ।

১১৮। ভ্রাতারা পিতৃধন বিভাগ করিয়া লইবার সময় অবি-

বাহিতা সহোদরাদিগকে প্রত্যেকে আপন আপন ধনের চতুর্থাংশ প্রদান করিবে। না করিলে পতিত হইবে।

১২২। নীচ কুলজাতা অথচ শেষ বিবাহিতা পত্নীর পুত্র জ্যেষ্ঠ হইলে এবং প্রথম বিবাহিতা উৎকৃষ্ট কুলজাতা পত্নীর পুত্র কনিষ্ঠ হইলে দায় মীমাংসার গোলযোগ হইতে পারে।

১২৩। একুশ স্থলে প্রথমা স্ত্রীর পুত্র একটী উৎকৃষ্ট গুরু সর্কাণ্ডে বাছিয়া লইতে পারিবে, অন্যান্য গণা সকল অপরের অধিকৃত হইবে।

১২৪। প্রথম বিবাহিতা পত্নীর পুত্র জ্যেষ্ঠ হইলে সে সর্কাণ্ডে একটী উৎকৃষ্ট গণা এবং পঞ্চদশ গাভী গ্রহণ করিতে পারিবে।

১২৫। মাতৃকুলের উচ্চতা ও নীচতা অনুসারে পুত্রদিগের উচ্চ নীচতা হইবে। কিন্তু সমাতৃকস্থলে জ্যেষ্ঠকনিষ্ঠত্বের ধারাক্রমিক মীমাংসা হইবে।

১২৬। পুত্রাভাবে কন্যাই পিতৃবংশ রক্ষা করিবে।

১৩১। মাতা বিবাহকালে যে কন্যাধন প্রাপ্ত হইয়াছিলেন কুমারীগণ তাহা পরস্পর বিভাগ করিয়া লইবে। পুত্রাভাবে হুহিতার পুত্র সমুদায় ধন অধিকার করিবে।

১৩২। অপুত্র পিতার কন্যার পুত্র নিজ পিতা ও মায়ের পিতা উভয়কেই এক এক পিণ্ড প্রদান করিবে।

১৩৩। পৌত্র এবং পূর্কোক্ত প্রকার হুহিতার পুত্রে ব্যবস্থাশাস্ত্রে কোন প্রকার ভেদ দেখিতে পাওয়া যায় না।

১৩৫। পিতা কন্যাকে বিবাহ দিয়া পূর্কোক্তরূপ পুত্রোৎপাদনে নিযুক্ত করিলে যদি সে কন্যা ঘটনাক্রমে পুত্র না পাইয়া মরিয়া যায় তবে তাহার স্বামী তাহার পিতার সমুদয় বিষয়ের উত্তরাধিকারী হইবে।

১৩৬। পিতা এইরূপ দৌহিত্রের পিতাস্বরূপ বিবেচিত হইয়া থাকে।

১৩৭। পূর্কোক্তরূপ দৌহিত্র পৌত্রের স্থায় নরক হইতে উদ্ধার করে।

১৩৮। এইরূপ হুহিতার পুত্র প্রথমতঃ আপনার মাতাকে পিণ্ডদান করিবে। তৎপরে পিতা ও পরে মাতামহকে পিণ্ড দান করিবে।

১৪৩। স্ত্রী স্বামীর অনুমতি না লইয়া পরপুরুষযোগে পুত্র উৎপাদন করিলে সে পুত্র বিষয় পাইবে না। কেন না এরূপ স্ত্রীকে ব্যভিচারিণী বলিয়া মনে করিতে হয়।

১৪৪। স্ত্রী স্বামীর অনুমতি লইয়াও যদি পবিত্র মনে এইরূপ পুত্র উৎপাদন না করে তবে সে পুত্রও বিষয়ের অধিকারী হইবে না।

১৪৫। আর যদিই অনুমতি লইয়া পবিত্র মনে এরূপ করে তাহা হইলেও সে পুত্র ধার্মিক ও বিদ্বান না হইলে বিষয় পাইবে না।

১৪৬। ভ্রাতার বিধবা স্ত্রীকে পালন ও তাহাতে বিধিপূর্বক পুত্র উৎপাদন করিলে ঐ পুত্রের পঞ্চদশ বৎসর বয়ঃক্রম কালে তাহার পূর্ব পিতার সমুদায় স্থাবর ও অস্থাবর বিষয় তাহাকে প্রদান করিতে হইবে।

১৪৭। স্ত্রী স্বামীর অনুমত হইয়াও পরপুরুষ-সংযোগে রিপু-চরিতার্থ করিবার অভিপ্রায়ে পুত্র উৎপাদন করিলে সে পুত্র বিষয়ের উত্তরাধিকারী হইবে না।

অনন্তর মহাত্মা মনু স্ত্রীদিগের কুল-মর্যাদার অনুসারে তাহাদের পুত্রকন্যাদির যেরূপ দায় মীমাংসা করিয়াছেন আমরা তাহার সমুদয় বিবরণ না করিয়া কথঞ্চিৎ উল্লেখ করিতেছি।—কারণ সমুদায় বিবরণ আমাদের আবশ্যক হইতেছে না। মনুর সময়ে স্ত্রীপুরুষ সম্বন্ধীয় সামাজিক নিয়ম কিরূপ ছিল নিম্ন-লিখিত করে-কটা ধারা পাঠ করিলে তাহা সবিশেষ বুঝিতে পারা যাইবে।

১৬৬। বিবাহিতা স্ত্রীতে স্বামীর যে উৎপাদিত পুত্র এবং যাহাকে ঔরস পুত্র কহে সেই পুত্রই কুলমর্যাদার সর্কপ্রধান।

১৬৭। মৃত, ক্লীব বা রোগীর ভার্য্যা অনুমতি লইয়া পরপুরুষ-সংযোগে পুত্র উৎপাদন করিলে তাহাকে বাপের ছেলে না বলিয়া মায়ের ছেলে মনে করিতে হয়।

পোষ্যপুত্রের ব্যবহার অদ্যাপি রহিয়াছে স্ত্রীরাং তাহার বর্ণনা অনাবশ্যক ।

১৭০। স্বামী বাহার বহুকাল অনুদ্দেশ্য হইয়াছে একরূপ পরিণীতা স্ত্রী পরের গৃহে অন্যপুরুষসংসর্গে পুত্র উৎপাদন করিলে সে পুত্র গৃহস্বামীর অধিকৃত হইবে। এস্থলে অন্য পুরুষ শব্দে বাহাকে লক্ষ্য করা হইতেছে যদি সে ব্যক্তি অজ্ঞাত হয় অথচ যদি তাহার কুলশীল পূর্বোক্ত স্ত্রীর অনুরূপ বলিয়া অনুমিত হয় তাহা হইলেই একরূপ ব্যবস্থা সঙ্গত হইবে।

১৭২। কন্যা পিতৃগৃহে গোপনে সন্তান প্রসব করিলে এবং সন্তান প্রসবের পর প্রণয়ীকে বিবাহ করিলে ওরূপ সন্তানকে কানীন বলিয়া মনে করা যায়।

১৭৩। যুবতী গর্ভিনী হইবার পর বিবাহ করিলে তাহার গর্ভ জ্ঞাত থাকুক আর নাই থাকুক তাহার গর্ভে যে সন্তান উৎপন্ন হইবে সে বিবাহকর্তারই অধিকৃত।

১৭৫। স্ত্রী পরিত্যক্তা বা বিধবা হইলে আপনার ইচ্ছানুসারে অথচ ব্যবস্থার বিপরীতে বিবাহ করিয়া যে পুত্র উৎপাদন করে উহাকে পৌনর্ভব কহিতে পারা যায়।

১৭৬। দ্বিতীয়বার বিবাহের পর স্ত্রী কুমারী থাকিলে সে রীতিমত বিবাহবিধি সমাপন করিবে। আর যদি এমন হয় যে, স্বামীর শৈশবকালে স্বামীকে পরিত্যাগ করিয়া চলিয়া যাওয়া হইয়াছিল অথবা স্বামীর যৌবনোদয়ে তাহার কাছে ফিরিয়া আসা হইল তাহা হইলেও স্বামীর সহিত পুনর্বার বিবাহাচার নিরীহ করিতে হইবে।

১৭৮। ব্রাহ্মণ রিপুবশে শূদ্রানীতে পুত্রোৎপাদন করিলে ওরূপ পুত্র জীবিত হইলেও তাহাকে স্ত্রীস্বরূপ মনে করিতে হয়।

১৭৯। শূদ্র আপনার ক্রীতদাসী বা আপনার ক্রীতদাসের ভার্যায় পুত্র উৎপাদন করিলে সে অন্যান্য পুত্রের সম্মতি লইয়া বিষয়ের অংশ পাইতে পারে।

১৮৩। কোন ব্যক্তির একাধিক ভার্যার মধ্যে একতর ভার্য্যা পুত্র উৎপাদন করিলে অন্যান্য ভার্য্যাদিগকেও ঐ পুত্রের দ্বারা পুত্রবত্তী মনে করা যাইতে পারে।

১৮৪। ঔরসপুত্র না থাকিলে অন্যান্য পুত্রেরা যথাক্রমে দায়ভাগ করিয়া লইতে পারে।

১৯০। অবীরা মৃতস্বামীর বংশরক্ষার্থ পুরুষান্তরসহযোগে পুত্র উৎপাদন করিলে ঐ পুত্র পূর্ণ বয়সে মৃতের সমুদায় বিষয়ের উত্তরাধিকারী হইবে।

১৯১। কোন নারীর প্রথম ও দ্বিতীয় স্বামী উভয়েই মৃত হইলে যদি তাহাদের প্রত্যেকেরই এক এক পুত্র থাকে এবং যদি উহারা বিষয় লইয়া পরস্পর কলহে প্রবৃত্ত হয় তাহা হইলে দায়ভাগবিধানানুসারে উহারা স্ব স্ব পিতার বিষয় গ্রহণ করিবে।

১৯২। মাতার মৃত্যু হইলে সহোদর ও অবিবাহিতা সহোদরাগণ মাতার বিষয় সমান অংশে ভাগ করিয়া লইবে। বিবাহিতা হইলে মাতৃবিষয়ের চতুর্থাংশ পাইবে।

১৯৩। কন্যার কন্যাও মাতামহীর বিষয়ের অংশ পাইতে পারে। স্নেহের অনুরোধ এইরূপই প্রত্যাশা করিয়া থাকে।

১৯৪। বিবাহের পূর্বে যে ধন পাওয়া হইয়াছিল, বিবাহের সময় যে ধন পাওয়া হইয়াছিল, প্রীতিবশতঃ আত্মীয়দিগের নিকট যে ধন পাওয়া হইয়াছিল এবং ভ্রাতা বা মাতা বা পিতার নিকট যে ধন পাওয়া হইয়াছিল, তৎসমুদায়কে স্ত্রীধন কহিতে পারা যায়।

১৯৯। স্ত্রীলোক যেন অতিসঞ্চয় না করে। স্বামীর বিষয় হইতেও স্বামীর অনুমতি না লইয়া অধিক সঞ্চয় করিবে না।

২০০। স্বামীর জীবনসময়ে যে সকল অলঙ্কার স্ত্রীলোকে পরিধান করে, স্বামীর উত্তরাধিকারীরা যেন তাহা ভাগ করিয়া না লয়। ওরূপ ভাগ করিয়া লইলে তাহারা ঘোরতর পাপে পতিত হইবে।

২২২। জুয়াখেলা আর চুরি করা সমান ।

২৩০। অতএব স্ত্রীলোকে জুয়া খেলিলেও রাজদ্বারে তাহার স্পর্শ বেত্রাঘাত হইবে ।

মহুসংহিতায় স্ত্রীলোকসম্বন্ধে যাহা কিছু আছে বোধ হয় আমরা তাহার উদ্ধার করিয়াছি। মহুসংহিতা পাঠ করিলে আর্ধ্যসমাজের বিচিত্র ভাব দেখিতে পাওয়া যায়। কন্যার যে কত বয়সে বিবাহ হইত তাহা স্থিরই করা যায় না। কারণ বিবাহ অধুনাতন সময়ের ন্যায় যৌবনের পূর্বে নিষ্পন্ন হইলে কখন কানীন-পুত্র উৎপন্ন হইবার সম্ভাবনা থাকিত না।

মহুসংহিতায় কোন কোন স্থল পাঠ করিলে স্ত্রীদিগের স্বাধীনতা বিলক্ষণ দেখিতে পাওয়া যায়। রোম-সমাজের শেষ দশায় এইরূপ বিশৃঙ্খল ভাব দেখিতে পাওয়া গিয়াছিল। বর্তমান ইউরোপীয় সমাজেও এইরূপ দেখিতে পাওয়া যায়। আমাদের বোধ হয় যে আমাদের বর্তমান সমাজ ও পূর্ব সমাজ পরস্পর এত বিভিন্ন হইয়াছে যে দেখিলে চিনিতে পারা যায় না। আর বর্তমান সমাজ পূর্বসমাজের অপেক্ষা অশৃঙ্খল বলিয়া বোধ হয়। ইহার কারণ এই যে আমাদের শাস্ত্রকারেরা অনেক দেখিয়া বর্তমান সমাজের রচনা করিয়া গিয়াছেন। এই কারণেই বর্তমান সমাজে জারজ সন্তান অস্প হইয়া থাকে।

মহুসংহিতায় মধ্যে মধ্যে বিরোধ দেখিতে পাওয়া যায়। কোন স্থানে এত কঠোর বিধি রহিয়াছে যে স্ত্রীলোকের বস্ত্র স্পর্শ করিলেও দোষ, আবার কোন স্থানে জারজেরা বিষয় লাভ করিতেছে। ইহাতে বোধ হয় যে, পূর্ব পূর্ব ব্যবস্থা পর পর ব্যবস্থায় খণ্ডিত হইয়া থাকিবে। উহা মহুর সময়েরই বার বার পরির্তিত হইয়া থাকিবে। কখন বা এরূপও দেখিতে পাওয়া যায় যে, পর পর ধারার খণ্ডন পূর্ব পূর্ব পরিচ্ছেদে রহিয়াছে। এরূপ স্থলে মীমাংসা করা সহজ বোধ হয় না। তবে আমরাদিগকে সম্ভবতঃ ইহাই ভাবিতে হয় যে, লিপিকরপ্রমাদবশতঃ ওরূপ বৈষম্য হইয়া থাকিবে। অসা-

ধারণ পণ্ডিত জীমূতবাহন ও রঘুনন্দন প্রভৃতি পূজ্যতম ব্যবস্থাপকেরা উহার মীমাংসা এইরূপে করিয়া থাকেন। কোন কবিতার সহিত কোন কবিতার বিরোধ দৃষ্ট হইলে উহার মধ্যে যেটা পরবর্তী শাস্ত্রকারদিগের ব্যবস্থায় অধিক চলিত দেখিতে পাওয়া যায়, তাহাই অখণ্ডিত বলিয়া মনে হইয়া থাকে।

স্ত্রী পুরুষের অধীন হইয়া থাকিবে, জগতের এইরূপই নিয়ম বোধ হয়। অথবা এরূপ নিয়ম না হইলে স্ত্রীরা অবশ্য কোন না কোন সময়ে কোন না কোন দেশে স্বাধীন রাজ্য স্থাপন করিয়া স্বাধীনভাবে ব্যবস্থা করিতে পারিত। মহু প্রভৃতি শাস্ত্রকারেরা এইরূপ ভাবিয়াই ব্যবস্থা করিয়া গিয়াছেন। তবে কোন কোন স্থলে তাঁহাদিগকে অতি সতর্ক বলিয়া বোধ হয়। কোন কোন স্থলে সতর্ক হইতে গিয়া উৎপীড়কভাব প্রকাশ করা হইয়াছে। তবে আবার কাহার কাহারও মতে এরূপ সতর্কতা অস্বাভাবিক বলিয়াও বোধ হইয়া থাকে। তাঁহারা বলেন যে, এরূপ সতর্ক না হইলে হয় ত অন্যদিকে বিশৃঙ্খলা হইতে পারিত। তাঁহাদের মতে বরং উৎপীড়কভাব প্রকাশ হওয়াও ভাল তথাপি বিশৃঙ্খলা হইতে দেওয়া ভাল নহে।

কেহ কেহ বলেন যে, মহুর সময় “সে এক কাল গিয়াছে।” “নির্কোষ বৃদ্ধেরা” যাহা যাহা বলিয়া গিয়াছেন তাহার সমুদায়েরই যে প্রামাণ্য হইতে পারে তাঁহাদের মতে এরূপ নহে। আমরা বলিতে পারি যে, “নির্কোষ বৃদ্ধেরা” স্ত্রীপুরুষসম্বন্ধে যে কোন ব্যবস্থা করিয়া গিয়াছেন তাহা প্রশস্ত মনে পাঠ করিলে ইহাই বোধ হয় যে ব্যভিচারে তাঁহাদের স্মৃতিশয় বিদ্বৈষ ছিল, এই নিমিত্ত তাঁহাদের শাসন মধ্যে মধ্যে অতি কঠোর হইয়া গিয়াছে। পাপে অতি বিদ্বৈষ ও ধর্মে অত্যুরাগবশতই তাঁহাদের ব্যবস্থা সকল মধ্যে মধ্যে এরূপ অতি কঠিন হইয়া গিয়াছে। অতএব তাঁহাদের অভিসন্ধি সৎ বলিয়াই মনে করিতে হইবে।

শেষ দেখা ।

১

জনম আমার অই গঙ্গার সুন্দর কুলে ।
যেখানে বিহঙ্গদল গান গায় মন খুলে ;

যেখানে পবিত্র নদী
কলনাদে নিরবধি

রবি শশী দেখি' দেখি', পারাবারে যায় চ'লে ।
যেখানে তরঙ্গমালা দোলে রে সে নদী-গলে ।

যেখানে দিনের বেলা
মানবগণের মেলা

তটিনী-তরল-জলে তপন-কিরণ জ্বলে ;
নদী-কোলে বায়ু-বলে তরিগুলি টলমলে ।

২

তপন লুকা'লে পরে, যেখানে যামিনীকালে
ঢালিয়ে কোঁমুদীরাপি হাসে শশী নভোভালে ।

চাঁদের কিরণ মাখা
পর্ণময়ী তরুশাখা

ছায়ার সৃজন করি, সমীরণে ধীরে দোলে ;
দেখিলে জুড়ায় আঁখি, হৃদয় মানস ভোলে ।

রেতে স্তব্ধ কোলাহল,
নীরব গঙ্গার জল,

চ'লে পড়ে গ্রামবাসী নিদ্রার কোমল কোলে,
নির্ঝর রসনা, শুধু নাসায় নিশ্বাস চলে ।

৩

বিধাতার বিড়ম্বনে এ হেন সুন্দর গ্রাম
(আমার বিচারে যেন ভূতলে স্বরগ-ধাম)

• ছাড়িয়ে যাইব, হায়,
চিত নাহি যেতে চায় ;

তথাপি কি করি, অহ, বিধাতা আমারে বাম,
যুচা'লেন বুঝি তিনি এ গ্রামে আমার নাম !

আশা ছিল মনে মনে ;

বান্ধবনিচয় মনে

আরে! কিছুকাল রব; হতাশ্বাস হইলাম;
বাসনা বিফল হ'ল, চিরতরে চলিলাম !

৪

চলিলাম চিরতরে; ছাড়িলাম যত আশা;
ভুলিলাম সকলের সুধামাখা ভালবাসা;

খুলিলাম অলঙ্কার,
(সারহীন অহঙ্কার !)

তাজিলাম রসনার চাটু রসময়ী ভাষা;
চলিলাম চিরতরে; ছাড়িলাম যত আশা ।

যে দিকে নয়ন যাবে,

যে দিকে মানস যাবে,

সে দিকে আমার গতি; যথা সর্গিতের দশা ।
কি লাভ বাড়ায়ে শুধু অন্তহীনা কুপিপাসা ?

৫

অয়ি গো জাহরি, তুমি আমার জনম দিনে
কতই বাজালে ধীর নিনাদে মধুর বীণে ;

তরঙ্গে তরঙ্গ ফেলি

কতই করিলে ফেলি,

হুলাহুলি দিলে কত আমারে আশীষ সনে ।
ভুলি নাই জননি গো, এখনো তা আছে মনে ।

যত দিন রবে প্রাণ,
করিব তোমার ধ্যান,

কি আছে আমার আর তোমার চরণ বিনে ?
এ অধমে, দয়াময়ি, রেখেছ চরণে কিনে ।

৬

কিন্তু বাইবার কালে—এই আমি যাই যাই—
গুটিকত কথা আজ তোমারে সুধায়ৈ যাই ;—

জনম-ভূমির মাটি
সুপবিত্র পরিপাটি,

খাঁটি সোণা ছাড়া আমি মাটি ব'লে ভাবি নাই ;
আজ কেন হেন হ'ল ? মনে মনে ভাবি তাই ।

আছিলাম যত দিন
জড় সম জ্ঞানহীন,

ভাবিতাম তত দিন ইহারে সুখের ঠাঁই ;
এবে আর নয় ; এ যে অসীম অনন্ত ছাই !

৭

এ ভূমির বশোঁগান, এই যে খানিক আগে,
গাইলাম মন খুলে হৃদয়ের অহুরাগে ।

প্রশংসিহু যেই মুখে,
পুনরায় সেই মুখে

মনোহুখে নিন্দা করি ঘোরতর সবিরাগে ;
আমি তো কৃতয় তবে বিশাল ভূতল ভাগে !

তা নয়, কৃতয় নই,
এ জনম ভূমি বই

স্বর্গও আমার মনে ক্ষণ তরে নাহি জাগে ;
হৃদয় অঙ্কিত মোর এ ভূমির স্নেহ-দাগে ।

৮

এমন সুখের ধন, তবু তার নিন্দা গাই ?
গাইবার হেতু আছে, কুশল গাহি রে তাই ।—

আমার জনম ভূমি,
এই কথা বলি আমি,

কিন্তু রে আমার হেথা কিছু অধিকার নাই,
পরকরগত ইহা, আমাদের আর নাই !

নরক ব্যতীত তবে
কে এরে স্বরগ কবে ?

এ হেতু এখানে আর থাকিবারে নাহি চাই,
এ হেতু এ ভূমি হ'তে এই আমি যাই যাই ।

৯

যাই আমি তেয়াগিয়ে এ দেশের মায়ামোহ,
হাসির বদলে সাখী করিয়ে লোচন-লোহ !

সদাই ইহার তরে
গাই গে. কাতর স্বরে

ভৈরবীতে হুখ এর, ভেদিয়ে গগন-দেহ,
গাইয়ে গুনিব নিজে, যদি নাহি গুনে কেহ ।

য দিন চেতনা রবে,
য দিন শোণিত ববে,

য দিন বিনাশ নাহি হইবে মাটির দেহ,
হুখের সঙ্গীত এর গাইব রে অহরহ !

১০

সঙ্কল্প করেছি আমি স্থলে জলে ঘোর বনে
ইহার হুখের গান গাইব হুখিত মনে ;

প্রতি লোমকূপ যদি
কথা কয় নিরবধি,

কহিব এইহার দুখ সবারে, তাদের সনে;—
জনম ভূমিরে মোর পরে শাসে কুশাসনে!—

আমার জনম ভূমি
ভুতলে স্বরগ ভূমি,
এবে রে নরক ভূমি, বিদেশীয় প্রপীড়নে!
গাইব এ গান সদা অতীব দুখিত মনে।

১১

যে জিহ্বায় সুখ এর করিয়াছি বরণন,
সে জিহ্বায় দুখ এর কব এবে প্রতিফলন।
নয়নের নীর সহ—

গাব শোকে অহরহ;—
আমার জনম ভূমি বিষাদের নিকেতন,
আমার জনম ভূমে বিধাতার বিড়ম্বন;
বিদেশীয় দস্যু এসে,
দ্বিতীয় যমের বেশে

প্রতিপলে করে এরে হাড়ে হাড়ে জ্বালাতন;
আমার জনম ভূমে বিধাতার বিড়ম্বন!

১২

রব না এ দেশে আর, কি লাভ থাকিলে হবে?
জনম ভূমির দুখ চিত মোর নাহি সবে।

ভাগীরথি, থাক ভূমি,
থাকুক জনম-ভূমি
থাকুক পাদপ লতা, থাকুক অপর সবে;
কেবল আমার চিত হেথা আর নাহি রবে।

যে দিকে নয়ন যাবে,
যে দিকে মানস ধাবে,
সে দিকে আমার গতি; জননি গো যাই তবে;
অন্তিম বিদায় দাও; যা হবার, তাই হবে।

১৩

সে দিন বাহারে আমি ভাবিতাম শশী রাকা,
নিদাঘে মৃকভু মাঝে কিসল-ভুষিত শগখা;
সে জনম ভূমি কিনা
পরবশে দীনা হীনা,
পরের পীড়ন সন্ন, বদনে বিষাদ মাখা!
বিহঙ্গিনী কাঁদে যেন কাটিলে যুগল পাখা!
যাই তাই, যদি পারি
যুছাতে এ আঁখি-বারি
আসিব আবার তবে ফিরায়ে ললাট-লেখা।
নতুবা এ জন্মে মোর এই দেখা—শেষ দেখা!

শিশুবিনয়ন ।

(সত্য এবং সরলতা ।)

সর্বদোষশূন্য সচ্ছরিত্র জীবন সকল স্মৃতির আকর, কিন্তু তাহা
এ জগতে পাওয়া নিতান্ত দুর্লভ। কিরূপে আমরা সেই স্মৃতির
স্বার্থ অধিকারী হইতে পারি, তদ্বিষয়ে যত্নশীল হইতে হইলে
আমাদের জীবনের প্রত্যেক কার্যের প্রতি দৃষ্টি রাখিতে হইবে।
কোন প্রকার অত্যাচার যেন জীবনের অন্তরালে লুক্কায়িত থাকিয়া
আমাদের মনকে বিচলিত এবং আচরণকে কলুষিত করিয়া না
ফেলে। অনেকেই জানেন যে, সত্যভ্রষ্ট হওয়া নিন্দনীয় ও স্বর্গার্হ,
অতরাং জ্ঞাতাচারে মিথ্যারোপ করিতে বাস্তবিক কাহারও
ইচ্ছা নাই, কিন্তু অনেকে ভ্রমবশতঃ কোন কোন স্থলে কখন কখন
এরূপ মিথ্যা কথায় জড়িত হইয়া পড়েন যে, তাহা তাঁহাদের মিথ্যা
বলিয়াই উপলব্ধি হয় না। যখন তাঁহারা কোন অল্পস্থিত
ব্যক্তির বিষয় আলোচনা করিতে প্রবৃত্ত হন, তখন তাহা এরূপ

বাক্যবিতণ্ডার সহিত বাড়াইয়া বসেন যে, সেই ব্যক্তি উপস্থিত থাকিলে তাঁহাদের বাক্যের সম্পূর্ণ বৈপরীত্য প্রকাশ পাইত। এতদ্ব্যতীত অনেকানেক সত্যপ্রিয় ব্যক্তিও আত্মকৃত কার্যের বর্ণনাকালে আপনাদের দোষগুণ সতর্কতাসহকারে উল্লেখ করিয়া থাকেন। যে অংশে আপনাদের দোষ, প্রায় সেই অংশটী পরিত্যাগ করিয়া যে অংশে গুণ সেই অংশটী উত্থাপন করিয়া তাহা সমর্থন করেন। এক্ষণে কর্তব্য এই যে, যথার্থ সত্যনিষ্ঠ হইতে হইলে আমাদের জীবনের কোন কার্যে যেন মিথ্যা স্পর্শ না হয়। স্পষ্টরূপে মিথ্যা কথা কহিলাম না বলিয়াই সত্যনিষ্ঠা রক্ষা হইল তাহা কখনই নহে; অন্তরে মিথ্যা, বাহিরে সত্য, ইহা অত্যন্ত ভয়ানক। অতএব এরূপ ব্যক্তির চরিত্র মিথ্যাবাদী অপেক্ষা অনেকাংশে দূষ্য। ইহাতে কেবল তাঁহার শঠতার পরিচয় প্রদান করা হয় এমত নহে, এরূপ চরিত্র শিশুবিনয়নের পক্ষে অত্যন্ত অনিষ্টকর। পূর্বে উল্লিখিত হইয়াছে যে, শিশুগণ যাহা দেখে ও শুনে তাহা আশু অনুকরণ করিতে চেষ্টা করে। অতএব এস্থলে বিবেচনা করা কর্তব্য যাহার উপর শিশুবিনয়নের সমস্ত ভার অর্পিত হয়, তাহার কতদূর সত্যের প্রতি দৃষ্টি রাখিয়া পদক্ষেপ করা উচিত। শিশুগণের নিকট কেবল সত্যকথা কহিলে চলিবে না। তাহাদের প্রতি ও তাহাদের সমক্ষে অপরের প্রতি যে আচার ব্যবহার করা যায়, তাহা সম্পূর্ণরূপে বিশুদ্ধ করিতে হইবে। ইহাও বিবেচনা করা আবশ্যিক যে, আপনাদের কার্যসৌকর্যার্থে কোনপ্রকার শঠতা ও প্রবঞ্চনা দ্বারা শিশুদিগকে সান্ত্বনা করিবার চেষ্টা করা অতিশয় গর্হিত কার্য। এরূপ অনেক স্থলে দেখা গিয়াছে, পিতা মাতা অথবা ধাত্রী শিশুদিগের ক্রন্দন নিবারণার্থে নানা প্রকার ভাণ ও মিথ্যা উপায় অবলম্বন করিয়া থাকেন। যে দ্রব্য পাওয়া কখনই সম্ভবপর নহে, কিম্বা যে দ্রব্য প্রদান করা সুকঠিন, সেই দ্রব্য দিব বলিয়া তাহাদিগকে সান্ত্বনা করেন। কেহ কেহ শিশুদিগকে তিক্ত ঔষধ সেবনকালীন উহা মিষ্ট বলিয়া খাওয়াইতে সচে-

ষ্টিত হন। এইরূপ নানা লোকে নানাপ্রকার অসঙ্গত কার্য করিয়া থাকেন। অতএব এই সমস্ত অভিনিবেশপূর্বক অনুধাবন করিয়া দেখিলে স্পষ্ট প্রতীত হইবে যে, ইহাতে কতদূর অনিষ্টোৎপাদন হইতে পারে। প্রথমতঃ, যে কোনরূপ প্রবঞ্চনা বাক্যে শিশুগণকে সান্ত্বনা করা যায়, তাহা মিথ্যা কথা বলিয়া অবশ্য স্বীকার করিতে হইবে, এবং সেই মিথ্যাকথন যে পাপকর্ম তাহা উল্লেখ করা বাহ্যামাত্র। দ্বিতীয়তঃ, কোনরূপ মিথ্যা উপায় অবলম্বনপূর্বক কার্যোদ্ধার করিলে শিশুরা তাহা শিক্ষা পাইয়া নিজ নিজ কার্য সাধনকালে যে তদনুরূপ করিবে তাহার আর আশ্চর্য্য কি? কথায় বলে “একবারকার রোগী ও আরবারকার ওঝা”। অতএব শিশুগণও যে ধাত্রীর ছায় শঠতা ও প্রতারণাবিষয়ক ওঝা হইয়া উঠিবে তাহা কে না স্বীকার করিবে? তৃতীয়তঃ, যখন তাহার পিতা মাতা অথবা ধাত্রীর এরূপ প্রবঞ্চনা বাক্য বুঝিতে পারে, তখন আর তাহার বাক্য কিছুমাত্র বিশ্বাস করে না, সুতরাং শিশুকে সান্ত্বনা করা কঠিন হইয়া উঠে। যাহারা সর্বদা শিশুসন্তানগণকে লালন পালন করিয়া থাকেন, তাহারা জানেন ইহারা কত সহজে সত্য ও প্রতারণা বুঝিতে পারে।

শিশুদিগের নিকট বাহা অঙ্গীকার করা যায় তাহা সর্বতোভাবে পালন করা কর্তব্য। কোন দোষ করিতে দেখিলে তন্নিবারণার্থে যথোচিত দণ্ডবিধান করা উচিত। দোষের দণ্ডবিধান এবং অঙ্গীকারের স্থলে অঙ্গীকার প্রতিপালন না করিয়া একের দ্বারা অপর কার্য সিদ্ধ করা অতিশয় অস্থায় কার্য। যথা, কোন শিশুকে কহিলাম “তুমি এই পাঠটী কণ্ঠস্থ কর, আমি তোমাকে একটা উৎকৃষ্ট লাঠিম দিব।” সে লাঠিম পাইবার প্রত্যাশায় যৎপরোনাস্তি যত্নসহকারে পাঠাভ্যাস করিতে প্রবৃত্ত হইল। পাঠাভ্যাস পরিসমাপ্তিকালে আমি তাহাকে পুনরায় কহিলাম, “তোমার ওয়ুক বিষয়ে অত্যন্ত দোষ প্রকাশিত হইয়াছে, অতএব তোমাকে এই লাঠিমটী দেওয়া যাইতে পারে না।” বিবেচনা

স্মৃতি, কল্পনা, স্বপ্নপ্রবণতা ইত্যাদি বৃত্তিসমূহের দ্বারা ব্যাপ্ত হইয়া থাকে এবং ভয়, সন্দেহ, ঈর্ষা, বৈরসাধন, ক্রোধ, আত্মরক্ষা, দাম্পত্যপ্রেম, অপত্যস্নেহ প্রভৃতি অন্তরিন্দ্রিয়ের কার্যসমূহ প্রকাশ করিয়া থাকে ।

মনুষ্যের শ্রায় নিকৃষ্ট প্রাণীদিগেরও পাঁচটি ইন্দ্রিয় আছে বলিয়া, বস্তুবিষয়ক জ্ঞান অর্থাৎ প্রত্যক্ষ জ্ঞান, উভয়েতেই সমান । জন্তুগণ মনুষ্যের শ্রায় আনন্দ, ক্লেশ, সুখ, দুঃখ বোধ করিতে পারে । কুকুর, বিড়াল, ছাগল, মেষ ইত্যাদি জন্তুর শাবকেরা যে মানবশিশুর ন্যায় ক্রীড়া করিতে করিতে সুখ বোধ করে, তাহা স্পষ্টই প্রতীয়মান হয় । এমন কি, হিউবার সাহেব পিপীলিকা-দিগকে ক্রীড়া করিবার নিমিত্ত সমবেত হইতে দেখিয়াছেন । কুকুর যে প্রভুর মৃত্যু হইলে তাহার শোকে প্রাণত্যাগ করে, তাহার উদাহরণ আমরা অনেক পুস্তকে পাঠ করিয়াছি ।

কৌতূহলের বশীভূত হইয়া হরিণ নানা বিপদে পতিত হইয়া থাকে । বালকেরা সর্পকে দেখিলেই ভয়ে জড়সড় হয়, কিন্তু তাহাদের কৌতূহলপ্রবৃত্তি এত অধিক যে, তাহারা যে বাক্সে সর্প বদ্ধ থাকে তাহার ডালা অস্পন্ন খুলিয়া উকিমারে । ডাকরিন্ সাহেব ইংলণ্ডের পশুবাটিকায় একটি সর্প ব্যাগের ভিতর রাখিয়া ঐ ব্যাগ বানরদিগের বাসস্থানে রাখিয়া দেন । রাখিবামাত্র একটি বানর ঐ ব্যাগের নিকট আসিয়া তন্মধ্যে সর্প দেখিয়া তৎক্ষণাৎ পলায়ন করিল । তাহার পর এক এক ফরিয়া সকল বানর ব্যাগের নিকট আসিয়া তাহার মধ্যে উকি মারিয়া পলায়ন করিতে লাগিল ।

“মনুষ্য অনুকরণকারী জীব”—এই একটি প্রবাদ আছে । কিন্তু মনুষ্য যে কেবল অনুকরণ করিয়া থাকে এমন নহে । বানরেরা অত্যন্ত অনুকরণপ্রিয় । পরিহাস ও হুষ্টি বুদ্ধিতে তাহারা বিলক্ষণ পটু । আমেরিকায় এক প্রকার পক্ষী আছে তাহারা অন্যান্য পক্ষীর স্বর ঠিক অনুকরণ করিতে পারে ।

স্মৃতি—কুকুর বানর প্রভৃতি কতকগুলি জন্তু, পাঁচ ছয় বৎসরের পরও লোক চিনিতে পারে । হিউবার সাহেব দেখিয়াছিলেন যে, একজাতীয় পিপীলিকা চার মাসের পর সেই জাতীয় অন্য একটি পিপীলিকাকে চিনিতে পারিয়াছিল ।

কল্পনা—মনের যে শক্তিদ্বারা পূর্বাহুত বিষয় ও ঘটনার অংশ লইয়া আমরা মূতন ও নতন একটি পদার্থ গঠন করি, তাহাকে কল্পনা বলা যায় । স্বপ্ন দেখা কল্পনার একটি কার্য । কুকুর, বিড়াল, ঘোটক এবং বোধ হয় সকল উচ্চশ্রেণীস্থ জন্তুগণ স্বপ্ন দেখিয়া থাকে । গাঢ় নিদ্রাক্রান্ত হইলেও ঐ সকল জন্তু-দিগকে ডাকিতে ও নড়িতে দেখা গিয়াছে ।

বিবেচনাশক্তি—সমুদয় মানসিক প্রবৃত্তি হইতে বিবেচনা-শক্তি যে সর্বপ্রধান তাহা সকলেই স্বীকার করিবেন । এবং উচ্চ-শ্রেণীস্থ জন্তুতে যে কিঞ্চিৎ পরিমাণে ঐ শক্তি বিদ্যমান আছে তাহাতে কোন সংশয় নাই । তাহারা অবস্থাভেদে বিভিন্ন-প্রকার কার্যপ্রণালী অবলম্বন করে । অবস্থাভেদে কার্যপ্রণালী-ভেদ নির্বাচন করা কেবল সংস্কারের ফল বলা যায় না । আমরা একখানি পত্রিকার বানরের নিম্নোক্ত অদ্ভুত গল্প পড়িয়াছি । ইহা অবিশ্বাস করিবার কোন কারণ নাই । “কিছু দিন হইল এদেশে এক জন বেদিয়া একটি বানর ও ছাগল নাচ দেখাইয়া কিছু কিছু অর্থ উপার্জন করিত । এক দিন বেদিয়া একটি নির্জন স্থানে এক ভাঁড় দধিকিনিয়া উহা ঐ বানর ও ছাগলটির নিকট রাখিয়া স্নান করিতে গেল । সে স্নান করিয়া আসিয়া দেখিল তাহার ভাঁড়ে দধি নাই এবং ছাগলটির মুখ ও দাড়িতে দধি মাখান রহিয়াছে ! ছাগল ভাণ্ড হইতে দধি খাইয়াছে দেখিয়া বেদিয়া আশ্চর্য হইল, কিন্তু পরে অনুসন্ধান দ্বারা জানিল বানর নিজে দধি ভক্ষণ করিয়া ছাগলকে দোষী করিবার জন্য তাহার মুখ ও দাড়িতে দধি মাখাইয়া দিয়াছে ।” এরূপ কার্য করা সামান্য বুদ্ধির কর্ম নয় ।

এক জন সাহেব দুইটি পক্ষী শিকার করেন, পক্ষী দুটি কেবল

আহত হইয়াছিল। সেই সাহেবের শিকারী কুকুর প্রথমে দুটীকেই একবারে সাহেবের নিকট আনিতে চেষ্টা করিতে লাগিল; কিন্তু তাহা না পারিয়া, পাছে পলাইয়া যায় এই নিমিত্ত একটী খাড় ভাঙ্গিয়া রাখিয়া গেল, আর অন্য আহত পক্ষীটীকে প্রভুর কাছে আনয়ন করিল; তাহার পর মৃত পক্ষীটী লইয়া আসিল।

আমরা স্বচক্ষে পিপীলিকার আশ্চর্য্য বুদ্ধিকৌশল প্রত্যক্ষ করিয়াছি। অনেকগুলি ক্ষুদ্রজাতীয় পিপীলিকা একটী ক্ষুদ্র জীবন্ত সুরাপোকা ধরিয়া বাসস্থানদিকে লইয়া যাইতেছিল। দ্বারের ক্ষুদ্রতা হেতু, আবাসমধ্যে প্রবেশ করাইতে না পারিয়া, তাহার দ্বার ভগ্ন করিতে লাগিল। তখন সুরাপোকা যেন অনন্যোপায় হইয়া দেহায়তনের বুদ্ধি হেতু আপনার দেহ জড়াইয়া গোলাকার হইল। এরূপ করিতে পিপীলিকাগণ আশ্চর্য্য উপায় অবলম্বন করিল। এক দল পিপীলিকা সুরাপোকার এক মুখ ও অন্য এক দল অন্য মুখ ধরিয়া এমনি সজোরে টান দিতে লাগিল যে, সুরাপোকাকে পুনর্বার স্বাভাবিক আকার ধারণ করিতে হইল এবং সেই অবস্থাতে অনায়াসে পিপীলিকাসমূহ তাহাকে আবাসমধ্যে সহর লইয়া গেল।

ফিয়ার সাহেবের বিদায়।

কিছু দিন হইল আমরা মাননীয় ফিয়াররমণীকে উপযুক্ত অভিনন্দন দ্বারা বিদায় দিয়াছিলাম। এক্ষণে মাগুর বিচারপতি ফিয়ার সাহেবও এদেশ পরিত্যাগ করিয়া স্বদেশে প্রত্যাগমন করিলেন। ইহাতে যে বঙ্গবাসিগণ বিশেষ ক্ষতিগ্রস্ত হইলেন তাহা বলা বাহুল্য। ফিয়ার সাহেব একজন আমাদের প্রকৃত বন্ধু ছিলেন এবং এদেশের হিতার্থে তিনি নিরন্তর ব্যস্ত থাকিতেন। যাহাতে আমাদের সামাজিক ও মানসিক উন্নতি হয় তিনি প্রাণপণে তাহার চেষ্টা করিতেন। এদেশের শ্রীশিক্ষার প্রতি

তাহার বিশেষ অসুরাগ ছিল। তিনি বেথুন বালিকাবিদ্যালয়ের অধ্যক্ষসভার সভাপতি ছিলেন এবং চৌরবাগান-বালিকা-বিদ্যালয়ের বিশেষ তত্ত্বাবধান করিতেন। বাঙ্গালীর প্রায় সকল সদনুষ্ঠানেই তাহার সহায়তা ছিল। তাহার বিরহে কৃতবিজ্ঞ বঙ্গবাসীমাত্রেই কাতর হইয়াছেন। দেশীয় প্রায় সকল সম্প্রদায় লোকই তাহার কাছে ঋণী এবং তাহারাও কৃতজ্ঞতা সহকারে সমুচিত অভিনন্দন প্রদান করিয়া তাহাকে বিদায় দিতে ক্রটি করেন নাই। ফিয়ার সাহেবের আয় অল্প কোন ইংরাজ এরূপ পরিমাণে অভিনন্দিত হন নাই বলিলে বোধ হয় অতুল্য হইবে না। এক্ষণে তিনি সুস্থশরীরে স্বদেশে গমন করিয়া আরও কীর্তিবান ও দীর্ঘজীবী হইবেন এই আমাদের আন্তরিক বাসনা।

বামাগণের রচনা।

“ নিদাঘ নিশিতে ”—

বিশাল অনন্ত গভীর গগনে
ভাসিছে সুন্দর পূর্ণেন্দু-মণ্ডল।
চকোর চাহিছে চন্দ্রমা উপর,
সেই দিকে আমি চাহিয়ে কেবল।

মরি কি সুন্দর তুই রে চকোর,
অন্তরীক্ষ তোর আবাসের স্থল।
নাহি জানি কোন্ দূর দেশ হতে
করিতেছ মম মানস চঞ্চল।

সহস্র নক্ষত্র দীপ-প্রায়-শিখা,
জ্বলিছে প্রশান্ত প্রশান্ত গগনে।
বার বার আমি ঐ দিকে চাই,
নাহি দেখি সুখ এ ভব-ভবনে।

চাহি হে উজ্জ্বল জ্যোতিষ্কের দল !
তোমাদের মাঝে এক বিলু স্থল ।
এ ভব-পিঞ্জরে কেন মরি আর,
মাইব যথায় তোমরা সকল ।
ধরনী পরিয়ে বিশদ বাস,
ধকিছে আ মরি সূচাক হাসে,
দিক দশ জ্বলে সুধাময় করে,
আ মরি কি শোভা আজি রে আকাশে !!!

রমণী - প্রণয় রমণী - বিলাস
শিখাতে বুঝি রে জগত-জনায়,
জাগি শশধর চারিটা প্রহর,
নিশার সহিত শরীর মিশায় ।

সরোবর, — শ্যামল গাছের পাতা
ঝিকিঝিক করে চন্দ্রের চুধনে !
বল ওহে বল হিমাংশু আমাকে
তোমার এ ধারা শিখাবে যতনে ।

মলয় মাকত প্রশান্ত বহিছে ;
পাতায় পাতায় শিশির জ্বলিছে ;
শিহরিয়া যদি কাঁপি ক্ষণে ক্ষণে,
বিরহির অশ্রু বিরলে বহিছে ।

বল হে সুধাংশু সুধার সাগর,
পরহুখে কতু কাঁদিয়াছ কি না ?
এ মহীমণ্ডলে আমি চিরদিন
নাহি দেখি কিছু পরহুখ বিনা ।

অথবা তোমাতে জিজ্ঞাসি বা কেন ?
মাসাবধি যার ক্লেশেতে যাম,
বিরহির তরে বিসর্জিয়া সুখ,
লুকাইয়া থাকে মাসেকের প্রায় ।

জগতে যে জন পরের তরে
নিরবধি অশ্রু করে বিসর্জন,
সকলের প্রিয় হয় রে সে জন,
সুখ দুঃখ তার চন্দ্রের মতন ।

শ্রীমতী শ—

নৈহাট ।

কি দিব তোমায় ?

কি দিব তোমায় আর হৃদয়-রতন !
নয়নে নয়নে যবে হ'য়েছে মিলন—
সেই দিন তনু মনঃ
করিয়াছি সমর্পণ,

কি আর নুতন নিধি আছে হে আমার
করিব যা সমর্পণ তোমায় আবার ?

যদ্যপি ফিরায়ে দেও হৃদয়-বল্লভ !
পারি দিতে কিরাইয়া পুনঃ সেই সব ।

এ হৃদয় পুনর্বার
হবে না আমার আর,
দেও যদি ফিরাইয়া
আবার সঁপিব হিয়া,

আবার ঢালিব তনু প্রেমের সাগরে ;
আনন্দ-লহরীমালা পশিবে অন্তরে ।

থমকে থমকে পুনঃ প্রেম-সোঁদামিনী
হুহ জন হৃদয়েতে ছুটিবে অমনি ;
হাসিবে মধুর হাসি
শত শনী পরকাশি

হুড়ায়ে অমৃত - রাশি জমত - উপর,
তুমিও হাসিবে নাথ, গুণের সাগর !

বিকাশিয়া স্বপ্ন মকরন্দ ফরিবে,
উত্তরে দক্ষিণানিল, পুনরায় বহিবে ;

চাহি হে উজ্জ্বল জ্যোতিষ্কের দল !
তোমাদের মাঝে এক বিন্দু স্থল ।
এ ভব-পিঞ্জরে কেন মরি আর,
নাইব যথায় তোমরা সকল ।
ধরণী পরিয়ে বিশদ বাস,
ধকিছে অা মরি সুচাক হাসে,
দিক দশ জ্বলে সুধাময় করে,
অা মরি কি শোভা আজি রে আকাশে !!!

রমণী - প্রণয় রমণী - বিলাস
শিখাতে বুঝি রে জগত-জনায়,
জাগি শশধর চারিটা প্রহর,
নিশার সহিত শরীর মিশায় ।

সরোবর, — শ্যামল গাছের পাতা
ঝিকিঝিক করে চন্দ্রের চুধনে ।
বল ওহে বল হিমাংশু আমাকে
তোমার এ ধারা শিখাবে যতনে ।

মলয় মাকত প্রশান্ত বহিছে ;
পাতায় পাতায় শিশির জ্বলিছে ।
শিহরিয়া হৃদি কাঁপি ক্ষণে ক্ষণে,
বিরহির অশ্রু বিরলে বহিছে ।

বল হে সুধাংশু সুধার সাগর,
পরহুখে কতু কাঁদিয়াছ কি না ?
এ মহীমণ্ডলে আমি চিরদিন
নাহি দেখি কিছু পরহুখ বিনা ।

অথবা তোমাতে জিজ্ঞাসি বা কেন ?
মাসাবধি যার ক্লেশেতে যায়,
বিরহির তরে বিসর্জিয়া সুখ,
লুকাইয়া থাকে মাসেকের প্রায় ।

জগতে যে জন পরের তরে
নিরবধি অশ্রু করে বিসর্জন,
সকলের প্রিয় হয় রে সে জন,
সুখ দুঃখ তার চন্দ্রের মতন ।

শ্রীমতী শ—
নৈহাটী ।

কি দিব তোমায় ?

কি দিব তোমায় আর হৃদয়-রতন !
নয়নে নয়নে যবে হ'য়েছে মিলন—
সেই দিন তনু মনঃ
করিয়াছি সমর্পণ,

কি আর নুতন নিধি আছে হে আমার
করিব বা সমর্পণ তোমায় আবার ?

যদ্যপি ফিরায়ে দেও হৃদয়-বল্লভ !
পারি দিতে ফিরাইয়া পুনঃ সেই সব ।

এ হৃদয় পুনর্বার
হবে না আমার আর,
দেও যদি ফিরাইয়া
আবার সঁপিব ছিলা,

আবার ঢালিব তনু প্রেমের সাগরে ;
আনন্দ-লহরীমালা পশিবে অন্তরে ।

থমকে থমকে পুনঃ প্রেম-সোঁদামিনী
হুহ জন হৃদয়েতে ছুটিবে অমনি ;
হাসিবে মধুর হাসি
শত শশী পরকাশি

হুড়য়ে অমৃত - রাশি জগত - উপর,
তুমিও হাসিবে নাথ, গুণের সাগর !

বিকাশিয়া হৃৎপদ্ম মকরন্দ ফরিবে,
উত্তরে দক্ষিণানিল, পুনরায় বহিবে ;

বঙ্গমহিলার নিয়ম ।

অগ্রিম বাৎসরিক মূল্য ১।।০ টাকা মাত্র ।

মফস্বলে ডাক মাসুল ১।০ আনা ।

প্রতি সংখ্যার মূল্য ১।০ আনা ।

বাণ্যাসিক বা ত্রৈমাসিক হারে মূল্য গৃহীত হইবে না ।

পত্রিকা প্রাপ্তির সময় হইতে চারি মাসের মধ্যে অগ্রিম মূল্য না দিলে বঙ্গমহিলা আর পাঠান যাইবে না ।

সচরাচর অগ্রিম মূল্য না পাঠাইলে অপরিচিত নূতন গ্রাহকের নিকট 'বঙ্গমহিলা' পাঠান হইবে না ।

মনি অর্ডার বা ডাক টিকিট, বাহার বাহাতে সুবিধা হয়, তাহাতেই মূল্য প্রেরণ করিতে পারিবেন, কিন্তু ডাকের টিকিটে, টাকায় এক আনার হিসাবে বাটা দিতে হইবে ।

মূল্য প্রাপ্তি স্বীকার বঙ্গমহিলার শেষ পৃষ্ঠায় করা হইবে ।

কলিকাতা ও তন্নিকটবর্তী গ্রাহকগণ সম্পাদকের স্বাক্ষরিত ছাপা বিল ভিন্ন বঙ্গমহিলার মূল্য প্রদান করিবেন না ।

বিজ্ঞাপনের নিয়ম প্রতি পংক্তি ১।০ আনা ।

গ্রাহকগণ অগ্রিম মূল্য সত্ত্বর প্রেরণ করিয়া বাধিত করিবেন ।

বামাগণের গদ্য বা পদ্য রচনাবলী অতি সাদরে বঙ্গমহিলায় বিন্যস্ত হইয়া থাকে । অতএব সকলে প্রেরণ করিয়া বাধিত করিবেন ।

কলিকাতা, চোরবাগান, } শ্রীভুবনমোহন সরকার,
মুক্তারাম বাবুর ষ্ট্রীট, ৭৭ নং । } সম্পাদক ।

বিজ্ঞাপন ।

১২৮২ সালের বঙ্গমহিলা একত্র বাধান প্রস্তুত আছে । মূল্য ডাকমাশুল সমেত দুই ২ টাকা ।

১২৮২ সালের বঙ্গমহিলা ২য় ও ৩য় সংখ্যা ব্যতীত বাহার যে কোন সংখ্যা প্রয়োজন হইবে, প্রতি সংখ্যার মূল্য ডাকমাশুল সমেত ১।০ দুই আনা প্রেরণ করিলে প্রাপ্ত হইবেন ।

ভাদ্র, ১২৮৩।]

বঙ্গমহিলা ।

বঙ্গমহিলা ।

পূর্বে প্রকাশিতের পর ।

বিবাহ ।

মহু আখ্যাজাতির জন্ম চারি আশ্রম নির্দেশ করিয়াছেন । প্রথম ব্রহ্মচর্য্য, দ্বিতীয় গৃহস্থ, তৃতীয় বানপ্রস্থ ও চতুর্থ সন্ন্যাস । ব্রহ্মচর্য্যাবস্থায় অধ্যয়ন করিতে হয়, অধ্যয়ন পরিসমাপ্ত হইলে গৃহে বাস করা বিহিত । তদনন্তর সন্তানসন্ততি হইলে ব্রহ্মাবস্থায় সস্ত্রীক হইয়া সাংসারিক কার্য্য হইতে বিরত হইয়া কেবল পরমেশ্বরের ধ্যান করাই মহুর অভিপ্রেত । এই অবস্থায় সাংসারিক ভোগেচ্ছা হইতে ঈশ্বরের দিকে মনকে আকর্ষণ করিবার জন্ম অতি কঠিন কঠিন নিয়ম সকল বিহিত হইয়াছে । বানপ্রস্থাবস্থা উত্তীর্ণ হইলে মহুষ্য কাম ক্রোধ লোভাদি বিবর্জিত হইয়া পরম সন্তোষ আশ্রয় করত সন্ন্যাসী হইবে । এবং যেমন পক্ষীগণ বৃক্ষশাখা পরিত্যাগ করে, তদ্রূপ মানব অবলীলাক্রমে স্বীয় প্রাণ পরিত্যাগ করিয়া পরমব্রহ্মে লীন হইবে । আখ্যামাত্রেরই এই চারি আশ্রমের মধ্যে এক আশ্রম আশ্রয় করিয়া থাকা কর্তব্য । মহু কহিয়াছেন, “অনাশ্রমী হইয়া দ্বিজাতিগণের এক দিনও থাকা কর্তব্য নহে ।” অনেকে আজন্মকাল ব্রহ্মচারী এবং কেহ বা সন্ন্যাসী হইয়া থাকেন । কিন্তু গৃহস্থাশ্রম অবলম্বন করিলে সংসারের বহুবিধ কল্যাণসাধন করিতে পারা যায় । অধিক কি সন্ন্যাসীরাও গৃহস্থ দ্বারা প্রতিপালিত হন । যাগ, বজ্র, দান, ধর্ম্ম গৃহস্থ দ্বারাই উত্তমরূপ সম্পাদিত হয় । এজন্য শাস্ত্রকারেরা বারম্বার গৃহস্থ ধর্ম্মের প্রশংসা করিয়াছেন । কিন্তু গৃহ আশ্রয় করিলেই গার্হস্থ্য বলে না । “গৃহকে গৃহ বলে না, গৃহিণীকেই অর্থাৎ পত্নীকেই গৃহ বলে ।” বেদে যেখানে “স গৃহো গৃহমাগতঃ” আছে, সেখানে আশ্বলায়ন কহিয়াছেন “সগৃহ” অর্থাৎ পত্নীসহ । বিদ্যাশিক্ষার পর গৃহী হইতে ধর্ম্মশাস্ত্রপ্রণেতারা আদেশ করিয়াছেন, “মহুষ্য স্বীয় জীবনকে চারিভাগ করিয়া তাহার প্রথম ভাগ জানোপার্জন জন্ম

শুকগৃহে বাস করিবে। পরে আয়ুর দ্বিতীয় ভাগ বিবাহ করিয়া গৃহস্থাশ্রম করিবে।” জ্ঞানোপার্জনের পূর্বে বিবাহ করিতে কোন শাস্ত্রেই আদেশ নাই।

বিবাহই গৃহস্থাশ্রমের মূল এবং পুত্রের জন্য বিবাহ অবশ্য কর্তব্য, “পুত্র উৎপাদন জন্তু বিবাহ করা বিধেয়। পুত্রদ্বারা পরলোকে সন্মতি হয়।” বিবাহের মুখ্য অভিপ্রায়ই পুত্রোৎপাদন। অপিচ প্রজা উৎপাদনের জন্তুই জীলোকের সৃষ্টি হইয়াছে। মনু জগৎ পুরিত করিবার জন্তু নানা উপায়ে প্রজা সৃষ্টি করিতে লাগিলেন। কিন্তু কিছুতেই তাঁহার উদ্দেশ্য সিদ্ধ হইল না। অবশেষে বহুক্ষণ ভাবিয়া তিনি রমণীর রমণীয় রূপ স্বীয় বামভাগ হইতে নির্গত করিলেন। তদবধি স্ত্রী-পুরুষ সহযোগে প্রজাসৃষ্টি হইতে লাগিল। মানবজাতির এই আদিম পুরুষকেই খ্রীষ্টীয়ানেরা আদিম কাঁহিয়া থাকে। হরিবংশে আছে, আদিম মনুর নাম আপব ছিল; তাঁহার স্ত্রীর নাম আপবা এবং তাহা হইতে মুসলমানেরা হবা এবং খ্রীষ্টীয়ানেরা ইভু করিয়া থাকিবে। বাইবেলে এই আদিম ও ইভু সংযোগে মানবজাতির উৎপত্তি নির্দিষ্ট হইয়াছে।

দ্বিজাতির পক্ষে দশ সংস্কার অতীত কর্তব্য। বীজসেক, পুংসবন, সীমন্তোন্নয়ন, জাতকর্ম, নামকরণ, নিষ্কামণ, অন্নপ্রাশন, চূড়াকরণ, উপনয়ন ও উদ্বাহ। এই সমস্ত সংস্কারের নাম দশ সংস্কার, ইহার মধ্যে উদ্বাহই সর্বপ্রধান। উদ্বাহ সকল জাতির পক্ষেই বিহিত। শূদ্র ও শঙ্কর জাতিদিগের উপনয়ন সংস্কার নাই। তাহাদিগের নয় সংস্কার। কেবল দ্বিজাতিরই দশ সংস্কার আছে।

বিবাহ অষ্টবিধ। ব্রাহ্ম, দৈব, আর্ষ্য, প্রাজাপত্য, আত্মর, গান্ধর্ব, রাক্ষস ও পৈশাচ।

বরকে আস্থান করিয়া যথাশক্তি কন্যাকে অলঙ্কৃত করিয়া দান করার নাম ব্রাহ্ম বিবাহ। বরের স্বভাব, বিদ্যা, কুলমর্যাদা ও কার্যের বিষয় আলোচনা করিয়া এই বিবাহ প্রদত্ত হইয়া থাকে। যজ্ঞস্থ ঋত্বিজকে কন্যাদানের নাম দৈব-বিবাহ। বরের নিকট হইতে

যজ্ঞ করিবার জন্তু গোদ্বয় গ্রহণ করিয়া তাহাকে কন্যাদান করার নাম আর্ষ্য-বিবাহ। ইহার সহিত ধর্মাচরণ কর, এই নিয়মে কন্যাদান করিলে তাহাকে প্রাজাপত্য বিবাহ কহে। ভীষ্ম কহিয়াছেন, বরকে ধনদানাদি দ্বারা অনুকূল করিয়া কন্যাদান করিলে তাহাকে প্রাজাপত্য বিবাহ কহে। ইহা ব্রাহ্মণ ক্ষত্রিয় উভয় জাতিরই পক্ষে প্রশস্ত। কন্যাকে বা কন্যাপক্ষীয়গণকে মূল্য দিয়া বর স্বেচ্ছানুসারে কন্যা গ্রহণ করিলে তাহাকে আত্মর বিবাহ কহে। কন্যা ও বরের পরস্পর অনুরাগপ্রযুক্ত বিবাহ হইলে তাহাকে গান্ধর্ব বিবাহ বলা যায়। বলে কন্যাহরণ করিয়া বিবাহ করার নাম রাক্ষস বিবাহ। সুপ্তা, মত্তা, প্রমত্তা স্ত্রীতে নির্জনে গমন করার নাম পৈশাচ বিবাহ।

এই অষ্ট প্রকার বিবাহের মধ্যে ব্রাহ্ম-বিবাহই সর্বশ্রেষ্ঠ। ক্ষত্রিয়েরা গান্ধর্ব বিধি অনুসারেও বিবাহ করিতেন, কিন্তু ব্রাহ্ম, দৈব, আর্ষ্য ও প্রাজাপত্য ব্যতীত অপরাপর বিবাহ অত্যন্ত ঘৃণিত ছিল, এবং উৎকৃষ্ট বর্গের পক্ষেও প্রশস্ত ছিল না। মূল্য দান করিয়া বরকন্যা গ্রহণ করিলে সেই আত্মর বিবাহকে শাস্ত্রকারকেরা অত্যন্ত নিন্দা করিয়াছেন। ভীষ্ম মহাত্মারতে কহিয়াছেন,— ব্রাহ্ম, প্রাজাপত্য ও গান্ধর্ব এই তিন প্রকার বিবাহ মিশ্রিত হইলেও নিন্দনীয় হয় না। কিন্তু শুল্ক গ্রহণ করিয়া কন্যা দান করা অতি নিন্দনীয়। শুল্ক স্ত্রীত্ব নিশ্চয়কর নহে। এক ব্যক্তির নিকট শুল্ক গ্রহণমাত্র তাহাকে কন্যা সম্প্রদান করা হয় না। যদি বর কন্যাকে অলঙ্কার প্রদান করিয়া বিবাহ করে, তবে সে অলঙ্কার শুল্কমধ্যে গণ্য নহে। এবং সে বিবাহও নিন্দনীয় হয় না। যম কহিয়াছেন, যে ব্যক্তি ধনলোভে স্বীয় পুত্র প্রদান করে অথবা বিবাহের নিমিত্ত পণ লইয়া কন্যা দান করে, তাহাকে কালসূত্রাখ্য ঘোরতর সপ্ত-নরকে নিপতিত হইয়া ক্লেদ মূত্র ও পুরীষ ভক্ষণ করিতে হয়। ভীষ্ম কহিয়াছেন, সন্তান বিক্রয়ের কথা দূরে থাকুক, পশু বিক্রয় করাও কর্তব্য নহে। আর্ষ্য-বিবাহে গোমিথুন গ্রহণকে অনেকে শুল্ক

বলিয়া নির্দেশ করেন না কিন্তু কেহ কেহ কহিয়াছেন, কন্যার পিতা বরের নিকট যাহা কিছু গ্রহণ করুন না কেন তাঁহাকে নিশ্চয় পতিত হইতে হয়। যাহারা পণ লইয়া কন্যা দান করে, তাহাদিগের বাটীতে জলগ্রহণ করাও কর্তব্য নহে।

এক্ষণে কোন্ সময়ে বিবাহ সিদ্ধ হয় তাহা বলা আবশ্যিক। অমুক ব্যক্তিকে কন্যাদান করিব, ইহা বলিয়া কেহ সত্য করিলে তাহাতে বিবাহ সিদ্ধ হয় না। বে পর্য্যন্ত কন্যার পাণিগ্রহণ কার্য সম্পন্ন না হয়, সে পর্য্যন্ত যাহাই স্থির থাকুক না কেন, অপরকে কথা দান করিলে কন্যাপহার দোষে লিপ্ত হইতে হয় না। কেবল মিথ্যা প্রতিজ্ঞা জন্য পাপ হয়। অস্বদেশে মধ্যে মধ্যে বিবাহের পূর্ববর্তী সমস্ত কার্য হইয়া শেষে বিবাহের রাত্রিতে বিবাদবশতঃ বিবাহ ভঙ্গ হইয়া যায়, তাহাতে কোন পক্ষের বিবাহসম্বন্ধে দোষ স্পর্শ হয় না। সপ্তপদী গমন না হইলে বিবাহসিদ্ধ বলা যায় না। যাহাকে জল প্রদানপূর্বক কন্যাদান করা যায় এবং যে বিধিপূর্বক সেই কন্যার পাণিগ্রহণ করে, কন্যা তাহারই ভার্য্যা হয়। অগ্নি-সমীপবর্তিনী কন্যাকে সপ্তপদী গমনপূর্বক বিবাহ করিলে সেই বিবাহ সিদ্ধ। এই সময় কন্যা পিতৃকুল হইতে পতিকূলে পতিত হয়। “নারী সপ্তপদের পরই আপন গৌত্র হইতে ভ্রষ্ট হইয়া পতির গৌত্রে পতিত হয়।”

কন্যারা বহুদিন পর্য্যন্ত অনূতা থাকিলে আপনারা পতি মনো-নীত করিতে পারে এরূপ শাস্ত্রে বিধি আছে সত্য কিন্তু তাহা শাস্ত্র-কারেরা প্রশংসিত কার্য বলিয়া কীর্তন করেন নাই। সাবিত্রী পিতার অনুমতিক্রমে নানা স্থান ভ্রমণ করিয়া সত্যবানকে মনো-নীত করেন কিন্তু তৎকালীন অনেক ধর্মজ্ঞ মহাত্মা সাবিত্রীর ঐ কার্যকে নিন্দা করিয়াছিলেন। জনকের পৌত্র সূক্রতু কহিয়াছেন, কন্যাকে বর অন্বেষণ করিবার অনুমতি প্রদান করা পিতার অতি-শয় গর্হিত ও শাস্ত্রবিরুদ্ধ কর্ম। স্ত্রীলোকের অস্বাতন্ত্র্য ধর্মের খণ্ডনকেই আত্মর ধর্ম বলিয়া আখ্যা দেওয়া যায়। ঐ ধর্ম অত্যন্ত

গর্হিত। সূক্রতু কহেন, পূর্বকালে কখনই এরূপ বিবাহ অনু-মোদিত হইত না। মহাভারতে আছে, মনু দেবলোকে গমন করিবার সময় পুরুষদিগের হস্তে স্ত্রীলোকগণকে সমর্পণ করিয়া কহিয়া যান, “মানবগণ! স্ত্রীজাতি নিতান্ত দুর্বল, সত্যপরায়ণ ও প্রিয়কারী; উহাদিগের মধ্যে কতকগুলি ঈর্ষাপরতন্ত্র, মানলাভ-কাজক্ষী, প্রচণ্ডস্বভাব, বিবেচনাহীন ও সদা অপ্রিয় কার্যে রত। অতি অশ্ল আয়্যাসেই উহাদিগের ধর্ম নষ্ট করা যায়, অতএব উহাদিগকে রক্ষা করিবে।” বিশেষতঃ অপতা উৎপাদন, প্রতি-পালন ও রক্ষা এবং লোকযাত্রা স্ত্রীলোক হইতেই হইয়া থাকে। বিদেহরাজহুহিতা কহিয়াছিলেন যে, স্ত্রীজাতির যজ্ঞ, শ্রাদ্ধ ও উপবাস কিছুই প্রয়োজন নাই, কেবল এক স্বামিশুশ্রমাই উহাদের পরম ধর্ম। অতএব যাহাতে স্বর্গলাভের নিদানস্বরূপ সেই স্বামীর সহিত স্ত্রীলোকের অনিন্দনীয় সম্পর্ক হয়, তজ্জন্ম শাস্ত্রকারেরা ব্রাহ্ম বিবাহের প্রশংসা করিয়াছেন। স্বাতন্ত্র্য ভাব অবলম্বনের তাদৃশ প্রশংসা করেন নাই। মনু কহিয়াছেন, স্ত্রীলোককে কুমারিকা-বস্থায় পিতা, যৌবনাবস্থায় ভর্তা ও বৃদ্ধাবস্থায় পুত্র রক্ষা করিবে। উহাদিগকে স্বাতন্ত্র্য প্রদান কদাচ বিধেয় নহে। ঋষিরা কলিকালে স্ত্রী পুরুষ উভয়কেই চঞ্চলচিত্ত দেখিয়া অত্যন্ত চিন্তিত হন।

পদ্মপুরাণে আছে, “কলিকালে পুরুষেরা স্ত্রীর বশীভূত হইবে এবং স্ত্রীরাও অত্যন্ত চঞ্চলচিত্ত হইয়া নিশ্চয়ই কুপথগমনশীলা হইবে।” এই জন্য ঋষিগণ কলিকালে ব্রাহ্ম ব্যতীত অপরাপর বিবাহ নিষেধ করিয়া গিয়াছেন।

কলিকালে ব্রাহ্ম-বিবাহ প্রশস্ত হওয়াতে ভারতবর্ষীয় আর্ধ্য-জাতিগণ ঐ মতানুসারে কার্য করিতে লাগিলেন। কিন্তু অপরা-পর আর্ধ্য-ধর্ম-বহিষ্কৃত জাতির মধ্যে অপ্রশংসনীয় বিবাহ প্রচ-লিত রহিল। বোধ হয় এই জন্ম ইয়ুরোপাদি খণ্ডে বিবাহসম্বন্ধে স্ত্রীজাতির স্বাতন্ত্র্য ভাব দেখিতে পাওয়া যায়। ইয়ুরোপাদি খণ্ডে ব্রাহ্ম-বিবাহ প্রচলিত না হওয়ার কারণ এই যে, তথাকার অধি-

বাসীরা পূর্বাভিধি ধর্মাসারে রীতিমত কার্য করিতে অসমর্থ হইয়াছিল। ইয়ুরোপখণ্ডের বর্তমান অনেক জাতিগণ পূর্বে আৰ্য্য ধর্মের অন্তর্ভুক্ত ছিল। সগর রাজার পিতৃবধে সহায়্য করাতে সগর তাহাদিগকে ধর্মভ্রষ্ট করিয়া ভারতবর্ষ হইতে নির্বাসিত করেন। পুরাণে আছে, “হে রাজন, শক যবন কাষোজাদি জাতি ব্রাহ্মণ ও ক্ষত্রিয় ছিল। সগররাজ পিতৃবধের বৈরনির্ঘাতন করিবার জন্ত তাহাদিগকে বধ করিতে উদ্ভূত হইলে, বশিষ্ঠ তাহাদিগকে বধ না করিয়া ধর্মভ্রষ্ট করিয়া নির্বাসিত করিতে অনুরোধ করিলেন। যবন হইতে যায়ন আরোনিয়ান বা গ্রীকেরা উৎপন্ন হয়। ইয়ুরোপীয় অনেক বর্তমান জাতিসমূহের উৎপাদনকারী সিথিয়ানেরা, শক মধ্যে গণ্য ছিল। এই সকল জাতির ব্রাহ্মণ-বিবাহের পরিবর্তে গান্ধার্ব ও সময়ে সময়ে পৈশাচ বিবাহের অনুকরণ করিয়া আসিতেছে।”

পূর্বে ব্রাহ্মণেরা ব্রাহ্মণ ক্ষত্রিয় বৈশ্য ও শূদ্র কন্যা, ক্ষত্রিয়েরা ক্ষত্রিয় বৈশ্য ও শূদ্র কন্যা, বৈশ্যেরা বৈশ্য ও শূদ্রকন্যা, এবং শূদ্রেরা শূদ্রকন্যা বিবাহ করিত। কিন্তু ব্রাহ্মণগণের শূদ্রকন্যা বিবাহ অতি ঘৃণিত বলিয়া নিবন্ধিত হইয়াছে। মনু কহিয়াছেন, যদি ব্রাহ্মণ ক্ষত্রিয় ও বৈশ্য মোহবশতঃ হীনজাতি স্ত্রী বিবাহ করে, তাহা হইলে সেই স্ত্রীতে সমুৎপন্ন পুত্রাদি শূদ্রত্ব প্রাপ্ত হয়। ভৃগুঋষি বলেন, উৎকৃষ্ট জাতি স্ত্রী শূদ্রা স্ত্রীর গর্ভজাত পুত্রের পুত্র হইলে পতিত হয়। শৌনক কহেন, উহারা শূদ্রা স্ত্রী বিবাহ করিয়া পুত্রোৎপাদন করিলেই পতিত হয় কিন্তু অত্রি ও গোতম কহেন, শূদ্রা স্ত্রী বিবাহমাত্র ব্রাহ্মণাদি বর্ণ পতিত হইবে। সর্বগা স্ত্রী বিবাহ না করিয়া শূদ্রাকে প্রথম বিবাহ করিলে ব্রাহ্মণজাতি নরক প্রাপ্ত হয়। সমান জাতীয় স্ত্রী বিবাহ করিতে হইলে পাণিগ্রহণ পূর্বক বিবাহ করা বিধেয়। ব্রাহ্মণ, ক্ষত্রিয় বিবাহকালে স্ত্রীকে শরদ্বারা; ব্রাহ্মণ ও ক্ষত্রিয়, বৈশ্যবিবাহকালে প্রতোদ অর্থাৎ পাঁচনবাড়ী দ্বারা; ব্রাহ্মণ ক্ষত্রিয় ও বৈশ্য, শূদ্রা বিবাহকালে বস্ত্রের দশা দ্বারা শূদ্রাকে স্পর্শ করিবে।

উৎকৃষ্ট বর্ণের স্ত্রীর পক্ষে অপকৃষ্ট বর্ণের পুরুষ বিবাহ করা সম্পূর্ণরূপ নিষিদ্ধ। কিন্তু এই সকল বিষয় নিষিদ্ধ হইলেও তদ্বিকল্পে কার্য হওয়াতে ভূরি ভূরি শঙ্করজাতি উৎপন্ন হইয়াছে। পূর্বে ব্রাহ্মণ ক্ষত্রিয় বৈশ্য ও শূদ্র এই চারিজাতি ছিল। পরে অশান্ত্রী বিবাহ করাতে তদ্বারা বর্তমান নানা জাতি উৎপন্ন হইয়াছে। এই সকল বর্ণশঙ্কর সমুৎপন্ন হওয়াতে ভবিষ্যতে সমাজের ভাবী বিপদ আশঙ্কা করিয়া ঋষিগণ কলিকালে অসবর্ণা বিবাহও নিষেধ করিয়া গিয়াছেন। সর্বগা কন্যা বিবাহ করাই ধর্মাসুগত এবং এক্ষণে তদনুসারেই হিন্দুদিগের সর্বজাতিমধ্যে বিবাহকার্য সম্পাদিত হইয়া আসিতেছে।

সর্বগা স্ত্রী বিবাহ করা প্রশস্ত বলিয়াই যে, কেবল সর্বগা হইলেই বিবাহ করিবেক এমত নহে। যে কন্যার মস্তকের কেশ পিঙ্গলবর্ণ, বাহার ছয় অঙ্গুল প্রভৃতি অঙ্গে দোষ থাকে, যে চিররোগগ্রস্ত, বাহার গাত্রে অতিশয় লোম আছে অথবা লোম নিতান্ত অস্প, বাহার গলার স্বর কর্কশ ও চক্ষু পিঙ্গলবর্ণ, এমন সকল কুচিহ্নযুক্ত কন্যাকে বিবাহ করা উচিত নহে। নক্ষত্র, বৃক্ষ, নদী, ম্লেচ্ছ, পর্বত, পক্ষী, সর্প ও দাস ইহাদিগের নামানুসারে যে স্ত্রীর নাম রাখা হইয়াছে এবং বাহার নাম এত প্রচণ্ড যে, সুখে উচ্চারণ করা যায় না, মনু কহিয়াছেন, তাহাদিগকেও বিবাহ করিবে না। যে কন্যার ভাতা নাই, ধার্মিকগণ তাহাকে বিবাহ করিতে স্বীকৃত হন না। যে কন্যার দন্ত দীর্ঘ তাহারা অসতী হয়, এজন্য তাহাদিগকে পরিত্যাগ করিবে। যে কন্যার চলন অপকৃষ্ট ও পায়ের অঙ্গুলে ফাঁক থাকে এমন কন্যা ত্যাগ করা বিধেয়। জাতকর্মাদি হীন, কেবল কন্যামাত্রের উৎপাদনকারী, সকলেই বহুলোমযুক্ত, অর্শ, রাজ-যক্ষ্মা, মন্দাগ্নি, অপস্মার, শ্বিত্র অথবা কুষ্ঠ রোগাক্রান্ত, এমন বংশে বিবাহ করিতে শাস্ত্রকারেরা নিষেধ করিয়াছেন, কারণ তৎবংশীয় কন্যা বিবাহ করিলে তৎপন্ন সন্তানেরও সেইরূপ রোগ হইবার সম্ভাবনা থাকে। কন্যা পরীক্ষার বিস্তর লক্ষণ আছে। কিন্তু সমস্ত-

গুলি প্রকাশ করিতে গেলে প্রস্তাব অত্যন্ত দীর্ঘ হইয়া পড়িবে । যে স্ত্রী অঙ্গহীন নয়, যাহার নাম সুখে উচ্চারিত হয়, যাহার গমন হংস বা মাতঙ্গের ন্যায়, মনোহর কাহার লোম ও কেশ মৃদু এবং দন্তগুলি ক্ষুদ্র এমত কন্যাকে বিবাহ করা যাইতে পারে ।

কাশ্মীর কুমুম ।*

দেশ ভ্রমণ শিক্ষাপ্রণালীর একটি প্রধান অঙ্গ । ভিন্ন ভিন্ন দেশের আচার ব্যবহার পর্যালোচনা করিলে অনেক বিষয়ে বিজ্ঞতা জন্মে । দেশ ভ্রমণ করিলে শরীরের স্বাস্থ্য বিধান হয়, সাহস বৃদ্ধি পায়, কুমংস্কার দূরীভূত হইয়া যায়, জ্ঞানি নার্জিত ও সংস্কৃত হয়, মন উদার ও উন্নত হয়, এবং ঈশ্বরের বিশ্বরাজ্য বাহুল্যরূপে নিরীক্ষণ করিয়া ভূমানন্দ প্রাপ্ত হওয়া যায় । কিছুকাল পূর্বে আমাদের দেশে দেশভ্রমণ অল্প লোকই করিত, তাহার কুপস্থিত মণ্ডকের স্থায় একস্থানে অবস্থিতি করিতে ভালবাসিত । এক্ষণে বাতায়াতের সুবিধা বশতঃ কর্মোপলক্ষে অনেক বাঙ্গালী নানাদেশে গমন করিতেছে । কাশ্মীর হইতে বর্ষা পর্যন্ত এমত অল্পই বিখ্যাতনামা স্থান আছে যথায় বাঙ্গালী দেখিতে পাওয়া যায় না । বিলাতে বাঙ্গালীর একটি ক্ষুদ্র উপনিবেশ হইয়াছে বলিলে অত্যাক্তি হয় না । বাঙ্গালী স্ত্রীলোকেরাও স্বামী সঙ্গিনী হইয়া নানাদেশে যাইতে আজি কালি কুণ্ঠিত হন না । এমন কি বিলাত পর্যন্ত তিনটি বাঙ্গালী স্ত্রীলোক গমন করিয়াছেন । এই সময়ে পর্যটকের সুবিধার নিমিত্ত প্রধান প্রধান দেশ ও নগরের বিবরণ প্রকাশিত হওয়া নিতান্ত আবশ্যিক । আমাদের দেশে এরূপ গ্রন্থ লেখার উদ্ভম অত্যাপি সাধারণ হয় নাই । বাবু ভোলানাথ চন্দ্রের “একজন হিন্দুর ভ্রমণ বৃত্তান্ত”

* শ্রীরাজেন্দ্রমোহন বসু কর্তৃক প্রণীত ।

অতি উৎকৃষ্ট পুস্তক হইলেও ইংরাজী ভাষায় লিখিত বলিয়া সাধারণের বোধগম্য নহে । রাজেন্দ্র বাবু বাঙ্গালী ভাষায় এরূপ পুস্তক প্রথম প্রকাশিত করিলেন । আমরা কাশ্মীর-কুমুম প্রণেতাকে এই নিমিত্ত সহস্র ধন্যবাদ দিতেছি ।

তিনি কাশ্মীরদেশকে যেরূপ বর্ণনা করিয়াছেন, তাহাতে ইহাকে পৃথিবীর মধ্যে স্বর্গ বলিলে অত্যাক্তি হয় না । গ্রন্থকার কাশ্মীরের প্রাকৃত সৌন্দর্য্য ও অদ্ভুত নৈসর্গিক ব্যাপার সকল যেরূপ নিপুণতার সহিত বর্ণন করিয়াছেন, তাহা পাঠে যে সকলেরই কৌতূহল জন্মিবে তাহাতে আর সন্দেহ নাই । তিনি এক স্থলে লিখিয়াছেন ;—“কাশ্মীর প্রদেশের চতুর্পার্শ্ববেষ্টিত শৈলপ্রাকার, বক্রগতিবিশিষ্ট অনতিবেগবান নদী, স্থির ব্রহ্মনিচয়, উহাদিগের তটস্থ নন্দনকানন সদৃশ ক্রীড়া-উপবন, চিত্র-বিমোহন তপোবন, চমৎকার প্রস্রবণ, অমূল্য নৈসর্গিক শোভা, নির্মল ও স্বাস্থ্যকর জলবায়ু, সুরম্য ও প্রচুর খাদ্য সামগ্রী প্রভৃতি নানাবিধ সৌন্দর্য্য ও উপাদেয়তার একাধারে সমাবেশ এই সমস্ত যেমন বিস্ময়কর, তেমনি কি ভূতত্ত্ববিৎ, কি রাসায়নিক, কি প্রাচীন তত্ত্বানুসন্ধানী, কি ইতিহাসবেত্তা, কি পর্যটক, কি কবি, কি রসজ্ঞ ভাবুক, কি স্বভাবচিত্রকর, কি রোগী, কি সুস্থ, কি যুগযাত্রাগী, কি ভোগবিলাসী, কি সংসারত্যাগী বিবেকী, সকল প্রকার অবস্থাপন্ন ব্যক্তিদিগের পক্ষেই কাশ্মীর যেমন উপাদেয়, বোধ হয়, পৃথিবীর আর কোন স্থল তেমন নহে ।”

বস্তুতঃ কাশ্মীরদেশে সকলই আশ্চর্য্য সকলই মনোহর । এদেশে চলৎশক্তিবিশিষ্ট দ্বীপ একটি অদ্ভুত ব্যাপার । গ্রন্থকার উহা এইরূপে বর্ণন করিয়াছেন—“হাকেরসর নামক জলাশয়ে দ্বীপাকার বৃহৎ বৃহৎ ভূমিখণ্ড আছে । তৎসমুদায় এরূপ দৃঢ় ও বিস্তৃত যে, তত্পরি বৃহৎ বৃহৎ বৃক্ষাদি জন্মিয়া রহিয়াছে এবং গোবৎসাদি তথায় তৃণ ভক্ষণ পূর্বক বিচরণ করে । আশ্চর্য্যের বিষয়, যখন প্রবল বায়ু বহিতে থাকে, তখন এই সমুদয়

ভূখণ্ড স্থান-ভ্রম্ভ হইয়া ইতস্ততঃ পরিচালিত হয়। তখন উহার
শ্বশ্ব উপরিভাগস্থ ঐ রক্ষাদি উদ্ভিদ, ঐ আশ্রিত পশ্চাবলী ও
ভ্রম্ভকগণকে বহন পূর্বক ভারবাহী তরলীর্ন্যায় মন্দ মন্দ গতিতে
গমন করে, দেখিলে যেমন বিস্ময়ান্বিত হইতে হয়, হর্ষে শরীর
তেমনি লোমাঞ্চিত হইতে থাকে। ইহার নিম্ন দেশস্থ যুক্তিকা
হইতে অসংলগ্ন, এজন্তই প্রবল বাত্যাঘাতে চালিত হয়।”

এইরূপ অনেক নৈসর্গিক সৌন্দর্য্য এই পুস্তকে বর্ণিত হইয়াছে।
কাশ্মীর-কুম্বুমের ভাষা অতি সুন্দর ও বর্ণনামুহ উপন্যাসের
শ্রায় মনোহর ও হৃদয়গ্রাহী।

অমৃতে গরল ।

পয়োধি-মস্থনে পুনঃ সুধার কারণ,
ভাগ্যদোষে লঙ্ক-কালকূট পঞ্চানন।
পিয়ে তাহা সবিলাপে, লজ্জা-ক্ষোভ-অনুতাপে,
নীলকণ্ঠ বিশ্বনাথ দেব গঙ্গাধর,
রোষে ভালে বহিনেত্র জ্বলে ঘোরতর।
সে কুশান্ত পরশিয়া দহিতে বিশ্বের হিয়া
সাক্ষাৎ অনল-মূর্ত্তি মিহির-মণ্ডল,
সর্বভূতে বৈশ্বানর হইল প্রবল।

সেই হেতু সরোজিনী—সরসী-ভূষণ
করিল কোমল বস্ত্রে কণ্ঠক ধারণ।
সুধাংশু কলঙ্কি-নামে শিখির বরহ-ধামে
লুকাইল মনস্তাপে পাসরি অমরা,
শিখণ্ডি-কঠোর-কেকা বিষাদিল ধরা।
বারিধি অস্থির ঘোর ছেদিয়া শান্তির ডোর,
বাড়ব-অনল পশে বকণ-আগারে;
জীমূতে বিজলি রোষে সৃষ্টি দহিবারে।

রজোগুণে প্রাণিপুঞ্জ নখিল অবনি
দেব পিতামহ সৃষ্টি করিল আপনি;
বিষ্ণু-অংশে নারায়ণ, বিশ্বপাতা নিরঞ্জন,
সংসার-পালনে রত মত্তগুণাধার,
কিন্তু তমোগুণে শূলী প্রলয়-আকার।
রোগ শোক চিন্তা জরা, যুত্যা-পরতন্ত্র ধরা,
সুখের সাগর হায় মথিলে যতনে,
উগরয় হলাহল মানব-জীবনে।

দান ধ্যান যাগ যজ্ঞ কিবা মহোৎসব,
নির্ম্মল-আনন্দাভাবে যুগিত বিভব।
অন্তর বিশঙ্ক লাজে, ধর্ম্ম কর্ম্ম নাহি সাজে;
তাই সে স্কৃতিবাজে অধর্ম্ম ঘোষণা;
ধিক হেন দেশে যথা ধর্ম্মের চলনা।
নানা-শাস্ত্র-বিশারদ, বিদ্যা-বুদ্ধি-পারিষদ,
ধরাধামে অগ্রগণ্য যেই আর্ষ্যজাতি,
পুণ্যালাভে দীপ্ত তার কলঙ্কের বাতি।

নতুবা এ হেন পর্ব্ব—আনন্দ-নির্ম্মর
শারদীয় মহোৎসব, অশুভ-আকর;
বৎসরেক পরে মায়া, বিশ্বগুরু-ভব-জায়া,
কলুবনালিনী দেবী পতিত-পাবনী,
অন্নদা অপর্ণা গৌরী গণেশ-জননী,
হিমাঙ্গি-ভবন-হলে অরতীর্ণা মহীতলে,
উদ্ধরিতে পাপমগ্ন কলির সন্তানে;
কিন্তু হিতে বিপরীত কালের বিধানে।

মহেশ্বরী-ভাণে লোক পূজে সুরেশ্বরী,
 আরক্ত-নয়নে ঘোর দিবস শর্করী,
 শিরোদেশে সূর্যমাণ, নাহি কোন অবধান,
 কম্পাঘ্নিত কলেবর পদ গতিহীন,
 ব্যাধিগ্রস্ত যতপ্রায় তনু মনঃ ক্ষীণ ।
 আলম্বে লুণ্ঠিত কায়, বমন-প্রবাহ ধায়,
 হৃগন্ধে তিষ্ঠান দায় দিগম্বর বেশ,
 বলিহারি হেন জাতি নিলজ্জের শেষ !

সুরাসখী বিষধরী বার-বিলাসিনী—

শঠতা-চাকতা-রূপ-কঙ্কক-ধারিণী,—

সুরেশ্বরী প্রমাদিয়া তিনি বিট-বরণীয়া ;
 বিছা বুদ্ধি জ্ঞান ধর্ম—কুসুম-অঞ্জলি
 মুগ্ধভাবে অর্পে নর মহা কুতূহলী ;
 অধর্মের মার্গ ধরি নিত্য সুখ পরিহরি,
 পুণ্য-উপচয়ে সাধে ছল প্রতারণা ;
 জানে না নিরয়ে কত অসহ যাতনা !

হেন শুভ সুপার্কণ যথা প্রচলিত,

শুদ্ধ শান্ত নর তথা হেন সুবিদিত ।

পরন্তু পাশ্চাত্য জ্ঞানে সভ্যতার অভিমানে,

কুক্ৰিয়া-আসক্ত বঙ্গ হীন-অনুকারী ;

তাই হুঃখ রাশি রাশি পথের ভিখারী ।

পদানত চিরকাল, কাপুরুষ মন্দ-ভাল,

অধোগামী প্রতিদিন অবনতি-যুখে ;

কাটিছে, কাটিবে কাল নিদাকণ হুখে ।

হায় বঙ্গ ছিলে তুমি আনন্দ-নিলয়,
 এবে তব হুঃখতাপে সন্তপ্ত হৃদয় ।
 শদির দিন মহোৎসব, নানা পর্ক নুব নব,
 ভুঞ্জিতে যাহাতে নিত্য আনন্দ অপার ;
 অধুনা তদ্বিনিময়ে শুনি হাহাকার ।
 অভয়া শারদা আছা, বিশ্বমাতা চিরারাধা,
 যারে স্মরি সর্ব হুঃখ যায় রসাতল ;
 তাঁহার দর্শনে উঠে অমৃতে গরল !!

স্বাস্থ্য-রক্ষা ।

সামান্য উদ্ভিজ্জ দ্রব্যাদি অপেক্ষা আমিষ ভক্ষণ করিলে পাক-
 স্থলীতে অধিক ভার বোধ হয় কিন্তু ইহার পরিপাক কার্য উদ্ভিজ্জ
 অপেক্ষা অনেক স্থলভ ও অল্প সময় মধ্যে নির্বাহ হইয়া থাকে ।
 এই নিমিত্ত উদ্ভিজ্জভোজী জন্তুদিগের পাকযন্ত্র আমিষভোজী
 জন্তুর পাকযন্ত্র অপেক্ষা অনেক পরিমাণে দীর্ঘ ও জটিল । মাংস
 মৎস্য প্রভৃতি প্রাণিজ খাদ্যদ্রব্যে ববক্ষারজানবিশিষ্ট বলকারক
 পদার্থ অধিক পরিমাণে থাকাতে, উহা ভক্ষণে শরীরের মাংস-
 পেশী দৃঢ় ও পুষ্ট হয় এবং বসি অধিক পরিমাণে জন্মায় না ।
 কিন্তু উদ্ভিজ্জ দ্রব্যাদি ভক্ষণ করিলে বসার ভাগ অধিক হইয়া
 থাকে । ইহা আমরা সচরাচর প্রত্যক্ষ করিয়া থাকি যে, যে
 সকল পশুপক্ষীকে আমরা আহার দিয়া মোটা করিতে যত্ন করি,
 তাহার সকলেই প্রায় উদ্ভিজ্জভোজী, এমন কি আমিষভোজী
 কুকুর বিড়ালও উদ্ভিজ্জ আহার দ্বারা বিলক্ষণ মোটা হইয়া পড়ে ।
 এই নিমিত্ত অধিক মোটা হইয়া পড়িলে উদ্ভিজ্জ দ্রব্যাদি সামান্য
 পরিমাণে ভক্ষণ করা বিধেয় । আমিষ ভক্ষণে ক্ষুধার নিবৃত্তি অধিক
 হয় এবং পাকস্থলী অনেকক্ষণ পর্যন্ত ভার থাকে । প্রসিদ্ধনামা

ডাক্তার লিবিগুবলেন, “আমিষভোজী পশুগণ তাহাদের আহারের গুণেই উদ্ভিজ্জভোজী পশুগণ অপেক্ষা অধিক সাহসী ও উগ্র-স্বভাব হইয়া থাকে।” ইহা দেখা হইয়াছে যে, পশুশালায় রক্ষিত কোন ভল্লুক যতদিন কেবল কচি আহার করিত ততদিন তাহার স্বভাব ধীর ও নম্র ছিল কিন্তু যে পর্যন্ত তাহাকে মাংস আহার দেওয়া হইল, সে নিতান্ত অপকারক ও সংঘাতক হইয়া উঠিল। বাঙ্গালীদিগের অপেক্ষা ইউরোপবাসীগণ যে অধিক সাহসী ও সমরপ্রিয়, আমিষ ভোজনই বোধ হয় তাহার এক প্রধান কারণ।

ইহা পূর্বে বলা হইয়াছে যে, শরীরের সমস্ত পদার্থ সতত ক্ষয় প্রাপ্ত হয় এবং এই ক্ষতিপূরণজন্য নূতন পদার্থের আবশ্যক হওয়াতে ক্ষুধা উপস্থিত হইয়া থাকে এবং আহার গ্রহণ করিয়া আমরা এই ক্ষুধা নিবৃত্তি করি। ক্ষুধার দ্বারা আমরা বুঝিতে পারি যে, আহার গ্রহণ করা কর্তব্য এবং এই ক্ষুধায় ব্যতিব্যস্ত হইয়া আমরা আহার সংগ্রহ করিতে চেষ্টা করিয়া থাকি। আহারের পরিমাণ সকলের পক্ষে সমান নহে। ঋতু-পরিবর্তন, পরিশ্রম, অভ্যাস, বয়ঃক্রম প্রভৃতি কারণে ক্ষুধার তারতম্য হইয়া থাকে। অল্পকাল অপেক্ষা শীতকালে আমাদের ক্ষুধা বৃদ্ধি হয়। অল্প অপেক্ষা শ্রমজীবী ব্যক্তির ক্ষুধা অধিক হইয়া থাকে। অভ্যাস বশতঃ অনেকে অধিক পরিমাণে আহার করিতে পারে। শিশু ও বৃদ্ধ অপেক্ষা যুবাগণ অধিক পরিমাণে আহার করিয়া থাকে। ক্ষুধাই আমাদের আহারনির্দিষ্টের একমাত্র উপায়। ক্ষুধাশান্তি হইলে আহারে আর বড় স্পৃহা থাকে না। ধীরে ধীরে চর্কণ করিয়া আহার করিলে ক্ষুধা নিবৃত্ত হইল কি না অনায়াসেই বুঝা যায় এবং ক্ষুধাশান্তি হইলে সহজেই আহারে ক্ষান্ত পাইতে হয়। কিন্তু আহারীয় দ্রব্য নানা প্রকার ও সুস্বাদু হইলে রসানুভব জন্য অনেকে ক্ষুধা অপেক্ষা অধিক পরিমাণে আহার করিতে রত হয়, সুতরাং অতিভোজন দোষজন্য উহা প্রায় কষ্টকর হইয়া পড়ে।

অল্প আহার অপেক্ষা অতিভোজন-দোষ অধিক দেখিতে

পাওয়া যায়। আশ্বাদনের বশীভূত হইয়া অধিক মসলাযুক্ত গুরুপাক ব্যঞ্জনাদি অধিক পরিমাণে না খাইয়া পরিমিতরূপে সুখাত্ত আহার করিতে পারিলে রোগশ্রান্ত হইয়া চিকিৎসকের আশ্রয় বড় লইতে হয় না। কিঞ্চিৎ ক্ষুধা রাখিয়া আহার করা অতিশয় যুক্তিসিদ্ধ। কিন্তু অনেকের এইরূপ বোধ আছে যে, উদরক্ষীত যেপর্যন্ত না হয় ততক্ষণ আহার করা কর্তব্য। এই কুবুদ্ধির বশীভূত হইয়া এদেশের অধিকাংশ স্ত্রীলোক ছেলেদের দুধ বা ভাত খাওয়াইবার সময় যেপর্যন্ত তাহাদের পেট উঠিতে না দেখেন, ততক্ষণ তাহাদিগকে খাওয়াইতে ক্ষান্ত পান না। তাহারা ভাবেন অধিক আহার দিলে শিশুগণ শীঘ্র মোটা হইবে। এই অতিভোজনদোষে যে কত শিশু উদরাময় ও অন্যান্য ক্লেশকর রোগে কষ্ট পাইয়া থাকে ও অল্প বয়সে মৃত্যুগ্রাসে পতিত হয় তাহার সংখ্যা করা যায় না। ইহা অনেক সময় দেখিতে পাওয়া যায় যে, অপরিমিতভোজী ব্যক্তিদিগের দেহ প্রায় ক্ষীণ ও দুর্বল হইয়া থাকে, তাহার কারণ এই যে, অতিভোজনদোষে উদরস্থ দ্রব্য সম্পূর্ণরূপে জীর্ণ হয় না, সুতরাং তাহার সারাংশ শরীরের কার্যে নিয়োগ না হওয়াতে দেহ ক্রমে ক্ষীণ ও দুর্বল করিয়া ফেলে। যে কয়েকটি রসের সহিত মিশ্রিত হইয়া ভুক্তদ্রব্য পরিপাক হইয়া থাকে, তাহারা প্রত্যহ নির্দিষ্ট পরিমাণে উপভোগ হয় এবং তাহাতে যে পরিমাণে ভুক্তদ্রব্য পাক হইতে পারে, তাহার অধিক হইলে উহা সম্পূর্ণরূপে পরিপাক না হইয়া পীড়াদায়ক হইয়া পড়ে। অতএব পরিমিতরূপে আহার করাই সর্বপ্রকারে বিধেয়। সাধারণতঃ, দিবারাত্রির মধ্যে এক সের খাত্তদ্রব্য ও এক হইতে দুই সের পানীয় দ্রব্য একজন সবল যুবার পক্ষে যথেষ্ট আহার। বাঙ্গালীদিগের পক্ষে দেড় পোয়া বা সাত ছটাক চালের ভাত, এক পোয়া ময়দার লুচি বা কচী, দুই ছটাক দাল, তুপযুক্ত মৎস্য ও তরকারি এবং আধ সের হইতে এক সের দুধ প্রত্যহ আহার করিলে যথেষ্ট বলকারক ও স্বাস্থ্যকর হইতে পারে।

আম্বাদন ও পরিপাকোপযোগী করিবার নিমিত্ত আমরা অনেক দ্রব্য রন্ধন করিয়া থাকি। কাঁচা অবস্থায় যে সকল দ্রব্য আমরা মুখে করিতে পারি না, তাহা রন্ধন করিলে ভক্ষযোগ্য ও সুস্বাদু হয়। চাল, ময়দা, তরকারি, মাংস, মৎস্য প্রভৃতি দ্রব্য সকল কাঁচা অবস্থায় ভক্ষযোগ্য নহে এবং খাইলেও অনায়াসে পরিপাক হয় না কিন্তু উহা রন্ধন করিলে অতি সুস্বাদু ও সহজে পরিপাক হয়। এছলে ইহাও বলা কর্তব্য যে, রন্ধনদোষে লঘুপাক দ্রব্য সকল গুরুপাক হইয়া উঠে। অধিক ঘৃত, তৈল বা মসলার সহিত কোন দ্রব্য বাহ্যরূপে রন্ধন করিলে তাহা অধিক সুস্বাদু হইতে পারে কিন্তু সহজে পরিপাক হয় না।

খাদ্যের পরিমাণ ও তাহার উপযুক্ততা স্থির করা যেমন প্রয়োজনীয়, আহারের সময় নির্দিষ্ট থাকাও তদ্রূপ আবশ্যিক। প্রত্যহ এক সন্ধ্যায় এবং বধ্যাসময়ান্তরে আহার না করিলে স্বাস্থ্যের প্রতি বিশেষ হানিজনক হইয়া থাকে। অধিকাংশ মনুষ্যজাতির মধ্যে প্রত্যহ তিনবার আহার করা প্রথা প্রচলিত দেখিতে পাওয়া যায়। পাঁচ বা ছয় ঘণ্টা অন্তর দিনের মধ্যে তিনবার আহার করা নিতান্ত মন্দ নহে এবং আমাদের দেশেও এই প্রথা প্রচলিত আছে কিন্তু অনেকে অন্য প্রকার নিয়মে আহার করিয়াও সুস্থ শরীরে দীর্ঘজীবী হইয়া থাকেন। আমাদের দেশীয় বিধবা স্ত্রীলোকেরা ও ব্রাহ্মণের মধ্যে অনেকে দিনান্তে একবার অন্ন ভোজন করিয়া থাকেন। উত্তরপশ্চিম প্রদেশের অধিকাংশ লোকেও ঐরূপ করেন। অনেকে আবার প্রত্যহ দুই বারের অধিক আহার করেন না। বিশেষ অহুসন্ধান দ্বারা শরীরতত্ত্ববিদ পণ্ডিতেরা স্থির করিয়াছেন যে, ভুক্তদ্রব্য পাকস্থলীতে পরিপাক হইয়া স্থানান্তরিত হইতে অন্ততঃ চারঘণ্টা লাগে এবং পরিপাকান্তে আর দুই ঘণ্টাকাল পাকযন্ত্রকে বিশ্রাম না দিয়া পুনরায় আহার গ্রহণ করা কর্তব্য নহে। এই নিমিত্ত একবার আহার করিলে অন্ততঃ তাহার ছয় ঘণ্টা বিলম্বে পুনরায় আহার করা কর্তব্য। দুই বা তিন ঘণ্টা অন্তর কিছু

কিছু আহার করা অতিশয় অশ্রায়, কারণ এক আহারের পরিপাক কার্য শেষ না হইতে পুনরায় আহার করিলে পাকস্থলীকে বিশেষ কষ্ট দেওয়া হয়, এবং উভয় আহারের পরিপাক কার্যের ব্যাঘাত হইয়া পড়ে। প্রাতঃকালে বেলা ৯টার সময় আহার করিয়া দ্বিতীয়বার বৈকালে ৩টার সময় ও রাত্রি ৯টার সময় তৃতীয়বার আহার করা কর্তব্য এবং এই নিয়মেই আমাদের মধ্যে অনেকেই আহার করিয়া থাকেন। প্রাতঃকালে নিদ্রাভঙ্গের অনতিবিলম্বে কিছু আহার করা কর্তব্য। যেহেতু এ সময়ে শরীর ও পাকস্থলীর তেজ কম থাকে এবং নিদ্রাবস্থায় ঘর্ম হইয়া জলীয় ভাগের অভাব হয়, এই নিমিত্ত গুরুদ্রব্য অধিক পরিমাণে আহার না করিয়া, অল্প পরিমাণে জলীয় খাদ্য গ্রহণ করা কর্তব্য। মিহিরি বা চিনিরপানা, হুঞ্চ, চা, কাকি ইত্যাদি পানীয় দ্রব্য এই সময়ের বিশেষ উপযোগী। অন্য সময়ের আহার সকল জাতির সমান নহে। কেহ প্রাতঃকালে ৯টার সময় পরিতুষ্ট করিয়া অন্নব্যঞ্জন আহার করিয়া বেলা ২ বা ৩টার সময় কিঞ্চিৎ জলযোগ করে এবং পরে রাত্রিকালে ৯টার সময় পুনরায় অন্ন, লুচি বা কটী যথেষ্ট পরিমাণে আহার করে। কেহ বা প্রাতঃকালে যৎ-কিঞ্চিৎ কটী ও মাখম ইত্যাদি আহার করিয়া অপরাহ্নে ভাত মাংস প্রভৃতি উপাদেয় দ্রব্য যথেষ্ট পরিমাণে আহার করে, এবং রাত্রিকালে উহা অপেক্ষা কম পরিমাণে আহার করে। কেহ বা প্রাতঃকালে একবার পরিতোষরূপে আহার করিয়া, রাত্রিকালে যৎসামান্য জলযোগ করিয়া থাকে।

গুরুতর আহারের পরেই নিদ্রা বাওয়া ভাল নয়। নিদ্রাবস্থায় পরিপাক কার্য ভালরূপে সমাধা না হওয়াতে পীড়াজনক হয়। আবার অনাহারে থাকিয়া পাকস্থলী খালি অবস্থায় রাখিয়া নিদ্রা গেলে ক্লেশকর হইয়া থাকে।

বামাগণের রচনা ।

ভ্রাতৃবিরহে ।

১
বৃন্দাবনধামে ছিল একটা রতন,
সুখদরশন, মানস - রঞ্জন,
স্নিগ্ধ জ্যোতিঃ প্রসারণে উজলি কানন,
পরধন-লোভী কংস হরিল সে ধন,
অস্তমিত বৃন্দাবন - সৌভাগ্য - তপন ।

২
গগন-হৃদয়াসনে পূর্ণ জ্যোতিঃ ধরি,
তারানাথ রঞ্জে, তারাগণ সঙ্গে
সমুদিল হৃদয়ের তমোনাশ করি ।
হেনকালে ভয়ঙ্কর কাল রাহু আসি,
প্রাসিল সে নরন-রঞ্জন পূর্ণ শশী ।

৩
সংসার-উদ্ভানে ছিল একটা প্রস্থন,
স্বাস - আকর, দৃশ্য মনোহর,
হুরলভ এ উদ্ভানে তেমন কুসুম ।
নিরদয় কালকীট নাশিল সে ফুল,
উদ্ভান-সৌন্দর্য্য-সার হইল নিমূল ।

৪
চারিদিকে স্বকিরণ করি বিকীরণ,
তপন যখন, উদিল তখন
এক খণ্ড কালো মেঘ করি আগমন,
আবরিল হাররে সে মোহন মুরতি ;
আবার তমসারত হ'ল বসুমতী ।

৫
একটা আলোক ছিল আলো করি পুরী,
প্রবল তুফান, করিল নির্বাণ
সে আলোক, এবে সব অন্ধকার হেরি ।
কেন রে বাতুল বায়ু করিলি এমন,
পর-ঘর-আলোতে কি ধাঁদেরে নরন ?

৬
হার ! আজি—

কোশলেশ বনবাসী তাজি সিংহাসন,
হইলু মিরাল, বাড়িল হতাশ,
অতল জনেতে দিলু আশা বিসর্জন ।
মূল সহ আশালতা হ'ল উৎপাটিত,
নাশিল আশার বাসা কাল হুর্বিনীত ।

কেন চিরন্তন আশা নাশিলি শমন !
বিষধর বেশে, দংশিলি রে শেষে,
বিবাপ্নিতে হইতেছে শরীর দাহন ।
কবে কিবা ক্ষতি তোর করেছি এমন,
কি হেতু করিলি তুই এত জ্বালাতন ?

হার রে ! কোথায় সেই স্নেহমর ভ্রাতা,
কোথা সে বদন, সারল্য - সদন,
কে বলিবে কেবা জানে গিয়াছে সে কোথা ?
আর কি দেখিব সেই মুরতি কখন ?
আর কি শুনিব সেই অমিয় বচন ?

৭
স্নেহ-পাত্র সুপবিত্র স্বভাব সুন্দর,
হরিরূপে হরি ; তার প্রাণ হরি,
কি ফল লাভিয়াছিল ? নির্দর পামর !
যা কিছু সুন্দর ভবে তাহাতেই লোভ,
পর হৃদি বিদারণে নাহি কিছু ক্ষোভ ।

৮
বুঝেছি বুঝেছি কাল ! তুই ক্রুর অতি,
বিনাশিয়ে সুখ, দেখিসু কৌতুক,
সুখ - অন্তকারী তুই অন্তক হুর্মতি ।
হেন ব্যবহার কি রে উপযুক্ত হয়,
ভাসাইতে অশ্রুজলে সুখের নিলয় ?

৯
ভাসালি করাল কাল শোকের সাগরে,
এ শোক বারণ, কে করে এখন,
বিষদিক্ত - শেলাবাত হয়েছে অন্তরে ।
ওরে যম ! সতের কি হেন ব্যবহার ?
ধিক্ তোরে শত বিক্ ধিক্ হুরাচার ।

হায়! আমি বৃথা কেন দোষি যমরাজে!
 ললাট - লিখন, করিতে খণ্ডন,
 কে কবে হয়েছে শক্ত ত্রিভুবন-মাঝে?
 নিয়ত-লক্ষ্যনে ভবে শক্তি কেবা ধরে?
 নর ত অমর নর?—জন্মিলেই মরে।
 কাল প্রাপ্তে কাল-ঘরে করিবে গমন;
 তাতে দোষী নর, তপন - তময়,
 মিছামিছি তারে কেন দোষি অকারণ?
 হবে যবে মনুজের আয়ু - দিবাগত,
 অবশ্য জীবন - সূর্য্য হবে অস্তমিত।
 কেন কেন কেন বৃথা শোক কর মন!
 অর্থাৎ মতন, শোকে অচেতন;
 হৃদয়েতে জ্বাল কেন শোক-হুতাশন?
 ক্রমেতে আত্মার যদি উন্নতিই হয়,
 তার তরে শোক তবে উচিত ত নয়।
 সম্বন্ধ তোমার মনে ছিল রে কাহার,
 প্রথমে বিচার, কর রে তাহার,
 দেখ দেখি সে সম্বন্ধ দেহ কি আত্মার।
 আত্মার যত্নপি হয় সম্বন্ধ ঘটন,
 তবে তার নাশ শঙ্কা কর কি কারণ?
 ভুলোক হইতে কোন উচ্চতর লোকে
 অবশ্য সে আত্মা এবে করিছে বিরাজ।
 অবশ্য তথায় কোন অনুপম সুখে
 হইয়াছে সুখী, তবে বিলাপে কি কাজ?
 মরণ যত্নপি হয় শোকের কারণ,
 জন্মিবার পূর্বে কেন না কর রোদন?
 হে বিভো ককণাময় পূর্ণ পরাংপর!
 রাখিও কল্যাণে দেব! সেই ভ্রাতৃবরে।
 পুরাইও এ বাসনা দয়ার - সাগর!
 স্থান দান দিও তারে প্রেমময় ক্রোড়ে।

লভুক পরম সুখ ভ্রাতা গুণধর,
 পূর্ণ সুখে সুখী হোক তাহার অন্তর।
 তারুপাশা। ললিতাসুন্দরী দেবী।

কোন একটা পাখীর প্রতি।

কে তুমি রে বল পাখি, সুললিত স্বরে,
 জাগাইছ থাকি থাকি মোহনীর ডাক ডাকি,
 আমার অন্তরে?
 কে তুমি, কি নাম তব, নিবাস কোথায়,
 শুনিতে বাসনা অতি, ওহে দ্বিজরায়?
 সুদিন কুদিন তব সকলি সমান।
 হিঁড়িয়া সংসার কাঁসি, যখন এখানে আসি,
 জুড়াতে জীবন;
 তখন শুনিতে পাই তোমার সুস্বর;
 কে তুমি, কোথায় থাক ওহে দ্বিজবর?
 কি কারণ দিবানিশি, নিবিড় বিপিনে,
 ত্যজিয়া সংসার-মায়া, তার সুখ বিসর্জিয়া;
 রহিছ নির্জনে;—
 মোহিছ কুজনে, যোর কানন প্রাপ্তর?
 কি কারণ বল বল, ওহে দ্বিজবর!
 দেখি নাই কভু পাখি, নয়নে তোমায়।
 কিবা রূপ তুমি ধর, কি রূপি বা ব্যবহার,
 ভবন কোথায়,—
 জানিতে বাসনা অতি হয়েছে অন্তরে;
 তাই পাখি, তব কাছে আসি বারে বারে।
 মানবের নৃত্য, গীত, মধুর বাজনা;
 অনুক্ষণ সুধাভাষী, বালকের মিষ্ট-হাসি;
 কবির কল্পনা;
 জান না, ত্যজিয়া কেন আসি বার বার,
 শুনিতে তোমার স্বর, ওহে দ্বিজবর?

৬

কেন পাখি থাক তুমি, এহেন নির্জনে ?
ওরে পাখি, বল বল, শুনে করি স্মৃশীতল ;
তাপিত জীবনে ।
তুমি কি আমার মত সংসার-বিবাগী ?
হইয়াছ মোর সম অদৃষ্টির ভোগী ?

৭

থেক না গোপনে আর, ছলিয়া আমায় !
এস এস একবার, ত্যজি তব পত্রাগার ;
দেখি তব কায়,
জুড়াব জীবন, আশা, হৃদে অনিবার !
জগতে আমার পাখি কেহ নাই আর !

৮

হায় হায় ! কত দিন কত স্থানে মনে
করিয়াছি কত আশা, কিন্তু সব হল আশা,
এ পোড়া প্রাক্তনে !

জানি না আরই বা কি, ঘটে এর পর ।
দাৰ্শনিক বিধাতা মোরে, করিয়াছে পর ।

৯

বল বল সত্য বল, বিহগ-চতুর,
'বউ কথা কও' স্বরে, কেন ডাক উচ্চৈঃস্বরে,
বিদরি অশ্বর ?

কে তোমার হয় বউ, তিনি কোন জন,
কেন বা তোমার প্রতি নির্দয় এমন ?

১০

আহা মরি ! দিবানিশি, "বউ বউ" বলে,
কেন বল বারে বারে, ডাকিতেছ সকাতরে,
বসিয়া বিরলে ?

পরের প্রণয়নীরে, ডুবাইয়া প্রাণ,
ভাদ্রিতে কাহার মান, এত যত্ববান ?

১১

হায় হায় ! কি করিছ আপনা খাইয়া ?
ওরে পাখি শুন শুন, কর না আর এমন !
আপন ভাবিয়া,

ভ্রমেও কখন আর, অপরে অন্তর
দেখা'ও না দেখা'ও না, ওহে দ্বিজবর !

১২

এই দেখ মোর নেত্র ঝরে অনিবারে,
যদি ও সংসারমায়া, আসিয়াছি তেয়াগিয়া,
বিষাদ অন্তরে !

মনে মনে দৃঢ় পণ, কত্রিরের সম,
আর কভু ভাবিব না, সেইরূপ কম !

১৩

তবু দেখ স্বভাবের গতি রোধ নয় ।
যে ভাবেনা মোর তরে, সদা চিন্তে তার তরে ।
নির্কোষ হৃদয় ।

যত ভাবি তাকে আমি, আপন আপন,
তত পর পর বলি, সে করে তাড়ন ।

১৪

কে বলে মানব-মন, মানব-অধীন ।
যে করে আপন মন, অন্য জনে সমর্পণ,
প্রণয় কারণ ;

নিশ্চয়ই নির্কোষ সে, ভদ্রের ষণিত,
চির দুঃখে ঝরে নেত্র, তার অবিরত !

১৫

পর-প্রেম-সিন্ধু-নীরে, না জানিয়া গতি,
ভাবিয়া অমৃতরাশি, পশিছে যে জন আসি,
হরষিত মতি ;

সে অভাগা মোর সম, কাঁদবে নিশ্চয় !
আসিবেক এনির্জনে, জুড়াতে হৃদয় ।

১৬

মনে মনে ধিক্কারিবে আপনা আপনি ।
কেহবা যোগীর বেশে, ভ্রমিবেক দেশে দেশে ।
(করি) হায় হায় ধনি !

নিয়ত চিন্তার স্রোতে চিত্ত ভাসাইয়া,
উন্মাদ হইবে কেহ, জ্ঞান হারাইয়া ।

১৭

পাখি রে শিখেছি আমি ঠেকিয়া ঠেকিয়া ।
তাই করি নিবারণ করিওনা কার্য্য হেন,
সুখ বিসর্জিয়া !
এজগতে ভালবাসা, গরল-আধার,
পরশিলে এক বিন্দু নাহিক নিস্তার ।

১৮

“বউ কথা কও” আর ব’ল না ব’ল না !
যত ভুমি হবে নত, সে করিবে মানহত,
করিয়া ছলনা !
একান্ত প্রবোধ যদি না মানে অন্তর,
প্রবেশি সাগর-নীরে, নাশ কলেবর ।

১৯

“বউ কথা কও” বলি সাধিছ যাহায় ;
সে যদি তোমার হ’ত, তবে কিসে মৌন র’ত,
এ হেন সময় !
বিহগ রে! সে কখন তোমাকে না চায় ;
“বউ কথা কও” বলি সাধিছ যাহায় !

২০

পবিত্র হৃদয় যার, পরিভ্র কাশমা,
পবিত্র প্রণয়, আর সকলি পবিত্র তার,
জানিয়া জান না ?
প্রিয় জন হুরদশা করি দরশন,
সে কি কভু হয় পাখি, পাষণ এমন ?
শ্রীমতী—

যশোহর ।

বঙ্গমহিলা ।

মাসিক পত্রিকা ও সমালোচন ।

নারী হি জননী পুংসাং নারী শ্রীকৃত্যতে বৃধেঃ ।
তস্মাৎ গেহে গৃহস্থানাং নারীশিক্ষা গরীয়সী ।

বিষয় ।	পৃষ্ঠা
১। বঙ্গমহিলা ।	১২১
২। বীরজননী-বিলাপ ।	১২৭
৩। পদ্মিনী-চরিত ।	১৩৪
৪। সূর্য্য ।	১৪০
৫। বামাগণের রচনা ।	১৪৩

চোরবাগান-বালিকা-বিদ্যালয়ের অধ্যক্ষসতা হইতে
প্রকাশিত ।

কলিকাতা ।

শ্রীকৃষ্ণচন্দ্র বসু কোম্পানির বহুবাজারস্থ ২৪৯ সংখ্যক ভবনে
ষ্ট্যানহোপ যন্ত্রে মুদ্রিত ।

১২৮৩ ।

বঙ্গমহিলার নিয়ম ।

অগ্রিম বাৎসরিক মূল্য ১১০ টাকা মাত্র ।

মফস্বলে ডাক মাসুল ১০ আনা ।

প্রতি সংখ্যার মূল্য ১০ আনা ।

বাণ্যাসিক বা ত্রৈমাসিক হারে মূল্য গৃহীত হইবে না ।

পত্রিকা প্রাপ্তির সময় হইতে চারি মাসের মধ্যে অগ্রিম মূল্য না দিলে বঙ্গমহিলা আর পাঠান যাইবে না ।

সচরাচর অগ্রিম মূল্য না পাঠাইলে অপরিচিত নূতন গ্রাহকের নিকট 'বঙ্গমহিলা' পাঠান হইবে না ।

মণি অর্ডার বা ডাক টিকিট, যাহার যাহাতে সুবিধা হয়, তাহাতেই মূল্য প্রেরণ করিতে পারিবেন, কিন্তু ডাকের টিকিটে, টাকার এক আনার হিসাবে বাটা দিতে হইবে ।

মূল্য প্রাপ্তি স্বীকার বঙ্গমহিলার শেষ পৃষ্ঠায় করা হইবে ।

কলিকাতা ও তন্নিকটবর্তী গ্রাহকগণ সম্পাদকের স্বাক্ষরিত ছাপা বিল ভিন্ন বঙ্গমহিলার মূল্য প্রদান করিবেন না ।

বিজ্ঞাপনের নিয়ম প্রতি পংক্তি ১০ আনা ।

গ্রাহকগণ অগ্রিম মূল্য সত্ত্বর প্রেরণ করিয়া বাধিত করিবেন ।

বামাগণের গদ্য বা পদ্য রচনাবলী অতি সাদরে বঙ্গমহিলায় বিন্যস্ত হইয়া থাকে । অতএব সকলে প্রেরণ করিয়া বাধিত করিবেন ।

কলিকাতা, চোরবাগান, } শ্রীভুবনমোহন সরকার,
মুজারাম বাবুর ষ্ট্রীট, ৭৭ নং । } সম্পাদক ।

বিজ্ঞাপন ।

১২৮২ সালের বঙ্গমহিলা একত্র বাধান প্রস্তুত আছে । মূল্য ডাকমাসুল সমেত দুই ২ টাকা ।

১২৮২ সালের বঙ্গমহিলা ২য় ও ৩য় সংখ্যা ব্যতীত যাহার যে কোন সংখ্যা প্রয়োজন হইবে, প্রতি সংখ্যার মূল্য ডাকমাসুল সমেত ১০ দুই আনা প্রেরণ করিলে প্রাপ্ত হইবেন ।

বঙ্গমহিলা ।

পূর্বে প্রকাশিতের পর ।
বিবাহ ।

কন্যা সুলক্ষণসম্পন্ন হইলে তাহার বয়স দেখা আবশ্যিক ।

“অষ্ট বর্ষের কন্যাকে গৌরী, নব বর্ষের রোহিণী, দশম বা তদধিক বর্ষের কন্যাকে রজস্বলা বলে ।” ইহারই মধ্যে কন্যার বিবাহ দেওয়া কর্তব্য । ঋতুমতী কন্যা গ্রহণ করিলে পতিত হইতে হয় । ভারতবর্ষ গ্রীষ্মপ্রধান দেশ, প্রায় বার বৎসরের মধ্যেই এখানকার স্ত্রীলোকেরা ঋতুমতী হয় । এই জন্য ঐ সময়ের মধ্যে কন্যাগণের বিবাহ বিহিত হইয়াছে । লামার্ট ভিন্ন ভিন্ন দেশের বালিকা ও স্ত্রীলোকসম্বন্ধে যে সকল বিষয় প্রত্যক্ষ করিয়া বর্ণন করিয়াছেন, তাহাতে অসম্মদেশপ্রচলিত বিবাহপ্রথা কে অতি দূরদর্শী ব্যক্তির গভীর চিন্তার পরিণাম বলিয়া বোধ হয় । বঙ্গমহিলা স্ত্রীলোকদিগের পাঠ্য বলিয়া আমরা সে সকল বিষয় প্রকাশ করিতে সঙ্কুচিত হইলাম । প্রাচীন রোমদেশীয়দিগের স্ত্রীগণের বিবাহও অস্প বয়সে হইত । সুপ্রসিদ্ধ রোমান গ্রন্থকার জর্জিউনিয়ান স্বদেশপ্রচলিত বিবাহসম্পর্কীয় আইনসম্বন্ধে এ বিষয় স্পষ্টরূপে লিখিয়া গিয়াছেন ।

অনেকে কহেন যে, “অষ্টবর্ষ ভবেৎ গৌরী ” বচনটী অসুসারে পূর্বে কার্য হইত না । পূর্বেকালে স্ত্রীলোকমাত্রেরই অধিক বয়সে বিবাহ হইত । তাহাদিগের এই আপত্তি রাখা, তাহারা পুরাণাদির বর্ণনা দেখিয়া মনে করেন যে, বুঝি স্ত্রীলোকমাত্রেরই অধিক বয়সে বিবাহ হইত । বস্তুতঃ তাহা নহে, রামায়ণে আছে যে, সীতার বয়স হওয়াতে পাত্রে অভাবে জনকরাজা ভীত হইতে লাগিলেন, এবং বীরগণ সীতাকে দেখিয়া চঞ্চলচিত্ত হইলেন । অথচ তখন রামের বয়স ১৬ ও সীতার বয়স ৭ বৎসর ছিল । লক্ষ্মণ ও উর্মিলা, ভরত ও মাণ্ডবী এবং শত্রুঘ্ন ও অজিতকীর্তির বয়স আরও অস্প ছিল । স্ত্রীলোকগণের অস্প বয়সে পরিণয় হইল বলিয়াই যে অস্ম-

দেশে অধিক বালক কালগ্রাসে পতিত হয় এরূপ নহে। সুইজরলণ্ড, জার্মনি ও ইটালির জন্ম ও মৃত্যুসংখ্যা লইয়া তথাকার সুপ্রসিদ্ধ বিজ্ঞানবিৎ পণ্ডিতগণ স্থির করিয়াছেন যে, মানবজাতির ভিন্ন ভিন্ন বয়সে মৃত্যুর কোন বিশেষ কারণ আছে। অসম্ভবদেশের মৃত্যুসংখ্যার সহিত মিলন করিয়া দেখা গিয়াছে যে, ইয়ুরোপের অপরাপর স্থানাপেক্ষা ভারতবর্ষীয় মৃত্যু-সংখ্যা অধিক নহে। ডাক্তর প্রাইস এ বিষয়ে বিস্তর লিখিয়াছেন। যাহা হউক ঋষিদিগের মতে কন্যা রজোযুক্তা হইবার পূর্বে বিবাহ দেওয়া অত্যন্ত কর্তব্য। বিশেষতঃ তখন ভারতবর্ষের অধিবাসী অত্যন্ত অস্প ছিল। ইউনাইটেড-স্টেটের নূতন বসতিকালে যে পরিমাণে বর্ষে বর্ষে সন্তান বৃদ্ধি হইয়াছে, বোধ হয় ভারতবর্ষে প্রাকৃতিক অবস্থানুসারে তদপেক্ষাও অধিক বৃদ্ধি হওয়া আবশ্যিক হইয়াছিল। ইয়ুরোপেও মহাযুদ্ধের পর প্রজাক্ষয় হইলে স্ত্রীপুত্রের বয়সানুসারে আশ্চর্যরূপ প্রজা বৃদ্ধি হয়। ইয়ুরোপ অতি অস্প দিন সভ্য হইয়াছে। প্রাচীন গ্রীক ও রোমানদিগের বিবরণ এত অস্প হস্তগত হইয়াছে যে, তাহার সহিত বর্তমান অবস্থার তুলনা করিয়া সকল বিষয় মীমাংসা করা সুকঠিন, যত অনুসন্ধান হইতেছে, ততই ভারতবর্ষীয় আর্ষদিগের বুদ্ধিবৃত্তি ও দূরদর্শিতার ক্রমে পরিচয় পাওয়া বাইতেছে। অতএব বিলক্ষণ বিবেচনা না করিয়া সামান্য যুক্তির উপর নির্ভর করিয়া দূরদর্শী আর্ষগণের বিধিসকল আক্রমণ করা নিতান্ত অন্তায়।

কন্যা সুলক্ষণা ও উপযুক্তবয়স্কা হইলে তাহার সহিত বরের কোন পূর্ব সম্বন্ধ আছে কি না দেখা আবশ্যিক, এখন ইয়ুরোপীয় বিজ্ঞানবিৎ পণ্ডিতেরা জানিতে পারিয়াছেন যে, নিকট-সম্পর্কীয় কুটুম্বগণের বিবাহে অতি বিষময় ফল উৎপাদিত হয়। এই সম্বন্ধে ইয়ুরোপের এক জন ডাক্তার লিখিয়াছেন যে, অধিকাংশ বধির, মুক ও বিকলাঙ্গগণ ভ্রাতা ও ভগিনী প্রভৃতি নিকটসম্পর্কীয় ব্যক্তিগণের পরস্পর বিবাহে উৎপন্ন হইয়াছে। মনু কহিয়াছেন, যে কন্যা মাতার অসপিণ্ডা অর্থাৎ সপ্তপুরুষ পর্যন্ত মাতামহবংশ-

জাতা নহে ও মাতামহীর চতুর্দশপুরুষ পর্যন্ত সগোত্রা নহে এবং পিতার সগোত্রা বা সপিণ্ডা নহে অর্থাৎ পিতৃশ্রাদ্ধাদির সন্ততি-সন্তুতা নহে এমত কন্যা দ্বিজাতিগণ বিবাহ করিতে পারেন। কিন্তু শূদ্রেরা সগোত্রা বিবাহ করিলেও ক্ষতি হয় না।

কন্যা সর্বা, সুলক্ষণা, সমুচিতবয়স্কা ও দূরসম্পর্কীয়া হইলে পরে তাহার যোটন দেখা আবশ্যিক। কন্যা ও পুরুষ উভয়ের ধাতু বা প্রকৃতি উষ্ণ বা শীতল হইলে সন্তান উৎপাদনের ব্যাঘাত জন্মে। বিশেষ বিশেষ লক্ষণাক্রান্ত পুরুষের সহিত বিশেষ লক্ষণাক্রান্ত স্ত্রীর বিবাহ হইলেই উৎকৃষ্ট সন্তানাদি উৎপন্ন হয়। আর্ষারা কহেন যে, ভিন্ন ভিন্ন নক্ষত্রে পুরুষ বা কন্যার জন্ম হওয়াতে তাহাদের প্রকৃতিও ভিন্ন ভিন্ন হয়। গণসম্বন্ধে স্বজাতি মিলন অত্যন্ত আকাঙ্ক্ষনীয়। দেবগণ ও নরগণে মধ্যম মিলন হয়। কন্যা ও বরের মধ্যে রাক্ষস ও নরগণ হইলে অতি বিকল্প ফল হয়। দম্পতীর এক রাশি চতুর্থ, দশম, তৃতীয় ও একাদশ বা সমসপ্তক হইলে শুভপ্রদ হয়। ধনুতে মকরে কিম্বা কুম্ভ মীনে অথবা মেষ বৃষ মিথুন কর্কটে অথবা সিংহ কন্যা কি তুলা বৃশ্চিকে অতি বিকল্প মিলন হয়। এইরূপ মিলন সম্বন্ধে জ্যোতিষে বহুবিধ বচন দৃষ্ট হয়।

কন্যা সর্বা, সুলক্ষণা সমুচিতবয়স্কা দূরসম্পর্কীয়া ও যোটনযোগ্যা হইলে বিবাহের দিনস্থির করা ঋষিদিগের মতে অত্যন্ত কর্তব্য। বিবাহের বারতিথি মাস, শুভাশুভ নক্ষত্র, শুভাশুভ যোগ, সপ্তশলাকা, সূতবেধ, যামিত্রবেধ আদি বিচার করিয়া দিনস্থির করা কর্তব্য। এ বিষয়ে অধিক লেখা প্রয়োজনাত্যাব।

নারীদিগের যুগ্ম বা অযুগ্ম বর্ষে বিবাহ দেওয়া অসুচিত। গর্ভমাস ধরিয়। অযুগ্মবর্ষে কন্যাদান কর্তব্য। কুমারীদিগের জন্মমাসে বিবাহই প্রশস্ত।

এইরূপে সমস্ত স্থিরীকৃত হইলে ব্রাহ্মমতে বিবাহ দেওয়া কর্তব্য। দ্বিজাতিগণ ঋক যজু ও সামাদি ভিন্ন ভিন্ন বেদ অধ্যয়ন করাতে তাহার ঋগ্বেদী সামবেদী ও যজুর্বেদী আদি সংজ্ঞা

প্রাপ্ত হন । প্রত্যেক বেদের শাখা আছে । তদনুসারে দ্বিজাতিগণ বিভক্ত হইয়া পড়েন । তাঁহারা সকলে স্ব স্ব শাখা উক্ত প্রথানুসারে কার্যাদি নির্বাহ করিয়া গিয়াছেন । সূত্রগ্রন্থ মধ্যে কার্যাদির বিশেষ বিবরণ আছে । সূত্র সকল তিন শ্রেণীতে বিভক্ত, ধর্মসূত্র গৃহসূত্র ও কল্পসূত্র । গৃহসূত্রের মধ্যে বিবাহাদি সংস্কারের বিবরণ আছে । তাহাকেই মূল করিয়া বিবাহপদ্ধতি সকল রচিত হইয়াছে । বিবাহের ভিন্ন ভিন্ন পদ্ধতিবশতঃ ভিন্ন ভিন্ন দেশে ভিন্ন ভিন্ন প্রথা প্রচলিত আছে । রামচন্দ্র পরিষ্কার সূত্রের লোক ছিলেন, রাজা দশরথ চারিপুত্রেরই প্রাতঃকালে বিবাহ দেন । পশ্চিমে অনেক স্থলে দ্বিবা-বিবাহ প্রচলিত আছে । বিবাহের কোন অংশ দিবা ও কোন অংশ রাত্ৰিতে সম্পাদন করা উচিত, তদ্বিষয়ে মতামত আছে । আমরা বিবাহসম্বন্ধে বেদানুযায়ী স্কুল মত প্রকাশ করিতে প্রবৃত্ত হইলাম ।

বেদে আছে, বিবাহদিবসে পিতৃসপিণ্ড ব্যক্তির যব, মাস-কলাই, মুগ ও মসুর এই চারি দ্রব্য চূর্ণ করত মন্ত্র পড়িয়া কণ্ডার সর্বাঙ্গে মাখাইবে । পরে কণ্ডার পতির নাম করিয়া কিয়দংশ চূর্ণ জলপূর্ণ কলসে নিক্ষেপ করিবে । অনন্তর মন্ত্রপাঠ পূর্বক ঐ জল-দ্বারা কণ্ডাকে স্নান করাইবে । পুনরায় ঐরূপ আর দুই কলস জল মন্ত্রপাঠ পূর্বক কণ্ডার মস্তকে ও ক্রোড়ে ঢালিয়া দিবে । বেদমতে ইহাই জাতি কর্ম ।

এতদনন্তর সম্প্রদানকর্ম লিখিত হইয়াছে । পিতা, পিতৃব্য, মাতা, মাতুল, মাতুলানী, সূহৃদ ও বন্ধুবান্ধবদি সকলেই কণ্ডা-দানে অধিকারী । উদ্ভাহের দিবস পিতা প্রাতঃকালে স্নান ও কৃতাহিক হইয়া স্বস্তিবাচন পূর্বক সঙ্কল্প করত গৌরী-আদি ষোড়শ মাতৃকাপূজন, গন্ধাদিবাসন, বসুধারা, সম্পাতন, আয়ুষ্যজপ, বুদ্ধি-প্রাদ করিবেন । পরে লগ্ন সময়ে পিতা বা সম্প্রদাতা স্বস্তিবাচ-নাদি করিয়া জামাতা ছায়ামণ্ডপে আসিবার পূর্বে তথায় মন্ত্রপাঠ পূর্বক একটা পয়স্বিনী গাভী সংস্থাপন করিবেন ।

অনন্তর জামাতা মন্ত্রপাঠ করিয়া বরাসনে উপবেশন করি-বেন । সম্প্রদাতাকে প্রত্যঙ্ঘুখোপবিষ্ট হইয়া বস্ত্রালঙ্কারাদি দান পূর্বক বরের অর্চনা করা উচিত । আসনোপবিষ্ট জামাতাকে সম্প্রদাতা কহিবেন, 'আপনি সাধু আছেন?' বরও কহিবেন 'আমি সাধু আছি।' পরে সম্প্রদাতা বরকে, 'আমরা আপনাকে বরিব?' বলিলে, বর প্রত্যাভরণ প্রদান করিবেন 'তোমরা আমাকে অর্চনা কর।' এই কথা বলিবামাত্র সম্প্রদাতা বরকে গন্ধ, পুষ্প, মাল্য, চন্দন, ও বস্ত্রালঙ্কারাদি দ্বারা জামাতাকে অর্চনা করিবেন । অর্চনার পর পুষ্পাক্তহস্তে জামাতার দক্ষিণ জাহু ধরিয়া কহিবেন, 'আমি অমুক দিনে অমুক ব্যক্তিকে বরকর্ম করণার্থ বরণ করিতেছি।' জামাতা কহিবেন, 'বৃত হইলাম।' পরে সম্প্রদাতা, 'বিহিত বৃতকর্ম কর' বলিলে, জামাতা উত্তর করিবেন 'যথাজ্ঞান করিতেছি।' অনন্তর জামাতাকে স্ত্রীআচার করিতে লইয়া যাইবে । স্ত্রীআচার করা হইলে বর পুনরায় আসিয়া ছায়ামণ্ডপে বসিবেন । ছায়ামণ্ডপে বসিবামাত্র সম্প্রদাতা তাঁহাকে সাগ্র পঞ্চবিংশতি কুশপত্র দ্বারা দুই ফের গ্রন্থিযুক্ত অধোমুখ বিষ্টির নির্মাণ করিয়া উত্তরাগ্র উত্তান হস্তদ্বারা মন্ত্র পাঠ করিয়া জামাতাকে অর্পণ করিবেন । জামাতাও লইলাম বলিয়া রীতিমত মন্ত্র উচ্চারণ করিবেন । মন্ত্রপাঠের পর জামাতা সেই বিষ্টির নিজাসনে উত্তরাগ্র করিয়া রাখিয়া তদুপরি উপবেশন করিবেন । সম্প্রদাতা পুনরায় সেইরূপ বিষ্টির প্রদান করিবেন ।

উভয় পাদে অধঃস্থানে উত্তরাগ্র বিষ্টির স্থাপন করিয়া জামাতা সম্প্রদাতার নিকট হইতে মন্ত্রপুত পাছ গ্রহণ করিবেন । পরে জামাতা সম্প্রদাতার পুনঃপ্রদত্ত পাছদ্বারা মন্ত্রপাঠপূর্বক প্রথমে বাম পাদ পরে দক্ষিণ পাদ ধৌত করিবেন । পরে পুনরায় পাছ গ্রহণ করিয়া উভয় পাদ প্রক্ষালন করিবেন । অনন্তর জামাতা সম্প্রদাতার হস্ত হইতে মন্ত্রপাঠপূর্বক অর্ঘ্য লইয়া মস্তকে রাখিবেন এবং আচমনীয় লইয়া উত্তরমুখ হইয়া আচমন করি-

বেন। অর্ঘ্যের ধর জামাতা কাংশপাত্রস্থ ঘৃত-মধু-দধিযুক্ত মধুপর্ক গ্রহণ করিয়া তিলকার মুখে প্রদান করিবেন।

অনন্তর জামাতা মঙ্গল-ঔষধি-লিগু আপন দক্ষিণহস্তোপরি মঙ্গল-ঔষধি-লিগু কন্ঠার দক্ষিণহস্ত সংস্থাপন করিবেন। এই সময়ে পতিপুত্রবতী সুলক্ষণা নারীরা মঙ্গলধনি করতঃ কুশ দ্বারা বর কন্ঠার হস্তদ্বয় বন্ধন করিবেন। সম্প্রদাতা তিল, কুশ ও কুসুম-যুক্ত জলপাত্র লইয়া বর ও কন্ঠার পুরুষ, গোত্র ও প্রবরাদি উল্লেখ করিয়া 'জগদীশ্বরের তুষ্টির জন্ত এই সবস্ত্রা সালঙ্কারা স্বর্গকামার্থ প্রদান করিতেছি' বলিয়া বরের হস্তে মপুষ্প জলাদি ঢালিয়া দিবেন। জামাতাও স্বস্তীতি বলিবে। সম্প্রদাতা পুনরায় মন্ত্রপাঠ করিয়া গায়ত্রীজপ করিবেন। গায়ত্রীজপ সমাপন হইলে সম্প্রদাতা মন্ত্রপাঠ করিয়া সতিল জলকুসুমপাত্র লইয়া দক্ষিণান্ত করিবেন। জামাতাও স্বস্তি বলিয়া দক্ষিণা গ্রহণ করিবেন। কেহ কেহ বা দক্ষিণান্তের পর স্ত্রী-আচার জন্য জামাতাকে প্রেরণ করেন। সে কেবল দেশভেদে প্রথামাত্র। সম্প্রদানকার্যের পর নাপিত গোঁর্গো এই শব্দ উচ্চারণ করিলে জামাতা মন্ত্রপাঠ করিবামাত্র নাপিত সেই গাভীকে বন্ধনযুক্ত করিয়া দিবে। গাভী বিদায় হইলে সম্প্রদাতা ব্রাহ্মণগণকে দক্ষিণা দিয়া ভোজন করাইবেন। পরে পুরোহিত মঙ্গলপূর্বক মঙ্গলদ্রব্যসংযুক্ত বরকন্যার বস্ত্রে গ্রন্থী বন্ধন করিয়া দিলে তাঁহারা গৃহে প্রবেশ করিবেন। যাবৎ কুশণ্ডিকা সমাপন না হয় কন্যাকে ভর্তার দক্ষিণে বসান উচিত।

অনন্তর কুশণ্ডিকা হোম বিধের। যোজকনামা অগ্নি সংস্থাপনের পর বিকপাক্ষজপ করিয়া কুশণ্ডিকাকার্য সমাধান করিতে হয়। পানিগ্রহণীয় কার্যের সময় বরের কোন এক বয়স্ক জলাশয় হইতে জলপূর্ণ কুম্ভ লইয়া গাত্রে বস্ত্রাবরণপূর্বক মৌন হইয়া অগ্নিকে প্রদক্ষিণ করত অগ্নির দক্ষিণে উত্তরমুখে দাঁড়াইবেন। অপর বয়স্ক স্বস্তিকহস্তে পূর্বরূপ করিয়া পূর্বব্যক্তির পূর্বদিকে

দাঁড়াইবেন। অগ্নির পশ্চিমভাগে শমীপত্রমিশ্রিত চারি অঞ্জলি খই কুলায় রাখিবে। তাঁহার নিকট মপুত্রশিলক স্থাপন করত জামাতা বেণাপত্রের কট নির্মাণ করিয়া বস্ত্রে বেষ্ঠনপূর্বক মন্ত্রপাঠ করিয়া যথাবিধি বধুকে পরিধাপন করাইবেন। অধোবস্ত্র পরিধাপিত হইলে উত্তরীয় বস্ত্র যজ্ঞোপবীতের ন্যায় পরিধাপন কালে মন্ত্রপাঠ কর্তব্য। অনন্তর অগ্নির নিকট বধু আনীত হইলে জামাতা মন্ত্রপাঠ করিবেন। অগ্নির পশ্চিমে বীরগনির্মিত বস্ত্রবেষ্টিত কটের উপর বধুর বামপদ রাখাইয়া জামাতা তাহাকে বিধিমত মন্ত্রপাঠ করাইবেন। পরে বধুর কটের পৃষ্ঠে জামাতার দক্ষিণে উপবেশন পতির বধুর উত্তরদিকে বসাই উচিত। অনন্তর বধু দক্ষিণহস্তে পতির দক্ষিণস্কন্ধ স্পর্শ করিয়া দাঁড়াইলে জামাতা যথাবিধি ঘৃত দ্বারা অগ্নিতে ছয় আহুতি দিবেন। আহুতির পর মহাব্যাহতি হোম কর্তব্য। মহাব্যাহতি হোমান্তে জামাতা ভার্গব প্রবর না হইলে দক্ষিণাভিমুখে চতুর্গৃহীত ঘৃতধারা মন্ত্রপাঠ পূর্বক অগ্নিতে প্রদান করিবেন।

অনন্তর বধুসহিত পতি উঠিয়া বধুর পৃষ্ঠদেশ দিয়া দক্ষিণদেশে গিয়া উত্তরমুখে দক্ষিণহস্তে স্ত্রীর অঞ্জলিবদ্ধ করদ্বয় ধারণ করত দাঁড়াইবেন। কন্ঠার মাতা ভ্রাতা কি অথ কোন ব্রাহ্মণ পূর্বের স্থাপিত লাজ ও মপুত্রা শিলা অগ্রে রাখিয়া বধুর দক্ষিণ পাদ নিক্ষেপ করাইবেন। পতি ভার্গবপ্রবর না হইলে প্রথমে বধুর অঞ্জলিতে এক সুবর্ষত, পরে মাতা ভ্রাতা কি কোন ব্রাহ্মণ এই অঞ্জলিতে লাজপ্রদান করিলে তহুপরি ঘৃত স্রবণ দিবেন।

বীরজননী-বিলাপ ।

মানস-সরসী-তীরে কি হেরি কি হেরি ওই।
যেন রে ভূতলে শশী, লজ্জায় পড়েছে খসি,
নিরখি রূপের রাশি, মলিনমুখেতে ওই—
মানস-সরসী-তীরে কি হেরি কি হেরি ওই ॥

অন্তরে অসুখ তব^২ কেন মরি হায়,
 নিরখি বিরস মুখ বুক ফেটে যায়।
 যেন রে শরত-শশী, সমাপ্ত মেষরাশী—
 তেমনি তিমির শশী, অন্তর আকুল ওই—
 মানস-সরসী-তীরে কি হেরি কি হেরি ওই ॥

নিষ্ঠুর মনুজ-মন বোঝে না সময়,
 স্বার্থহেতু দয়া ধর্ম দেখে বিষময়।
 ক্ষণিক সুখের তরে, ভাসে চিরহুখ-নীরে
 নিরখি মনুজবরে অবিরত ওই—
 আপনিত রত আমি কাহাকে বা কই ॥

আপন সুখের তরে অনাসে পরের,
 কাঁদায় চিরটা কাল ভাসায় পাখারে।
 কি ফল ইহাতে তব, কিবা সুখ অভিনব
 আঁখিনীরে শুনি তব, নিষ্ঠুর মনুজ ওই
 আপনিত রত আমি কাহাকে বা কই ॥

কে হেন পাষণ্ড বল ভাসায় সাগরে,
 বসিয়া তামাসা দেখে থাকিয়া অন্তরে।
 অথবা পাপের দেশ, পরিহরি সুখবেশ
 ভুঞ্জিছ সুখের শেষ, বসিয়া কুলেতে ওই
 পাপরাজ্য পাপকার্য পরিহরি ওই ॥

অথবা সরলা বাল্য বুঝিয়াছে সার
 কেটেছে মায়ার জাল, তোজেছে সংসার।
 অথবা বিরক্ত হয়ে, কোলাহল ত্যাগিয়ে
 বিরলে পাপের ভয়ে, রয়েছে লুকায় ওই
 পাপরাজ্য পাপকার্য পরিহরি ওই ॥

জানি রে দায়াদদল কঠিনহৃদয়,
 জ্ঞাতিহুঃখ হেরি কভু হুঃখে হুঃখী নয়।
 অথবা বঙ্গের বাসী, পরাহুঃখ-অভিলাষী,
 তুষিতে বিদেশবাসী ব্যস্ত অশুক্ষণ,
 দয়ামায়ী ধর্মার্থ দেয় বিসর্জন ॥

প্রদীপ্ত প্রদীপ যথা করি সুখ জ্ঞান,
 চঞ্চল পতঙ্গজাতি হারায় পরাণ।
 তেমতি অবোধ নয়, ভাসে হুঃখে নিরন্তর
 ক্ষণিক সুখেতে ভর করি অশুক্ষণ,
 দয়ামায়ী ধর্মার্থ দেয় বিসর্জন ॥

ফুটেছে কমলকলি হেলিছে হুলিছে,
 ঝাঁকে ঝাঁকে লাখে লাখে মধুপ জুটিছে।
 মরি কিবা অলিগান, শুনিয়া জুড়ায় প্রাণ
 খেমোনাকো গাও গাও সঙ্গীত ললিত;
 মধুর আলাপে মরি কোরো না বঞ্চিত ॥

অদূরেতে পিকবর বসিয়া শাখায়
 কুহুরবে গান করি হৃদয় কাঁদায়।
 গাও পাখি-গাও শুনি কর রে মধুর ধনি
 বিরত কেন রে তুমি, সাধিতে সঙ্গীত;
 মধুর আলাপে মরি কোরো না বঞ্চিত ॥

ললিত লবঙ্গলতা শ্যামল কোমল
 হুলিছে বাতাসভরে ভাবে টলমল।
 গাইছে পুলকভরে, গুণধাম বিভুবরে
 মর্মর শব্দ করে, শ্রবণ-রঞ্জন;
 হিমপাত-আনন্দাশ্রু করে অগণন ॥

১২

বহিছে মলয়বায়ু শরীর জুড়ায়,
সুখদ সুবাস সদা প্রচুরে বিলায়।
সরসী-শীতল জল, আহা কিবা নিরমল!
পবনে লহরীদল উঠে অবিরল;
বিকাশে হেরিলে যাহা মানস-কমল ॥

১৩

মোহিনী মেদিনী ধনী নেত্র-বিনোদিনী—
রসজ-ভাবুক-জন-চিত্ত-বিলাসিনী।
কৌমুদী বিশদবাসে, ভাবিনী-মোদিনী হাদে,
অগণ্য তারকাকাশে বিমল-শোভন,
গাইতে গুণেশগান মন উচাটন ॥

১৪

পাতকি পেচক পাখি নিচুর-হৃদয়!
বিলাপে ফাটাও কেন ধরা সুখময়?
শান্ত ক্লান্ত জীবগণ, কেন কাঁদ অকারণ,
পৃথিবী পুলক-ধাম করি দরশন,
গাইতে গুণেশগান মন উচাটন ॥

১৫

নিরখি হরষে সবে করে বিচরণ
ও ধনী বসিয়া কেন মলিনবদন?
কে বামা ও কিবা আশে, কিবা সুখ অভিলাষে,
বসেছে মলিনবেশে মন উচাটন,
বুঝি কোন মনোহুঃখে মলিন-বদন?

১৬

প্রফুল্ল নয়নে কেন বহিতেছে জল,
শুকায়েছে কেন মরি বদনকমল?
মিয়মাণ মুখখানি, নাহি সুখ অনুমানি,
কি কারণ কহ শুনি বিনা প্রতারণ,
মনোহুঃখ কেন তব, কিসের কারণ?

১৭

অধরে মধুর হাসি কেন নাহি আর,
কে হরিল-সুখনিধি মরি গো তোমার?
অলক্ষ্যে আঁধিতে জল, করিতেছে ছল ছল,
মন-তরি টলমল কিসের কারণ,
কোথা ধৈর্য-কর্ণধার তরণী-জীবন ॥

১৮

পদ্মবনে পশি-বথা-প্রমত্ত বারণ
ছারখার করে তাহা না মানি বারণ।
তেমতি গো তরু মনে, চিন্তা-করী প্রতিক্ষণে
দলিছে হুর্কার-গতি সমদে মঘন,
যাহাতে মানস-সরঃ কাঁপে যনেঘন ॥

১৯

অবোধ মনুজমন ধৈর্য কারণ,
আশাবায়ু মনে সদা বহে প্রতিক্ষণ।
বহিয়া প্রবলবেগে, নৃপতির সুখ আগে
তোমার সুখের ভাগে বাড়ায় তখন,
ধরণীতে তার সম কি আছে এমন ॥

২০

কে বুঝি গো সেই নিধি হরিল তোমার,
হইয়াছে তাই বুঝি মানস আঁধার।
কিঞ্চা ধনি ভুভিমানে, বসেছ বিরস মনে
অভিমাণে সুখধনে করিয়া বিনাশ।
কিন্তু সে অসুখ তব বিভ্রমবিলাস ॥

২১

লাবণ্য তোমার ধনি দেয় পরিচয়,
যেন কোন কালে তব গেছে সুসময়।
পরিহরি সে আশায় করিতেছ হায় হায়;
জীবনে যুতের প্রায়, হেরি গো তোমায়,
কহ শুনি বিবরিয়া ঘটিল কি দায়?

২২

আমরা গো স্মৃত তব দুর্বল পামর,
পরের বিভব হেরি নিরত ক্রাতর।
অপরের পরিশ্রম, বিদ্যা-বুদ্ধি অল্পম,
যাহা কার্যসিদ্ধিক্রম, লভিতে না চাই।
কর্মনাশা অগ্রগণ্য বচনে গৌসাই!

২৩

“অশ্রুভাবে অঙ্গ শীর্ণ” কহিল সে নারী,
“তোষামোদ বাঙ্গালীর প্রিয় সহকারী,
বঞ্চিত হয়েছি স্মৃতে, ভাসি আমি সদা হুখে
একেত অবলাজাতি চির অসহায়,
তাহাতে তনয়ে বহু অনিষ্ট ঘটায় ॥

২৪

“পাইয়াছি বাকশক্তি কথা কই তাই,
মনেতে স্মৃথের কিন্তু লেশমাত্র নাই।
হীনপ্রাণ দেশবাসী, রুখা স্মৃথ-অভিলাষী,
কেন রে বিদেশবাসী তোষে অসুক্ষণ
গৃহের অভাব নাহি করি বিমোচন ?

২৫

“ভুবন পিঞ্জর মোর হয় সদা জ্ঞান,
অভিমাণে জর জর হইল পরাণ।
দূর হ রে মুখে বুলি, ইচ্ছা হয় লয়ে বুলি
বাই কোন দেশ চলি, কেন মরি আর ;
এ হতে অধিক দুঃখ হবে কি আমার ?

২৬

“স্বজাতির কাছে মম নাহি কভু মান
অথর্ক বলিয়া সবে করে হতজ্ঞান।
পুঞ্জি যদি নাহি মানে কি কহিব অন্য জনে,
বনিতার অভিমাণে, মন পাওয়া ভার,
এ হতে অধিক দুঃখ হবে কি আমার ?

২৭

“পুরাকালে কত স্মৃথ পাইয়াছি হয়,
যৌবন বহিয়া গেল স্বপনের প্রায়!
শৈশবের বন্ধুগণ, নাহি করে আলাপন,
অর্থহীনে ভূতমান কে বিতরে আর,
এ হতে অধিক দুঃখ হবে কি আমার ?

২৮

“আপন আলয়ে আমি রহি সর্বক্ষণ,
দিবসেতে বহু ক্রেশে হই জ্বালাতন।
রাত্রিতে শয়ন করি চিন্তাজ্বরে পুড়ে মরি
জীবনে না স্মৃথ হেরি ঘোর অন্ধকার।
এ হতে অধিক দুঃখ হবে কি আমার ?

২৯

“জানি ত পাপের কার্য কুফল মিলায়,
তবু যে করিস্ পাপ অবোধের প্রায়।
নিদ্রাস্মৃথ পরিহরি অনন্ত নরক হেরি
আর না সহিতে পারি যাতনা অপার,
এ হতে অধিক দুঃখ হবে কি আমার ?

৩০

“দিন দিন ক্লশদেহ হইল আমার,
শুক্রা-বিয়োগে তার নাহি প্রতিকার।
বহি সদা দুঃখভার, কহি কথা কাছে কার,
নাহি কথা মমতার, নিকটে কারার,
এ হতে অধিক দুঃখ হবে কি আমার ?”

৩১

যন দীর্ঘশ্বাস তবে বহিল বামার,
“কপাল আমার মন্দ” বলে বার বার।
“বিদেশ-ভগিনী ধনী, ভূতলে অতুল মণি,
দয়া-ভাবে করে যাই মোরে নিরীক্ষণ,
অত্মপি এ দেহে তাই রহিছে জীবন।”

পদ্মিনী-চরিত ।

প্রথম অধ্যায়।

যে সকল সঙ্গুণের নিমিত্ত সীতা, সাবিত্রী, দময়ন্তী, চিন্তা, দ্রৌপদী, গান্ধারী ও খুবনা প্রভৃতি রমণীদিগকে পৌরাণিক মহোদয়েরা সতী বলিয়া তাঁহাদিগের নাম নিত্যস্মরণীয় ও তাঁহাদিগকে আশাদিগের পূজনীয় বলিয়া গণ্য করিয়া গিয়াছেন ও যে সকল সংকীৰ্ত্তি এবং সঙ্গুণের নিমিত্ত তাঁহাদিগের নাম জন-মাত্রেরই হৃদয়ে জাগরুক আছে, পদ্মিনীও সেই সকল গুণের যথার্থ অধিকারিণী ।

পদ্মিনীর অসাধারণ বুদ্ধিশক্তি, বীরত্ব, এবং অপূৰ্ণ কীর্ত্তির বিষয় শ্রবণ করিলে চমৎকৃত হইতে হয়। পদ্মিনী যে কেবল সংস্খভাবাপন্ন ছিলেন এমত নহে, তিনি তদনুযায়ী রূপবতীও ছিলেন। তাঁহার সময়ে তিনি রূপ-লাবণ্য বিষয়ে অদ্বিতীয়া ছিলেন। পদ্মিনীর জন্ম দিন এ-পর্যন্ত নির্দিষ্ট হয় নাই, যাহা হউক তিনি যে ত্রয়োদশ শতাব্দীতে (অর্থাৎ খিলিজিবংশীয় সম্রাট আলাউদ্দিনের সিংহাসনারূঢ় হওয়ার কয়েক বৎসর পূর্বে) জন্মগ্রহণ করিয়াছিলেন, তাঁহার সন্দেহ নাই। পদ্মিনীর পিতার নাম হামিরশঙ্খ রায়, ইনি চোহান-বংশজ এবং সিংহলদ্বীপের অধিপতি ছিলেন। ইহার পদ্মিনী ব্যতীত অন্য কোন সন্তানসন্ততি ছিল না, সুতরাং তিনি পদ্মিনীকে অত্যন্ত স্নেহ করিতেন। এবং তাঁহাকে এরূপ অদ্বিতীয়া রূপবতী ও গুণবতী দেখিয়া তাঁহাকে তদনুরূপ সুপাত্রের সহিত বিবাহ দিবার নিমিত্ত সদাসর্বদা উৎকণ্ঠিত থাকিতেন। সৌভাগ্যক্রমে হামির-শঙ্খ রায় আশাতীত ফল প্রাপ্ত হইলেন। পদ্মিনী উপযুক্ত পাত্রের সহিত পরিণীতা হইলেন; তিনি চিতোরের প্রসিদ্ধ রাজা ভীমসিংহের সহধর্মিণী হইলেন।

এইপ্রকারে উভয়ে উভয়ের সন্তোষসাধন করিয়া সুখে কালাতিপাত করিতে লাগিলেন। কালক্রমে তাঁহাদিগের

সন্তানসন্ততিও জন্মিল। কিন্তু পার্থিব সুখ চিরকাল স্থায়ী নহে। রাজাই হউন, সম্রাটই হউন, কিম্বা বীরপুরুষই হউন, সকলকেই দুঃখাবসানে সুখ, ও সুখাবসানে দুঃখভোগ করিতে হইবেই হইবে। কেহই এ নিয়ম হইতে মুক্তি পাইবেন না; কাহাকেও চিরদিন সুখ কিম্বা চিরদিন দুঃখভোগ করিতে হইবেক না, অবশ্যই পরিবর্তন হইবেক। রাজা ভীমসিংহ ও তদীয় পত্নী রাণী পদ্মিনী উভয়ে সুখে কালযাপন করিতেছিলেন; কিন্তু হায়! সংসারসুখ এত অল্প ক্ষণস্থায়ী যে, কিঞ্চিৎকাল সুখভোগ করিয়াই তাঁহাদিগের সুখে বিষম ব্যাঘাত জন্মিল। ১২৯৩ খঃ অব্দে খিলিজিবংশীয় তৃতীয় সম্রাট পাশাআলাউদ্দিন চিতোর নগর ভয়ানক পরাক্রমসহকারে আক্রমণ করিল। তদবধি, রাজা, রাজমহিষী, রাজকর্মচারী ও প্রজাবর্গ প্রভৃতি সকলেই সদাসর্বদা যবনভয়ে সশঙ্কিত থাকিতেন। সকলেই ব্যস্তমস্ত, কাহারও অন্তরে আশঙ্ক্যাতীত সুখের লেশমাত্র ছিল না। রাজা ভীম-সিংহ যবনসৈন্যের পরাক্রম দেখিয়া, নিতান্ত হতাশ হইলেন। পদ্মিনী এই বিষম ব্যাপার দেখিয়া রাজাকে বারংবার উৎসাহ-জনক উপদেশ দিতে লাগিলেন। রাজা, মহিষীর উৎসাহবাক্যে অত্যন্ত উৎসাহিত হইয়া, সৈন্য সংগ্রহকরতঃ অসীম পরাক্রম সহ-কারে পাশাআলাউদ্দিনের সহিত যুদ্ধারম্ভ করিলেন। ঘোরতর সংগ্রামারম্ভ হইল, কোন পক্ষই কোন পক্ষকে পরাজিত করিতে পারিল না; অথচ উভয় পক্ষেরই সৈন্য বিনষ্ট হইতে লাগিল। বিশেষতঃ যবনসৈন্য অধিক পরিমাণে হত হইতে লাগিল। আলাউদ্দিন এতাদিক সৈন্যের বিনাশ দেখিয়া রণে ক্ষান্ত হইলেন। মহারাজ ভীমসিংহও তদর্শনে রণে ক্ষান্ত হইয়া সন্ধি সংস্থাপনের কল্পনা করিতে লাগিলেন। এইরূপে রাজা ভীমসিংহ অমাত্য-গণপরিবৃত হইয়া, সন্ধিস্থাপনের কল্পনা করিতেছিলেন, এমন সময় আলাউদ্দিনের শিবির হইতে এক দূত একখানা পত্র লইয়া আসিল। তাহাতে এইরূপ লেখা ছিল :—

“মহারাজ ভীমসিংহ ! আমি শুনিলাম যে, আপনার সহ-ধর্মিণী রাণী পদ্মিনী অসামান্য রূপবতী; আমার বাসনা যে, আমি তাঁহার অলৌকিক রূপ লাভণ্য স্বচক্ষে দর্শন করি। আপনি যদি ইহাতে সম্মত হইলেন তাহা হইলে আপনার সহিত মিত্রতা করিব ও আপনার রাজ্যে হস্তক্ষেপও করিব না।

আলাউদ্দিন।”

মহারাজ ভীমসিংহ হুরাত্মার পত্র পাঠ করিয়া ক্রোধে জ্বলিয়া উঠিলেন; চক্ষুদ্বয় রক্তবর্ণ হইল, শরীর কম্পিত হইল, এবং উচ্চৈঃস্বরে বলিলেন। “কি—পাপিষ্ঠ যবন হইয়া এতদূর হুরাশা করে? বাসনা হইয়া চন্দ্র ধরিবার আশা! রাজ্য যায়, প্রাণ যায় তথাপি আমার দেহে প্রাণ থাকিতে জীবনসর্বস্ব পদ্মিনীকে যবনে দেখিবে ইহা কখনই হইবেক না।” এই বলিয়া তিনি অন্তঃপুরমধ্যে প্রবেশ করিলেন। পদ্মিনী রাজার এতাদৃশ ক্রোধলক্ষণ, আরক্ত ও সজল চক্ষুদ্বয় দেখিয়া, মনে মনে নানাপ্রকার আশঙ্কা করিতে লাগিলেন, ও সবিশেষ জানিবার নিমিত্ত নিতান্ত বাগ্র হইলেন। মনে মনে ভাবিতে লাগিলেন, যে “রাজার আমাকে দেখিবামাত্র দাক্ষণ ক্রোধ ও শোক সমুদয় জল হইয়া যাইত, অতঃ কেন আমার প্রতি দৃষ্টিপাত করিয়া অবিরল ধারায় অশ্রু বিসর্জন করিতেছেন? বোধ হয় যুদ্ধসম্বন্ধীয় কোন কুসংবাদ আসিয়াছে।” তিনি সকাতরে মহারাজ ভীমসিংহকে জিজ্ঞাসা করিলেন, “মহারাজ! কি হইয়াছে শীঘ্র বলুন, কেন আপনি অশ্রু বিসর্জন করিতেছেন? দাসীর নিকট প্রকাশ করিয়া বাধিত করুন।” রাজা পদ্মিনীর কথা শ্রবণ করিয়া, ধৈর্য্যাবলম্বনপূর্বক বলিলেন, “প্রাণেশ্বর! এই দেখ”— এই বলিয়া আলাউদ্দিনের পত্র দেখাইলেন। পদ্মিনী পত্র পাঠ করিয়া কহিলেন, “নাথ! এই সামান্য কারণে কেন এত বিহ্বল হইতেছেন? আমাকে দেখাইলেই যদি রাজ্য রক্ষা হয়, তাহাতে আমি সম্পূর্ণ সম্মত আছি। আমি রাজ্য রক্ষার্থে স্বীয় প্রাণপর্যন্তও

পরিত্যাগ করিতে পারি; অতএব ত্বরায় সম্মতিপত্র লিখুন।” রাজা বলিলেন, “প্রিয়ে! আমি কি প্রকারে ক্ষত্রিয়বংশে জন্ম পরিগ্রহ করিয়া, ধর্ম ও সমাজবিরুদ্ধ কার্য্য করিব। এবং কি প্রকারেই বা এই পবিত্র বংশে কলঙ্ক অর্শাইব।” পদ্মিনী বলিলেন, “যদি আমাকে দেখাইলেই ক্ষত্রিয়কুলে কলঙ্ক হয়, তবে দর্পণ দ্বারা আমার প্রতিমূর্ত্তি দেখাইলে ধর্মবিরুদ্ধ হইবেক না।”

রাজা ভীমসিংহ পদ্মিনীর কম্পনায় স্বীকৃত হইয়া, যবনরাজাকে নির্দিষ্ট দিনে পদ্মিনীর প্রতিমূর্ত্তি দেখিতে নিমন্ত্রণ করিলেন। পাপাশয় আলাউদ্দিন তদনুসারে নির্দিষ্ট দিবসে আসিয়া, পদ্মিনীর প্রতিমূর্ত্তি দর্শন করিল; ও একেবারে উন্মত্ত হইয়া পদ্মিনীকে পাইবার নিমিত্ত নানাপ্রকার ষড়যন্ত্র ও চেষ্টা করিতে লাগিল। এক দিবস আলাউদ্দিন রাজা ভীমসিংহকে নিমন্ত্রণ করিয়া আপন শিবিরে লইয়া গেল ও বিশ্বাসঘাতক হুরাচার আলাউদ্দিন রাজাকে বন্দী করিল। এবং বলিল, “তুমি যদি পদ্মিনীকে না দেও তবে সর্বাশ্রমে তোমার মৃত্যু সাধন করিয়া চিতোর নগর চূর্ণ বিচূর্ণ করিব, ও পরশুরামের শ্রায় সকল ক্ষত্রিয় সৈন্য বিনাশ করিয়া পদ্মিনীকে লইয়া দিল্লী প্রস্থান করিব; ও তাহাকে আমার বাম-পার্শ্বে বসাইব, দেখিব তখন কে রক্ষা করে।” রাজা ভীমসিংহ পাপাশয়ের দুর্ব্বাক্য শ্রবণ করিয়া, ক্রোধে কম্পান্বিতকলেবর হইয়া বলিলেন, “রে হুরাত্ত মহাপাপি বিশ্বাসঘাতক যবন, এই কি তোমার ধর্ম! এই কি তোমার রাজনীতি! এই কি তোমার সাহস! এই কি তোমার বীরত্ব! এই কি তোমার কোরাণে লিখিয়াছে! প্রাণ যায় রাজ্য যায় সেও স্বীকার, তথাপি আমার মনোহারিণী পদ্মিনীকে অতঃ কাহাকেও দিব না! দিব না! পদ্মিনীকে স্বহস্তে বিনাশ করিব, তথাপি আমি থাকিতে সে অন্যের হইবে ইহা কখনই সহ করিতে পারিব না। পাপাত্মা! তোমার এতবড় হুরাশা! কার সাধ্য যে নিষ্কলঙ্ক ক্ষত্রিয়কুলে কলঙ্ক দেয়। পাপীয়স্! তুমি কি মনে করিয়াছ যে, ক্ষত্রিয়রমণীরা তোমাপেক্ষা দুর্ব্বলা? কখনই

না! কখনই না!” আলাউদ্দিন, রাজা ভীমসিংহের বাক্য শ্রবণ করিয়া নিতান্ত ক্ষোভান্বিত হইয়া, অমুচরদিগকে বলিল, “যাও! তোমরা এই দুঃসাহসিক হিন্দু যুবর হস্তপদাদি বন্ধন করতঃ দুর্গের একটা ক্ষুদ্র প্রকোষ্ঠে আবদ্ধ করিয়া রাখ। যদি সপ্তাহ মধ্যে পদ্মিনী আসিয়া আমার বামপার্শ্বে উপবেশন না করে, তাহা হইলে দুর্বৃত্ত কাফেরের যথোচিত শাস্তি প্রদান করা যাইবেক।” অমুচরেরা যবন সত্রাটের আজ্ঞানুসারে কার্য্য করিল।

দ্বিতীয় অধ্যায় ।

এদিকে রাণী পদ্মিনী আপনার স্বামীর যবনকৃত এতদূর দুর্বস্থা শ্রবণ করিয়া উচ্চৈঃস্বরে রোদন করিতে করিতে আর্তনাদ করিতে লাগিলেন। “হে প্রাণেশ্বর! দুঃখিনীর জীবিতেশ্বর! তুমি কেনই বা এই পাপীয়সীকে বিবাহ করিলে। হায়! আমিই তো তোমার সকল অনর্থের মূল। যদি তুমি আমাকে বিবাহ না করিতে, তাহা হইলে আর তোমাকে এই অসহ যন্ত্রণা ভোগ করিতে হইত না। হে হতবিধি! এত অমঙ্গল ঘটাইবার নিমিত্ত, ও এমন চিরপ্রসিদ্ধ রাজবংশ ধ্বংস করিবার নিমিত্তই কি আমাকে রূপসী করিয়া এই পৃথিবীতে প্রেরণ করিয়াছ? হায়! আমি যদি কোন নীচকুলোদ্ভবা কিম্বা কুরূপা হইতাম, তাহা হইলে আর এত অমঙ্গল ঘটত না। হায়! আমার জীবিতেশ্বর এক্ষণে কত ক্লেশ ভোগ করিতেছেন; কার জন্ত? আমার জন্ত, এ পাপীয়সীর জন্ত! হায়! প্রাণনাথ! কি জন্তই বা দুর্বৃত্ত যবনকে বিশ্বাস করিয়া তাহার শিবিরে গিয়াছিলে। রে পাপাত্মা বৃশংস যবন! তোর কি ধর্মভয় নাই; বিশ্বাসঘাতকতা ও পরস্ত্রীর প্রতি লোভ এই কি তোর ধর্ম! হুরাত্মা! তোর নাম লইলেও পাপ রাশিতে কলুষিত হইতে হয়।” এইরূপে পদ্মিনী রোদন করিতে লাগিলেন, ও কিয়ৎকাল পরে ধৈর্য্যাবলম্বন পূর্বক প্রতিজ্ঞা করিলেন যে, “যে রূপেই পারি যবনশিবির হইতে পতির উদ্ধার করিবই করিব।”

তৎপরে পদ্মিনী আলাউদ্দিনকে এই মর্মে এক পত্র লিখিলেন যে, তিনি স্বয়ং যাইয়া, তাঁহার নিকট উপস্থিত হইবেন। তদনন্তর তাঁহার দুই তিন শত সৈন্যকে নারীবেশ ধারণ করিয়া, এক এক শিবিকায় আরোহণপূর্বক তাঁহার সমভিব্যাহারে যবনশিবিরে যাইতে অনুমতি প্রদান করিলেন ও তাহাদিগকে এইরূপ উপদেশ দিলেন যে, যখন তিনি রাজা ভীমসিংহকে, যবনদুর্গ হইতে উদ্ধার করিয়া প্রস্থান করিবেন, তখন তাহারা আপন আপন শিবিকা হইতে বাহির হইয়া, যবন সৈন্য বিনাশ করিবে। এই বলিয়া তিনি ও তাঁহার সহচরীগণ অশ্বারোহণ করিয়া, যবনশিবির-ভিমুখে বাত্মা করিলেন। আহা! সেই সময়ে তাঁহার কি চমৎকার শোভা হইয়াছিল! কিয়ৎকালান্তে যবনশিবিরে উপস্থিত হইলেন। আলাউদ্দিন পদ্মিনীর আগমনসংবাদে সংজ্ঞাশূন্য হইয়া, তাঁহাকে সম্ভাষণ করিবার নিমিত্ত দ্রুতপদবিক্ষেপে ধাবমান হইলেন। পদ্মিনী আলাউদ্দিনকে দেখিয়া ভয়ে শিহরিয়া উঠিলেন, কিন্তু আত্মভাব গোপন করিয়া বলিলেন যে, “যে পর্য্যন্ত আমি মহারাজ ভীমসিংহের নিকট হইতে জন্মের মত বিদায় না হই, সে পর্য্যন্ত আপনি আমাকে স্পর্শ করিবেন না। আমি তাঁহার নিকট হইতে বিদায় গ্রহণ করিয়া, আপনার মনোভিলাষ পূর্ণ করিব। তিনি কোন্ প্রকোষ্ঠে আবদ্ধ আছেন, আমাকে দেখাইয়া দিন।” তদনুসারে আলাউদ্দিন দেখাইয়া দিল। পদ্মিনী প্রকোষ্ঠে প্রবেশ করিয়া দেখিলেন যে, তাঁহার প্রাণেশ্বর ধরা-শয্যায় শায়িত রহিয়াছেন। তাঁহার সর্বাঙ্গ ধূলায় ধূসরবর্ণ হইয়াছে; আর সে স্ত্রী নাই, আর সে পূর্ণচন্দ্রসদৃশ মুখমণ্ডল নাই, ক্রন্দন করিতে করিতে চক্ষুদ্বয় আরক্ত হইয়াছে; প্রথম দর্শনে রাজা ভীমসিংহ বলিয়া জানা যায় না। পদ্মিনী তদর্শনে নিতান্ত শোকা-কুলা হইলেন, কিন্তু শোক সম্বরণ করিয়া বলিলেন, “প্রাণবল্লভ! উঠুন!” রাজা পদ্মিনীকে দেখিয়া, ও তাঁহার বাক্য শ্রবণ করিয়া সাতিশয় হর্ষিত হইলেন; ও সর্বিশেষ অবগত হইবার নিমিত্ত

পদ্মিনীকে জিজ্ঞাসা করিলেন। পদ্মিনী উত্তর করিলেন, “ক্ষান্ত হউন, পরে সমুদ্র অবগত হইবেন, এক্ষণে আমার অনুসরণ করুন।” রাজা বলিলেন, “সম্পূর্ণ অক্ষম, কারণ আমার হস্ত পদ লৌহ শৃঙ্খলাবদ্ধ।” ইহা শুনিয়া পদ্মিনী মহারাজ ভীমসিংহকে শৃঙ্খলমুক্ত করিয়া, দুই জনে দ্রুতবেগে বাহির হইয়া অশ্বারোহণ করিলেন; ও উভয়েই এত দ্রুতবেগে অশ্ব চালাইলেন যে, তাঁহারা নির্ঝিমে যবনশিবির হইতে বহির্গত হইয়া রাজপ্রাসাদে প্রবেশ করিলেন। পুরবাসীগণ রাজা ও রাজমহিষীকে আগত দেখিয়া সাতশয় সন্তুষ্ট হইল। এদিকে আলাউদ্দিন পদ্মিনীর চাতুর্য্য দেখিয়া একান্ত হতাশ হইলেন; তাঁহার সকল আশাই বিফল হইল দেখিয়া, শিবিকাস্থিত ছদ্মবেশী সৈন্যদিগকে পদ্মিনীর সহচরী বিবেচনা করিয়া, তাহাদিগের প্রতি যথেষ্টাচার করিতে আদেশ করিলেন। যবনসৈন্যগণ আদেশপ্রাপ্তিমাত্র যেমন শিবিকার দ্বারোন্মোচন করিল, অমনি তন্মধ্যস্থিত ছদ্মবেশী সৈনিকদিগের অজ্ঞাঘাতে হতচেতনা হইয়া ভূমিতলে পতিত হইল। অনেক সৈন্য বিনষ্ট হইল, ঘোরতর যুদ্ধারম্ভ হইল; এই যুদ্ধে ক্ষত্রিয়সৈন্যের অধিকাংশ বিনষ্ট হইল।

ক্রমশঃ—

সূর্য্য ।

সৌরজগতে যে সমস্ত জ্যোতিষ্ক আছে, তন্মধ্যে সূর্য্য সর্ব্ব-প্রধান। সূর্য্য সৌরজগতের মধ্যে অবস্থিত থাকিয়া চতুষ্পার্শ্ববর্তী গ্রহ উপগ্রহ প্রভৃতিকে তেজঃ ও জ্যোতিঃ বিতরণ করিতেছে ও তদ্রূপে জীবজন্তুদিগকে পালন করিয়া মুখ ও সমৃদ্ধতা বিধান করিতেছে। সূর্য্য জগতের কেবল চক্ষুঃ স্বরূপ নহে, জগতের প্রাণ স্বরূপ। প্রকৃতির নিয়মানুসারে সূর্য্য উদয়* হইয়া প্রতিদিন

* বলা বাহুল্য, যে বাস্তবিক সূর্য্যের উদয় ও অস্ত হয় না। সূর্য্যের প্রাত্যহিক যে উদয়াস্তাদি দেখিতে পাওয়া যায়, তাহা পৃথিবীর প্রাত্যহিক আবর্তনজনিত চাক্ষুষ ভ্রান্তি মাত্র।

যাবতীয় পদার্থকে যেমন বিচিত্র বর্ণে চিত্রিত করিয়া জগতের শোভা সম্পাদন করে, তেমনি আবার তাহার অমৃত স্বরূপ রশ্মি বিকীরণ করিয়া প্রত্যেক উদ্ভিদ ও প্রত্যেক প্রাণীর জীবন রক্ষা ও পুষ্টিসাধন করে। বস্তুতঃ সূর্য্যমণ্ডলের তেজঃ, জ্যোতিঃ, আকর্ষণ ও বৈদ্যুতাদিকী শক্তি পৃথিবীস্থ গতি মাত্রেরই কারণ।

সূর্য্য, মঙ্গল বুধ বৃহস্পতি শুক্র ইত্যাদি গ্রহগণের কেন্দ্রীভূত। ইহা পৃথিবী হইতে প্রায় ৯২ কোটি মাইল (অর্ধকোশ) অন্তরে অবস্থিত। জ্যোতির্বিদ পণ্ডিতেরা নানা উপায়ে এই দূরত্ব নিরূপণ করিয়াছেন। যখন বুধগ্রহ, সূর্য্যের ও পৃথিবীর মধ্যবর্তী হয়, তখন বুধকে সূর্য্যের উপর দিয়া একটা কৃষ্ণবর্ণ চিহ্নের স্থায় গমন করিতে দেখা যায়। সূর্য্যমণ্ডলের এক পার্শ্ব হইতে অপর পার্শ্বে যাইতে যে সময় লাগে তাহা নিরূপণ করিতে পারিলে, সূর্য্যের দূরত্ব নিরূপণ করা যাইতে পারে।

সূর্য্যের ব্যাস প্রায় আট লক্ষ ষাট হাজার মাইল। ইহা এত বৃহৎ যে তাহার গর্ভ মধ্যে পৃথিবীর তুল্যরূপ বৃহৎ প্রমাণ ১২ লক্ষ জীবলোক প্রবিষ্ট থাকিতে পারে। সূর্য্য পৃথিবী অপেক্ষা আয়তনে ১২ লক্ষ গুণ বড় হইলেও ঘনত্বে ৩২০,০০০ গুণ বড়। সূর্য্যের কিস-দংশ বাষ্পময়।

দূরবীক্ষণ-যন্ত্র দ্বারা নিরীক্ষণ করিলে সূর্য্য পৃথিবীর স্থায় গোলাকার ও উত্তর দক্ষিণ কিঞ্চিৎ চাপা দেখায়। উক্ত যন্ত্র দ্বারা দেখিলে চন্দ্রের কলঙ্কের স্থায় সূর্য্যমণ্ডলে অনেকগুলি কৃষ্ণবর্ণ চিহ্ন দৃষ্ট হয়। এই চিহ্নগুলি এইরূপে স্থান পরিবর্তন করে যে, তাহাদিগের গতি হইতে জ্যোতির্বেত্তারা স্থির করিয়াছেন যে, পৃথিবী যেমন স্বীয় অক্ষোপরি ঘূর্ণিত হইতেছে, সূর্য্যও সেই প্রকার আপন মেঘদণ্ডের উপর ছাঞ্চিশ দিনে একবার ঘূর্ণিতেছে। বিজ্ঞানবিদেরা ইহাও স্থির করিয়াছেন যে, সূর্য্য স্বয়ং তাবৎ গ্রহ উপগ্রহাদি সঙ্গে করিয়া প্রতি ষণ্টা ১৭,০০০ মাইল, একটা নক্ষত্রের দিকে প্রতি-নিয়ত ধাবিত হইতেছে।

সূর্যের মধ্যে স্থানে স্থানে ক্ষুদ্র ও বৃহৎ গহ্বর আছে, এবং এই গহ্বর সমূহ ক্রমবর্ধিত চিহ্ন স্বরূপ প্রতীয়মান হয়। ঐ গহ্বরগুলি সর্বদা সমানভাবে থাকে না। কোন কোন সময় সূর্যমণ্ডল এক কালে কুহর শূন্য হইয়া পড়ে, কখন বা বহুকুহরে পরিপূর্ণ হয়, এবং কখন বা কোন এক বৃহৎ গহ্বর ছিন্ন ভিন্ন হইয়া কতকগুলি ক্ষুদ্র ক্ষুদ্র গহ্বরে পরিণত হয়। এই পরিবর্তনে যে ভয়ানক বিপ্লব ও নৈসর্গিক শক্তিবায় সূচিত হয়, তাহা আমাদের অনুভব শক্তির অতীত। এইরূপ কুহর সমূহের অবস্থান্তর ও রূপান্তর হইয়া থাকে। এক জন সাহেব অনেক বৎসর ক্রমাগত পরীক্ষা করিয়া নিরূপণ করিয়াছেন যে, প্রায় ১১ বৎসর অন্তর কুহর সমূহের সংখ্যা অতিশয় বৃদ্ধি পায় এবং ইহাও স্থিরীকৃত হইয়াছে যে, পৃথিবীতে ঘূর্ণিবায়ুর সংখ্যা ১১ বৎসর অন্তর বৃদ্ধি প্রাপ্ত হয়। যে বৎসর সূর্যকুহরের সংখ্যা অধিক, সেই বৎসর বাত্যার সংখ্যাও অধিক হইয়া থাকে। এই হেতু কেহ কেহ অনুমান করেন যে, ঐ ঘটনাদ্বয়ের মধ্যে কোন যনিষ্ঠ সম্বন্ধ আছে। ইহাও বলা উচিত যে, যেমন পৃথিবীর বিষুব রেখার নিকট ঘূর্ণিবায়ুর অধিক প্রাচুর্য্য, সূর্যমণ্ডলে কুহরের সংখ্যা সূর্যের বিষুব রেখার নিকট অধিক। সূর্যকুহরের উৎপত্তি ও নাশ যে পৃথিবীর বৈজ্যতাদিকী শক্তির বৃদ্ধি ও হ্রাসের কারণ, তাহা এক্ষণে নিশ্চিত হইয়াছে।

ইউরোপীয় পণ্ডিতেরা বহু বহু ও পরিশ্রম স্বীকার পূর্বক নিরূপণ করিয়াছেন যে, পৃথিবী যেমন বায়ুরাশি দ্বারা পরিবেষ্টিত, সূর্যমণ্ডলও সেইরূপ নানাবিধ পদার্থের বাষ্প দ্বারা পরিহৃত। সূর্য প্রচণ্ড তেজোময় বলিয়া তাহার গাত্রে কিছু দেখিবার সম্ভাবনা নাই। সূর্যপ্রহণের সময় সূর্যমণ্ডল চন্দ্রান্তরালে লুক্কায়িত হইলে, ছায়া-রত সূর্যের গাত্রের উপর সংলগ্ন পদার্থ বিশেষ দৃষ্ট হয়। ঐ পদার্থ প্রজ্বলিত উদজান বাষ্প। ইহা কিরূপে নিরূপিত হইল তাহা পশ্চাৎ বুঝাইব। সূর্যমণ্ডলের চতুর্পার্শ্বে উজ্জ্বল রক্তবর্ণ উক্ত বাষ্প ঘেরিয়া আছে। সূর্যগর্ভে ও সূর্যোপরি সতত বিষম বিপ্লব বশতঃ

উহা সময়ে সময়ে অনেক দূর উৎক্ষিপ্ত হয়। এই উক্ত বাষ্পের আকার কখন পর্কতশৃঙ্গের আয়, কখন অগ্ন প্রকার, কখন বা সূর্য হইতে সম্পূর্ণরূপে বিলিষ্ট দেখা গিয়াছে। যে ভয়ঙ্কর বলের বেগে উহা উৎক্ষিপ্ত হয় তাহার সহিত আগ্নেয়গিরির অগ্ন্যুৎপাতের তুলনা করিলে, উহা অতি সামান্য বলিয়া বোধ হয়। পূর্বোক্ত বাষ্পরাশি সময়ে সময়ে এত উর্দ্ধে উঠে যে বারটী পৃথিবী উপর্যুপরি রাখিলেও তাহার সমান হয় না। বস্তুতঃ সূর্যমণ্ডলে নানাবিধ পদার্থের বাষ্পবাত্যা সতত বহিতেছে। ঐ সকল বাত্যার বেগ এত ভয়ানক যে, পৃথিবীর উপর ঐরূপ বেগবান ঝড় হইলে, বৃক্ষ পর্কত বাটী প্রভৃতির কিছুই চিহ্ন থাকে না। কোন কোন বাত্যার গতি প্রতি সেকেণ্ডে ১২০ মাইল। বস্তুতঃ সূর্যোপরি ও সূর্যগর্ভে কোন সামান্য পরিবর্তন হইলে যে রূপ ভয়ানক বিপ্লব সূচিত হয়, তাহাতে মুহূর্তমাত্রে এই পৃথিবী ধ্বংস প্রাপ্ত হইয়া যায়। প্রচণ্ড বাত্যার ভয়ঙ্কর কোলাহল ও কণবিদারক বজ্র-নির্নাদ হইতে কোটি কোটি গুণ ভয়ানক ক্রোমাল সূর্যমণ্ডলে সর্বদা নির্বোধিত হইতেছে।

বামাগণের রচনা।

শিবচতুর্দশী।

একে চতুর্দশী তাহাতে আবার,
পুরিত রজনী ঘোর অন্ধকার,
দৃষ্টি নাহি চলে দেহ-বসুধার,
চিত্রিত সকলি তিমিরজালে।
তিমিরজালেতে চিত্রিত সকলি—
ভূধর প্রান্তর, তরু বনস্থলী
বিশাল গগন, নক্ষত্রমণ্ডলী,
আঁধার অবধি কুমুদলে।
আঁধার সূচাক, গৃহ মনোহর,
হৃদয় অট্টালিকা বিবিধ সুন্দর,
আঁধার সুগন্ধি, কুমুদ নিকর,
আঁধার কাননে তরুলতাবর,

আঁধার আজিগে, সকলি আঁধার
আঁধার অবধি অকুল পাথার,
শত শত পোত, হৃদয়ে বাহার,
দিবানিশি হার, আনন্দে চলে।
আজি এনিশিতে, সকলি আঁধার,
স্বরগ পাতাল, মহী কোন ছার,
ঘেরেছে আঁধার, আজি চারিধার,
কেবল ভূধর, কৈলাস জ্বলে।
জ্বলিছে কেবল কৈলাস-ভূধর,
ত্রিলোকের মাঝে, স্থান মনোহর,
বসি যোগাসনে তথায় শঙ্কর,
বামে মনোরমা পার্শ্বতী লয়ে।

কিসের আনন্দ কৈলাসে এমন,
কেনই নাচিছে ভূতপ্রেতগণ ?
দিয়া করতালি, শিব শিব বলি,
কেনই নাচিছে দেবতামণ্ডলী,
কেনই সকলে, কুমুম-অঞ্জলি,

দিতেছে শঙ্কুর চরণে ফেলে ?

কেনই যতেক, অপসরা-কিন্নরী
সহ স্নহাসিনী চাক বিভাধরী,
মাতায়ে হৃদয়ে ভাবের লহরী,
উন্নত নাচিয়া, মহেশ গানে ?

কেন পারিজাত চাক পরিমল,
যোগাইছে প্রাণপণে অবিরল,
কেন কৈলাসের, যত বনস্থল
প্রফুল্ল কুমুম, ধরিয়া শিরে ?

কেন মধুকর, আজি নিরন্তর,
গুন গুন করি, ফুলের উপর,
হরিষান্তরে, বলিছে শঙ্কর,
মধু না চাহিয়ে, কিসের তরে ?

অহো হো! মনেতে, পড়েছে এখন
এ নিশা সামান্য নহেক কখন—
শিব চতুর্দশী, শঙ্করপূজন
প্রশস্ত আজিগে, শৈবের মতে ।

কতক্ষণ পরে, কৈলাস শিখরে,
জগৎজননী, প্রফুল্ল অন্তরে,
গললগ্নবাসে, প্রণমি শঙ্করে,
অর্পিলা চরণে, কুমুমদল ।

কুমুমনিকর, চরণে অর্পিলা,
ববম্ ববম্ গাল বাজাইয়া,
আনন্দ শরীরে, স্বয়ম্ বলিয়া,
কহিলা অন্নদা, মধুর স্বরে,—

“ জয় বিশ্বনাথ অনাদি ঈশ্বর
জয় সর্বরূপ, ব্রহ্ম পরাংপর,

জয় যত্নাঞ্জয়, যোগীন্দ্র শঙ্কর,
নিখিল ব্রহ্মাণ্ডে, যে কিছু সুন্দর,
সকলই নাথ, তোমাঙ্গি বরে ।

“তোমাঙ্গি বরেতে, এ দেহ সুন্দর,
তোমাঙ্গি বরেতে, কৈলাস-ভূধর,
তোমাঙ্গি বরেতে, পিশাচ কিন্নর,
তোমাঙ্গি বরেতে, ত্রিলোক এই ।

“অহে বিশ্বনাথ, বলি একবার,
পুরাও দাসীর, বাসনা অপার,
হৃদয়-বেদনে, করহ নিস্তার,
কহিয়া শ্রীমুখে, ব্রতের ফল ।”

উঠিল পবনে, সে রব গগনে,
হলো প্রতিধ্বনি, গহন-কাননে,
‘নিস্তার যোগীন্দ্র, হৃদয়-বেদনে,
কহিয়া শ্রীমুখে, ব্রতের ফল ।’

শুনিয়া শঙ্কর, অমনি হাসিয়া,
আরক্ত মুদ্রিত নয়ন মেলিয়া,
কহিলা সতীর দিকেতে চাহিয়া,
“ শুন শুন বলি, ব্রতের ফল ।

“কি কব প্রেমসি! অধিক ইহার,
জাহ্নবী যেমন, সব-তীর্থ-সার,
তেমতি তোমারে, কহি সবিস্তার,
শিবচতুর্দশী, ব্রতের মাঝে ।”

শুনিয়া অন্নদা, “জয় শিব” বলি,
করি ষোড়কর, দিলা করতালি,
নাচিল যতেক পিশাচ মণ্ডলী,
উঠিল কৈলাসে বিষম রোল ।

সে রোলের সনে, দেবতা নিচয়,
নাচিল বিমানে, বলি শিব জয়,
পুরিল পৃথিবী, ত্রিভুবনময়
মহেশের জয় ঘোষণা হলো ।

শান্তিপুর । শ্রীমতী ব্রজবালা দেবী ।

বঙ্গমহিলা ।

মাসিক পত্রিকা ও সমালোচন ।

নারী হি জননী পুংসাং নারী শ্রীরূচ্যতে বুধেঃ ।
তস্মাৎ গেহে গৃহস্থানাং নারীশিক্ষা গরীয়সী ।

বিষয় ।	পৃষ্ঠা
১। কালীপূজা ও ভ্রাতৃত্বভীয়া ।	১৪৫
২। স্বপ্ন-শক্তি ।	১৫২
৩। স্বাস্থ্য-রক্ষা ।	১৫৮
৪। কলিকাতার লোকসংখ্যা ।	১৬২
৫। বামাগণের রচনা ।	১৬৪

চোরবাগান-বালিকা-বিদ্যালয়ের অধ্যক্ষসভা হইতে
প্রকাশিত ।

কলিকাতা ।

শ্রীঈশ্বরচন্দ্র বসু কোম্পানির বহুবাজারস্থ ২৪৯ সংখ্যক ভবনে
ষ্ট্যান্‌হোপ যন্ত্রে মুদ্রিত ।

১২৮৩ ।

বঙ্গমহিলার নিয়ম ।

অগ্রিম বাৎসরিক মূল্য ১১০ টাকা মাত্র ।

মফস্বলে ডাক মাসুল ১০ আনা ।

প্রতি সংখ্যার মূল্য ১০ আনা ।

বাণ্যাসিক বা ত্রৈমাসিক হারে মূল্য গৃহীত হইবে না ।

পত্রিকা প্রাপ্তির সময় হইতে চারি মাসের মধ্যে অগ্রিম মূল্য না দিলে বঙ্গমহিলা আর পাঠান যাইবে না ।

সচরাচর অগ্রিম মূল্য না পাঠাইলে অপরিচিত নূতন গ্রাহকের নিকট 'বঙ্গমহিলা' পাঠান হইবে না ।

মনি অর্ডার বা ডাক টিকিট, বাহার বাহাতে সুবিধা হয়, তাহাতেই মূল্য প্রেরণ করিতে পারিবেন, কিন্তু ডাকের টিকিটে, টাকায় এক আনার হিসাবে বাটা দিতে হইবে ।

মূল্য প্রাপ্তি স্বীকার বঙ্গমহিলার শেষ পৃষ্ঠায় করা হইবে ।

কলিকাতা ও তন্নিকটবর্তী গ্রাহকগণ সম্পাদকের স্বাক্ষরিত ছাপা বিল ভিন্ন বঙ্গমহিলার মূল্য প্রদান করিবেন না ।

বিজ্ঞাপনের নিয়ম প্রতি পংক্তি ১০ আনা ।

গ্রাহকগণ অগ্রিম মূল্য সত্বর প্রেরণ করিয়া বাধিত করিবেন ।

বামাগণের গদ্য বা পদ্য রচনাবলী অতি সাদরে বঙ্গমহিলায় বিন্যস্ত হইয়া থাকে। অতএব সকলে প্রেরণ করিয়া বাধিত করিবেন ।

কলিকাতা, চোরবাগান, } শ্রীভুবনমোহন সরকার,
মুক্তারাম বাবুর ষ্ট্রীট, ৭৭ নং । } সম্পাদক ।

বিজ্ঞাপন ।

১২৮২ সালের বঙ্গমহিলা একত্র বাধান প্রস্তুত আছে। মূল্য ডাকমাসুল সমেত দুই ২ টাকা ।

১২৮২ সালের বঙ্গমহিলা ২য় ও ৩য় সংখ্যা ব্যতীত বাহার যে কোন সংখ্যা প্রয়োজন হইবে, প্রতি সংখ্যার মূল্য ডাকমাসুল সমেত ১০ দুই আনা প্রেরণ করিলে প্রাপ্ত হইবেন ।

কালীপূজা ও ভ্রাতৃদ্বিতীয়া ।

কালী দুর্গারই মূর্তিবিশেষ । দুর্গা ভিন্ন ভিন্ন সময়ে ভিন্ন ভিন্ন মূর্তি ধারণ করিয়াছিলেন । তদনুসারে তাঁহার নামও ভিন্ন ভিন্ন হইয়াছে । পুরাকালে শুভ্র নিশুভ্র নামে দুই দুর্গতন্ত্র অশুর জন্মগ্রহণ করিয়াছিল । তাহাদের দৌরাগ্নো দেবতারা নিতান্ত কাতর হইয়াছিলেন । তাঁহারা বারম্বার যুদ্ধ করিতে লাগিলেন কিন্তু কিছুতেই কিছু করিতে পারিলেন না । দেবতাদিগের অস্ত্র সমুদয় ব্যর্থ হইল, তাঁহারা ক্লান্ত হইলেন ; এবং পুনঃ পুনঃ যুদ্ধ করিয়া জয়ের কোন চিহ্নই দেখিতে পাইলেন না । অবশেষে হতাশ্বাস হইয়া দুঃখিতমনে চিন্তা করিতে লাগিলেন । তখন তাঁহাদের স্মরণ হইল যে, মধুকৈটভবধের সময় যিনি সাহায্য করিয়াছিলেন, সমুদ্রমন্ডনসময়ে বাহার বিষময়ী মূর্তির দুর্কিষক তেজে দেবতা ও অশুর উভয়ই ভীত হইয়াছিল, যিনি অনায়াসে মুহিষ্যশুরকে নিপাত করিয়াছিলেন, তাঁহারই পুনরায় আশ্রয় গ্রহণ করিলে মুক্তিলাভের সম্ভাবনা । তখন দেবতারা একত্রিত হইয়া হিমালয়পৃষ্ঠে গিয়া মহামায়ার স্তব করিতে লাগিলেন । কিয়ৎক্ষণ পরে এক মূর্তি দেবতাদিগের সম্মুখে আসিয়া আবিভূত হইলেন । তিনি তাঁহাদিগকে সম্বোধন করিয়া কহিলেন ;—“আমার শরীর হইতে এই যে মূর্তি নির্গত হইতেছে, ইনিই তোমাদিগকে রক্ষা করিবেন ।” দেবতারা আশ্বাস প্রাপ্ত হইলে মহামায়ার সেই মোহিনী-মূর্তি হিমালয়ে অবস্থান করিতে লাগিল । শুভ্র নিশুভ্রের দূতেরা আপনাদিগের কালস্বরূপা সেই দেবীকে দেখিয়া মনে করিল, যে আমাদের প্রভুর জন্ম ইহাকে হরণ করা উচিত । শুভ্র নিশুভ্র দূতের মুখে কথার বিবরণ শুনিয়া আজ্ঞা করিলেন, “তাহাকে অবিলম্বে লইয়া আইস ।” দূতেরা কন্যাকে শুভ্র নিশুভ্রের অভিপ্রায় অবগত করিলে তিনি কহিলেন ;—“আমি প্রতিজ্ঞা করিয়াছি, যে আমাকে যুদ্ধে পরাজিত করিয়া লইয়া যাইবে আমি তাহারই পত্নী হইব ।” দূতগণ হাস্য করিয়া কহিল ;—“বাহাদিগের প্রতাপে

দেবগণ স্বর্গ ছাড়িয়া পলায়ন করিয়াছেন, তুমি অবলা হইয়া তাহাদের সহিত যুদ্ধ করিবে? যদি সম্মানের সহিত যাইতে ইচ্ছা থাকে, আমাদিগের আজ্ঞামত কার্য কর, নচেৎ উপযুক্ত প্রতিক্ষা পাইবে।” দেবী উত্তর করিলেন;—“ কি করি মূঢ়বুদ্ধিবশতঃ প্রতিজ্ঞা করিয়াছি, প্রতিজ্ঞা কিরূপে লঙ্ঘন করিব।” অহঙ্কারী শুভ্র নিশুভ্র স্ত্রীলোকের এইরূপ সগর্ভ বাক্য শুনিয়া ক্রুদ্ধ হইলেন। কিন্তু তাচ্ছল্যবশতঃ স্বয়ং না গিয়া সৈন্যসহ ধূম্রলোচন নামে একজন প্রধান সেনাপতিকে পাঠাইলেন। ধূম্রলোচন গমনমাত্র তুমুল সংগ্রাম আরম্ভ হইল। অস্পৃক্ষণ মধ্যেই তাহার সমস্ত সৈন্য নিঃশেষ হইল এবং তিনিও গতাহ হইলেন। ধূম্রলোচনের বধসংবাদ শুনিয়া শুভ্র নিশুভ্রের মনে কিঞ্চিৎ ভয় বোধ হইল। তখন তাহার বিপুল সৈন্যসহ সর্কপ্রধান দুই সেনাপতি চণ্ডমুণ্ডকে প্রেরণ করিলেন। অসীম সৈন্য লইয়া চণ্ডমুণ্ড দেবীকে ঘোরতর-রূপে আক্রমণ করিলে, ক্রোধে তাহার মুখ ক্রমশঃ নীলবর্ণ হইয়া উঠিল। কিয়ৎক্ষণ পরে সেই ক্রোধসত্ত্বত এক বিকটাকারমূর্তি রণক্ষেত্রে চীৎকার করিয়া উঠিল। তাহার সর্ক শরীর ঘোরতর কৃষ্ণবর্ণ, জিহ্বা ও দর্শন অতি ভয়ঙ্কর, গলে নরমুণ্ডমালা, হস্তে অসি, সর্ক অঙ্গেই বধচিহ্ন, যেম মূর্তিময়ী যত্নস্বরূপা। কালস্বরূপা সেই কালী উদ্ভিত হইয়া ক্ষণকালমধ্যেই সমস্ত সৈন্য গ্রাস করিয়া ফেলিল। তাহার হস্তে চণ্ডমুণ্ডের মস্তক চূর্ণ হইয়া গেল। চণ্ডমুণ্ড বিনিপাতিত হইলে শুভ্র নিশুভ্র আসিয়া উপস্থিত হইল। দুর্গা স্বীয় শরীর হইতে শত শত মূর্তি বাহির করিয়া তাহাদিগের সৈন্য সকল বধ করিতে লাগিলেন। কিন্তু রক্ত-বীজের রক্ত ভূমিতে পতিত হইবামাত্র সেই রক্ত হইতে রাশি রাশি দৈত্য উৎপন্ন হইতে লাগিল। অবশেষে কালী স্বীয় লোলজিহ্বা বিস্তার করিয়া তাহাদিগের সমস্ত রক্ত শোষণ করিয়া ফেলিলেন। ঘোরতর যুদ্ধের পর শুভ্র নিশুভ্রও বিনষ্ট হইল। দেবতারা জয়যুক্ত হইয়া স্বর্গে গমন করিলেন।

তজ্জ্ঞে আছে, ইহার পূর্বে সমুদ্রমন্থনসময়ে এই ভীষণমূর্তি বিস্ময়কর উদ্ভূত হন। যখন মহাদেব বিষপান করিতে উদ্ভূত হন, তখন কালস্বরূপা কালী বিষময়ী হইয়া কহেন, “ আমাকে পান করা সহজ নহে, তুমি হৃত্যঞ্জয় হইলেও তোমার মৃত্যু হইবে।” অবশেষে মহাদেব জ্ঞানযোগ অবলম্বন করিয়া সেই বিষ পান করিলেন। এবং তখন বিষময়ী কালীও কহিলেন, “ এখন পানে কোন ভয় নাই।”*

পৃথিবীতে এই ভয়ঙ্করী মূর্তির উপাসনাপ্রথা প্রথমে দেব-তারাই সৃষ্টি করেন। এবং এখন যে অবয়বে পূজা হয়, তাহা দেবতাদিগেরই দ্বারা প্রথম নির্মিত। দেবতারা প্রথমে গঙ্গা-দ্বারে কালীপূজার আয়োজন করিলেন। কিন্তু তাহা দৈত্যেরা নষ্ট করিয়া দিল। পরে তাহার স্মৃষ্টিপাশ্বে চোলভূদে+ গিয়া কার্তিকমাসের মধ্যরাত্রিতে উপাসনা করিয়া প্রাতঃকালেই প্রতিমা বিসর্জন করিলেন। তদনুসারে মধ্যরাত্রিতে পূজা ও প্রাতঃকালে বিসর্জনের নিয়ম হইয়াছে।

ভিন্ন ভিন্ন কার্যের জন্ত ভিন্ন ভিন্ন সময়ে আবিভূত হওয়ায় কালীর দক্ষিণাকালী, শ্মশানকালী, ভদ্রকালী, রক্ষাকালী প্রভৃতি বিস্তর রূপভেদ আছে। দশমহাবিদ্যাও কালীর রূপভেদমাত্র। চামুণ্ডাতন্ত্রমতে কালী, তারা, ষোড়শী, ভুবনেশ্বরী, ভৈরবী, ছিন্ন-মস্তা, ধূমা, বগলা, মাতঙ্গী ও কমলা এই দশ মহাবিদ্যা। কাল-

* মাতৃক মাতৃক মাতৃক বিষমাহিতম্ ।

অবশ্যমেব মৃত্যুঃ স্যাৎ যদি মৃত্যুঞ্জয়োভবেৎ ॥” ইত্যাদি

+ কালরাত্রিদিনে প্রাতঃ নিশায়াং মধ্যভাগকে ।

মেরোঃ পশ্চিমকূলেতু চোলনাথ্য হৃদে মহাব্ ॥

‡ দিবা ন পূজয়েৎ দেবীং রাত্রৌ নৈবচ নৈবচ ।

সর্কদা পূজয়েৎ দেবীং দিবারাত্রী বিবর্জিতা ॥

বিসর্জনপক্ষে—

প্রাতঃকালে পুণ্যতোয়ে স্থাপয়েদরিনাশিনীম্ ।

রাত্রি, দিব্যরাত্রি, তাররাত্রি, সিদ্ধরাত্রি, মোহরাত্রি, মহারাত্রি, দাক্ষিণ্যরাত্রি, ক্রোধরাত্রি, বীররাত্রি ও ঘোররাত্রি এই দশ রাত্রির সহিত দশ মহাবিষ্ণুর উৎপত্তির সহিত সম্বন্ধ আছে। মাঘ মাসের রোহিণী নক্ষত্রযুক্ত কৃষ্ণা চতুর্দশী মঙ্গলবারে বীররাত্রি, অগ্রহায়ণ মাসের কৃষ্ণাষ্টমীতে ঘোররাত্রি, রোহিণীযুক্ত ভাদ্রের কৃষ্ণাষ্টমীতে মোহরাত্রি, চৈত্রের শুক্রনবমীতে ক্রোধরাত্রি, কার্তিক মাসের অনাবস্তায় কালরাত্রি, বৈশাখ মাসের রোহিণীযুক্ত শুক্রা তৃতীয়ায় দাক্ষিণ্যরাত্রি, চৈত্র মাসের কৃষ্ণাষ্টমীযুক্ত সংক্রান্তিতে সিদ্ধরাত্রি, গ্রহণাদিযুক্ত মঙ্গলবার অনাবস্তায় তাররাত্রি, জ্যৈষ্ঠ মাসে শুক্রা দশমী শুক্রবারে দিব্যরাত্রি ও শুক্রবারযুক্ত ফাল্গুনের কৃষ্ণা একাদশীতে মহারাত্রি হয়। কৃষ্ণজন্মকালে রাত্রিতে বিদ্যাবাসিনী আবিভূতা হন। তিনি বিদ্যাচলে আশ্রয় গ্রহণ করাতে তাঁহার নাম বিদ্যাবাসিনী হইয়াছে। এইরূপ কালীমূর্তির কার্যভেদে বিস্তরপ্রকার ভেদ আছে। আমরা যে মূর্তির উপাসনা করি তাহাকে দক্ষিণকালিকা কহে, এবং কার্তিকের মধ্যরাত্রিতে দেবতারা এই মূর্তির উপাসনা করেন।

দেবতাদের পূজাপ্রচারের পর পীঠে পীঠে কালীর উপাসনা হইত। দক্ষিণে সতী প্রাণত্যাগ করিলে তাঁহার খণ্ডিত দেহ যে যে স্থানে পতিত হইয়াছে তাহাকেই পীঠ কহে। ভারতবর্ষের অনেক স্থানে শিব ও বিষ্ণুমন্দিরের স্থায় কালীর মন্দিরও ছিল। প্রাচীন সংস্কৃত গ্রন্থে এই সকল মন্দিরের উল্লেখ আছে। কিছুকাল পরে ভারতবর্ষে বৌদ্ধধর্ম প্রবল হওয়ায় হিন্দুধর্মের হীনাবস্থা হইয়াছিল। পরে কালীর ঘোর তান্ত্রিকসম্প্রদায় বহির্গত হইয়া বিস্তর বৌদ্ধকে ধর্ম হইতে চ্যুত করিল। এই সময়াবধি সাধকেরা অতি গোপনে সম্প্রদায়-অনুযায়িক মূর্তি নির্মাণ করিয়া মধ্যরাত্রিতে পূজা ও প্রাতঃকালে বিসর্জন করিতে লাগিলেন। ইহাদিগের নিগূঢ়চক্রে প্রবেশ করিয়া অনেক লোক শাক্ত হইতে লাগিল। কিন্তু সাধকদিগের পীঠব্যতীত অপর কোন স্থানে কালীপূজা

হইত না। পরে শান্তিপুত্রের শোভাকরদিগের বাটীতে প্রথমে কালীপূজা হইল। তৎপরে ব্রিটিশ গবর্নমেন্টের সমকালীন কৃষ্ণ-নগরের রাজা কৃষ্ণচন্দ্র কালীপূজার প্রথা প্রচলিত করিলেন। তদবধি পূজা ক্রমশঃ বিস্তৃত হইয়া এখন বর্তমান অবস্থা প্রাপ্ত হইয়াছে।

কৃষ্ণবর্ণা বলিয়া পার্বতীর নাম কালী হয়।* নারদপঞ্চরাত্রে আছে যে, হিমালয়গৃহে ভূগা কালীনামে বিখ্যাতা † হন। কালী-পুরাণে আছে যে, পার্বতীর বর্ণ পূর্বে কৃষ্ণ ছিল; মহাদেব বারম্বার কালী কালী বলিয়া আহ্বান করাতে তিনি গৌরবর্ণা হন। ‡ ফলতঃ কৃষ্ণবর্ণ হইতে যে পার্বতীর কালীমূর্তির নাম কালী হইয়াছে তাহার সন্দেহ নাই। শ্যামা ও কালী উভয়ই কৃষ্ণবর্ণবাচক। কালীর অপরাপর নাম নানাকার্য সম্পাদন করাতে নানারূপ হইয়াছে।

কালীমূর্তির প্রতি অনুধাবন করিয়া দেখিলে স্পষ্ট প্রতীতি হয় যে, যুদ্ধে হতাশ ব্যক্তিগণের প্রতি সাহস প্রদানার্থই এই মূর্তির সৃষ্টি হইয়াছে। কালধর্মে সংসারের যাবৎ জীবই লয় পাইতেছে, তখন মৃত্যুভয়ে রণে পরাজুখ হওয়া নিতান্ত মূঢ়ের কর্ম। শুক্রাচার্য্য পলায়মান বীরগণকে কহিয়াছিলেন, “যদি পলাইয়া মৃত্যুর হস্ত হইতে পরিত্রাণ পাপ তবে পলায়ন কর; আর যদি মৃত্যু অবশ্য-স্তাবী হয়, তাহা হইলে হে বীরগণ পলায়ন করিও না। মৃত্যুবন্ত্রণা একবার বই হয় না, এবং এককালে সকলকেই সহ করিতে হইবে, তবে শয্যায় পতিত হইয়া মলমূত্রাক্ত হইয়া, দীনের স্থায় মরণ

* তস্যাং বিনির্গতায়ান্ত কৃষ্ণাভূৎ সাপি পার্বতী।

কালিকেতি সমাখ্যাতা হিমাচলকৃতশ্রয়া ॥

† অনুগৃহচ মেনায়ং যাতা তস্যান্ত সা তদা।

কালী নামেতি বিখ্যাতা সর্বশাস্ত্রে প্রতিষ্ঠিতা ॥

‡ এতজ্জপমপোহার শুদ্ধগৌরী ভবাম্যহং।

যস্মাৎ কালীতি কালীতি মহাদেবঃসমাহসয়ৎ ॥

অপেক্ষা বীরের মরণ সমধিক প্রশংসনীয়। কাল মুখ বিস্তার করিয়া আছে; যত দিন বাইতেছে তোমরা প্রতিমুহূর্তে তাহার দিকে অগ্রসর হইতেছ। যত্ন অবশ্যস্বাবী, তবে কেন বিমল যশ মলিন কর। কাহার জন্ম হতাশ হইতেছ? জীবন থাকিবার নয়, যুদ্ধে অগ্রসর হও, জয়লাভ হইবে।” কালী কালের প্রতিমূর্তিস্বরূপ। বদন সর্ষদাই ভীষণ, গলে নরকপালমালা, এক হস্তে খড়া উত্তোলিত, অপর হস্তে সত্ত্বছিন্নমুণ্ড, চতুর্দিকে শিবাগণ চীৎকার করিতেছে, এবং তিনি শ্মশানভূমিতে অবস্থিতা রহিয়াছেন। কালের নাশকারী এইরূপ ঘোরমূর্তি। অথচ এই কালেই জীব উদ্ভূত ও প্রতিপালিত হয়। কালীর রীতিমত মূর্তি বীরমতাবলম্বীরা মহানিশায় শ্মশানে নির্মাণ করিয়া পূজা করে। প্রচলিত মূর্তি রীতিমত মূর্তি নহে। আমাদিগের বঙ্গমহিলা মহিলাদিগের পাঠ্য, এজন্য তাহা বিশেষ করিয়া লিখিবার প্রয়োজন নাই। কালী শিবের বক্ষঃস্থলে আরুঢ় হওয়াতে সৃষ্টিকার্য্য প্রকাশ পাইতেছে এবং চারিহস্তের মধ্যে এক হস্তে অভয়দান এবং অপর হস্তে বরদান করিতে উদ্যত হওয়াতে পালনের ভাব প্রকাশিত হইতেছে। কিন্তু সর্ষাপেক্ষা কালরূপা কালীর নাশের ভাবই দেদীপ্যমান। কালীর প্রত্যেক বিষয়ই নাশ-প্রকাশকারী এবং তিনি একাকী শ্মশানভূমিতে শৃগাল ও ডাকিনী যোগিনীসহ রক্ত, মৃত্তা ও বধকার্য্য লইয়া অমাবস্যার মধ্যনিশায় ক্রীড়া করিতেছেন। কাল সর্ষদাই নাশে রত, তাহার হস্ত হইতে জীবের কোনরূপেই পরিভ্রাণ নাই, ইহা হৃদয়ঙ্গম হইলে কে পরাজিত হইয়া হুঃখে জীবন যাপন করিবার জন্ম রণ হইতে বিরত হয়। দেবতারা এই কালীর সাহায্যে জয়লাভ করেন।

গৃহস্থপ্রমী সাধারণ ব্যক্তিদিগের হিতার্থ অতি উত্তম সময়ে কালীপূজার পদ্ধতি প্রচারিত হইয়াছে। কার্তিক মাস অতি ভয়ঙ্কর সময়। এই সময়েই অধিকাংশ লোক কালত্রাসে পতিত হয়। কার্তিক মাস নিতান্ত অস্বাস্থ্যকর বলিয়া শাস্ত্রে যমদত্ত বলিয়া কথিত হইয়াছে। গ্রীষ্ম ও শীত এই উভয় ঋতু এই মাসে পরিবর্তিত হয়।

বর্ষার ভয়ানক বৃষ্টিতে যে সকল জল ভূমিতে প্রবেশ করে, তাহার বিষময় ফল এই সময়ে আরম্ভ হয়। বৃক্ষপত্রাদি পঁচাতে অপকৃষ্ট বাষ্পে বায়ু পূরিত থাকে। পুষ্করিণী ও নদীর জল সকল ক্রমশঃ শুষ্ক হইতে আরম্ভ হইলে অতি দুর্গন্ধ বাষ্প উঠিয়া চারিদিক আচ্ছন্ন করে। ধাতুক্ষেত্র ও সামান্য বিলখালের মৎস্য শমুকাদি পচিয়া উঠে। পদ্মপত্রাদি পচিয়া জলাশয়ের জল দূষিত হয়। শরৎকালে পতিত পত্রাদি ও বর্ষাকালজ জঙ্গল সকল শুষ্ক হইতে থাকে। ফলতঃ, কার্তিক মাসে কি জল কি স্থল কি বায়ু সকলই অপরিষ্কৃত, ও ঋতুপরিবর্তনের সঙ্গে সঙ্গে মানুষের শারীরিক ভাব পরিবর্তিত হওয়াতে যত্নের অত্যন্ত সম্ভাবনা হয়। নানাবিধ কীট পতঙ্গাদি জন্মিয়া বিলক্ষণ বিরক্তজনক হয়। সামান্য কথাতেও স্ত্রীলোকেরা কহিয়া থাকে —

“কার্তিকের সাত, আগোনের আট,
ভাতার পুত সাবধানে রাখ।”

অর্থাৎ কার্তিক মাসের ৭ই অবধি অগ্রহায়ণের আটদিন পর্য্যন্ত স্বামী ও পুত্রদিগকে অতি সাবধানে রাখিবে। শাস্ত্রকারেরা স্বাস্থ্যরক্ষার জন্ম স্নান, ভোজন, ও আহারবিহারাদির অতি কঠিন কঠিন নিয়ম করিয়া গিয়াছেন। বর্ষাকালে গৃহের বাহির হইতে না পারাতে গৃহমধ্যে যে সকল জঞ্জাল থাকে, কার্তিক মাসে সেই গুলি গৃহ হইতে বাহির করিয়া গৃহের অলক্ষ্মী বাহির করিতে হয়। এবং বাসগৃহ ধূপ ধূনা চন্দন পুষ্পাদি দ্বারা সুবাসিত করিয়া লক্ষ্মী-পূজা করিতে হয়। বিষময় বাষ্প ও কীট পতঙ্গাদি দগ্ধ করিবার জন্ম শাস্ত্রকারেরা প্রতিদিন রাত্রিকালে আকাশ, বাসগৃহ, চতুষ্পাথ, চত্বর, চৈত্যের বৃক্ষের তল, দেবালয় প্রভৃতি সর্ষস্থানে আলোক প্রদান করিতে লিখিয়া গিয়াছেন। বিশেষতঃ দেখিতে পাওয়া যায় যে, প্রায়ই কৃষ্ণাচতুর্দশী পর্য্যন্ত কীট জন্মিবার চরম দিন। এই জন্ম ঐ দিনে অতি ভয়ঙ্কররূপ উল্কা প্রজ্জ্বলিত করিবার বিধি আছে। এই ভয়ঙ্কর সময়ে কালরূপা কালীর মূর্তি হৃদয়ে বিলক্ষণ জাগরুক

থাকিলে লোকে সাবধান হইতে পারে। কালীপূজার পূর্বেদিনস্থ চতুর্দশীর নাম ভূতচতুর্দশী এবং কালীপূজার রাত্রির নাম কালরাত্রি* অর্থাৎ যত্নস্বরূপ রাত্রি।

ক্রমশঃ ।

স্বপ্ন-শক্তি ।

১

গভীর—গভীরতর ক্রমশঃ স্বামিনী ;
ক্রমশঃ বিন্মুতি-জলে জগত ডুবিল ;
চলিল চেতনা-দেবী ত্যজিয়া মেদিনী ;
নিশ্বাস প্রশ্বাস শুধু জাগিয়া রহিল ।
মোহন যন্ত্রেতে নিদ্রা এক এক করি,
বাহু জ্ঞান লইলেন করিয়া হরণ ;
সময় পাইয়া স্বপ্ন বহু রূপ ধরি,
করিতে লাগিল কত কাণ্ড প্রদর্শন ;—
জাগ্রতে অচিন্ত্য কত অদ্ভুত ঘটনা
ঘটিছে যুমেতে—সবি স্বপ্ন-ছলনা ।

২

স্বপ্নের অপূর্ক শক্তি—বিচিত্র কোশল ;
জানি না তা কি—কাজে বুঝিব কেমনে ?
কতু যে বুঝিব, হয়, তাও রে বিফল ;
স্বপ্নের কোশল-শক্তি স্বপ্নই জানে ।
এইমাত্র বুঝি শুধু—পাগলের প্রায়
আগা নাই—গোড়া নাই—এলোমেলো ক'রে,
যুগের ঘটনাচয় ক্ষণেকে ঘটায় ;
মানবের চিত্ত লয়ে স্বেচ্ছায় বিচরে ।
তবে না কি নর-মন কারো বশ নয় ?
এই যে স্বপ্ন তাই নিজেবশে লয় ।

* দীপোৎসব চতুর্দশ্যাময়্যা যোগ এবং
কালরাত্রি-মহেশানি তারা কালী প্রিয়ঙ্করী ॥

৩

স্বপ্ন! অসাধ্য কর্ম করিতে সাধন
তোমা ছাড়া কার শক্তি?—সর্বশক্তিময়
তুমিই জগতীতলে—কে আছে তেমন?
আমার বিচারে কেহ তব তুল্য নয়!
কে পারে হতাশে আশা করিতে প্রদান?
কেবা পারে বিরহীর বিরহ হরিতে?
কে করে দাক্ষণ শোকে সুখের বিধান?
কে পারে দরিদ্রে ক্ষণে কুবেল করিতে?
অনার্যসে, কে বিতরে আশাতীত ধন?
কেহ নয়—কার সাধ্য?—তুমিই স্বপ্ন!

৪

জীবন-সর্বস্ব পতি, এহেন পতিরে
যে অভাগী ভাগ্য-দোষে বিধি-বিড়ম্বনে—
হারাইয়া চিরতরে, ভাসে নেত্র-নীরে,
অহর্নিশ পুড়ে মরে বৈধব্য-দহনে!
হেন পতি-হীনা নারী প্রসাদে কাহার
(নিদ্রার জগতে পশি) যুত প্রাণনাথে
জীবন্ত সম্মুখে হেরে? যুচায় আঁধার,
কে দেয় হারাণ শশী আনি তার হাতে?
তুমিই সে, হে স্বপ্ন! আর কেহ নয়,
যদিও অলীক, তবু হুঃখ কর লয় ।

৫

সন্তানের সুমঙ্গল করিতে বর্জন,
দেবতা-সম্মুখে নিজ বক্ষ বিদারিয়া,
শোণিত বাহির করি, হয়ে একমন,
পূজে মাতা দেব-পদ, যন্ত্রণা সহিয়া ।

কিন্তু যবে অভাগীর অঞ্চলের ধন
চুরি করে কাল-চোরে, দেবতা কি আর
নিবারিতে পারে তার অশ্রু বরিষণ ?
কিসের দেবতা ?—শক্তি কি আছে তাহার ?
তুমিই দেবতা, স্বপ্ন, তোমারি রূপায়
নিদ্রাকালে কাদালিনী হত ধনে পায় ।

৬

ঐ যে সম্মুখ 'প্রাণে কৃষকের দল
ছিন্ন কন্যা বিছাইয়া ভূমির উপরে,
নিদ্রার কোমল কোলে করিছে শীতল
দৈনন্দিন পরিশ্রম, স্মৃতিত অন্তরে ।
হয় ত, তা হ'তে স্মৃতি তুমি, হে স্বপ্ন,
অনায়াসে এ সবারে করিছ প্রদান ;
ছিন্ন কন্যা সরাইয়া রাজসিংহাসন
সম্মুখে রাখিয়া, বৃদ্ধি করিছ সম্মান ।
যাহাদের শির দক্ষ দিনের বেলায়
রবি-করে,—এবে ঢাকা সোণার ছাতায় ।

৭

হয় ত, এদের মাঝে কোন একজন
বিনা দোষে—অবিচারে দিনের বেলায়
কালান্তক ভূস্বামীর সহিয়া পীড়ন,
কাঁদিয়াছে কত—এবে পতিত কন্যায় !
দরিদ্র কৃষক, হায় ! ধন-বল নাই,
ভূস্বামীর প্রতি হিংসা করিবে কেমনে ?
কিন্তু সে এখন দিয়া তোমার দোহাই
নিপীড়িছে ভূস্বামীরে ভীষণ শাসনে ;
কৃষক ভূস্বামী এবে ;—ভূস্বামী কৃষক ।
মন্দ নয়, হে স্বপ্ন, এ তব কুহক ।

৮

আবার ভূপতি কত তোমার ছলনে
মুহুর্তে হারিয়ে রাজ্য, ঐশ্বর্য্য অপার,
ভিক্ষা করে দ্বারে দ্বারে, কোঁপীন পিঙ্কনে ;
একেবারে দীপ্তালোকে ঘোর অন্ধকার,
চলিলে লাগিবে পদে কঠিন ভূতল,
এই ভয়ে গাড়ী ঘোড়া যাদের চরণ ।
হায় রে, স্বপ্ন, তব অদ্ভুত কৌশল,
নগ্নপদে এবে তারা করিছে ভ্রমণ !
অকচি যাদের হ'ত নবনী ভোজনে ;
উদর পূরিছে তারা তপ্পল চর্কণে !

৯

কি হেতু এরূপ কর জানিতে বাসনা,
কহ, হে স্বপ্ন, মোর মিনতি তোমায় ;
যাদিগে প্রাণের ভয়ে অমৃত রসনা
'দরিদ্র' বলিতে নারে—কেঁপে উঠে কায় !
এ হেন ভূপালগণে তুমি অনায়াসে,
আপনার দর্পভরে ভিখারী সাজাও ;
রাজ-পরিচ্ছদ খুলে, ছিন্নভিন্ন বাসে,
প্রাসাদ হইতে পথে দূর ক'রে দাও !
কি হেতু? আছে কি কিছু নিগূঢ় কারণ ?
'দারিদ্র্য' যে কি, তাই করাও স্মরণ ?

১০

বিষম মায়াবী তুমি, তোমার মায়ায়
'আশ্চর্য্য প্রদীপ' কত—কত 'আলাদিন'
সৃষ্ট হয় নিদ্রাকালে ক্ষণেক নিদ্রায় ;
ঘটে না জীবনে যাহা, আয়ু যতদিন ।
মুক্তিমের ভিক্ষা বার দিনান্তে ঘোটে না,

সেও কপ্তক হয়ে রতন বিলায় !
তুণশয্যা ভাগ্যে যার ভুলেও ঘটে না,
সেও স্বর্ণ খাটে শুয়ে শরীর জুড়ায় !
দন্তে তুণ লয়ে যেও পায় না চাকুরী,
সেও রাখে শত দাস ! স্বপ্ন-চাতুরী !

১১

স্বাধীনতাদায়ী স্বপ্ন, কারার মাঝারে
শৃঙ্খলে আবদ্ধ হয়ে যাবত জীবন,
কারাবাস ক্লেশরূপ অকুল পাখারে
কি দিবায় কি নিশায় মগ্ন যেই জন ;
তুমি তারে স্বাধীনতা করিয়া প্রদান,
শৃঙ্খল ভাঙ্গিয়া ফেল খোল কারাদ্বার ।
যথা ইচ্ছা, সেইখানে করে সে প্রস্থান,
মুক্তিলাভ ভাগ্যে তার প্রসাদে তোমার ।
উপায়বিহীন কারাবাসীর উপায়
একমাত্র, স্বপ্ন, তুমি—সাবাস্ তোমার !

১২

কপ্পনার সহ তব করি না তুলনা,
যেহেতু কপ্পনা চেয়ে তুমি শক্তিময় ।
কপ্পনা যা করে, তাহা জানে সে চেতনা ;
বাঁধো-বাঁধো-ভাঙ্গে-ভাঙ্গে সরি বোধ হয় ।
অচেতন অবস্থায় ক্ষমতা তোমার
চাক্ষুষ ঘটনা কত অনাসে ঘটায় ;
আমি জানি—জানে আর মানস আমার
আর জানে সেই জন, দেখাও বাহায় ।
কপ্পনা সতর্ক আর চির জাগরিত ;
কিন্তু তুমি উনমাদী, জাগিয়া নিদ্রিত ।

১৩

কখন নিদ্রিত জনে সুখ-শয্যা হতে,
মায়ামন্ত্রে মুগ্ধ করি, পাঠাও কাননে ;
কখন সংহসা লয়ে দ্রুতগামী স্রোতে
ভাসাইয়া দাও ; কত উঠাও গগনে !
হাজার সাহসী হোক, তবুও তাহায়
(মনে যদি কর) পার ভয় দেখাইতে ;
যতদূর ভীক হোক, তবু সে জনাস
সিংহের সম্মুখে পার নির্ভয়ে রাখিতে !
নিজে যা না পারে কেহ, প্রসাদে তোমার
অনাসে সাধন করে বিচিত্র ব্যাপার !

১৪

বাক্যভাষী বুদ্ধিমনে পুতুলের মত
লইয়া খেলাও সুখে ইচ্ছা অনুসারে ;
নিদ্রা শেষে ববে সেই হয় জাগরিত,
তোমার যতক খেলা প্রকাশিতে পারে ।
কিন্তু, হে স্বপ্ন, মিনতি তোমায়,
সংছোজাত, বাক্যহীন, জ্ঞানবিরহিত
শিশুরে কি প্রদর্শন কর সে নিদ্রায়,
কখন রোদিত শিশু—কখন হাসিত ;
কি দেখে সে—কি ভাবে সে—কেনই বা হাসে
কেন বা নিদ্রার ঘোরে চমকে তরাসে ?

১৫

তাহাই জানিতে চাই ; তাহাই জানিতে,
বহুদিন হতে আশা হতেছে বর্ধিত ;
শুধুই বাড়িল আশা মানস-ভূমিতে ;
আজো না ফলিল ফল হ'ল বিফলিত !
গৌতম, কণাদ, মিল্, কোম্, হামিণ্টন্

ইত্যাদি দর্শনবিৎ পণ্ডিতনিচয়
নারিল বাসনা মোর করিতে পুরণ ।
কিসের দর্শনবিৎ ?—বাজে কথা কর !
নিদ্রিত শিশুর সহ তোমার ঘটন
যে বলিবে—মোর মতে বিজ্ঞ সেই জন ।

স্বাস্থ্য-রক্ষা ।

আমরা পূর্বে বলিয়াছি আহারের অব্যবহিত পরে নিদ্রা
যাওয়া ভাল নয় । নিদ্রাবস্থায় শারীরিক ক্রিয়া সকল স্বভাবতঃ
শিথিল থাকতে পরিপাক কার্য যথা নিয়মে সমাধা হয় না । এবং
এই অপাকদোষ জন্ম নিদ্রার ব্যাঘাত জন্মে ও কুম্ভার প্রভৃতি
উপস্থিত হয় । এই নিমিত্ত রাত্রিকালের আহার সন্ধ্যার সময়
করিলেই ভাল হয়, তাহা হইলে নিদ্রা যাইবার পূর্বে সে আহার
প্রায় জীর্ণ হইয়া যায় ।

এক্ষণে যে সকল আহারীয় দ্রব্য সচরাচর এতদ্দেশে প্রচলিত
আছে তাহাদের বিষয় কিঞ্চিৎ বলা আবশ্যিক ।

উদ্ভিজ্জ-বলকারক দ্রব্যাদি যথা—চাল, গোম, কলাই, শস্য এবং
প্রাণিজ-বলকারক দ্রব্য যথা—মাংস, মৎস্য, ডিম, দুগ্ধ ইত্যাদির
বিষয় পূর্বে একরূপ বলা হইয়াছে । অত্যাশ্র উদ্ভিজ্জ দ্রব্যাদি
যথা তরকারী, শাক, ফল, মূল ইত্যাদি পশ্চাতে লিখিত হইতেছে ।

তরকারী।—ইহা নানা প্রকার, যথা গোলআলু, রাজাআলু,
চুপড়ীআলু, পটোল, বেগুন, কাঁচকলা, মানকচু, গুড়িকচু, ওল, উচ্ছে,
করলা, ঝিঙ্গে, চিচিঙ্গে, ট্যাডম, লাউ, দেশী ও বিলাতী কুমড়া,
ধুতুল, শসা, কাঁকুড়, শিম, কাঁচাপেপিয়া, মোচা, খোড়, এচোড়,
কাঁটালবীচী, ডুমুর, মূলা, মালগাম, ওলকপি, গাজর, কোঁড়োক,
মাদার, চালতা, তেঁতুল, কলাইশুটি, বরবটিশুটি, সজিনাখাড়া,
ইত্যাদি । ইহার মধ্যে গোলআলু সর্বোৎকৃষ্ট, ইহা পুষ্টিকর

এবং বৎসরের সকল সময়েই পাওয়া যায় । মানকচু, ওল, পেপিয়া,
সারক এবং অর্শ প্রভৃতি রোগে বিশেষ উপকারী । উচ্ছে, মোচা,
ডুমুর, মূলা পিত্তনাশক । লাউ, কুমড়া, শসা, এচোড় ইত্যাদি
কচি অবস্থায় উত্তমরূপে সিদ্ধ করিয়া খাইলে ক্ষতি নাই, কিন্তু
পাকা ও আধসিদ্ধ হইলে পীড়াদায়ক হইয়া থাকে । তরকারীর
হরিদাংশ অর্থাৎ খোসা কখনই পরিপাক হয় না, এ নিমিত্ত
পটল প্রভৃতির খোসা ও পাকাবীচী পরিত্যাগ করা উচিত ।

শাক।—ইহাও নানা প্রকার, যথা পালম, বীটপালম, চুকো-
পালম, টাপানটে, ডেঙ্গোনটে, কনকানোটে, সুল্পো, গিমে,
সুসুনী, পলতা, কলম্বী, হিংচা, কচুশাক, সজিনা, লাউ, কুমড়া,
শসা ও কাঁকুড়শাক, পুঁই, পাট, বেতো, কলাইশুটি-শাক,
তেউডেশাক, মূলাশাক, সরিষাশাক, ফুলকপি, বাঁধাকপি, ক্ষুদে
ও বড় ননি, সাঞ্চেশাক, গাঁদালপাতা, পুদিনাশাক, ইত্যাদি ।
শাক আহারীয় দ্রব্যের মধ্যে কিয়ৎপরিমাণে থাকা আবশ্যিক, কিন্তু
উহার রস খাইয়া শিটা পরিত্যাগ করা কর্তব্য । তিজুরসবিশিষ্ট
শাক সকল বিশেষ উপকারী । হিংচা ও পলতা পিত্তনাশক ।

ফল।—আমাদের দেশে যত প্রকার ফল আছে বোধ হয় এত
প্রকার কোন দেশে নাই । ইহার মধ্যে কয়েক প্রকার ফল অতি
সুস্বাদ ও মনোহর এবং তাহাদের তুল্য ফল বোধ হয় অন্য কোন
দেশেই পাওয়া যায় না । আঁত্র, দাড়িহ, লিচু, গোলাপজাম,
কালজাম, আতা, স্নানারস, পেয়ারা, রস্তা, কমলালেবু, পেপিয়া,
নারিকেল, কাঁটাল, ইক্ষু, তরমুজ, ফুটি, বেল ইত্যাদি অতি উৎকৃষ্ট
ফলের মধ্যে গণ্য । আর আর অনেক প্রকার ফল আছে, যথা,
টোপা ও নারিকেলী কুল, কাঁকুড়, নোনা, তুঁত, শসা, পানিফল,
কেশুর, জামকুল, কতবেল, তালশাঁস, তাল, বাতাবিলেবু, পাতি ও
কাগজি প্রভৃতি লেবু, খেজুর, পিচ, মপেটা, গাব, শাঁকআলু,
টেপারি, পাতবাদাম, আমড়া ইত্যাদি । এই সকল দেশীয় ফল
ভিন্ন আমরা আর কতকগুলি বিদেশীয় উৎকৃষ্ট ফল প্রাপ্ত হইয়া

থাকি, যথা ম্যাঙ্গফ্রিন, আপেল, বেদানা, আঙ্গুর, বাদাম, পেস্তা, আকুরোট, খোর্বানি, ছোয়ারা, কিশমিশ, মনক্লা ইত্যাদি ।

ফলমাত্রেরে প্রায় কিছু না কিছু সারক; আত্র, কাঁটাল, পেপিয়া, নারিকেল, ফুটি, পেয়ারা, ইক্ষু ইত্যাদি বিলক্ষণ সারক । ফল সুপক হইলে খাওয়া কর্তব্য এবং যে সকল ফল কাঁচা অবস্থায় খাওয়া যায়, তাহার রস খাইয়া শিটা ত্যাগ করা উচিত, যেমন পেয়ারা, কুল, জামকল, শাকআলু ইত্যাদি । জ্বরকালীন দাড়িম আনারস, কচি-নারিকেল, ইক্ষু, কাঁচাপেয়ারা, কচিশসা, পানিফল কেশুর, শাকআলু ইত্যাদি কয়েকপ্রকার ঠাণ্ডা ফল বড় মুখ-রোচক এবং অল্প পরিমাণে শিটা ত্যাগ করিয়া ব্যবহার করিলে বিশেষ অপকারক নহে । বেল উদরাময় রোগে বিশেষ উপকারী । বাদাম পেস্তা আকুরোট ইত্যাদি তৈলময় ফল সকল পুষ্টিকর, কিন্তু অধিক খাইলে পীড়াদায়ক হইয়া থাকে ।

ইক্ষু ও খেজুর গাছের রস হইতে গুড় প্রস্তুত হয়, এবং এই গুড় পরিষ্কার করিলে চিনি হয় । এই চিনির রস করিয়া মিছরি প্রস্তুত হয় । চিনি দ্বারা আমরা নানাবিধ উৎকৃষ্ট মিষ্টান্ন প্রস্তুত করিয়া থাকি । ছানা, নারিকেল ও ক্ষীরের সহিত চিনি মিশ্রিত করিয়া সন্দেশ, মনোহরা, চন্দ্রপুলি, ক্ষীরের ছাঁচ, বর্ফি প্রভৃতি নানাপ্রকার উৎকৃষ্ট খাদ্য প্রস্তুত হয় । স্নতপক নানাবিধ সামগ্রী চিনির সংযোগে সুস্বাদবৃত্ত হয় । মিষ্টান্ন অতি মুখপ্রিয় কিন্তু অধিক পরিমাণে খাইলে উদরাময়, অজীর্ণ, অল্প, কৃমি ইত্যাদি রোগ জন্মে । মধু আর একটা মিষ্টদ্রব্য । ইহা মোমাছির চাক হইতে প্রাপ্ত হওয়া যায় । টাটকা মধু অতি মুখপ্রিয় এবং অল্প পরিমাণে খাইলে উপকারও আছে । মিষ্টদ্রব্যের দ্বারা আমাদের শরীরের তাপ উদ্ভাবন হয় । এই নিমিত্ত গ্রীষ্মকাল অপেক্ষা শীতকালে অধিক মিষ্ট সহ হয় । চিনি সহজে পরিপাক হয়, বালকেরা গুড় খাইতে বিশেষ ভালবাসে এবং মধ্যে মধ্যে অল্প পরিমাণে খাইতে দেওয়াও কর্তব্য ।

জলপান।—চাল বা ধান ভাজিয়া কয়েকপ্রকার জলপান প্রস্তুত হয় । মুড়িরচাল ভাজিয়া মুড়ি হয় । ধান ভাজিয়া খই হয়, এবং এই খই গুড়ের সহিত মিশ্রিত করিয়া মুড়কি হয় । ধান সিদ্ধ করিয়া টেঁকিতে কুটিলে চিড়া হয় । মটর, ছোলা, কলাই ভাজিয়া মটরভাজা ছোলাভাজা ও ফুটকলাই হয় । ছোলা হইতেই চানাচুর প্রস্তুত হয় । মুড়ি, খই ও ভাজাচিড়া অতি লঘু । মুড়কি ও কাঁচাচিড়া তত সহজে পরিপাক হয় না । ভাজামাত্রেরে সহজে জীর্ণ হয় না ।

চালের গুড়ি, কলাইয়ের দাল, নারিকেলকুরা, ছানা, গুড় প্রভৃতি দ্বারা যে সকল পিষ্টক আমরা প্রস্তুত করি তাহা প্রায় পীড়াদায়ক, তবে সুস্থ শরীরে অল্প পরিমাণে খাইলে ক্ষতি নাই ।

হৃৎক আমাদিগের একটা প্রধান খাদ্য এবং সকল খাদ্যের আদর্শস্বরূপ । হৃৎক এক বা দুই বলক জ্বাল দিয়া খাওয়া কর্তব্য, অধিক জ্বাল দিয়া ক্ষীর করিয়া খাইলে উহার গুণ অগ্রপ্রকার হয় এবং অধিক খাইলে পীড়াদায়কও হইয়া পড়ে । হৃৎক সারক ও গুরুপাক এবং ভাত অপেক্ষা অধিককালে জীর্ণ হয় । পরিমাণ-মত না খাইলে ভেদক হইয়া পড়ে । এই নিমিত্ত শাস্ত্রকারেরা হুইনী গুরুপাক দ্রব্য হৃৎক ও মাংস একত্রে খাইতে নিষেধ করেন । হৃৎক হইতে নানাবিধ উপাদেয় খাদ্যদ্রব্য প্রস্তুত হয় । ইহার মধ্যে স্নত সর্বপ্রধান এবং অধিক পরিমাণে ব্যবহৃত হয় । স্নতপক দ্রব্য যেমন সুস্বাদ তেমনি পুষ্টিকর । মাখন সুস্বাদ এবং স্নত অপেক্ষা শীঘ্র পরিপাক হয় । ছানা গুরুপাক । ঘোল সহজেই পরিপাক হয় । দধি পুষ্টিকর এবং চিনির সহিত মিশ্রিত হইলে অতি সুস্বাদ হয় । দধিতে অল্পরস থাকায় উহা অধিক খাইলে পীড়াদায়ক হয় ।

মাগুদানা, আরাবট, যবমণ্ড, অল্পমণ্ড প্রভৃতি দ্রব্য সকল অতি লঘু এবং পীড়িত অবস্থায় বিশেষ উপকারী ।

আমাদের দেশে নানাপ্রকার মোরঝা ও চাটনি ব্যবহার হইয়া থাকে । আত্র, লেবু, বেল, আমলকি, আনারস প্রভৃতি ফলের

মোরঙ্গা বিশেষ উপকারী ও মুখরোচক । ইহা অল্পপরিমাণে ব্যবহার করিলে অকচি নিবারণ হয় ও ক্ষুধা বৃদ্ধি করে ।

চাটনিও নানা প্রকার । লবণাক্ত, টক, তৈলাক্ত, মিষ্ট, সৌগন্ধ-জনক, ও ঝাল । ইহারা পাকযন্ত্র উত্তেজিত করিয়া পাককার্যের সহায়তা প্রদান করে ।

কতকগুলি সচরাচর আহারীয় দ্রব্য কত সময়ের মধ্যে পরিপাক হয়, তাহা নিম্নে লিখিত হইল ।

দ্রব্য ।	পরিপাক সময়ঃ।	দ্রব্য ।	পরিপাক সময় ।
ভাত	... ১ ঘণ্টা	ডিম্ব সিদ্ধ	... ৩।৩০
মাণ্ড	... ১।৪৫	মাতৃ-স্তন্য দুগ্ধ	... ২
গোলআলু সিদ্ধ	... ৩।৩০	গাভিহুগ্ধ সিদ্ধ	... ২
ঐ ভাজা বা পোড়া	২।৩০	স্বত	... ৩।৩০
কচি (ময়দা)	... ৩।৩০	মাংস	... ৩।৩০
ডিম্ব কাঁচা	... ২	মাংসের ঝোল	... ৩

কলিকাতার লোকসংখ্যা ।

দেশমাত্রেরই লোকসংখ্যার তালিকা থাকা আবশ্যিক । লোক-সংখ্যা না জানিতে পারিলে শাসনপ্রণালী নিয়মপূর্বক নির্বাহ করা সুকঠিন । কোন দেশে দুর্ভিক্ষ উপস্থিত হইলে কিম্বা সংক্রামক জ্বর বা মহামারীর প্রাদুর্ভাব হইলে তাহার নিবারণচেষ্টায় প্ররুত হইতে হইলে, অথ্রে সেই দেশের লোকসংখ্যা জানা আবশ্যিক হইয়া উঠে, নচেৎ কত পরিমাণে আহারীয় দ্রব্য বা ঔষধ সংগ্রহ করিতে হইবে তাহা স্থির করা অসম্ভব । দেশের কর্তৃপক্ষদিগের ইহা না জানিলে চলে না । এই নিমিত্ত সভ্যজাতিমাত্রেরই মধ্যে মধ্যে দেশের লোকসংখ্যা সংগ্রহ করিয়া থাকেন ।

বিগত ৬ই এপ্রেল রাত্রিযোগে কলিকাতার লোকগণনা করা হইয়াছিল । ইহার পূর্বে ছইবার ঐরূপ গণনা করা হয় । কত লোক প্রতি বৎসর মরিতেছে, ও কত জন্মিতেছে, এবং সহরে কত নূতন নূতন লোক আসিয়া বাস করিতেছে ইত্যাদি জানিতে হইলে

একবার লোকসংখ্যা করিয়া নিশ্চিত থাকা যায় না ! সময়ে সময়ে ঐরূপ করা আবশ্যিক ।

বর্তমান সনের ৬ই এপ্রেল তারিখে কলিকাতার লোকগণনার যে যে কথা জানিতে পারা গিয়াছে, তাহা লেখা যাইতেছে ।

প্রথম । কলিকাতা দীর্ঘে ৪১।০ মাইল (২।০ ক্রোশ) এবং প্রস্থে ১১।০ মাইল (তিন পোয়া) । ইহার পশ্চিমে গঙ্গা (হুগলী নদী) ও দক্ষিণ পশ্চিমে গড়ের মাঠ । উত্তর, পূর্বে ও দক্ষিণে, চিৎপুর, কাশীপুর, উল্টডাঙ্গা, গড়পার, নারিকেলডাঙ্গা, শিরালদা, ইটালী, বালিগঞ্জ, ভবানীপুর, আলিপুর ও গিদিরপুর ।

দ্বিতীয় । এই মহানগরীতে কত লোক রাত্রিতে বাস করে ? ইহাতে স্থির হইয়াছে, যে—

নিজসহরে	৪০৯,০৩৬
কেল্লার	২৮০৩
বন্দরে	১৭৬৯৬
			৪২৯,৫৩৫

তৃতীয় । কলিকাতার বাটীর সংখ্যা কত ?

এক তোলা,	ছই তোলা,	তিন তোলা,	চার তোলা,	পাঁচ তোলা
৭,০৩৭	৮,৬৩৬	১,১৪৭	৩৪	২
ছই তোলা খোলার ঘর,	এক তোলা,	সর্বশুদ্ধ ।		
১১২০	২১,৭৪০	৩৯,৭৫৬ ।		

সহরে ৪০৯,০৩৬ লোকের মধ্যে ১৮৭,৩০৩ ইষ্টকনির্মিত বাটীতে বাস করে ।

চতুর্থ । সহরে কতপ্রকার ধর্মাবলম্বী লোক বাস করে, তাহা-দের সংখ্যাই বা কত ?

হিন্দু,	মুসলমান,	খৃষ্টান	অজ্ঞানধর্মাবলম্বী	সর্বশুদ্ধ ।
২৭৮,২২৪	১২৩,৫৫৬	২৩,৮৮৫	৩৮৭০	৪২৯,৫৩৫

হিন্দুদিগের মধ্যে—

ব্রাহ্মণ,	কায়স্থ,	বণিকজাতীয়,	গয়লা,	কৃষিব্যবসায়ী
৩৩,৯১৪,	৩২,০৭৩	২১৮০৪	১৩,২৪০	৩১৯৬৫

বণিক জাতীয়ের মধ্যে সুবর্ণবণিক ১৬,৩৬২, ও কৃষিব্যবসায়ীর মধ্যে কৈবর্ত ১৫,৪১০ । এই নগরে বৌদ্ধ ১৮৭৮ । ইহুদী ৯৫২ । পাশী ১৫১ । ব্রাহ্ম ৪৭৯ ।

পঞ্চম । নিজ সহরে কত জন পুরুষ ও কত জন স্ত্রীলোক ? পুরুষ ২৬২,৪৫৫ । স্ত্রীলোক ১৪৬,৫৮১ । ১৩ জন মুসলমান ও একজন

হিন্দু-হিজড়া; একজন হিন্দু-নপুংসক এবং একজন মুসলমান-খোজা ।

ষষ্ঠ । কোন্ বয়সের লোক কত ?

১ হইতে ১০ বৎসর । ১০—২০। ২০—৪০। ৪০—৬০। ৬০ উর্দ্ধ ।

পুরুষ ২৬৩৫৬। ৩৮,৫২৭। ১৪৯,৪০০। ৫৮,০০৩। ১০,১৫০

স্ত্রীলোক ২৫,৩২৪। ২০,৭৫৯। ৫৮,৯২৩। ৩১২৩৯। ১০,৭৮৪

কলিকাতায় মোট বালক ও বালিকা প্রায় তুল্য ।

সপ্তম । কত লোকের জন্মভূমি কলিকাতা ?

৪২৯,৫৩৫ লোকের মধ্যে, ১২,১,৬৮৬ মাত্র কলিকাতায় জন্মগ্রহণ করিয়াছে । বাকি লোক অন্যান্য দেশ হইতে আসিয়াছে ।

অষ্টম । কত লোক বিবাহিত, ও কত অবিবাহিত ?

পুরুষের মধ্যে	বিবাহিত	অবিবাহিত	স্ত্রীহীন
	১৮০,৪৭৮	৮৬,১৬৬	১৩,৪৭৬

স্ত্রীলোকের মধ্যে	বিবাহিতা	অবিবাহিতা	বিধবা
	৫৮,৯৭৭	২৯,৩৮০	৫৫,৪৮৩

নবম । ১১০,৫৬৫ লোক লিখিতে পড়িতে জানে । ১০০ জন হিন্দু পুরুষের মধ্যে ৪২ জনমাত্র লেখা পড়া জানে । ১০০ জন হিন্দু স্ত্রীলোকের মধ্যে প্রায় ৩ জনমাত্র লেখা পড়া জানে । ইহাতে বুঝা যাইতেছে, বঙ্গদেশে স্ত্রীশিক্ষার উন্নতি অল্পই হইয়াছে ।

দশম । এই নগরে ১৫৮ জন বধির ও মূক । ৬৯৫ জন অন্ধ । ১৩০ জন জড় । ১৮৯ জন পাগল ও ১২৭ জন কুষ্ঠ রোগাক্রান্ত ।

বামাগণের রচনা ।

আমি কি উন্মাদিনী ?

আমার অঙ্গেতে নাহি মাথা ছাই,
গেকয়া বসন পরিধান নাই,
কেমনেতে তবে “বলিহারি যাই,”
গাইবে সূকবি বীণার সনে ?

ভ্রমরেরি হায় গুন্ গুন্ স্বরে,
সুখ নাহি হয় আমার অন্তরে,
বিধি বিড়ম্বনা হৃদয় বিদরে,
কেমনেতে সুখ পাইব মনে ?

নাহি কবি আমি—বাম বীণাপানি,
নাহি মুখে সরে আপনার বাণী,
ভাল মন্দ আমি কিছুই না জানি,
যে হেতু ভারতকামিনী হই ।

“গভীর নিনাদে করিয়া ঝঙ্কার,
বাজ রে বাঁশরী বাজ এক বার,”
বলিতে ক্ষমতা নাহিক আমার,
বাজিছে সে বীণা সহরে অই ॥

সহরে বাজিছে সহরে জাগিছে,
প্রতিধ্বনি সদা সহরে উঠিছে,
ইংরাজ-বিমান কতু বা ছুটিছে,
ওরে বীণা তোর ক্ষমতা ধস্ত ।

বাহবা বাহবা মধুর স্বনম,
বলে কত লোক কে করে গণন,
বীণার নিকণ শুনেছে যে জন
আকুল সে জন বীণার জন্ত ।

গাও গাও কবি মুরলী ধরিয়া,
গাও সপ্তস্বরে আকাশ পুরিয়া,
সুধায় ভারত যাইবে ভাসিয়া
পীযুষ-লহরী রহিবে ভবে ।

গাও কবিরব বীণার ঝঙ্কারে
মুক্তকণ্ঠে তুমি বল বারে বারে,
“সবাই স্বাধীন এ ছার সংসারে
সুধু কি ভারত যুমায়ে রবে ॥”

গাও মূলতানে অভিনব কবি
“নবীন”—নবীন - চট্টগ্রাম-রবি,
“বিচ্ছেদ যাবার নয় বিচ্ছেদ ত যায় না
প্রেমসহ এই পোড়া বিচ্ছেদ লুকায় না,”
বিরহিণীগণ শুনবে সে গান
এলায়ে কবরী তুরিতে ধাই ।

কিসের গৌরব কিসের সৌরভ
করিস্ করিস্ বাঙ্গালীরা সব—
হয়েছ সিবিল তুলেছ যে রব,
এই কি তোদের সিবিলপনা?

সুধু গোটা দুই বুড় ন্যাড়া মাথা,
দেখায় কেবল পুরাণের কথা,
মানি না পুরাণ শুনি না পুরাণ,
পুরাণের কথা নাহি সহ্যে শ্রাণ,
ধিকরে পুরাণে, নরাধমগণে
প্রতি উহ যারা দেখে নয়নে,
বিধবা রমণী কাঁদে অশ্রুক্ষেপে
তিতিয়া বসন নয়ন জীবনে,
তথাপি ত কেউ ফিরে চাহে না।

কর একাদশী কর উপবাস
না খাইয়া থাক তোরা বার মাস
তথাপি আমরা চাব না চাব না,
শাস্ত্র বিকল্পেতে কখন যাব না,
তাও কি কখন মাহুবে পারে?

বঙ্গের ভিতরে কৌস্তভ - রতন
কবি হেমচাঁদ বঙ্গের - ভূষণ,
কোথায় রয়েছ বল না এখন,
বাজাও মুরলী সুধার ধারে—।

তুদীয় বীণাকে বল এক বার—
“গাও গাও বীণা করিয়া ঝঙ্কার
বিধবার হুখে কাঁদবে না যেই
ভীষণ রোরবে যাইবেক সেই,
যাইবে নরকে পুড়িবে পাবকে,
নরকেরি কীট দংশিবে তাকে।”

যৌবন - নর্তনে নুপুর - নিকণে
নাচিয়া নাচিয়া গাইব সঘনে,
বলিব সঘনে—দাস হিন্দুগণে
বিধবার হুখ হর রে আগে।

শ্রীমতী ব্রজবালা দেবী।

বঙ্গমহিলা ।

মাসিক পত্রিকা ও সমালোচন ।

নারী হি জননী পুংসাং নারী শ্রীকৃত্যতে বৃধৈঃ ।
তন্মাং গেহে গৃহস্থানাং নারীশিক্ষা গরীয়সী ।

বিষয়।	পৃষ্ঠা
১। কালীপূজা ও ভ্রাতৃদ্বিতীয়া ।	১৬৯
২। প্রভাত ।	১৭৩
৩। পদ্মিনী-চরিত ।	১৭৯
৪। স্বাস্থ্য-রক্ষা ।	১৮৪
৫। বামাগণের রচনা ।	১৮৬

চোরবাগান-বালিকা-বিদ্যালয়ের অধ্যক্ষসভা হইতে
প্রকাশিত ।

কলিকাতা ।

শ্রীঈশ্বরচন্দ্র বসু কোম্পানির বহুবাজারস্থ ২৪৯ সংখ্যক ভবনে
ষ্ট্যানহোপ যন্ত্রে মুদ্রিত ।

১২৮৩ ।

বঙ্গমহিলার নিয়ম ।

অগ্রিম বাৎসরিক মূল্য ১১০ টাকা মাত্র ।

মফসলে ডাক দাম ১০ আনা ।

প্রতি সংখ্যার মূল্য ২০ আনা ।

ষাণ্মাসিক বা ত্রৈমাসিক হারে মূল্য গৃহীত হইবে না ।

পত্রিকা প্রাপ্তির সময় হইতে চারি মাসের মধ্যে অগ্রিম মূল্য না দিলে বঙ্গমহিলা আর পাঠান যাইবে না ।

সচরাচর অগ্রিম মূল্য না পাঠাইলে অপরিচিত নূতন গ্রাহকের নিকট 'বঙ্গমহিলা' পাঠান হইবে না ।

যদি অর্ডার বা ডাক টিকিট, যাহার যাহাতে সুবিধা হয়, তাহাতেই মূল্য প্রেরণ করিতে পারিবেন, কিন্তু ডাকের টিকিটে, ডাকায় এক আনার হিসাবে বাটা দিতে হইবে ।

মূল্য প্রাপ্তি স্বীকার বঙ্গমহিলার শেষ পৃষ্ঠায় করা হইবে ।

কলিকাতা ও তন্নিকটবর্তী গ্রাহকগণ সম্পাদকের স্বাক্ষরিত ছাপাখানার ভিন্ন বঙ্গমহিলার মূল্য প্রদান করিবেন না ।

বিজ্ঞাপনের নিয়ম প্রতি পংক্তি ১০ আনা ।

গ্রাহকগণ অগ্রিম মূল্য সত্ত্বর প্রেরণ করিয়া বাধিত করিবেন ।

বামাগণের গদ্য বা পদ্য রচনাবলী অতি সাদরে বঙ্গমহিলায় বিন্যস্ত হইয়া থাকে। অতএব সকলে প্রেরণ করিয়া বাধিত করিবেন ।

কলিকাতা, চোরবাগান, } শ্রীভুবনমোহন সরকার,
মুজারাম বাবুর ষ্ট্রীট, ৭৭ নং । } সম্পাদক ।

বিজ্ঞাপন ।

১২৮২ সালের বঙ্গমহিলা একত্র বাধান প্রস্তুত আছে। মূল্য ডাকমাশুল সমেত দুই ২ টাকা ।

১২৮২ সালের বঙ্গমহিলা ২য় ও ৩য় সংখ্যা ব্যতীত যাহার যে কোন সংখ্যা প্রয়োজন হইবে, প্রতি সংখ্যার মূল্য ডাকমাশুল সমেত ২০ দুই আনা প্রেরণ করিলে প্রাপ্ত হইবেন ।

কালীপূজা ও ভাতৃদ্বিতীয়া ।

পূর্বে প্রকাশিতের পর ।

অধ্যাত্মবিৎ যোগীদিগের পক্ষে যে পুরুষ ও প্রকৃতিযোগে পৃথিবীর সৃষ্টি হইয়াছে, শ্যামা সেই পুরুষ প্রকৃতির প্রতিমূর্তিস্বরূপ । পরমেশ্বর নিগুণ, নির্বিকার ও সচ্চিদানন্দময় । ঈশ্বরের ইচ্ছায় জগৎ সৃষ্টি হইয়াছে বলিলে তাঁহাকে ইচ্ছার বশীভূত বলিয়া স্বীকার করিতে হয় । এবং ইচ্ছার পূরণে সুখ ও অপূরণে দুঃখ হওয়াতে ঈশ্বর সুখ ও দুঃখের অধীন হইয়া পড়েন । অপিচ ঈশ্বরকে গুণ-বিশিষ্ট পদার্থ স্বীকার করিলে গুণের আধার স্বীকার করিতে হয় । আধারব্যতীত গুণ থাকা অসম্ভব । ঈশ্বর স্বরূপ স্বীকার করিলে তিনি সাকার হইয়া পড়েন । ঈশ্বরের সাকার স্বীকার করিলে বিবিধ দোষ ঘটে । অপিচ নিগুণ ও নির্বিকার ঈশ্বরকে পূর্বে সগুণ বলিলে তাঁহার নিগুণ অবস্থা হইতে ভিন্ন আর একটা অবস্থা জন্মিয়াছে প্রতিপন্ন হইয়া পড়ে । এবং যাহা জন্মিয়াছে তাহার অবশ্য নাশ থাকাতে ঈশ্বর প্রাকৃত নিয়মে আবদ্ধ হইয়া পড়েন । এই সকল দোষের পরিহার জন্ত ঈশ্বর বা পুরুষ নিগুণ, নির্বিকার ও সচ্চিদানন্দস্বরূপ বলিয়া কথিত হন । তিনি সংসারের কোন বিষয়েই লিপ্ত নন, সর্বদা স্বরূপেই বর্তমান আছেন । শিব পুরুষস্বরূপ । তিনি সর্বকার্য্যরহিত হইয়া শবের ন্যায় নিশ্চয় ভাবে পড়িয়া আছেন । জ্ঞান বা আনন্দরূপ মাদকে তাঁহার নেত্র-দ্বয় বিদ্যুর্গিত হইয়া আছে । শ্যামারূপ প্রকৃতি সেই ঈশ্বরকে আশ্রয় করিতে পৃথিব্যাতির কার্য্য হইতেছে । ঈশ্বর কোন বিষয়েই লিপ্ত নহেন, কেবল ঈশ্বরপ্রাপ্ত প্রকৃতির প্রভাবে জগৎকার্য্য হইতেছে । এজন্ত শ্যামা শিবের উপরিভাগে আছেন । বৈদান্তিকেরা বলেন, ঈশ্বরের মায়াপ্রভাবে জগৎ চলিতেছে । এস্থলে শিব ঈশ্বর ও শ্যামা মায়ারূপিণী । এই জন্ত তাঁহাকে বারম্বার মহামায়ারূপে আখ্যান করা হইয়াছে । এই পুরুষ ও প্রকৃতিযোগে জগতের সৃষ্টি,

স্থিতি ও প্রলয় হইতেছে । ধর্ম, অর্থ, কামনা ও মোক্ষরূপ কালীর চারিভুজ উত্তোলিত আছে । ধর্মের হস্তে অভয় দান করিতেছেন, মোক্ষের হস্তে আশীর্বাদ করিতেছেন, অর্থ ও কামের হস্তে হননকারী অস্ত্র ও মৃত্যু বিদ্যমান আছে । তিন নেত্রে সত্ত্ব রজ ও তমোগুণে জগৎ লক্ষিত হইতেছে । পুরুষ ও প্রকৃতিব্যতীত জগতে অপর কোন পদার্থ নাই, এই জন্ত কালী শ্মশানে রহিয়াছেন । শিবা আদি কর্মফল সকল চারিদিকে চীৎকার করিতেছে । ডাকিনী যোগিনী আদি কুপ্রকৃতিগণ জীবকে মৃত্যুমুখে নিক্ষেপ করিয়া মৃত্যু করিতেছে । এবং জীব মায়া বা প্রকৃতির গলে দোহুল্যমান হইয়া মরণকুল্য যন্ত্রণা ভোগ করিয়া ক্রন্দন করিতেছে । অজ্ঞানরূপ অমাবস্তার তামসী নিশায় আচ্ছন্ন হইয়া যে দিকে দৃষ্টিপাত করে সেই দিকেই আপনাদিগের মৃত্যুরূপ কালরূপ কালীমূর্তি দেখিতে পায় । মায়াপ্রভাবে কার্য করিয়া তাহার সেই কার্য দ্বারা আপনারা আপনাদিগকে কালপাশে বদ্ধ করিয়াছে । কার্যের নিয়ন্তাহস্ত সকলে আবদ্ধ হইয়া কালের মধ্যদেশে কাঞ্চী-স্বরূপ জড়ীভূত আছে । মৃত্যু বই জীবের গতান্তর নাই । জগতের এইরূপ ভাব । কেবল বিনাশের জন্যই জীব পৃথিবীতে প্রবেশ করে, প্রবেশ করিয়া বিনাশপথেরই উপাসনা করে ; এবং অবশেষে ভয়ঙ্করী কাল মহামায়া বা প্রকৃতিতে বিলীন হয় । যুধিষ্ঠির কহিয়াছিলেন যে, প্রতিদিন ভূরি ভূরি জীব মৃত্যুমুখে পতিত হইতেছে ইহা দেখিয়াও যে লোকেরা আবার এই পৃথিবীতে থাকিবার আশয়ে কার্য করিতেছে ইহা অপেক্ষা আর আশ্চর্য্য কি আছে । জীব গর্ভ হইতে পড়িয়া পৃথিবীতে প্রবেশকালীন কাদিতে আরম্ভ করে, পৃথিবীতে বসিয়া হুঃখে অশ্রুপাত করে, এবং মৃত্যুকালে কাদিতে কাদিতে জগৎ হইতে বাহির হয় । অতএব এ জগতে সুখ অন্বেষণ করা নিতান্ত ভ্রম । অনিত্য জগৎ হইতে নিত্যসুখের আকাঙ্ক্ষা, ক্ষণভঙ্গুর জীবন লইয়া চিরস্থায়ী হইবার ইচ্ছা, এবং গমনশীল পদার্থকে

আপনার বলিয়া জ্ঞান, এ ভ্রমের মূলীভূত কারণ কে ? এক মায়া বা অজ্ঞানতাপ্রভাবে এই কার্য ঘটয়া আসিতেছে । জ্ঞানিগণ সংসারপ্রবাহ শ্যামামূর্তিতে বিদ্যমান দেখিয়া মহানিশায় জাগরিত হন । শ্রীকৃষ্ণ গীতায় অর্জুনকে কহিয়াছিলেন, “হে অর্জুন, যে মায়া সর্বভূতের নিশাস্বরূপ সংযমী পুরুষেরা তাহাতে চেতন থাকেন ।” * অজ্ঞানতা মায়া বা অবিদ্যার হস্ত হইতে পরিমুক্ত হইবার আশয়ে জ্ঞানীরা বিদ্যার চর্চায় রত হন । এই বিদ্যা জ্ঞানিতে পরাবিদ্যা বলিয়া কথিত হইয়াছে । শ্যামামূর্তিতে সেই বিদ্যা উত্তেজিত হয় বলিয়া শ্যামার নাম মহাবিদ্যা । দশ উপায়ে এই জ্ঞান বা বিদ্যা সিদ্ধ হইতে পারে বলিয়া শ্যামার দশমহাবিদ্যা বলিয়া দশরূপ আছে । এই বিদ্যা অপরা বিদ্যা হইতে † পৃথক ও বেদের পরাবিদ্যাস্বরূপ বলিয়া ইহার নাম সিদ্ধবিদ্যা । ‡ বিশ্বামিত্র এই পরাবিদ্যার উপাসনা করিয়া বিপ্রত্ব লাভ করেন । §

এই কালীর উপাসনা দিব্য বীর ও পশু তিন প্রকারে হয় । প্রত্যেক ভাবে যেরূপ যেরূপ উপাসনার পদ্ধতি আছে তাহার আপাততঃ রমণীয় অর্থগুলি প্রকৃত অর্থ নহে । দুষ্কর্মের সহিত তাহার সম্পর্ক নাই । বালিকাদিগের পাঠ্য বঙ্গমহিলার সেগুলি স্পষ্ট ব্যাখ্যা করিবার উপযুক্ত নহে । বৌদ্ধদিগকে তাহার আপাততঃ রমণীয় অর্থে বিমোহিত করিয়া তান্ত্রিকেরা বিনষ্ট করে । শাস্ত্রের মধ্যে

* যা নিশা সর্বভূতানাং তেন জাগর্তি সংযমী । ইতি গীতা ।

† “দ্বৈ বিদ্যে বেদিতব্যে পরা অপরা চেতি” কঠোপনিষৎ ।

‡ কালী তারা মহাবিদ্যা ষোড়শী ভুবনেশ্বরী ।

§ ভৈরবী ছিন্নমস্তাচ বিদ্যা ধূমাবতী তথা ।

বগলা সিদ্ধবিদ্যাচ মাতঙ্গী কমলাত্রিকা ।

এতা দশ মহাবিদ্যা সিদ্ধবিদ্যা প্রকীর্তিতা । তন্ত্র ।

§ একাক্ষরী মহাবিদ্যা কালিকায়ং সুদুলভা ।

রূপং কুরু মহাবান্তে ততঃ প্রাপ্যসি বপ্রতাং ।—নারদপঞ্চরাত্র ।

ঘোরতর ইন্দ্রিয়স্বথের বিধি পাইয়া এবং গোপনে কার্ণের সুযোগ দেখিয়া বৌদ্ধগণ মতভ্রষ্ট হইল কিন্তু পাছে বিকৃত অর্থ দ্বারা লোকে ভ্রষ্ট হয় এজন্য দিব্য ও বীরভাবে উপাসনা কলিযুগে নিষিদ্ধ হইয়াছে।* পশুভাবে উপাসনাই কলিকালে বিহিত। পশুভাবে পশুবলি নাই। অথচ সকলেই শ্যামাপূজায় পশুবলি দিয়া থাকেন। জ্ঞানপক্ষে অজ্ঞানতাই পশু এবং তাহার বলিদানই পশু বলিদান।

কার্তিক মাস এরূপ ভয়ানক কাল যে, যমের ভগিনী যমুনা যমের জীবনের জন্য শঙ্কিত হন। যতুরাজের যত্নশঙ্কাদ্বারা কার্তিক মাস যে জীবনের পক্ষে অত্যন্ত বিধ্বকারী তাহাই প্রকাশিত হইতেছে। যমুনা ভ্রাতৃস্নেহে কাতর হইয়া যমের অর্চনা করেন। যমও যমুনাকে অলঙ্কার বস্ত্রাদি দ্বারা সম্মানিত করেন। কার্তিক মাসে দাম্পত্য স্নেহের পরিবর্তে ভ্রাতৃস্নেহের গৌরব প্রকাশ করাতে বিলক্ষণ প্রতিপন্ন হইতেছে যে, এই জীবনক্ষয়-কর সময়ে ইন্দ্রিয়-সুখাসক্ত হওয়া অত্যন্ত অশ্রদ্ধ কার্য। বিশেষতঃ কেবল যে ভগিনীকে ভ্রাতার অর্চনা এবং ভ্রাতাকে ভগিনীর সম্মান করিতে হয় এরূপ নহে; যম ও যমুনার পূজাও বিহিত হইয়াছে। যমের পূজাদ্বারা বিলক্ষণ বোধ হয় যে, কার্তিক মাসে যত্নশঙ্কা উদ্দীপন করা ভ্রাতৃদ্বিতীয়ারও কার্য। স্কন্দপুরাণে আছে যে, যে ব্যক্তি স্নান করিয়া কার্তিক শুক্ল দ্বিতীয়ায় যম ও যমুনার অর্চনা করে, তাহাকে যমলোক দর্শন করিতে হয় না। পুরাণান্তরে আছে যে, ভ্রাতৃদ্বিতীয়ায় যম চিত্রগুপ্ত ও যমদূতের পূজা করা বিধেয়। পূজার মন্ত্র এই—“হে মার্ত্তণ্ডজ, হে পাশহস্ত, হে যম, হে লোকান্তক, হে ধরামরেশ ভ্রাতৃদ্বিতীয়াকৃত দেবপূজা ও অর্ঘ্য গ্রহণ কর। ভগবন্ আমি তোমাকে প্রণাম করি।” এই প্রথানুসারে ভগিনীরা ভ্রাতার মস্তকে অর্ঘ্যদ্রব্যাদি দিয়া থাকে। ভবিষ্য পুরাণে

* দিব্যবীরমতে নৈব কলৌ নাস্তি কদাচন।

কেবলং পশুভাবেন মন্ত্রসিদ্ধির্ভবেৎ গাং।—মহানির্বাণতন্ত্র।

আছে যে, যুদ্ধির কার্তিক শুক্লপক্ষ দ্বিতীয়ায় যমুনা যমকে স্বগৃহে অর্চনা করিয়া ভোজন করাইয়াছিলেন। অর্চনাকালে গন্ধাদি দিতে ইয় বলিয়া ভ্রাতৃদ্বিতীয়ায় চন্দন চূরা প্রদত্ত হইয়া থাকে। এই দিন ভগিনীহস্তে ভোজন বিহিত বলিয়া লোকে ভগিনীহস্তে ভোজন করিয়া থাকে। ব্রহ্মাণ্ডপুরাণে আছে, যে নারী যুগ-তিথিতে ভ্রাতাকে ভোজন করায় এবং তাম্বুলাদি দ্বারা অর্চনা করে, সে বৈধব্যব্রূণা ভোগ করে না এবং তাহার ভ্রাতারও আয়ু ক্ষয় হয় না। এই জন্য অর্চনাকালে ভগিনীরা ভ্রাতার হস্তে পানসুপারি দিয়া থাকে। ভগিনী জ্যেষ্ঠা হইলে ভ্রাতাকে আশীর্বাদ এবং কনিষ্ঠা হইলে প্রণাম করিয়া থাকে। ভারতবর্ষের কোন কোন স্থানে ভগিনী না থাকিলে পিতৃ বা মাতৃভগিনীর নিকট আশীর্বাদ গ্রহণ করিয়া থাকে। ভ্রাতৃদ্বিতীয়ায় যে কেবল ভগিনীই ভ্রাতাকে অর্চনা করিবে এরূপ নহে; ভ্রাতার ভগিনীকে সম্মান করা উচিত। বাঙ্গালার কোন কোন অংশে কেবল ভগিনীরাই ভ্রাতাকে অর্চনা করিয়া নানাবিধ দ্রব্য প্রদান করিয়া থাকে কিন্তু কোন কোন অংশে ভগিনীরা ভ্রাতাকে অর্চনা করিবার মাত্র ভ্রাতার ভগিনীগণকে অলঙ্কার অথবা অন্য কোন দ্রব্যাদি দ্বারা সম্মান করিয়া থাকেন। শাস্ত্রমতে উভয়কে উভয়েই সম্মান করা বিধেয়। ভ্রাতৃদ্বিতীয়ার দিন ভগিনীহস্তে ভোজন করা অবশ্য কর্তব্য বলিয়া শাস্ত্রে আছে। “স্নেহেন ভগিনীহস্তাৎ ভোক্তব্যং পুষ্টিবর্দ্ধনং।”

প্রভাত।

১

জগতের পূর্ব দ্বারে ধীরে ধীরে আসিয়া,
অমর-সুন্দরী উষা যুহু মন্দ হাসিয়া,
মসীমাখা যবনিকা আছিল ছয়ারে ঢাকা,
জড়াইয়া স্তরে স্তরে লইলেন তুলিয়া।

তুলিতে সে যবনিকা দেহ হ'ল কালিমাখা ;
কতক শিশিরনীরে ফেলিলেন ধুইয়া ।
তবু কি, সে কালি যায় ? কতক রছিল গায় ;
পশ্চিমমাগরে ধু'তে চলিলেন ধাইয়া ।

২

চলিলা পশ্চিম দিকে অতি দ্রুত গমনে—
এত দ্রুত—কি বলিব—হারা ইয়া পবনে ।
পক্ষিকুল চমকিল, স্থাপদেরা শিহরিল,
জাগিল স্নয়ুগু নর ইস্টনাম স্মরণে !
ক্ষীণালোকে পূর্বদিশা আভাসিত করি উষা,
চলিলেন বন মেক নদী গিরি লঙ্ঘনে ।
এমনি সবেগে যায় ; কে আর নিবারে তাঁয় ?
লক্ষ্য নাহি হয় তাঁরে দ্রুতগামী চরণে ।

৩

তারাই জেনেছে উষা কি রূপসী জগতে,
তারাই জেনেছে উষা কি অপ্সরী রূপেতে,
দেখেছে যাহারা তাঁরে জগতের পূর্বদ্বারে
মসীমাখা যবনিকা তুলিবার আগেতে ।
কিন্তু নরনেত্র হায়, কভু না দেখিল তাঁয়
কালিমাখা বই আর, সেরূপেতে ধরাতে !
বৈদিক তাপসগণ যা করেছে নিরীক্ষণ,
আমরাও তাই দেখি এই পাপ চক্ষেতে ।

৪

লাবণ্য-সর্বস্ব নারী, কে না জানে ভুবনে ?
কালিমাখা দেহে উষা স্মৃখী রবে কেমনে ?
মনোহুখে অভিমানে নাহি চায় পাছুপানে,
হুপাশে কত কি পড়ে নাহি দেখে নয়নে ।

হিমরূপে নেত্রজল, ঝরিতেছে অবিরল,
গড়াইয়া গগনস্থল, পড়ে বক্ষ বহনে ।
যবনিকাজাত মসী কজ্জলের সহ নিশি
নয়নাশ্রু করে কাল গাঢ় কালবরণে ।

৫

জগতের পূর্বদ্বার উষা দেবী খুলিয়া,
না ফিরে পশ্চিম দিকে ছুখে গেল চলিয়া ।
ফিরে না আসিল প্রিয়া, চলে গেল দ্বার দিয়া,
নিদ্রাভঙ্গে অংশুমালী দেখিলেন চাহিয়া ।
সারানিশি নিদ্রাভোগে নয়ন লোহিতরাগে,
আরক্তিম হইয়াছে । রবি শয্যা ছাড়িয়া,
প্রেয়সীরে খুজিবারে, প্রবেশি জগতদ্বারে
ক্রমশঃ পশ্চিমদিকে চলিলেন ধাইয়া ।

৬

এ কি হে বিচার তব, উষাপতি তপন,
প্রেয়সীরে এত বাম-নাহি ভাব আপন ?
প্রিয়া তব দ্বার খুলি, মাখিল শরীরে কালি,
অলসের মত তুমি তাজিলে না শয়ন !
তুমিও বাঙ্গালি সম বনিতারে নিরমম ?
উষাও কি ক্রীতদাসী বঙ্গবাল্য মতন ?
আগে জানিতাম আমি নির্দয় বাঙ্গালিস্বামী,
দেবতাও সেইরূপ জানিলাম এখন ।

৭

পূর্ব নভে সূর্য্যদেব দ্রুতপদে উঠিয়া,
চাহিলা ধরার পানে অকণাক্ষ খুলিয়া ।
হাসিল বিশাল বিশ্ব, হইল বিমল দৃশ্য,
অলক্ষে তমসরাশি ছুখে গেল চলিয়া ।

হারানু রতন পেলে, মনের বিষাদ ভুলে,
অতুল উল্লাসে কেউ পড়ে যথা গলিয়া;
সেইরূপ তপনেরে প্রভাতে পাইয়া ফিরে,
স্বরষে হাসিল ধরা নিশাহুখ ভুলিয়া।

৮

হাসিল হিমাদ্রিচূড়া সকলের প্রথমে,
হাসিল নলিনী জলে রেবি হেরি নয়নে।
তৃণটি পর্যন্ত হাসে, হিমদত্ত প্রতিভাসে,
হাসিল জগত যেন তপনের কিরণে।
নিম্নে হাসে ধরাতল, শূন্যে হাসে মেঘদল,
সূর্যমুখী ফুল হাসে সূর্যমুখ লোকনে।
এ হাসি স্মৃতির নয়, পরিহাস পরিচয়,
লজ্জায় উষার পতি উঠে উচ্চ গগনে।

৯

সমুদ্র তপনে হেরি, উখলিয়া উঠিছে,
উত্তাল লহরীমালা পিঠে পিঠে ছুটিছে।
রাশি রাশি, কেন ভাসে, রবিকর তাহে হাসে,
রক্ত নীল পীত আদি, সপ্তবর্ণ ফুটিছে।
কাটির্য তরঙ্গজাল উড়ারে বিশদপাল,
সুদূরে কপোত সম, পোতচয় চলিছে।
কতু কতু দেখা যায়, কতু বা লুকায় কায়,
অকুল পাথারে তরী ধীরি ধীরি ছলিছে।

১০

এই যে খানিক আগে নিশীথিনী সময়ে,
দেখেছিল মেঘদলে আকাশের হৃদয়ে,
গাঢ়তর কালিমাখা, তমসে শরীর ঢাকা;
কিন্তু এবি তম-শত্রু তপনের উদরে,

রজতগিরির প্রায় নিঃশব্দে আকাশে ধাম,
কতু ধরাপানে চায়, পুলকিত হৃদয়ে।
পুনঃ কতু স'রে গিয়ে রবি দেহ আবরিষে,
উজ্জ্বল মলিলে ম্লান করে মসী মাখায়ে।

১১

ডাকিল বিহঙ্গকুল নিজ নিজ কূজনে,
নিশির শিশির মাখা ঝাড়িল যুগল পাখা,
ঝরিল শিশিরবিন্দু শাখে পাতে গ্রহনে।
গত অন্ধকার রেতে দেখি নাই নয়নেতে
ছায়ার মলিন কায়া, কিন্তু দেখি এক্ষণে,
কোথাও গাছের ছায়া, কোথাও পাখীর ছায়া;
কোথাও মেঘের ছায়া, ধায় ক্রতগমনে।
শোভিল ভূভাগ নব ছায়ালোক-ভূষণে।

১২

জাগিল মানবদল পাখিরব শুনিয়া,
যার যা বানস চিতে উঠে তাও জাগিয়া।
জাগিল পাপীর পাপ, জাগিল তাপীর তাপ,
জাগিল দুঃখীর দুঃখ ক্ষত হৃদি বিঁধিয়া।
ধনের ঋণতা জাগে, শোকার্তের বুকে লাগে
নব জাগরিত শোক শতমুখ হইয়া।
জাগে ধার্মিকের মনে ধর্মভাব প্রতিফলে,
পাপ পুণ্য যুগপৎ উঠিলেক জাগিয়া।

১৩

স্বাধীনের স্বাধীনতা অধীনের অধীনতা,
হাসিমুখে ম্লানমুখে যুগপৎ জাগিল।
ব্রিটিশ জাতির চিত সহরষে জাগরিত,
জাগিল যে পরাধীন অশ্রুরাশি ঝরিল।

জাগিল নিদ্রালু সব, উঠে ক্রমে কলরব,
নিস্তক্লতা স্তব্ধ হয়ে মানে মানে চলিল ।
পেচকের মুখ দেখি পাছে হামে যত পাখী,
লজ্জায় পেচক তাই কোটরেতে পশিল ।

১৪

মানবের আশাসম অতি উচ্চ গগনে
উড়িল শকুণি চিল পক্ষ-বল-গমনে ;
এই দেখি নাহি আর নভ সহ একাকার,
আবার কখন নীচে নামে ক্রত গমনে !
মসীবিন্দুসমকার, ক্রমে দেহ দেখা যায়
পিঠের পালক দীপ্ত তপনের কিরণে ।
কখন তরুর শাখে ক্লান্ত হয়ে বসে থাকে,
কেবল বাঁকার খ্রীবা চায় তীক্ষ্ণ নয়নে ।

১৫

চাতক ছাড়িয়া নীড় স্তম্ভুর স্বনে
আকাশে করিছে খেলা মেঘে হেরি নয়নে ।
উর্দ্ধে মেঘ চলে যায় তলায় চাতক ধায়,
মেঘের ছায়ায় পাখী ধায় ক্রত গমনে ;
কিন্তু তপনের কর ভেদ করি জলধর,
মুহুর্তে আসিয়া লাগে চাতকের বদনে,
ক্ষুদ্র জীব ভয়ে হায়, আর না উপরে চায়,
পালায়ে ঝোপের মাঝে বসে থাকে গোপনে ।

১৬

নিশিদত্ত হিমহার তৃণদলে শোভিছে,
রবিকরে তৃণে যেন মুক্তাফল ফলিছে ।
উর্ণনাভকৃত জাল ধরি হিমমুক্তামাল,
প্রকৃতির চন্দ্রহারে চন্দ্রসম ভাতিছে ।

নদ নদী সরোবরে বাষ্প উঠে রবিকরে,
কর পরিমাণে উঠি জল নভে মিশিছে,
উষারে খুঁজিতে উঠে তুষার পরাণ ফাটে,
শত করে রবি তাই জলবাষ্প শুবিছে ।

১৭

উর্দ্ধমুখে ক্রতপদে শব্দ করি হরবে,
রাজহংস পালে পালে নামিতেছে সরসে ।
কোমল শাবকচয়, পাছু পাছু ধেয়ে যায়,
শাত্ৰু সহ সর-নীরে সস্তরিছে সন্তোষে ।
মুখ ডুবাইয়া জলে খেলা করে কুতূহলে,
মীনের লক্ষন-রবে ছুটে যায় তরাসে ।
কতু মাঝে কতু পাশে এই বার এই আসে,
কতু বা কমল-বনে কুতূহলে প্রবেশে ।

১৮

প্রভাত-আগতে নিশা নিরাশায় চলিল,
তারারূপ শত চক্ষু অলক্ষ্যেতে মুদিল
রজনী চলিল যদি মুদিত হল কুমুদী ।
নিদ্রাও নিশার সহ মানবেরে ছাড়িল ;
নিদ্রা যদি ছেড়ে গেল স্বপন নিরাশ হল
ইন্দ্রজাল সহ ক্রমে নরগণে তাজিল,
তমসের অদর্শনে দীপালোক হুঃখমনে
(কে মোর আদর করে) হীনভাতি হইল ।

পদ্মিনী-চরিত ।

(পূর্ব প্রকাশিতের পর)

তৃতীয় অধ্যায় ।

পদ্মিনী পতিসহকারে প্রত্যাগমন করিলে, পৌরজনেরা তাঁহা-
দিগের যুগলরূপ সন্দর্শন করিয়া যৎপরোনাস্তি সন্তুষ্ট হইল ;

ও সন্তোষের চিহ্নস্বরূপ রমণীগণ উলুধনি করিতে লাগিল। “মহারাজ ভীমসিংহের জয়, মহারাণী পদ্মিনীর জয়” ইত্যাদি মঙ্গলধ্বনিতে চিতোরনগর প্রতিধ্বনিত হইলঃ সর্বত্রই কোলাহল, সকলেই আনন্দে উন্মত্তপ্রায়। রাণী মহারাজাকে হুরাওয়া যবনের হস্ত হইতে মুক্ত করিয়াছেন, ইহা শুনিয়া রাজপুরবাসিগণ আনন্দে নৃত্য করিতে লাগিল; ও নানাপ্রকার মঙ্গলানুষ্ঠান করিতে লাগিল। সৈন্যগণ স্ব স্ব অস্ত্র ও বসনভূষণ ধারণ করিয়া গগনভেদী কণ্ঠে জয়ধ্বনি করতঃ কামান ছুড়িতে লাগিল। রাজপুরীর প্রত্যেক দ্বারে কদলী-বৃক্ষ, তহুপরি পুষ্পমালা ও তল্লিকটে পূর্ণকুন্ত সংস্থাপিত হইয়া, রাজপুরীর অপূর্ব শ্রী-সম্পাদন করিতে লাগিল। রাজপুত্রগণ পিতাকে কারাগারামুক্ত দেখিয়া তাঁহার গলদেশ ধারণপূর্বক আনন্দাশ্রু বর্ষণ করিতে লাগিল। কি ইতর, কি ভদ্র, কি ধনী, কি নির্ধনী, সকলেই পদ্মিনীর অসাধারণ ক্ষমতা দর্শনে তাঁহার ভয়সী প্রশংসা করিতে লাগিল।

যুদ্ধব্যতীত পাপাত্মা যবনদিগকে চিরপবিত্র ক্ষত্রিয়রাজ্য হইতে দূরীভূত করা হুঃসাধ্য বিবেচনায় মহারাজ ভীমসিংহ পুনরায় যুদ্ধারম্ভকল্পনা স্থির করিলেন; ও সৈন্যদিগকে প্রস্তুত হইতে বলিলেন।

এদিকে যবনকুলকলঙ্ক পাপাশয় আলাউদ্দিন পদ্মিনীর বুদ্ধি চাতুর্য্য দেখিয়া স্থিরসিদ্ধান্ত করিল যে, এ সামান্য শত্রু নহে; এবং ইহার বিনাশ সাধন না করিলে যবনদিগের হিন্দুস্থানে সাম্রাজ্য সংস্থাপন হুরাশা মাত্র। মনে মনে ইহাও স্থির করিল যে, যে পর্য্যন্ত চিতোরনগর মরুভূমির প্রায় ধ্বংস না করিব, ও যে পর্য্যন্ত ভীমসিংহকে সস্ত্রীক বিনাশ না করিব সে পর্য্যন্ত কখনই দিল্লীতে প্রত্যাগমন করিব না। এইরূপ দৃঢ়সংকল্প হইয়া, আলাউদ্দিন আপন সৈন্যদিগকে স্তম্ভিত হইয়া চিতোর আক্রমণ করিতে আদেশ প্রদান করিলেন। এদিকে ক্ষত্রিয় সৈন্যগণও আপনাদিগের প্রভুকে পুনঃপ্রাপ্ত হইয়া দ্বিগুণভর সাহস ও পরাক্রম-

সহকারে সমর-ক্ষেত্রে প্রবেশ করিল। সংগ্রাম আরম্ভ হইল, কিন্তু ক্ষত্রিয় সেনাগণ ক্রমাগত যুদ্ধে অত্যন্ত কাতর হওয়ার, অনেক বিনষ্ট হইতে লাগিল। ক্রমে ক্ষত্রিয় সৈন্য হীনবল হইতে লাগিল, একে একে মহারাজ ভীমসিংহের কয়েক পুত্র রণশায়ী হইল। এই পৃথিবীতে সকলেই স্নেহবন্ধনে আবদ্ধ, এই বন্ধন কেহই ছিন্ন করিতে সমর্থ হন না। যিনি এই দৃঢ়তম বন্ধন ছিন্ন করিতে সমর্থ হইয়াছেন, তিনিই অদ্বিতীয় বীর, ও তিনিই বলশালী। তাঁহার বীরত্ব অনুপমেয়। যে রাজা ভীমসিংহ সমর-ক্ষেত্রে তরবারি ধারণ করিয়া কত সহস্র সহস্র শত্রুকে যমালয়ে প্রেরণ করিতে সমর্থ, অল্প সেই বীরভূষণ মহাবল পুরুষ পুত্রশোকে শব্যাগত, উত্থানশক্তি রহিত।

রাজা পুত্রশোকে নিতান্ত কাতর হইলেন, রাণী পদ্মিনী মহারাজের এমতাবস্থা দর্শন করিয়া নিতান্ত ভীতা হইলেন; এবং তিনি যদিও পুত্রশোকে নিতান্ত শোকাকুলা হইয়াছিলেন, কিন্তু তাঁহার মনের অপরিমিত দৃঢ়তাদ্বারা শোকবেগ স্তব্ধ করিলেন, এবং আপন পতির শৈশ্বর্য সম্পাদন ও উৎসাহবর্ধন বিষয়ে অত্যন্ত যত্নবতী হইলেন। পদ্মিনী বলিলেন; “মহারাজ শাস্ত্রে আছে— ‘বিপদে বিষণ্ণ এব কাপুরুষলক্ষণম্,’ অর্থাৎ বিপদে বিষণ্ণ হওয়া কাপুরুষের লক্ষণ। ভয়ানক বিপদ উপস্থিত, যবন সৈন্যগণ স্বর্ণময় চিতোরনগরের উচ্ছেদসাধনে প্ররত্ত হইয়াছে, রাজপুরীর চতুর্দিক অধিকার করিয়াছে, এবং আমাদিগেরও বিনাশ সাধন করিবে।”

মহারাজ ভীমসিংহ স্বয়ং সমরক্ষেত্রে প্রবেশ করিতে স্থির-সংকল্প হইলেন, এবং সৈন্যদিগকে নানাকার উৎসাহবাক্যে উত্তেজিত করিলেন। তাহারা প্রতিজ্ঞা করিল যে, “তব যবনদিগকে চিরপবিত্র ক্ষত্রিয় ভূমি হইতে দূরীভূত করিব, নতুবা সমরক্ষেত্রে প্রাণ-ত্যাগ করিব।” ক্ষত্রিয়দিগের এরূপ উৎসাহ ও দৃঢ়তা দেখিয়া, যবন-সৈন্যগণ অধিকতর পরাক্রমসহকারে রণক্ষেত্রে দণ্ডায়মান হইল।

যুদ্ধকরণ স্থিরীকৃত হইলে, রাজা ভীমসিংহ প্রিয়তমা পদ্মিনীর নিকট বিদায় গ্রহণ মানসে অন্তঃপুরে প্রবেশ করিলেন। রাজা বাস্পাকুললোচনে বলিলেন, “প্রিয়তমে আমার এ জীবনের জন্ত বিদায় দেও।” একে পুত্র-শোকান্ভিভূতা তাহাতে আবার মহারাজকে অশ্রুপূর্ণলোচনে বাবজীবনের তরে বিদায় প্রার্থনা করিতে দেখিয়া পদ্মিনী আর শোকবেগ সঞ্চার করিতে পারিলেন না। উচ্চৈশ্বরে ক্রন্দন করিয়া উঠিলেন। উভয়ে উভয়ের স্কন্ধোপরি মস্তক রাখিয়া রোদন করিতে লাগিলেন। অন্তঃপুরবাসিনীগণ রাজা ও রাজমহিষীকে এমতাবস্থ দেখিয়া, তাহারাও সকলে উচ্চৈশ্বরে ক্রন্দন করিতে লাগিল। রাজ-অন্তঃপুর ক্রন্দনকোলাহলে প্রতিধ্বনিত হইতে লাগিল। পদ্মিনী দেখিলেন বিষম প্রমাদ উপস্থিত, সকলেই শোকে অভিভূত, মহারাজ প্রায় চেতনাশূন্য। তিনি কথঞ্চিৎ শোকবেগ সঞ্চার করিয়া সকলকে প্রবোধ দিতে লাগিলেন ও মহারাজকে বলিলেন, “হৃদয়ব্রত! আর বিলম্ব করিবেন না। যবনেরা যোরতর যুদ্ধ আরম্ভ করিয়াছে, এ সময় আপনার অসুস্থস্থিতিতে সৈন্যগণের ভগ্নোৎসাহ হইতে পারে, অতএব অবিলম্বে সমরক্ষেত্রে প্রবেশ করুন। যদি এই বিদায় এ জীবনের শেষ বিদায় হয়, আর পরকাল যদি সত্য হয়, তবে ঈশ্বরের নিকট এই সার্বজনীন প্রার্থনা, যেন পরকালে আপনারই পত্নী হই।” রাজা বলিলেন, “প্রেয়সি, আমি কি এত পুণ্য সঞ্চয় করিয়াছি যে, পরকালে তোমার ন্যায় পত্নী পাইব! এস প্রেয়সি, জন্মের মত একবার আলিঙ্গন করি।” এই বলিয়া মহারাজ ভীমসিংহ পদ্মিনীকে বেষ্টিত করিয়া ধরিলেন; চারি চক্ষু মিলিত হইল, উভয়ে উভয়ের প্রতি শেষ দৃষ্টি-নিষ্ক্ষেপ করিলেন। মহারাজ বিদায় গ্রহণ করিয়া সমরক্ষেত্রে প্রবেশ করিলেন।

মহারাজ ভীমসিংহ বিদায় হইলে, পদ্মিনী মনে মনে বিবেচনা করিলেন, “বিধাতা আমাদের প্রতি যে রূপ প্রতিকূল হইয়াছেন, ইহাতে স্পষ্টই বোধ হইতেছে যে, এ যুদ্ধে আমাদের কখনই জয়-

লাভ হইবে না; বিশেষতঃ এবার যবন সৈন্যদিগের সংখ্যা অনেক বৃদ্ধি হইয়াছে, ও ক্রমাগত জয়লাভে অত্যন্ত উৎসাহান্বিত হইয়াছে। যবনদিগের জয়লাভ হইলে আমার ও অত্যাচার অন্তঃপুরবাসিনীদিগের সতীত্ব রক্ষা ভার হইবে। অতএব এখন একটা চিতা প্রস্তুত করিবার আদেশ করণ যাউক, এবং যবনদিগের জয়ধ্বনি শ্রবণ করিবামাত্র সকলে চিতারোহণ করিবা।” এই স্থিরসিদ্ধান্ত করিয়া তিনি আপন সখীদিগকে চিতা প্রস্তুত করিয়া উহাতে আরোহণ করিতে প্রস্তুত হইতে অনুমতি প্রদান করিলেন। যবনসৈন্যদিগের অসাধারণ পরাক্রমে ক্ষত্রিয় সৈন্যগণ ক্রমে হীনবল ও রণক্ষেত্রে পতিত হইতে লাগিল। ক্ষত্রিয় পক্ষ একবারে নিরাশ হইল। যবনদিগের জয়ধ্বনিতে চতুর্দিক প্রতিধ্বনিত হইল।

পদ্মিনী চিতারোহণের উপযুক্ত সময় বুঝিয়া তাহার সখীদিগকে আহ্বান করিয়া বলিলেন;—

“অই শুন! সখীগণ যবনের রব, করিয়াছে এবে বুঝি, ক্ষত্রে পরাভব।
অই শুন! যবনের, শব্দ মার মার,
করিল এবার বুঝি প্রাণেশে সংহার।
যাও হে প্রাণেশ যাও, অমরের পুরী,
পশ্চাতে ভেটিবে তথা তব সহচরী।
সখীগণ, বিলম্বে আর কিবা প্রয়োজন,
বিলম্ব হইলে হবে অনর্থ সাধন।
না জানি কখন এসে ম্লেচ্ছ হুরাচার,
অমূল্য সতীত্ব ধন, করে বা সংহার।
এস সবে মিলি চিতা করি আরোহণ,
পশিব পরমানন্দে, স্বরগ ভুবন।
ওহে পিতা দয়াময়, কান্দালশরণ,
প্রবেশিলু চিতানলে, সতীত্ব কারণ।
রূপা করে দয়াময় দীনা কণ্ঠাগণে,
লও হে অনাথনাথ আপনার স্থানে।”

এই বলিয়া পদ্মিনী সখীগণসহকারে চিতানলে প্রাণত্যাগ করিলেন।

স্বাস্থ্য-রক্ষা ।

শিশুর খাদ্য :—জীবনের অন্তিম অকহার অপেক্ষা শৈশব-কালে বিশেষ সাবধানতা ও যত্নের সহিত শরীরপালন করা আবশ্যিক। অতিভোজন ও অখাদ্যভোজন বশতঃ অধিকাংশ শিশু রোগগ্রস্ত ও অকালে মৃত্যুগ্রাসে পতিত হয়। এই নিমিত্ত উহাদিগের আহারের প্রতি বিশেষরূপে মনোযোগী হওয়া কর্তব্য।

প্রসবের পর প্রায় তিন দিবস পর্যন্ত প্রসূতির স্তন হইতে দুগ্ধ নির্গত হয় না। এই নিমিত্ত সদ্যোজাত শিশু মাতার স্তনদুগ্ধ হইতে বঞ্চিত হয়। এবং উহার পরিবর্তে আমরা ঐ কয়েক দিবস গাভীদুগ্ধ পান করাইয়া থাকি। শিশুদিগকে এই সময় কি আহার দেওয়া কর্তব্য তাহা বলিবার পূর্বে, উহাদিগকে কোন প্রকার আহার দেওয়া কর্তব্য কি না তাহা বিবেচনা করা আবশ্যিক। প্রসবের পরক্ষণে প্রসূতির স্তনে দুগ্ধ না থাকাতে এরূপ অসুস্থতা করা যাইতে পারে যে, যে পর্যন্ত মাতার স্তনে দুগ্ধ না আইসে সে পর্যন্ত সদ্যোজাত শিশুর পক্ষে কোন প্রকার আহার সৃষ্টিকর্তার অভিপ্রেত নহে; যদি তাহা হইত তাহা হইলে তিনি অবশ্যই তাহার কোনরূপ ব্যবস্থা করিয়া দিতেন। গর্ভাবস্থায় পাকযন্ত্রের ক্রিয়া না থাকাতে শিশু ভূমিষ্ঠ হইবামাত্র উহাকে আহারীয় দ্রব্য দ্বারা সহসা উত্তেজিত করিতে হইলে গীড়াদায়ক হইতে পারে। এই নিমিত্ত ভূমিষ্ঠ হইবার পর ক্ষণকাল পর্যন্ত শিশুদিগকে কোন প্রকার আহার না দেওয়াই বিধেয়। পরে বিশুদ্ধ জল কিম্বা উহা কিঞ্চিৎ চিনি বা মধুর সহিত মিশ্রিত করিয়া অল্প পরিমাণে দিলে পাকযন্ত্রের বিশেষ কষ্ট হইবে না। ক্রমে গাভীদুগ্ধ জলের সহিত সিদ্ধ করিয়া সেবন করাইলে উহা সহজে পরিপাক ও বলকারক হইবে।

অনেকেরই এরূপ সংস্কার আছে যে, সন্তান ভূমিষ্ঠ হইলেই উহাকে কিঞ্চিৎ আহার দেওয়া কর্তব্য নচেৎ গলা শুষ্ক হইয়া

ক্লেশকর হইতে পারে। পাছে দুগ্ধাভাবে নবজাত শিশুর কষ্ট হয়, এই নিমিত্ত এদেশের স্ত্রীলোকেরা গৃহে পূর্ণগর্ভা রমণী থাকিলে কিঞ্চিৎ গাভীদুগ্ধ রাত্রিকালের জন্য সংরক্ষণ করিয়া রাখিয়া থাকেন, শিশু ক্রন্দন করিলেই তাহার দুগ্ধসেবন করান এবং ক্রন্দন যে ক্ষুধারই একমাত্র চিহ্ন ইহাই বিবেচনা করিয়া থাকেন। এই কুসংস্কারবশতঃ প্রসূতিগণ তাহাদিগের নবজাত শিশুগণের কোমল পাকযন্ত্র এই গুরুপাক দ্রব্য দ্বারা পূর্ণ করিয়া তাহাদিগকে কত ক্লেশ দেন। অপাকদোষ জন্য শিশু ক্রন্দন করিলে ক্ষুধার নিমিত্ত এরূপ করিতেছে স্থির করিয়া পুনরায় ঐ দুগ্ধ সেবন করাইয়া পূর্বাপেক্ষা দ্বিগুণ গীড়া বৃদ্ধি করিয়া দেন এবং এইরূপ পালনে যে কত শিশু রোগগ্রস্ত ও অকালে কালগ্রাসে পতিত হয়, তাহার ইয়ত্তা করা যায় না। মাতার স্তনে দুগ্ধ আসিলে, সেই দুগ্ধই শিশুর প্রকৃত আহার। আট মাস পর্যন্ত শিশু স্তনদুগ্ধ পান করিবে। স্তনদুগ্ধ প্রচুর না হইলে গাভীদুগ্ধ কিয়ৎ পরিমাণে ব্যবহার করিতে পারা যায়। পরে দাঁত উঠিতে আরম্ভ হইলে ইহা বৃদ্ধিতে হইবে যে, দুগ্ধের সহিত কিঞ্চিৎ পরিমাণে অন্য প্রকার লঘু আহার দেওয়া কর্তব্য। এক বৎসর পরে শিশুকে স্তন ছাড়াইয়া, গাভীদুগ্ধ ও অন্যান্য খাবার অল্প পরিমাণে দেওয়া কর্তব্য, যথা সিদ্ধআলু, মৎস্য, গজা, মোহনভোগ ইত্যাদি। আমাদের দেশে প্রসূতিরা স্নেহবশতঃ এই নিয়ম অবহেলা করিয়া তিন চারি বৎসর বা অধিক কাল পর্যন্ত স্তন পান করাইয়া শিশুদিগকে রোগগ্রস্ত করেন।

কোন কারণ বশতঃ মাতার স্তনদুগ্ধ হইতে শিশু বঞ্চিত হইলে উহাকে অন্য প্রসূতির স্তনদুগ্ধ পান করান বিধেয়। তাহার অভাবে গাভী ছাগ বা গর্দভ দুগ্ধ দ্বারা শিশুগণকে পালন করা যাইতে পারে। ইহার মধ্যে গাভীদুগ্ধের গুণ প্রায় মাতৃস্তন-দুগ্ধের ন্যায়। ইহাতে চিনি ও জলের ভাগ অল্প থাকাতে কিঞ্চিৎ চিনি ও জল মিশ্রিত করিয়া ব্যবহার করা কর্তব্য।

রামাগণের রচনা ।

আমি তো বিধবা ।

এখন তরুণ যৌবন আমার,
এখন কামনা হৃদয়ে অপার।
তবে কেন প্রাণ চাহে নাকো আর
ধরিতে হৃদয়ে বরিতে আবার
পতিভ্রাবে পুনঃ, ধিক্ ! অন্য জনে ;
এই কি বাসনা রমণীর মনে ?

প্রাণ মন সব করিয়া 'অর্পণ',
প্রাণের অধিক, সুখেরি কারণ,
বাসিতাম ভাল দেখিতাম যার,
রমণীর গতি একই উপায়।
যাহার মিলনে অপার উল্লাস,
যার সহবাসে সতত প্রয়াস,
যাহার প্রমোদ প্রমোদ - কারণ,
যাহার যাতনা যাতনা-কারণ,
যিনিই জগতে রমণীর সার,
যিনিই দয়ার সাগর অপার,
তাহারে ভুলিয়া অন্যের প্রয়াস ?
রমণীর সাধ ? এতই বিলাস ?
এ জঘন্য কচি হিন্দু-ধীর-কুলে ?
ভারতের মনে স্বধরম ভুলে ;
রমণীর সাধ এই কি কেবলি ?
জীবনের সাধ ইথে কি সকলি ?

তবে কেন হায় শুনি এ সকল !
বল বোন বল কে লিখিল বল ?
কে লিখিল "হিন্দু কুলেরি অঙ্গার ?"
কে বলিল হিন্দু ম্লেচ্ছ হুরাচার
"এই কি তোদের দয়া সদাচার ?"
নহে কি ধরম দয়ার কারণ ?
নহে সদাচার, — সতীত্ব রক্ষণ ?

রমণীর সাধ চিকুর - বন্ধন,
বসন ভূষণ অঙ্গ - বিলেপন,
জানে তা সকলে, কাহাদের তরে ?
যৌবন গরিমা কর দিন তরে ?
হার রে কপাল ! ভারতজননী
বীর-সোহাগিনী সতী-প্রসবিনী,
কেন না জন্মিবে রমণী হেথায় ?
সীতা দময়ন্তী সাবিত্রী স্মৃশীলা ?
দ্রৌপদী প্রভৃতি, ধীমতী মহিলা,
আছিল যখন ভারত ধামে ?

পুরুষের সাধ করিতে বিবাহ,
যত বার পারে কক্ক কক্ক নিব্বাহ।
তাদের প্রণয় নহেক এমন ;
সতীর জীবনে একই মনন।
বিধির বিধান কেন না পারিবে ?
অবলার প্রাণে কেন না সহিবে ?
রাজরাজেশ্বর ব্রিটেন - বাসিরা,
নিজ ভুজবলে লইল কাড়িয়া,
জগত - বাঞ্ছিত ভারত - আসন।
তাদের রমণী পতিসোহাগিনী,
তাদের মহিলা পতি-আদরিণী ;
ক্রময়ে সতত যথা ইচ্ছা হয়,
বিধবা হইলে নাহি তার ভয় ;
রাজার পদ্ধতি রাজার মনন,
তাই বুদ্ধি সাধ হয়েছে এখন !

যুচাবে এমন ভারতনামে।
জগত ব্যাপিয়া হিন্দুর স্মৃশ
তাহে এ কলঙ্ক প্রদানে সাহস ?
সতী কি ধরিবে গণিকার বেশ ?
অবলার প্রতি এই উপদেশ ?
বেগুর স্বননে, চাঁদেরি কিরণে,
শুনিব কাননে, হেরিব গগনে ;
মরিব না হয় ! হৃদয় ফাটিয়া,
যাপিব জীবন কাঁদিয়া কাঁদিয়া।

বিধির মহিমা করিব কীর্তন,
ভারতের যশ করিব বর্দ্ধন।
বল বল বল কেঁদনা কেঁদনা,
ধ্রুগীর সদা ইহাই বাসনা;
বিধবার মনে ইহাই প্রধান,
পতিপদযুগ 'সে শুভ বয়ান;
সরল অধর সরল নয়ন;
সরল স্মৃহাস মানসরঞ্জন;
স্মরিয়ে সদাই মনের উল্লাসে
হাসিব গাইব গরিমা প্রকাশে।
লিখিবে তখন কতই লেখক,
বলিবে তখন কতই যুবক—
“পতিহীনা অই ভারতকামিনী,
পতিবিনা অই ভারত-রমণী;
মরি কি দুর্গতি অবলা বলে!

“হিন্দু কুলাজ্ঞার দিক্ হুরাচার
এই কি তোদের দয়া সদাচার?
মরি সে যৌবন হায়রে এখন!
অঙ্গের ভূষণ কোথা বিলেপন।
কিরূপের ছটা গিয়াছে মিলায়ে,
কবরী-বন্ধন পড়েছে এলায়ে।
দেখ গো সকলে ভারত-কামিনী,
পতিহীনা অই ভারতরমণী

হায় রে এমন অবলা বলে!”
তখন গরবে মনের উল্লাসে,
ধরিল লেখনী বলিব প্রকাশে;
ইহারাই সতী ভারত-সৌরভ,
অবনীর সার ভারত গৌরব।
ভারতের কোলে ইহারাই সতী,
পতির প্রণয়ে ইহাদেরি মতি,
জানে না কখন গণিকার আশ,
গণিকার বেশ গণিকা-বিলাস।
বিধবাবিবাহ নহে কি তাই?

ইহারাই সতী ভারতললাম,
প্রেমের মাহাত্ম্য সতীত্বের ধাম।
বলিয়া উল্লাসে দেখিব আপনি,
দেখিব তখন কে ধরে লেখনী,
ঘুচাতে জগতে ভারত-গৌরব,
জগত-বিখ্যাত সতীত্ব-সৌরভ।
বলনা ঈশ্বর দয়ার সাগর?
তুমিই কেশব গুণেরি আকর,
কে সবে বলে না হেন কুলাচার?
বিধবাবিবাহ করো না প্রচার,
তুমিই ভূদেব ভারতের দেব,
অজ্ঞান বাল্য করো গো ক্ষমা।

শান্তিপুত্র।

শ্রীমতী কামনা দেবী।

বিরহিণী।

তিমির-বসন পরি, দিনান্তে শর্কর,
আবরিল্য দশদিক অন্ধকার করি;
নিশীথ-রজনী, নিদ্রিত সব,
নীরব সকল, স্তম্ভিত ভব,
সভয় অন্তরে, শ্মশান প্রান্তরে,
এ সময় আছি, নাহি বাস্তব!

ঘন-ফটা-সমাপ্তর, স্মৃনীল গগন,
খেলিছে বিদ্রোহ তাহে সহাস্ত বদন;
গর্জিছে জীমূত ভীষণ নাদে
তটিনীর নীর নাচে আছাদে,
এরূপ দেখিয়া, ভয়ে কাঁপে হিয়া
বদন মলিন হল বিষাদে।

হেন কালে একি! শব্দ শ্রবণবিবরে
করিল প্রবেশ,—সেই শ্মশান প্রান্তরে

“হা নাথ! হা নাথ! কোথায় গেলে,
অভাগিনী ভাসে নয়নজলে,

যদি প্রেমময়, যাইবে নিশ্চয়,
কেন নাহি তবে আমায় নিলে ?”

হায় ! হায় ! একি শুনি মায়াবিনী-স্বর ?
অথবা রাক্ষসী এই শ্মশান-ভিতর ।

হৃদয়-বিদীর্ণ করিছে স্বর
পিল্লিতে শোণিত ? অথবা নর
হায় ! প্রিয়বর, করে আর্তস্বর
শোকের প্রবাহে হয়ে কাতর ?

একি রে প্রকৃত ? কিবা প্রবণের ভুল ?
কিছুই বুঝি না, বড় হৃদয় আকুল ।
সহসা গমন উচিত নয়,
দেখি দেখি পরে আর কি হয়,
পুনঃ সেই বাণী, যদি কর্ণে শুনি
যাইব সমীপে,—কিসের ভয় ?

আবার আবার সেই আর্তনাদ স্বর,
কাঁপায় শ্মশানস্থল অদূর প্রান্তর,
ভেদিয়ে অস্বর গিরি-হৃদয়,
শোক-বজ্র-ধনি ধ্বনিত হয় ;
শুনি সেই স্বর, কাঁপিল অন্তর,
শ্মশান ভিতরে হইল উদয় ।

যথা হ'তে শোক-অশ্রু করি আহরণ,
ত্রমিছে সকল স্থানে মলয়-পবন,
উৎকণ্ঠিত চিতে আশু গমনে,
উপজিনু সেই সমাধি স্থানে,
শার্দূল - শ্বাপদ - পিশাচ - দ্বিরদ,
সতত বিরাজ করে যেখানে ।

হিংস্র-জন্তুসমাকীর্ণ ভয়ঙ্কর স্থান,
শব-দেহ, শব-মুণ্ড ভয়াল শ্মশান ;
নৃমুণ্ড - মালিনী শব-আসনে,
খটাপরে, অট্ট হাসি বদনে,
পিশাচ - সজ্জিনী করাল - বদনী
বিরাজে ;—একি রে হেরি এখানে !!

মলিন বদন নারী বিলোলিত কেশ,
ক্রোড়াসনে শব-মুণ্ড ছিন্ন ভিন্ন বেশ,
কপোল রাখিয়া জাহুর পরে,
বিষাদিনী,—অশ্রু সতত ঝরে,
হা নাথ ! বলিয়া থাকিয়া থাকিয়া
শোকের প্রবাহে রোদন করে ।

ভাঙ্গিয়াছে শাখাপাতী, বলয়, কঙ্কণ
উন্মোচন করিয়াছে অঙ্গের ভূষণ,
মলিন - অঞ্চলে বিষণ্ণ - মুখে
বসিয়া, দহিছে পতির শোকে,
গালে দিয়া হাত, চিন্তে প্রাণনাথ,
ঝরিছে নয়ন বিরহ-হুখে ।

সঘনে নিশ্বাস বহে, অনল সমান,
পতি-গত-শোকানলে দহিছে পরাণ,
লাবণ্য - মধুর - সুসিদ্ধ মূর্তি,
বিমল-বদনে উজ্জ্বল স্মৃতি,
কমলিনী সমা, রূপে নিকপমা,
পতি চন্দ্র-বিনে বিসীর্ণা অতি ।

কাষ্মিনী - মানস - সরে, মরাল মতন,
সুশোভিত ছিল পতি মানস - রঞ্জন ;
কালেতে মরাল সে স্থান ছাড়ি
উড়িল ; দাক্ষণ-বিচ্ছেদে নারী
বিষণ্ন অন্তরে, শ্মশান - ভিতরে,
অনিবার ফেলে নয়ন - বারি ।

জ্বলিছে অদূরে তার প্রচণ্ড দহন,
বিভীষিকা ভয় কত করে উদ্দীপন,
নির্ভয়ে বসিয়া নবীন বালা,
আপনি ভোগিছে আপন জ্বালা,
কখন উদাস, কখন হতাশ,
কণী মগি-হারা মন উতলা ।

হেনকালে প্রভঞ্জন যুহুল গমনে
উপনীত হল সেই বিরহি - সদনে,

হেরিয়া তাহারে অতি সাদরে,
জিজ্ঞাসিলা ধনী কাতর স্বরে,
“শুন হে পবন, হৃদয় - রতন
দেখিয়া থাকিলে, বল আমারে ।

“সর্ব্ব ঘটে, সর্ব্ব স্থানে, তব যাতায়াত,
বল হে পবন সত্য কোথা প্রাণনাথ ?
শুন হে অনিল ধর বচন,
বধুর সমীপে কর গমন,
বহিয়ে তাঁহার, বাক্য সুধাধার,
সুশীতল কর মোর জীবন ।

“কোথা যাও ? কোন দেশে ? কিসের কারণ ?
বল বল সত্য বল মলয় - পবন ?
কেন নিরুত্তর বল হে বল ?
দর দর পড়ে নয়ন - জল,
আমি অনাথিনী, পতি বিরহিণী,
ভিজাই কাঁদিয়া শ্মশানস্থল ।

“বলিলে না ; যাও তবে মেহুর অনিল,
আহরণ করি মম নয়ন - সলিল,
ছড়াও সর্ব্বত্র এই বলিয়া,
বিরহিণী বালা কাঁদিয়া কাঁদিয়া
ভিজাইছে ধরা, তার অশ্রুধারা—
বেড়াইছি ক্ষিতি সঙ্গে লইয়া ।”

ক্রমশঃ ।

শ্রীমতী বঙ্গবালা ।

বঙ্গমহিলা ।

মাসিক পত্রিকা ও সমালোচন ।

নারী হি জননী পুংসাং নারী শ্রীকৃত্যতে বৃধৈঃ ।
তস্মাৎ গেহে গৃহস্থানাং নারীশিক্ষা গরীয়সী ।

বিবর ।

বিবর ।	পৃষ্ঠা
১। রমণী-হৃদয় ।	১১৩
২। কম্পনা ও কবি ।	১১৮
৩। বর্তমান সমাজ ।	১০৫
৪। স্বাস্থ্য-রক্ষা ।	১০৭
৫। বামাগণের রচনা ।	১০৯
৬। সংবাদসার ।	১১৬

চৌরবাগান-বালিকা-বিদ্যালয়ের অধ্যক্ষমতী হইতে
প্রকাশিত ।

কলিকাতা ।

শ্রীধরচন্দ্র বসু কোম্পানির বহুবাজারস্থ ২৪৯ সংখ্যক ভবনে
ষ্ট্যান্‌হোপ যন্ত্রে মুদ্রিত ।

১২৮৩ ।

বঙ্গমহিলার নিয়ম :

অগ্রিম বাৎসরিক মূল্য ১১০ টাকা মাত্র ।
 মফস্বলে ডাক মাশুল ১০ আনা ।
 প্রতি সংখ্যার মূল্য ২০ আনা ।
 বাণ্যাসিক বা ত্রৈমাসিক হারে মূল্য গৃহীত হইবে না ।
 পত্রিকা প্রাপ্তির সময় হইতে চারি মাসের মধ্যে অগ্রিম মূল্য
 না দিলে বঙ্গমহিলা আর পাঠান যাইবে না ।

সচরাচর অগ্রিম মূল্য না পাঠাইলে অপরিচিত নূতন গ্রাহ-
 কের নিকট 'বঙ্গমহিলা' পাঠান হইবে না ।

মনি অর্ডার বা ডাক টিকিট, বাহার বাহাতে সুবিধা হয়,
 তাহাতেই মূল্য প্রেরণ করিতে পারিবেন, কিন্তু ডাকের টিকিটে,
 ডাকার এক আনার হিসাবে বাতিল দিতে হইবে ।

মূল্য প্রাপ্তি স্বীকার বঙ্গমহিলার শেষ পৃষ্ঠায় করা হইবে ।
 কলিকাতা ও তন্নিকটবর্তী গ্রাহকগণ সম্পাদকের স্বাক্ষরিত
 ছাপা রিল ভিন্ন বঙ্গমহিলার মূল্য প্রদান করিবেন না ।

বিজ্ঞাপনের নিয়ম প্রতি পংক্তি ১০ আনা ।
 গ্রাহকগণ অগ্রিম মূল্য সত্ত্বর প্রেরণ করিয়া বাধিত করিবেন ।

বামাগণের গদ্য বা পদ্য রচনাবলী অতি সাদরে বঙ্গ-
 মহিলায় বিন্যস্ত হইয়া থাকে। অতএব সকলে প্রেরণ
 করিয়া বাধিত করিবেন ।

কলিকাতা, চোরবাগান, } শ্রীভুবনমোহন সরকার,
 মুক্তারাম বাবুর স্ট্রিট, ৭৭ নং । } সম্পাদক ।

বিজ্ঞাপন ।

১২৮২ সালের বঙ্গমহিলা একত্র বাধান প্রস্তুত আছে ।
 মূল্য ডাকমাশুল সমেত দুই ২ টাকা ।

১২৮২ সালের বঙ্গমহিলা ২য় ও ৩য় সংখ্যা বাতীত বাহার
 যে কোন সংখ্যা প্রয়োজন হইবে, প্রতি সংখ্যার মূল্য ডাকমাশুল
 সমেত ২০ দুই আনা প্রেরণ করিলে প্রাপ্ত হইবেন ।

রমণী-হৃদয় ।

এই বিশ্বসংসারে রমণীহৃদয় তুল্য উৎকৃষ্ট পদার্থ আর কিছুই
 দেখিতে পাওয়া যায় না। বাস্তবিক কোমলতা, সরলতা, ধর্ম-
 ভীকতা প্রভৃতি নানাবিধ সদা গুণে বিভূষিত হইয়া রমণীহৃদয় মনুষ্য-
 সমাজে যে এতাদৃশ আদরীয় হইবে ইহা বিচিত্র কি। এইরূপ
 না হওয়াই আশ্চর্যের বিষয়। যে হৃদয়ের বশবর্তী হইয়া নারী-
 গণ জগতের দুঃখ নিবারণ ও সুখ বৃদ্ধি করিতে সতত যত্ন করিতে-
 ছেন, বাহার প্রভাবে পৃথিবীর প্রায় সমস্ত মঙ্গল সাধন হইতেছে,
 তাহা যে অতি আশ্চর্য পদার্থ তাহাতে আর কোন সন্দেহ নাই ।

সকল কালে, সকল দেশে এবং সকল অবস্থাতেই নারীদিগের
 অন্তঃকরণের উৎকর্ষের পরিচয় পাওয়া যায়। বালিকাই হউক
 বা যুবতী হউক, প্রৌঢ়াই হউক বা বৃদ্ধাই হউক, সকল অবস্থাতেই
 রমণীহৃদয়ের কোমলতা দৃষ্ট হয়। ছোট ছোট বালিকাগুলি
 স্বকীয় ভ্রাতাভগিনীদিগকে কিরূপ আদর ও স্নেহের সহিত ব্যব-
 হার করিয়া থাকে, তাহা সকলেই জানেন। সমান বয়ঃপ্রাপ্ত
 বালকবালিকাদিগের মধ্যে শেষোক্তদিগের হৃদয় কত অধিক
 পরিমাণে স্নেহপূর্ণ থাকে তাহা বলা বাহুল্য। যৌবনকালে
 মাতৃপদে অভিষিক্ত হইয়া সেই বালিকাগণ স্বীয় সন্তানগণের
 প্রতি কি অপূর্ব স্নেহ বিস্তার করে। ক্রোড়ে শিশুকে রাখিয়া
 জননী প্রেমভরে যেভাবে শিশুর প্রতি একদৃষ্টে দৃষ্টি করিতে
 থাকেন তাহা দেখিলে একবারে স্বর্গসুখ অনুভব হয়। আর
 সন্তানের বয়সের সহিত মাতার স্নেহ কি বিচিত্ররূপে বর্দ্ধিত হইতে
 থাকে। তখন সন্তানের সহিত দেখা না হইলে জননীর হৃদয়
 কিরূপ ব্যাকুলিত হয়। তখন সন্তানের নামে নিন্দা শ্রবণ করিলে
 মাতার হৃদয় কীদৃশ ব্যথিত হয়। আবার সন্তানের প্রশংসাবাদে
 মাতার মনে কি অনির্বচনীয় সুখের উদয় হয়। পুত্রের স্বাস্থ্যের
 নিমিত্ত জননী কতদূর ক্লেশ স্বীকার করেন। পুত্র পীড়িত হইলে

স্বয়ং আহার বিদ্যা ত্যাগ করিয়া কিরূপে সন্তান আরোগ্যলাভ করিবে, ইহা ভাষিয়া মাতার প্রাণান্ত হয়। তখন পুত্র দোষী কি নির্দোষী পাপী, কি ধার্মিক ইহা ভাষিয়া মাতার যত্নের বৈলক্ষণ্য হয় না। বরং শারীরিক বা মানসিক দোষবিশিষ্ট হইলে পুত্র মাতার নিকটে বিশেষ আদর ও যত্নের পাত্র হইয়া থাকে। আর কেবল পীড়িত অবস্থাতেই বা কেন, সকল সময়েই দুর্বল বা কোন প্রকার ব্যাধিগ্রস্ত অসমর্থ সন্তানেরা মাতার নিকটে অধিক স্নেহভাজন হয়। স্বাভাবিক কোমল নারী-হৃদয় এ সকল অবস্থায় অধিকতর কোমলতা প্রকাশ করে।

পিতার অপত্যস্নেহ অপেক্ষা মাতার অপত্যস্নেহ কতদূর প্রগাঢ় দেখা যায়। পিতা সকল সন্তানদিগকে ভাল বাসেন বটে কিন্তু ইহাদিগের সকলকে সমানরূপে ভাল বাসেন না। কাহাকেও বা অধিক পরিমাণে স্নেহ করেন, কাহাকে বা তাদৃশ নহে। কিন্তু মাতা সকল পুত্রকে সমানরূপে দেখেন। এটি বিশেষ গুণসম্পন্ন এ নিমিত্ত ইহাকে বিশেষরূপে ভালবাসা উচিত, এরূপ ভাব মাতার মনে উদয় হয় না। সকল সন্তানগুলিকে সমানরূপে ও আতিশয্যের সহিত স্নেহ করিতে দেখিলে মাতার হৃদয়কে অক্ষয় স্নেহভাণ্ডার বলিয়া বোধ হয়। পতির প্রতি পত্নীর কি অসামান্য প্রণয় দেখিতে পাওয়া যায়। পতি পত্নীকে নানা-প্রকারে ক্লেশ দিয়াও তাহার প্রণয় দূরীকৃত করিতে পারে না। পতি অশেষবিধ দুশ্চরণে প্রবৃত্ত হইলেও পত্নী তাঁহার প্রতি কঠিন-হৃদয়া হইতে পারে না। কে না জানে কত কত পতি ধর্মপথ বহির্ভূত হইয়াও স্ব স্ব পত্নীদিগের হৃদয়ে স্থান প্রাপ্ত হইতেছেন। কিন্তু পত্নীদিগের সামান্য দোষ হইলে পতির কিরূপ আচরণে প্রবৃত্ত হইবেন। অধিক কি কোন প্রয়োজনীয় কার্যে ব্যস্ত থাকিয়া স্বামীর প্রতি স্নেহ প্রদর্শন করিতে অসমর্থ হইলে স্বামী মনে মনে কীদৃশ বিরক্ত হইবেন। পুরুষজাতির সকলেই এরূপ তাহা আমরা বলিতেছি না। অনেকেই পত্নীর প্রতি স্নেহ প্রকাশ করিতে

পারেন ও করিয়া থাকেন। কিন্তু তাঁহাদিগের সংখ্যা কত অল্প পরিমাণে দৃষ্ট হয়। তাঁহাদিগের কতগুলি স্ত্রীলোকের ন্যায় সহিষ্ণুতা দেখাইতে পারেন? তাঁহারা তাঁহাদিগের পত্নীদিগকে ভাল বাসেন সত্য, কিন্তু তাঁহাদিগের প্রণয়ের সহিত তাঁহাদিগের রমণীগণের প্রণয় তুলনা করিলে তাঁহাদিগের প্রণয় অনেকাংশে ঐন্দ্রিয়িক বলিয়া বোধ হয়। পত্নী-বিয়োগ হইলে কত সংখ্যক সেই পত্নীদিগকে স্মরণ রাখেন? পত্নীর মৃত্যুর অবিলম্বেই তাঁহাদিগের অনেকেই পুনরায় পাণিগ্রহণ করিয়া থাকেন। অনেকেই বলিবেন আমাদের এরূপ করিবার বিশেষ কারণ থাকে। আমরা সে সকল কারণ জানিতে ইচ্ছা করিনা। আমাদের বক্তব্য এই যে, তাঁহারা তাঁহাদিগের পত্নীদিগকে যে রূপ ভাল বাসিতেন তাহা তাঁহাদিগের আচরণ হইতে স্পষ্ট বুঝা যাইতে পারে। যে পত্নীকে প্রাণাপেক্ষা প্রিয়তর জান করিয়া তাঁহার মৃত্যুর অন্তিম-পরেই পুনঃ পাণিগ্রহণ করিতে তাহাদিগের ইচ্ছা হয়, তাঁহারা আপন আপন হৃদয়ের বিশেষ প্রশংসা কিরূপে করিতে পারেন, তাহা সহজে বোধগম্য হয় না। অনেকেই বলিতে পারেন স্ত্রীলোকদিগের এরূপ পুনর্বিবাহ করিবার ক্ষমতা থাকিলে তাঁহারাও স্বামীবিয়োগে এইরূপ পুনঃ পাণিগ্রহণে প্রবৃত্ত হইতেন। আমাদের এরূপ বোধ হয় না। বাস্তবিক অনেকা-নেক বিধবাদিগের পাতিত্রতা দেখিলে সম্পূর্ণ বিপরীত বিশ্বাস হইবার সম্ভাবনা। সহস্ররূপে কত শত রমণীর তু প্রাণত্যাগ করিয়াছেন। কিন্তু কোন্ পুরুষ পত্নীর মৃত্যু সময়ে তাঁহার সহিত এক চিতায় আরোহণ করিতে সমর্থ হইয়াছেন? ইহাতে রমণী-হৃদয়ের বিশেষ শ্রেষ্ঠতার পরিচয় দিতেছে। ইতিহাস পাঠে অবগত হওয়া যায়, যে নারীগণ পুরুষদিগের নিমিত্ত যাদৃশ ক্লেশ স্বীকার করিয়াছে, পুরুষেরা তাহাদিগের নিমিত্ত সেই ক্লেশের শতাংশের একাংশও স্বীকার করে নাই।

বাস্তবিক স্বার্থপরতাশূন্য হইয়া পরোপকার করা যদি প্রকৃত

প্রণয়ের প্রধান চিহ্ন হয়, তাহা হইলে রমণী-হৃদয়ে যাবতীয় প্রকৃত প্রণয় দেখা যায়। আপনাদিগকে কষ্ট দিয়া পিতা কি পুত্র, ভ্রাতা বা ভগিনী বা অপর জনের সুখসাধন করিতে নারীদিগকে যেরূপ যত্নবতী হইতে দেখা যায়, তাহা হইতে স্পষ্ট প্রতীয়মান হয় যে, পুরুষদিগের হৃদয় অপেক্ষা নারীদিগের হৃদয় অনেকাংশে অধিক কোমল। অধিক কি নারীগণ স্বভাবতঃ পুরুষাপেক্ষা ভীক ও ক্ষীণ হইয়াও বিপদের সময় অধিকতর সাহস ও ধৈর্য্য অবলম্বন করিয়া থাকে। যে সকল সময়ে অসমসাহসিক পুরুষেও ধৈর্য্যচ্যুত ও ভয়াক্রান্ত হইয়া যায়, সেই সময়েই ভীকস্বভাবা নারী প্রত্যুৎপন্নমতিত্ব ও কার্যদক্ষতার সুস্পষ্ট পরিচয় দেয়। রমণী-হৃদয়ের কোমলতাই তাহার কারণস্বরূপ হইয়া থাকে। নিকৃষ্ট প্রাণীদিগের মধ্যেও এরূপ ভাব দৃষ্ট হয়। যে সকল পশুরা স্বভাবতঃ ভীক ও দুর্বল তাহাদিগেরও স্ত্রীজাতির অপত্যের নিমিত্ত প্রাণ পর্যন্ত বিসর্জন দিতে পারে। রুখা বীরত্ব দেখাইতে নারীগণ ভয় পাইতে পারেন। কিন্তু প্রয়োজনানুসারে তাহাদিগের হৃদয়ও বীররসে পরিপূরিত হইয়া থাকে। দিল্লীর সম্রাট আল্লাউদ্দীন চিতোর জয় করিয়া তথাকার রাজা ভীমসিংহকে কারাগারে বদ্ধ করিলে পদ্মিনীনামী চিতোরাধিপতির পত্নী স্বামীকে কারাগার হইতে মুক্ত করিবার নিমিত্ত বাদৃশ সাহস প্রকাশ করিয়াছিলেন, তাহা ভারতবর্ষের ইতিহাসপাঠকমাত্রই বিশেষরূপে অবগত আছেন। দুর্বল রমণীদিগের সাহসের ও পরোপকারিতার আর একটি দৃষ্টান্ত আমরা উল্লেখ করিতেছি। ১৮৫৪ খঃ অব্দে ইউরোপে 'ক্রাইমিয়ান ওয়ার' নামে এক মহাযুদ্ধ হয়। এই যুদ্ধে অনেক ব্যক্তি আহত হইয়া সমুচিত যত্ন ও পর্যবেক্ষণ অভাবে অতিশয় কষ্ট পাইতেছিল। ইংলণ্ডে এই সংবাদ দেওয়ার পর কর্তৃপক্ষীয়েরা কোন সুচাৰু উপায় স্থির করিতে পারিল না। অবশেষে ফ্লোরেন্স নাইটিংগেল নামী একটি রমণী বিদেশে স্বদেশীয় লোকদিগের দাক্ষণ যত্না অভ্যুভব করিয়া আর কতিপয় ভদ্র-

বংশীয় স্ত্রীলোক সমভিব্যাহারে লইয়া স্বয়ং ক্রাইমিয়ায় উপস্থিত হইলেন। তথায় পৌছিয়া প্রতি চিকিৎসালয়ে গমন করিয়া সেনাদিগের যেরূপ সাদরপরিচর্যা করিয়াছিলেন, তাহা প্রবণ করিয়া জগতের সকলেই বিস্মিত হইয়াছে। সামান্য জিঘাংসার বশবর্তী হইয়া বীরতা প্রদর্শন অপেক্ষা নাইটিংগেলের সদয় পরোপকাররূপ বীরতা সহস্রাংশে শ্রেষ্ঠ বলিতে হইবে। ব্যাভিলাভে-ছায় অনেকেই সাহস প্রকাশ করেন এবং প্রশংসালভের নিমিত্ত অনেকেই সদমুষ্ঠানে প্রবৃত্ত হইতে পারেন। কিন্তু দয়াবতী নাইটিংগেলের ঋণ নিঃস্বার্থ পরোপকারে বতী হইতে নারী ভিন্ন অপর কাহারই সাধ্য নাই।

নারীগণ কেবল পতি বা পুত্রকে ভাল বাসিয়া ক্ষান্ত থাকেন, এমত নহে। পিতা মাতার প্রতি কন্যাদিগের বাদৃশ স্নেহ দেখা যায়, পুত্রদিগের তাহাদিগের প্রতি তাদৃশ স্নেহ দেখা যায় না। স্ত্রীলোকদিগের প্রণয় সর্বতোগামী দেখা যায়। পুত্র, পিতামাতার প্রতি যত স্নেহ প্রকাশ করুক না কেন, কন্যার স্নেহের সুন্দর মধুরতা তাহার স্নেহে দেখা যাইবে না। বাস্তবিক স্ত্রীলোক ভিন্ন অপর কেহ তাদৃশ মনোহর স্নেহ বিস্তার করিতে সমর্থ হইবে না। ইতিহাসে নারীর কমনীয় পিতৃ-স্নেহের ভূরি ভূরি উদাহরণ লিখিত আছে। তন্মধ্যে দুইটির আমরা উল্লেখ করিব, প্রথম-টীর কার্যক্ষেত্র ইটালী, দ্বিতীয়টীর, আসিয়াটিক কমিউনিস্ট অর্থাৎ সাইবেরিয়া। বীশুখ্রীষ্টের জন্মবার দুই বা তিন শতাব্দ পূর্বে সিসিলীদ্বীপে সিরাকিউস নামে নগরে ডায়নিসস নামে এক প্রসিদ্ধ রাজা ছিলেন। ডায়নিসস একদা একটি গ্রীসদেশীয় বৃদ্ধ বীরকে* আপনার বাজ্যে আনিয়া কারাবদ্ধ করিয়াছিলেন। কারাগারে তাহাকে যৎপরোনাস্তি ক্লেশ দেওয়া হইত। অধিক

* এই বীরের নাম টাইমলিয়ন ছিল। প্লুটার্কের 'জীবন বৃত্তান্তে' এই বিষয়ের সবিস্তার বর্ণনা দেখা যাইতে পারে। দুর্ভাগ্যবশতঃ অদ্যাপিও ঐ পুস্তকের বাঙ্গালা অনুবাদ হয় নাই।

কি ঐ বৃদ্ধের ক্রেশের নিমিত্ত তাঁহার আহারসামগ্রী পর্য্যন্ত বারণ হইয়াছিল। বৃদ্ধের একটী মাত্র কণ্ঠা ছিল ডায়নিসম্ সেই কণ্ঠাটীকে প্রত্যহ পিতার সহিত সাক্ষাৎ করিতে অনুমতি দিয়াছিলেন। কণ্ঠা পিতার জীবন রক্ষার কোন উপায় না দেখিয়া স্বীয় শিশুকে অশ্রু-সামগ্রী খাওয়ানিয়ার কারাগার মধ্যে প্রবেশ করতঃ পিতাকে আপন-নার স্তন্য দুগ্ধ পান করাইতেন। এইরূপে প্রত্যহ স্তন্য পান করাইয়া পিতার জীবন রক্ষা করিয়াছিলেন। তৎপরে পিতা কারাবাস হইতে মুক্ত হইলে তাঁহার সহিত স্বদেশে প্রতিগমন করেন। বোধ হয় সেই বীরের কণ্ঠার পরিবর্তে পুত্র থাকিলে, তাঁহার কোন প্রকারে জীবন রক্ষা হইবার সম্ভাবনা ছিল না। অপর উদাহরণটী এইরূপ। ইউরোপীয় কমীয়ায় প্রেসকোভিয়া নামে এক সম্ভ্রান্ত ব্যক্তি বাস করিতেন। একদা নিরপরাধে সম্রাট তাঁহাকে স্বদেশ হইতে নির্বাসিত করেন। মহাশীতবশতঃ সর্বদা ডুবানারূত সাইবেরিয়া প্রদেশে তিনি স্বীয় পত্নী ও এলিজাবেথ নামী একটী অষ্টম বা নবমবর্ষীয়া কণ্ঠাকে সমভিব্যাহার করিয়া কিছুকাল কষ্টে দিনপাত করেন। তাহাদিগকে দাসদাসীরা সতত পরিচর্যা করিত, তাহাদিগের আহারসামগ্রী প্রভৃতি নানাবিধ সুখকর বস্তু অনায়াসলভ্য ছিল, তাহাদিগকে স্বয়ং পরিশ্রম করিয়া যৎকিঞ্চিৎ জীবিকোপার্জনের নিমিত্ত যৎপরোনাস্তি ক্রেশ-ভোগ করিতে হইল। তাহারা সুন্দর অটালিকায় বাস করিয়া স্বচ্ছন্দে দিনপাত করিত তাহাদিগকে শীতকালে বনমধ্যে পর্ণকুটীর নিৰ্ম্মাণ করিয়া বাস করিতে হইল। এইরূপে তাহাদিগের ক্রেশের আর ইয়ত্তা রহিল না। এইরূপে কিছুকাল গত হইলে এলিজাবেথ এক দিবস পিতামাতার কথোপখন হইতে তাহাদিগের দুঃখ বিষয় অবগত হইয়া তাহাদিগের দুঃখ দূরীকরণের নিমিত্ত দৃঢ়প্রতিজ্ঞ হইলেন। পরদিবস পিতার নিকট হইতে সমস্ত রুতান্ত অবগত হইয়া পিতামাতার অনুমতি লইয়া তাহাদিগের উদ্ধারার্থে মস্কাউ অভিমুখে যাত্রা করিলেন। ব্যাঘ্র ভঙ্গুক প্রভৃতি

নানাবিধ বন্য জন্তুপরিপূর্ণ ভয়ানক কানন দিয়া, নির্ভয়ে গমন করিয়া এলিজাবেথ অবশেষে কমীয়ায় পদার্পণ করেন। তৎপরে সম্রাটের সহিত বহুকষ্টে সাক্ষাৎ করিয়া তাঁহাকে পিতামাতার অসীম ক্রেশ অবগত করাইলে সম্রাট তাহাদিগকে স্বদেশে প্রত্যাগমনে আদেশ করিলেন। এলিজাবেথ পুনরায় সাইবিরিয় গমন করিয়া পিতাকে স্বদেশে আনয়ন করিলেন। পিতার দুঃখ মোচনার্থ বালিকা এলিজাবেথ কি পর্য্যন্ত ক্রেশ স্বীকার করিয়াছিল তাহা বর্ণনা করা যায় না।

যথার্থ নারীর হৃদয়ের গুণব্যাখ্যা করিয়া শেষ করা যায় না। রমণীহৃদয়ের অসুতময়ী ক্ষমতা না থাকিলে আমাদিগের দুঃখের সীমা পরিসীমা থাকিত না। পৃথিবীর অশেষবিধ যন্ত্রণা সহ করিয়া হতাশ হইলে মাতা বা পত্নী বা ভগিনীর সম্মুখে মধুরালাপ ও সাদর পরিচর্যা কর্তৃক আশা সমুচয় পুনরুজ্জীবিত হইতে পারে। সত্য বটে কোন কোন দেশের সামাজিক পদ্ধতির দোষে তথাকার নারীদিগের হৃদয়ের সম্পূর্ণ মাধুরী দৃষ্ট হয় না; এবং সতত প্রতারিত হইয়া বা নিতান্ত কুশিক্ষা প্রযুক্ত তাহাদিগের সরলতার পরিবর্ত হইতে পারে। এরূপ হইলেও তাহাদিগের কোমলতা যথেষ্ট পরিমাণে দেখা যায়। বোধ হয় বিশ্বনিয়ন্তা সৃষ্টিরক্ষণের নিমিত্তই নারী-হৃদয়কে এইরূপ করিয়াছেন।

কম্পনা ও কবি ।

১

কম্পনে! তোমারে লয়ে এ বিশ্বের ভিতরে
কত লোক কতভাবে প্রতিফলে বিচরে।
চড়িয়া মানস রথে, প্রবেশে অগম্য পথে,—
স্বয়ং না পারে যথা পশিবারে কাতরে।
কেহ বা সাগর-তলে, কেহ বা মেঘের কোলে,
কেহ বা আরোহে গিয়া নভস্পর্শি ভূধরে
কেহ বা ধরারে কাটি, দেখে পাতালের মাটী,
কেহ বা প্রবেশ করে অন্ধকার গহ্বরে।

২

কেহ বা তোমার সনে প্রবেশে নিবিড় বনে,
 কেহ বা তোমার বলে হেঁটে যায় আকাশে ;
 কেহ বা তোমারে লয়ে উড়ে যায় নিরভয়ে,
 ভারী শরীরের ভর চাপাইয়া বাতাসে ;
 তোমার মারায়, সতি, হৃদরিদ্র কোটি-পতি,
 হতাশ বিশ্বাস করে, শুধু তব আশ্বাসে ;
 তুমিই কৌশল করি, (কি জানি—কিরূপ ধরি,)
 মুমূর্ষু জনেও আশা দাও প্রতি নিশ্বাসে ।

৩

তোমারে সহায় ক'রে কবির পরের তরে,
 অনাহারে অনিদ্রায় কাল কাটে ভ্রমিয়া ;
 শরীরে যতন নাই, চিন্তাশীল সর্বদাই,
 নিদ্রারে তাড়ায় দূরে পরতরে জাগিয়া ।
 সদা পাগলের মত, তোমা সহ কত শত
 কি যে গড়ে—কি যে ভাঙ্গে—কি যে গড়ে ভাঙ্গিয়া,
 দিবা নিশি কি যে বকে, দিবা নিশি কি যে দেখে,
 দিবা নিশি কি যে ভাবে, মনোভাবে মজিয়া ।

৪

দিবা নিশি কি যে করে সন্তরি আনন্দ-সরে,
 তুমি বই—সেই বই কে বুঝিতে পারিবে ?
 কবির মুখের কথা—কবির সুখের গাথা
 কবি জানে—তুমি জান—অন্য জনে নারিবে ।
 তোমার প্রসাদে, দেবি! নশ্বর জগতে কবি
 অনশ্বর ছবি সম চিরকাল থাকিবে ;
 যত দিন রবে তুমি, যত দিন রবে তুমি,
 মরে ও অমর হয়ে কবিকুল বাঁচিবে ।

৫

স্বর্গীয় করুণা তব কবিদের হৃদয়ে
 হেম খালে ফুল সম সদা থাকে শোভিয়ে ।
 তোমারি প্রসাদ শুধু, সুকবি-স্বর্গীয় মধু,
 দক্ষ জগতের কাণে সদা দেয় ঢালিয়ে ।
 দয়া না করিলে তুমি, এ নিখিল ধরা-ভূমি,
 (কি সন্দেহ?) থাকিত গো, কবিশূন্য হইয়ে ।
 এক মাত্র তুমি বই, কবির কেহই নেই,
 সর্বভাগী কবি শুধু তব পদ লোভিয়ে ।

৬

কবিরে বাণীর দয়া তোমারই কারণে ;
 দামিনী কি হাসে কভু কাদম্বিনী বিহনে ?
 কুহুমে যেমতি মধু, আকাশে যেমতি বিধু,
 তোমাতে তেমতি বাণী হাসে বীণাবাদনে ।
 কম্পনে গো, বলি তাই, তোমা ছাড়া কেহ নাই
 দরিদ্র কবির এই অসহায় ভুবনে ।
 দরিদ্র হয়েও কবি, আয়ত্ত করেছে সবি,
 কিছুই অভাব নাই, লভি তব চরণে ।

৭

তুমিই কবির ধন, তুমিই কবির মম,
 তুমিই কবির প্রাণ, সুখ, যশ, বাসনা ;
 তুমিই কবির, দেহ, তুমিই কবির গেহ,
 তুমিই কবির, সতি, সুধামুখী রসনা ;
 তুমিই কবির তন্ত্রী, তুমিই কবির মন্ত্রী,
 তুমিই কবির, কণ্ঠে মহামূল্য গহনা ;
 তুমিই কবির রাজ্য, তুমিই কবির কার্য,
 তুমিই কবির পুন রোগ, শোক, যাতনা ।

৮

কে চিনিত বেদব্যাসে, কে চিনিত কালিদাসে,
 কে চিনিত বাল্মীকিরে, কে চিনিত হোমারে ।
 কে চিনিত চণ্ডীদাসে, কে চিনিত কৃত্তিবাসে,
 কে চিনিত ড্রাইডন, বায়রন্, চসারে ?
 শ্রীমুকুন্দ মহাকবি—বঙ্গের উজ্জ্বল রবি—
 তুমি না চিনালে পরে, কে চিনিত তাঁহারে,
 সেক্সপীর, মিলটনে, মাঘ, ভট্টনারারণে—
 কেহ কি চিনিত, দেবি, এ ধরণী-আগারে ?

৯

আজিও অমর জ্যোতি দেখাত কি বিজ্ঞাপতি,
 শাদী, শেলি, টাসো, পোপ, কাউপার প্রভৃতি
 জাগিত কাহার মনে, কেই বা এ সব জনে
 স্মরিত ?—ঢাকিত মন এত দিনে বিস্মৃতি ।
 বরফচি, ভবভূতি, হাফেজ পারস্য-জ্যোতি,
 ভারত, ঈশ্বর, মধু বঙ্গকবি প্রভৃতি,
 চাঁদ কবি, জ্ঞানদাসে, ভারবী, তুলসীদাসে
 রাখিত কি মনে গাঁথি আজিও এ জগতী ?

১০

কল্পনে! এ সব কবি তব দয়া লভিয়া ;
 আজিও মানব-মনে রয়েছেন জাগিয়া ।
 কত কাল গত হ'ল, কত দিন ঘুরে এল,
 কত কাল কালক্রমে ক্রমে যাবে চলিয়া,
 সূর্যদেব কতবার উঠেছেন, কতবার
 উঠিবেন নীলাকাশে দীপ্তমুখ হইয়া ।
 এ সব কোবিদগণ তাঁর সহ অনুক্ষণ
 জেগেছেন নর-মনে—রহিবেন জাগিয়া ।

১১

নরদেহধারী যদি থাকে কোন দেবতা,
 কবিই সে দেব তবে, নাহি তার অন্তথা ।
 পরশ-মণির স্পর্শে লৌহে হেমগুণ অর্শে,
 কল্পনা দেবীর গুণে কবি ভূমি-দেবতা ।
 কি কাজ স্বর্গের দেবে, কি লাভ তাঁদ্বিগে ভেবে,
 জানা আছে তাঁহাদের নরে যত মমতা ;
 জানা আছে তাঁহাদের দৈব পরিচয় চের,
 জানা আছে তাঁহাদের যত দূর ক্ষমতা ।

১২

ষড়বিংশ বর্ষ প্রায় আমার চলিয়া যায়,
 স্বর্গের দেবতা আজো না দেখিছু নয়নে ;
 যোর বিপদের কালে আশ্বাসের কথা বলে,
 স্বর্গের দেবতা কেউ আছে কি এ ভুবনে,
 পড়েছি অনেক হুখে, আজো হুখ শত মুখে
 হৃদয় চূর্ণিছে মোর সুদারুণ চর্কণে,
 যন্ত্রণার দায়ে পড়ে কত ডাকি করষোড়ে,
 নিষ্ঠুর স্বর্গের দেব, নাহি চায় নয়নে !

১৩

কিন্তু গো কল্পনে, এই ভূমিতল মাঝারে
 তব ভক্ত কবিকুল অহর্নিশ আমারে,
 বাজায় মধুর বীণা বরষে সুখের কণা,
 তেমন সুখের ধারা বরষিতে কে পারে ?
 কবিই আমার মতে দেবতাই এ জগতে,
 কবি বই দেব নাই মম স্কুল বিচারে ।
 হুখের সংসারে সুখ থাকে যদি একটুক,
 কবিই সে সুখদাতা, সুখ ঢালে সুধারে ।

ভাব রক্ষা। আমরা কোমল শব্দে কেবল কোমলতাই লক্ষ্য করিতেছি না, স্ত্রীসহবাসে পুরুষ প্রভৃতির যে মনোহর ভাব হইয়া থাকে, আমরা তাহাকেই কোমলতা শব্দে লক্ষ্য করিতেছি। আমরা আমাদের সমুদায় মনোগত আরও স্পষ্ট করিয়া ব্যাখ্যা করিতেছি।

মনে করুন বঙ্গমহিলারা বর্তমানে একপ্রকার কারাবদ্ধ হইয়া আছে, উহাদের মধ্যে যাহারা নিতান্ত ধীরপ্রকৃতি, তাহারাও মধ্যে মধ্যে নগরাদির ব্যাপার দেখিবার নিমিত্ত ঔৎসুক্য প্রকাশ করিয়া থাকে। ওরূপ ঔৎসুক্য চরিতার্থ হইলে, যে কেবল তাহাদেরই ভোগলিপ্সা চরিতার্থ হয় এরূপ নহে, তাহাদের বহুদর্শনও বৃদ্ধি হইতে পারে এবং তদ্বারা সাধারণতঃ অন্তঃপুরের উৎকর্ষ সাধিত হইতে পারে। পুনশ্চ নগরাদি দেখিবার সময়ে পুরুষদিগেরও সঙ্গে সহচর আবশ্যক হইয়া থাকে, অথচ স্ত্রী যে এরূপ সাহচর্যের এক জন সম্পূর্ণ উপযোগিনী তাহার সন্দেহ নাই। ওরূপ সাহচর্যে উভয়েরই ভোগলিপ্সা বিশুদ্ধরূপে চরিতার্থ হইবার সম্ভাবনা আছে।

সকল বস্তুরই দুই ভাব দেখিতে পাওয়া যায়। ভালরও মন্দ দেখিতে পাওয়া যায়, আবার মন্দেরও ভাল দেখিতে পাওয়া যায়। তবে ভাগস্থলবিশেষে কাহারও অস্পষ্ট কাহারও বা অধিক দেখিতে পাওয়া যায় এই মাত্র বিশেষ। তন্মধ্যে যেস্থলে মন্দের অপেক্ষা ভালর ভাগ অধিক হইয়া থাকে আমরা তাহাই প্রশস্ত বলিয়া মনে করি। অতএব যদি আমরা এরূপ প্রমাণ করিতে পারি যে, স্ত্রীদিগের স্বাতন্ত্র্য হইলে তাহাদের মঙ্গলভাব অধিক হইতে পারে তবে পাঠককে অবশ্যই স্বীকার করিতে হইবে, যে অবরোধের অপেক্ষা স্বাতন্ত্র্যাদানই প্রশস্ত।

এখন প্রমাণ দেওয়া আবশ্যক হইতেছে। আমাদের মতে প্রমাণ অধিক দূর নহে, উহা প্রত্যক্ষ রহিয়াছে। বঙ্গসমাজের অপেক্ষা যে ইংরাজসমাজে স্ত্রীপুরুষের “সাধ আচ্ছাদ” অধিক হইয়া থাকে তাহা বোধ হয় সকলেই প্রত্যক্ষ দেখিতেছেন। কেহ কেহ

বলিয়া থাকেন যে, ইংরাজসমাজে ব্যভিচারভাগ অধিক হইয়া থাকে। আমরা স্বীকার করিলাম কিন্তু আমাদের জিজ্ঞাস্য এই যে, সমাজে শান্তিই যদি সর্বপ্রথম গণনীয় হয়, তবে কি সে শান্তি ইংরাজ-স্ত্রীপুরুষ-সমাজে আমাদের অপেক্ষা অধিক নহে। পাঠক হয় তো কহিবেন যে, সভাস্থলে স্ত্রীগণ উপবিষ্ট হইলে পুরুষের চঞ্চলতা বৃদ্ধি হইতে পারে। কিন্তু আমাদের বোধ হয় এরূপ চঞ্চলতা কমিয়া বাইতে পারে। কোন ব্যক্তি সভাস্থলে সাহেবের অপেক্ষা বিবীদিগকে অধিক লক্ষ্য করিয়া থাকে।

ফলতঃ আমরা স্ত্রী স্বাতন্ত্র্যের অপক্ষপাতকারী। কিন্তু বর্তমান সমাজে ওরূপ স্বাতন্ত্র্যের উপযোগিতা হইতে পারে না, বলিয়া আমাদের সংস্কার আছে। কারণ বর্তমানে স্ত্রীদিগকে স্বাতন্ত্র্য প্রদান করিলে আমাদের ভোগলিপ্সার চরিতার্থতা না হইয়া বরং ব্যাঘাত হইতে পারে।

ক্রমশঃ।

স্বাস্থ্য-রক্ষা।

পানীয়।

শরীরের পক্ষে পানীয় দ্রব্যের যে বিশেষ প্রয়োজন, পিপাসাই তাহার একমাত্র চিহ্ন। শরীরের সকল উপাদান মধ্যে জলই প্রধান। সমস্ত শরীরের তিন ভাগের দুই ভাগ জল এবং রক্তের চারি ভাগের তিন ভাগ বিশুদ্ধ জল। শরীরের মধ্যে যে পরিমাণে জল থাকা আবশ্যক তাহার অস্পতা হইলেই পিপাসা উপস্থিত হয় এবং জল পান করিয়া আমরা তাহা নিবৃত্তি করি। ক্ষুধা অপেক্ষা পিপাসার যাতনা অধিক বোধ হয়। অনাহারে বরং কিছুদিন জীবিত থাকা যায় কিন্তু জলপানে বঞ্চিত হইলে অপেক্ষাকৃত শীঘ্র মৃত্যু হয়।

শরীরের জলীয় ভাগ ত্বকের অসংখ্য লোমকূপ দ্বারা ঘর্মাকারে, ফুস্ফুস দ্বারা বাষ্প-আকারে এবং মূত্রাশয় দ্বারা মূত্ররূপে নিয়ত

শরীরহইতে নির্গত হইতেছে। অধিক পরিশ্রম করিলে বা উত্তাপিত হইলে শরীর হইতে জলীয় ভাগ অধিক পরিমাণে নিঃসৃত হইয়া পিপাসার সৃষ্টি করিয়া দেয়। গ্রীষ্মকালে বর্ষাদির আতিশয্য-বশতঃ শীতকাল অপেক্ষা অধিক জল পান করিতে হয়। পিপাসা উপস্থিত হইলেই জল পান করা কর্তব্য কিন্তু অধিক পান করিলে পীড়াদায়ক হইতে পারে। পাকস্থলীতে জলীয় পদার্থের অস্পতা হইলে খাওয়া উত্তমরূপে পরিপাক হইতে পারে না। জল বিলক্ষণ দ্রাবক। অজীর্ণ দোষ জন্ম কর্তৃক হইলে উপযুক্ত পরিমাণে জল পান করিলে বিশেষ উপকার হইয়া থাকে। কিন্তু আহারান্তে, পূর্বে বা আহারকালে অধিক পরিমাণে জল পান করা উচিত নয়। যে সকল শারীরিক পাচক রসের সংযোগে ভুক্তদ্রব্য পরিপাক হয়, সে সকল রস অতিরিক্ত জলের সহিত মিশ্রিত হইলে নিতান্ত নিস্তেজ হইয়া পড়ে এবং পরিপাক কার্যের বিঘ্ন হয়।

অধিক পরিশ্রম করিয়া বা উত্তাপপীড়িত হইয়া ঘর্মাক্ত হইলে তৎকালে শীতল জল খাওয়া উচিত নয়। যে সময় ত্বক হইতে ঘর্ম নিঃসরণ হইতে থাকে তখন ত্বকের দিকে রক্তের গতি হয়। এই সময় শীতল জল উদরস্থ করিলে রক্তের গতি ত্বকের দিক হইতে প্রত্যাগমন করিয়া হৃদয় ফুস্ফুস্ মস্তিষ্কপ্রভৃতি প্রধান যন্ত্র সকলের দিকে ধাবমান হইয়া উহাদিগকে পীড়িত করিতে পারে। এবং এই কারণে উষ্ণ পানীয় বা ভক্ষ্যদ্রব্য উদরস্থ করিবার অব্যবহিত পরে অধিক শীতল জলীয় দ্রব্য পান করা অবৈধ এবং দৈহিক পরিশ্রমের পর কিয়ৎকাল বিশ্রাম করিয়া স্নান করা কর্তব্য। অধিক উষ্ণ বা অধিক শীতল পানীয় দ্রব্য উদরস্থ করিলে পাকস্থলী পীড়িত হইয়া পাককার্যের বিঘ্ন জন্মাইতে পারে।

পানীয় দ্রব্যের মধ্যে জল সর্বোৎকৃষ্ট এবং উষ্ণপ্রধান দেশীয় লোকের পক্ষে বিশেষ উপযোগী। সুরাপ্রভৃতি অশুভ পানীয় দ্রব্য অপেক্ষা শুদ্ধ জল অধিক স্বাস্থ্যকর এবং জলপানকারিদিগকে অপেক্ষাকৃত দীর্ঘায়ু হইতে দেখিতে পাওয়া যায়। কিন্তু হৃৎকের

বিষয় এই যে, যে জল আমাদের শরীরের জীবনস্বরূপ এবং যাহার বিশুদ্ধতার উপর আমাদের স্বাস্থ্য নির্ভর করে তাহা বিশুদ্ধ-বস্তুর প্রায় পাওয়া যায় না। পুষ্করিণীর আবদ্ধ জল অপেক্ষা স্রোতাবহ নদীর জল অনেক ভাল। পল্লীগ্রামের কোন কোন দীঘি বা পুষ্করিণীর জল ভাল হইতে পারে কিন্তু জলে নানাপ্রকার দূষিত পদার্থ মিশ্রিত থাকায় উহাকে যন্ত্রের দ্বারা উত্তমরূপে বিশোধিত করিয়া ব্যবহার করিতে পারিলে বিশেষ উপকারী ও স্বাস্থ্যকর হইতে পারে। যে সকল পুষ্করিণী বৃক্ষাচ্ছাদিত নহে এবং যাহার তলা বালুকাময় তাহার জল প্রায় বিশুদ্ধ হইয়া থাকে। কিন্তু মনুষ্যের দ্বারা অধিক ব্যবহৃত হইলে উহাও ক্রমে দূষিত হইয়া পড়ে। স্রোতের উত্তম জলও বর্ষাকালে নানাপ্রকার দ্রব্যের দ্বারা মিশ্রিত হইয়া অপরিষ্কার হয়। সমুদ্রের বা উহার নিকটবর্তী নদীর জল অধিক লবণাক্ত বলিয়া ব্যবহার্য্য নহে। জল বিশুদ্ধ করিতে হইলে উহা বালুকা ও কাষ্ঠের কয়লার মধ্য দিয়া প্রবেশ করাইতে হয়। এই বালুকা ও কয়লার ভিতর দিয়া গমনকালে জলের দূষিত অংশ সকল উহাতে আকৃষ্ট হইয়া যায়, এবং জল বিশুদ্ধ হয়। এই প্রণালীতে কলের দ্বারা জল প্রস্তুত করিয়া এক্ষণে কলিকাতা ও অশ্রাণ নগরীতে ব্যবহৃত হইতেছে। আমরা এই বিশোধিত জলকে কলের জল বলিয়া থাকি এবং ইহা পরিষ্কার ও স্বাস্থ্যকর।

বামাগণের রচনা।

আর কেন ?

আর কেন প্রিয়মখি কম্পনে আমার
আসিতেছ হৃথিনীরে দিতে দরশন
বহুদিন করি নাই আলাপ তোমার
তাই কি চিন্তিত হ'য়ে করিছ গমন।

মরিয়াছে প্রিয়সখী সন্দেহ করিয়া
তাই কি আসিছ তুমি বিবন্ধ বদনে ?
সংসারের অভিনয় গেছে ফুরাইয়া,
বাকি শুধু আছে যেতে শমন সদনে ।

বহুদিন হ'তে সেই রয়ে'ছি মরিয়া
তথাপি কেন রে আত্মা করে না গমন
তার তো স্মিগুট তত্ত্ব না পাই ভাবিয়া
সন্তাপ - অনলে শুধু দহিতেছে মন ।

কেন লোকে অনলেরে সর্বভুক বলে
ভীষণ অগ্নির কুণ্ড অন্তরে আমার
কিবা দিবা কি রজনী অলক্ষণ জ্বলে
তথাপি কেননা আত্মা হয় ছারখার ।

প্রিয় সহচরি অগ্নি কল্পনা সুন্দরি
হৃদয়-আসনে তুমি বস না আমার
কোমল কুসুম - অঙ্গ আহা মরি মরি
ভীষণ অনলতাপে হইবে অঙ্গার ।

দাঁড়াও সম্মুখে তুমি অগ্নি নক্ষ-সখি
ক্ষণেক ভুবনশোভা হ'ক বিকশিত
দরবিগলিত নেত্রে ঘন ঘন দেখি
শান্তিরসে ক্ষণকাল পূর্ণ হ'ক চিত্ত ।

একি সখি কেন বল প্রকৃতি এখন
ধরিল এ ভীম বেশ অতি ভয়ঙ্করী,
তাম্রবর্ণ সমাকীর্ণ গগন বরণ
দরশন করি কেন আতঙ্কিতে মরি !

কেন এ ভীষণ মূর্তি শুন গো কল্পনে,
দেখাইছ অভাগীরে বল অলক্ষণ,
সেই চাক বিভাবরী সেইতো গগনে
শোভিছে নক্ষত্ররন্দ মানসমোহন ।

তুমিও তো সেই সখী কল্পনা আমার,
তবে কেন দেখাইছ এ চিত্র আবার,
মনে কর তুমিই তো কত শত বার
দেখায়েছ এই চিত্রে অদ্ভুত ব্যাপার ।

যে তারকাদল আহা বিরলেতে বসি
হেরিছি মোহন মূর্তি চাক দরশন,
ভেবেছি তোমার বলে ভাব-শ্রোতে পশি
হবেন নক্ষত্ররন্দ স্বর্গের ভূষণ ।

কিন্তু এবে সে সুন্দর শোভা কেন নাই,
সে মোহন চিত্র কেন করি না দর্শন ;
এ মুরতি হেরি কেন সদা ভয় পাই,
চমকিয়া উঠে কেন সদাই জীবন ।

নক্ষত্রকদম্ব হেরি অনন্ত গগনে,
বোধ হইতেছে যেন চূর্ণ ছতাসন
আসিতেছে অতি বেগে পৃথিবীর পানে
করিবারে দক্ষ হায় বিরহীগণ ।

হা নাথ ! হা প্রাণপতি ! নিষ্ঠুর হৃদয়
হুথিনী কি আরো জ্বালা সহিবে এখন,
অশ্রুধারা বরষিয়া জীবনের লয়
হইবে কি অধিনীর জীবনরতন !

হুখিনী কি চিরকাল এই ভাবে বসি
ঘোরতর বিভাবরী করিবে যাপন,
গভীর চিন্তার স্রোতে একাকিনী পশি
সকর্তরে তব মুখ করিবে স্মরণ।

নিরাশ-সাগরে কিন্তু তব মুখ-শশী
ভাসি ভাসি মুখ ভঙ্গী দেখাইছে হায়
নাহি বদনেতে আর সেই চাক হাসি,
অটু অটু হাসি হায় দেখায় আমায়।

হা নাথ, হা প্রাণপ্রিয়, জীবনজীবন,
হুখিনী-মুরতি আর আছে কি স্মরণ
নিরাশ সাগরে আহা করিয়া বর্জন
ভোলে নাই প্রিয়তম, তোমার তো মন ?

ভোলে নাই প্রিয়তম, তোমার তো মন
কেন চিন্তা হেন কথা করাও স্মরণ
“ভোলে নাই” ইহা যোগে নিশার স্বপন,
দারুণ নিষ্ঠুর তিনি পাষণ জীবন।

নতুবা কেমন করি এত দিন হায়
ভুলিয়া আছেন নাথ হয়ে নিরদয়,
মুহুর্তেক অদর্শনে গত যুগপ্রায়
গণিতেন যিনি হায় না দেখি আমায় !

কুমারীগণের মধ্যে এ অধিনী যদি
ছিল রূপহীনা ওহে হৃদয়রতন,
পরায়ণ প্রেমের হার কেন গুণনিধি
নিরাশ-সিন্ধুর মাঝে করিলে ক্ষেপণ।

বলেছিলে এক দিন মনে কি হে হুয়
প্রণয় — এ বর্ণত্রয় পৃথীজাত নয়
ঈশ্বর স্বয়ং যেন করি অধাময়
দিয়াছেন মানবেরে বিশুদ্ধ প্রণয়।

এই কি সে শুদ্ধ প্রেম বল না কঠিন ?
প্রেমের কি পরিণাম এই কি প্রাণেশ !
হুখিনীরে একা ত্যজি—করিয়া মলিন
কেন হে দিতেছ তুমি বল এত ক্লেশ।

এই যে গভীরতম ঘোর বিভাবরী
সমস্ত নিস্তক্কে এবে — জগত সুমায়
সবে মাত্র দেবদাক শন্ শন্ করি
দীর্ঘশ্বাস সহ নাথ জগত জানায়।

শূত্র গৃহে একাকিনী বসি শূত্রমনে,
কিবা ভাবি প্রাণেশ্বর গালে হাত দিয়া
এখন সে ভাব তুমি বুঝিবে কেমনে
বুঝাতাম অকোমল হলে তব হিয়া।

বুঝাতে তোমাকে নাথ হবে না আমায়
তোমার হৃদয় নয় তত বজ্রময়,
যত আমি ভাবিতেছি বলিতেছি হায় !
‘হা নাথ কঠিন এত তোমার হৃদয়।’

শ্রীমতী — দেবী।

বিরহিণী।

(পূর্ব প্রকাশিতের পর।)

“বলিয়ে পবনে ধনী মুছিয়া নয়ন,
কিছুকাল মৌনব্রত করিল ধারণ;
হেনকালে এক ভীষণ ধনি,
মেঘের গর্জন সদৃশ শুনি,
অথবা যেমত, কুলীশ প্রপাত
সেরূপ সঘনে কাঁপে ধরণী।

সচুকিতে সেইদিকে করি বিলোকন,
খড়াহস্তে উগ্রচণ্ডা ভীষণ দর্শন।

নাচিতে নাচিতে কামিনী পাশ
আসিয়া, করিল বিকট হাস
খাড়া খরশাণ, করে উত্তোলন
কভু বা বদন করে বিকাশ।

সঘনে ভীষণ শব্দ অতি ভয়ঙ্কর,
হেরিয়া কাঁপিল দেহ মানস অন্তর।
দেখিয়া তাহারে ধীর বচনে,
জিজ্ঞাসিল ধনী প্রফুল্ল মনে,
“আমি অনাথিনী, পতিবিরহিণী,
কি ভয় আমার দেহ পতনে ?

“আমার হৃদয়ে ছিল একটি প্রস্থন,
জাতি যুথী গোলাপে কি আছে তত গুণ ?
সু-গন্ধ বখন বিস্তার করে,
কাল-কীট পশি তার অন্তরে,
নির্মূল করিয়ে, লোক উথলিয়ে,
কেমনে রহিব সে ফুল ছেড়ে।

“রমণীর পতি জ্ঞান পতি সে জীবন,
পতি যপ, পতি তপ, অমূল্য রতন।
পতি-প্রেম-তরু করি ধারণ,
আজীবন নারী করে কর্তন,
সে পতি বিহনে, এ ছার জীবনে
কিবা প্রয়োজন, শুভ মরণ।

“আমি অনাথিনী নারী কি ভয় মরণে ?
পতির বিহনে আর কি ফল জীবনে ?

মারহ আমারে সহেনা আর
হুঃসহ - বিরহ - বাতনা - ভার,
খাড়া উত্তোলিয়া, কি মার আছাড়িয়া,
যেইরূপে হয় কর সংহার।

“হায় ! হায় ! কি বলিব দেবতারে আর,
জীবদাতা হয়ে শিব করেন সংহার।

স্বপ্নের সরস লেখনী দিয়া
লিখিতে গেলেন বিধি ভুলিয়া
কিবা কুট বিধি, বিধাতার বিধি,
হুখের কলমে থু(ই)লা লিখিয়া।

“অহে জুরমতি যম নির্মূর নির্লাজ,
এই কি উচিত ধর্ম অহে ধর্মরাজ !
করিয়ে আন্ধার স্বদরপুরী,
কেমনে লইলে পতির হরি ?
বল হে এখন, স্বধর্ম রক্ষণ
কি রূপেতে আমি অবলা করি ?

“তীক্ষ্ণ দস্তে শুদ্ধ অস্থি কর তুমি নাশ,
সতত জিঘাংসাবাদ করিবারে আশ।
তুষ্কপায়ী শিশু করি হরণ,
কি ফল লভ হে রবি-নন্দন ?
পুত্রশোকানলে, পিতা মাতা জ্বলে
কান্দে অনিবার কর লোকন।

“ধর্মরাজ হয়ে কর অধর্মাচরণ,
কেম তবে রথা নাম করিলা ধারণ ?
জানিবে হে তুমি জানিবে সার,
নামের মাহাত্ম্য শুধু প্রচার,
যদি ধর্ম চাও এ জীবন(ও) নাও,
থাকিতে বাসনা নাহি আমার।”

এত যদি বিরহিণী বলিল বচন,
বাঁয়স স্বকণ্ঠ-রবে পুরিল গগন।
পুরব গগনে উঠিল রবি
আরক্তিম গোল বিশাল ছবি,
উকণ উদিল, বিরহী মুদিল
ছাড়িল সংসার, ত্যজিল সবি।

শ্রীমতী বঙ্গবালা ।

সংবাদসার ।

গত ১লা জানুয়ারি তারিখে মহারাণী ভিক্টোরিয়ার “এম্প্রস” বা ভারতরাজরাজেশ্বরী উপাধিগ্রহণোপলক্ষে দিল্লীতে একটি মহতী-যজ্ঞ অতিসমারোহে সম্পন্ন হইয়া গিয়াছে। দিল্লী সহর হইতে প্রায় ৩৪ ক্রোশ দূরে উজীরাবাদ নামে একটি অতিবৃহৎ প্রান্তরের মধ্যস্থলে এই দরবারের অনুষ্ঠান হয়। এবং এই স্থানেই রাজা যুক্তিরের রাজস্বয় যজ্ঞ অনুষ্ঠিত হইয়াছিল। এই স্থানের মধ্যস্থলে একটি ষট্‌কোণাকৃতি গৃহ নির্মিত হয়। গৃহটির চূড়ার উপরে রাজমুকুট, তাহার নিম্নের ছাদ ক্রমশঃ নানাবিধ চিত্র বিচিত্র মহামূল্য বস্ত্রে আবৃত। চূড়া হইতে রসী খাটাইয়া ক্ষুদ্র ক্ষুদ্র পতাকা-শ্রেণী উড্ডীয়মান করা হইয়াছিল। ছয় কোণে ছয়টি সুবর্ণভূষিত দণ্ড, দণ্ডের উপর দুইটি দুইটি পতাকা স্থাপিত এবং ছাদের নিম্নে চারিদিকে রেশমী-বস্ত্রে ব্রিটিশসিংহের একটি বৃহৎ ও তিনটি ক্ষুদ্র মূর্তি স্থাপিত। গৃহের মধ্যে ছয়টি সুবর্ণদণ্ডে বেষ্টিত একটি সুবর্ণ-রাজসিংহাসন। গৃহের চারিদিক সুবর্ণভূষিত। এই গৃহের চারি-দিকে প্রশস্ত প্রাঙ্গন, পরে দুইদিকে অর্ধ গোলাকার সুদীর্ঘ বসিবার স্থান। চিত্র বিচিত্র বৃহৎ বৃহৎ সামিয়ানা দ্বারা এই স্থান আবৃত এবং সুবর্ণমণ্ডিত নানাপ্রকার কারুকার্যে শোভিত।

বেলা দুই প্রহরের সময় তুরীবাদন হইলে মহারাণীর ঘোষণা-পত্র পাঠ হইল এবং রাজপতাকা উত্তেজিত হইল। পরে ১০১ তোপধ্বনি হইল। অতঃপর রাজপ্রতিনিধি বক্তৃতা পাঠ করিলে জাতীয় সঙ্গীত বাদন ও আনন্দধ্বনি হইয়া যজ্ঞ সমাপ্ত হইল।

এই দরবারে বহুবিধ দেশীয় ও বিদেশীয় মহারাজা, রাজা, নবাব, সুবা ও সম্রাট লোকের সমাগম হইয়াছিল।

আমরা বিশেষ আশ্লাদসহকারে প্রকাশ করিতেছি যে, শ্রীমতী চন্দ্রমুখী বসু এ বৎসরের ইংরাজী প্রবেশিকা পরীক্ষায় ২য় শ্রেণীতে উত্তীর্ণ হইয়াছেন।

বঙ্গমহিলা ।

মাসিক পত্রিকা ও সমালোচন ।

নারী হি জননী পুংসাং নারী শ্রীকৃত্যতে বৃধৈঃ ।
তন্মাং গেহে গৃহস্থানাং নারীশিক্ষা গরীয়সী ।

বিষয়।	পৃষ্ঠা
১। স্ত্রী-স্বাধীনতা ।	২১৭
২। কল্পনা ও কবি ।	২২১
৩। পদার্থ-বিদ্যা ।	২২৫
৪। স্বাস্থ্য-রক্ষা ।	২২৬
৫। বঙ্গদেশে বর্ণবিভাগ ।	২৩১
৬। প্রাপ্তবয়স্কের সংক্ষিপ্ত সমালোচনা ।	২৩৩
৭। রামায়ণের রচনা ।	২৩৫

চোরবাগান-বালিকা-বিদ্যালয়ের অধ্যক্ষসভা হইতে
প্রকাশিত।

কলিকাতা ।

শ্রীদেবচন্দ্র বসু কোম্পানির বঙ্গবাজারস্থ ২৪৯ সংখ্যক ভবনে
ষ্ট্যান্‌হোপ বস্ত্রে মুদ্রিত ।

১৯২১

বঙ্গমহিলার নিয়ম ।

অগ্রিম বাৎসরিক মূল্য ১৫০ টাকা মাত্র ।

মফসলে ডাক মাশুল ১০ আনা ।

প্রতি সংখ্যার মূল্য ১০ আনা ।

বাণ্যাসিক বা ত্রৈমাসিক হারে মূল্য গৃহীত হইবে না ।

পত্রিকা প্রাপ্তির সময় হইতে চারি মাসের মধ্যে অগ্রিম মূল্য না দিলে বঙ্গমহিলা আর পাঠান যাইবে না ।

সচরাচর অগ্রিম মূল্য না পাঠাইলে অপরিচিত নূতন গ্রাহকের নিকট 'বঙ্গমহিলা' পাঠান হইবে না ।

যদি অর্ডার বা ডাক টিকিট, যাহার যাহাতে সুবিধা হয়, তাহাতেই মূল্য প্রেরণ করিতে পারিবেন, কিন্তু ডাকের টিকিটে, টাকায় এক আনার হিসাবে বাটা দিতে হইবে ।

মূল্য প্রাপ্তি স্বীকার বঙ্গমহিলার শেখ গৃহীত করা হইবে ।

কলিকাতা ও তরিকটবর্তী গ্রাহকগণ সম্পাদকের স্বাক্ষরিত ছাপা বিল ভিন্ন বঙ্গমহিলার মূল্য প্রদান করিবেন না ।

বিজ্ঞাপনের নিয়ম প্রতি পংক্তি ১০ আনা ।

গ্রাহকগণ অগ্রিম মূল্য সত্ত্বর প্রেরণ করিয়া বাধিত করিবেন ।

বামাগণের গদ্য বা পদ্য রচনাবলী অতি সাদরে বঙ্গমহিলায় বিন্যস্ত হইয়া থাকে। অতএব সকলে প্রেরণ করিয়া বাধিত করিবেন ।

কলিকাতা, চোরবাগান, } শ্রীভুবনমোহন সরকার,
মুক্তারাম বাবুর ষ্ট্রীট, ৭৭ নং । } সম্পাদক ।

বিজ্ঞাপন ।

১২৮২ সালের বঙ্গমহিলা একত্র বাধান প্রস্তুত আছে। মূল্য ডাকমাশুল সমেত দুই ২ টাকা ।

১২৮২ সালের বঙ্গমহিলা ২য় ও ৩য় সংখ্যা ব্যতীত যাহার যে কোন সংখ্যা প্রয়োজন হইবে, প্রতি সংখ্যার মূল্য ডাকমাশুল সমেত ১০ দুই আনা প্রেরণ করিলে প্রাপ্ত হইবেন ।

শ্রী-স্বাধীনতা ।

অনেকের এরূপ সংস্কার আছে যে, স্বাধীনতার অভাব-বশতঃ দেশের প্রকৃত উন্নতির ব্যাঘাত হইতেছে, এবং এই স্বাধীনতাশ্রোত সমাজের পুরুষসম্প্রদায় মধ্যে বদ্ধ না থাকিয়া যাহাতে অন্তঃপুর মধ্যে প্রবাহিত হয়, তাহার জন্ত তাঁহারা বিশেষ যত্ন করিয়া থাকেন । সাম্যত্বের ভঙ্গুর ভিত্তির উপর দণ্ডায়মান হইয়া তাঁহারা অন্তঃপুরচারিণী বঙ্গকামিনীদিগকে পৌক্বভাবাপন্ন করিবার প্রয়াস পাইয়া থাকেন । ঈশ্বর অপক্ষপাতী, স্ত্রী পুরুষ উভয়ই তাঁহার সৃষ্টি, সুতরাং তাহাদের উভয়েরই সমান অধিকার ইহাই তাঁহাদের সার যুক্তি । উভয়ের মানসিক বৃত্তি বৈষম্যের প্রতি দৃষ্টি না করিয়াই তাঁহারা এই সাম্যবিধি সংস্থাপনার্থে ব্যাকুল । পরিমিত স্বাধীনতা যে নিতান্ত বাঞ্ছনীয় বস্তু, অশেষ মঙ্গলের হেতু, সামাজিক উন্নতির প্রথম সোপান ও মনুষ্যনামের গৌরব তাহার আর সন্দেহ নাই । কিন্তু সাবধান হওয়া উচিত, পাছে আমরা চন্দনতরুভ্রমে বিষরক্ষে জলসেচন করি, কুমুমদামভ্রমে ভয়ঙ্কর বিষধরকে কণ্ঠে ধারণ করি, স্বাধীনতাভ্রমে যথেষ্টাচারিতাকে প্রশ্রয় দিই । এখন প্রায়ই দেখিতে পাওয়া যায় যে, অনেকে স্বাধীনতার উপাসনা করিতে যাইয়া উৎসাহাধিক্যবশতঃ নিতান্ত মত্ত হইয়া পড়েন এবং মধ্যবিস্মৃতে দণ্ডায়মান হইতে অসমর্থ হইয়া এক বা অপর প্রান্তে অগনীত হন । এইরূপে স্বাধীনতার অপব্যবহার হইতেছে, এইরূপে যথেষ্টাচারিত্ব স্বাধীনতার চাকচিক্যময় পরিচ্ছদে আবৃত হইয়া বঙ্গসমাজ মধ্যে প্রবেশ করিতেছে । এরূপ আশঙ্কা করা নিতান্ত অমূলক নহে, যে এই স্বাধীনতার উপাসনা উত্তরোত্তর প্রচলিত হইলে অচিরেই বঙ্গসমাজ মধ্যে ঘোরতর বিশৃঙ্খলতার আধিপত্য সংস্থাপিত হইবে ।

আমরা স্ত্রী-স্বাধীনতার বিরোধী নহি কিন্তু সাধারণে স্ত্রী-স্বাধীনতার যে অর্থ প্রদান করেন তাহা ভ্রান্তিমূলক বলিয়া আমাদের

বিশ্বাস। ভাল মন্দ যাহা শিখাইব তাহাই শিখিবে, আহার করিতে দিলে আহার করিবে, আজীবন পরিচারিকাত্বত অবলম্বন করিয়া পুরুষপরিচর্যা নিযুক্ত থাকিবে, পুরুষদিগের সুখসাধনের স্বল্প-স্বরূপ হইয়াও তাহাদের হস্তে ক্রীড়া কল্পকের স্থান থাকিয়া নারী-লীলা শেষ করিবে, এপ্রকার স্বার্থপর মতের আমরা কোনক্রমেই অস্বীকার করি না। পক্ষান্তরে মহিলাগণ অক্ষয়ী শিশুকে স্তম্ভ প্রদানে বিরত হইয়া কঠোর বিজ্ঞানের আলোচনা করিবে, কুসুম-কোমল ভাব পরিহার করিয়া রাজনীতির কূটতত্ত্বাংশীলনে নিবিষ্ট হইবে, সুকোমল হস্তে পীড়িত আত্মীর সেবাসুশ্রীয়া করা অপেক্ষা, সুমধুর আশাসূচক বাক্যে তাহাকে সান্ত্বনা করা অপেক্ষা মহাসম্ভার মহাবক্তৃত্ব দ্বারা দেশের হিতাহিত ব্যবস্থাবিধি প্রদান করাকে গুরুতর কর্তব্য বলিয়া জ্ঞান করিবে, অথবা পারিবারিক সুখ সুচাক কার্যে জলাঞ্জলি দিয়া সামাজিক কঠোর কার্যে নিযুক্ত হইবে, এরূপ স্ত্রী পুরুষকারী মতেরও বিরোধী। আমরা এই উভয় প্রান্তের মধ্যবিন্দুতে দণ্ডায়মান হইতে বাসনা করি।

স্বাধীনতা অর্থে আপনার অধীনতা, ঈশ্বর আমাদের মধ্যে যে সকল মনোবৃত্তি প্রদান করিয়াছেন স্বাধীনভাবে সে সকলের সম্যক পরিচালনা করা স্বাধীনতার নামান্তর মাত্র। আমার মধ্যে যে সকল কোমলভাব আছে তাহা উপেক্ষা করিয়া আমি যদি অস্ত্রের কঠোর প্রবৃত্তির উপাসনা করি তাহা আমার অনধিকার চর্চা, আমার স্বৈচ্ছাচারিতা; আমার বাহ্য তাহারই পরিচালনা আমার কার্য, অস্ত্রের সম্পত্তিতে হস্তার্পণ করিবার আমার অধিকার কি? এরূপ উচ্ছান্তিলাস সর্বতোভাবে পরিহার্য। স্ত্রী ও পুরুষজাতির শারীরিক বৈষম্যের সহিত প্রকৃতিগত বৈষম্যও যে প্রচুর ইহা জানিবার নিমিত্ত পুস্তক পাঠের আবশ্যিকতা নাই। এই প্রকৃতিগত বৈষম্য হইতে উভয়ের সামাজিক অবস্থার বৈষম্যের আবশ্যিকতা সহজেই প্রতিপন্ন হইতে পারে। স্ত্রীপুরুষের পরিচ্ছদ বিভিন্ন, বেশভূষা বিভিন্ন, শরীরের কোন কোন অংশ সম্পূর্ণ বিভিন্ন, প্রকৃতি অনেক

অংশে বিভিন্ন, সুতরাং তাহাদের সামাজিক অবস্থাও যে বিভিন্ন হইবে তাহা অনায়াসেই বুঝিতে পারা যায়। বলপূর্বক স্ত্রীপুরুষের সামাজিক অবস্থা সমান করিতে যাইয়া অনর্থক স্বেচ্ছাভাবের সহিত যুদ্ধ করিবার প্রয়োজন কি? আর এক কথা, সমাজের সুশৃঙ্খলতা রক্ষার্থে সকলেরই আপনার আপনার সীমার মধ্যে বদ্ধ থাকা উচিত; আপনার সীমা অতিক্রম করিয়া অপরের সীমায় বল পূর্বক প্রবেশ করিলে সামাজিক বিপর্যয় অবশ্যস্বাভাবী। তন্নিবন্ধন যিনি যে কার্যের নিমিত্ত নির্দিষ্ট তাহার সেই কার্যই কর্তব্য, আপনার কার্য পরিত্যাগ করিয়া অপরের অংশ গ্রহণ করিবার প্রয়াস কেবল সামাজিক অনর্থের হেতু। এই প্রকার কার্যবিভাগ সামাজিক শৃঙ্খলা রক্ষা করিবার প্রধান উপায়।

যদি দেশের সকলেই বীরত্বত গ্রহণ করিয়া সমরাজ্ঞে দণ্ডায়মান হইত, সুমন্ত্রণা প্রদান করিয়া দেশের সুনিয়ম রক্ষা কদাপি সম্ভব হইত না। অথবা যদি সকলেই মন্ত্রী হইতেন তবে শত্রুশোণিতে মেদিনী রঞ্জিত করিয়া কে দেশের স্বাধীনতা রক্ষা করিত? এই নিমিত্ত কেহ রাজা, কেহ প্রজা, কেহ মন্ত্রী, কেহ যোদ্ধা, হওয়া আবশ্যিক। এই নীতিতত্ত্ব আলোচনা করিলেই স্ত্রীপুরুষের সামাজিক অবস্থা বৈষম্যের আবশ্যিকতা সহজেই উপলব্ধ হইতে পারে। পুরুষ স্বভাবতঃ উগ্র ও কঠোর, তিনি তাহার স্বভাবোপযোগী কর্মে নিযুক্ত থাকুন, নীরস রাজনীতির গভীর অধ্যয়নদ্বারা সুশাসন সংস্থাপন করুন, অর্থোপার্জন করিয়া পরিবারের ভরণপোষণ করুন, কঠিন বিজ্ঞানের আলোচনা করিয়া বৈজ্ঞানিক অদ্ভুত ক্রিয়াদ্বারা দেশের হিতসাধন করুন। পক্ষান্তরে স্ত্রীগণ স্বভাবতঃ কোমল ও মাধুর্যময়; উগ্রতা, কঠোরতা তাহাদের অভিধানে নাই; বাস্তবিক বঙ্গমহিলাকে দেখিলেই বোধ হয় যেন স্নেহ, দয়া, প্রকৃতি সুকোমল ভাব সকল মূর্তি গ্রহণ করিয়া অবতীর্ণ হইয়াছেন। স্ত্রীগণ আপনাদের স্বভাবোপযোগী কর্মে নিযুক্ত থাকিলেই প্রকৃতি স্বাধীনতা সম্ভোগ

করিবেন। যে কার্যে নিযুক্ত হইলে তাহাদের স্বাভাবিক কোমলতা ও মাধুর্যের বিনাশ সম্ভাবনা তাহাই তাহাদের স্বাধীনতাপহারক। সম্ভানুসন্ততির লালনপালন, পারিবারিক শৃঙ্খলাবিধান, গুরুজনের পরিচর্যা, পীড়িতের শুশ্রূষা, সরল নীতিপুস্তক পাঠ, সুমিষ্ট কাব্য আলোচনা, নির্দোষ সঙ্গীতশিক্ষা প্রভৃতি তাহার কার্য; এসকল পরিত্যাগ করিয়া যদি তিনি পৌরুষকার্যে ব্রতী হন সমাজে তাহার নিন্দা অবশ্যস্বাভাবী। এরূপ কার্যকে দাসীত্ব বিবেচনা করিয়া নারীদিগের জন্ম যাহারা হুঃখিত হইবেন, তাহাদের বিবেচনা করা উচিত যে, স্বর্ষোদয়ের সমকালেই প্রায় অর্দ্ধাশন করিয়া যাহারা তাড়াতাড়ি কার্যালয়ে গমন করে, সমস্ত দিন বেত্রাসনে ঋজুভাবে আসীন হইয়া সারংকাল পর্যন্ত হংসপুচ্ছ পরিচালনা করে এবং নির্দয় প্রভুর তাড়নাচিহ্ন উভয় গণ্ডে ধারণ করিয়া পরদিবসের ভাবীলাঞ্ছনা ভাবিতে ভাবিতে বিমলিন বদনে যাহারা গৃহে প্রত্যাগমন করে, তাহাদের অবস্থা আরও কত শোচনীয়। যাহা হউক অল্পধাবন করিলে প্রতীতি হইবে যে, উভয়েরই একরূপ অবস্থা, উভয়েই আপন আপন অবস্থায় সন্তুষ্ট থাকিলেই সকল বিবাদের মীমাংসা হইবে। অপিচ নারীদিগের কোমল ও মধুর স্বভাবের ব্যভিচার হইলে সমাজ স্বর্ষ্যকিরণমুখ মঞ্চভূমির অবস্থায় উপনীত হইবে। কেবল উগ্রতা ও কঠোরতা চতুর্দিক ধুধু করিতেছে, কোথাও সুখ নাই, দাঁড়াইয়া শান্তি নাই, উপবেশনে আরাম নাই, এরূপ অবস্থার অপনোদনার্থে স্ত্রীদিগের কোমলতা একান্ত আবশ্যিক। স্ত্রীর কোমলতা পুরুষের উগ্রতার প্রতীকার। পুরুষসংসারচিন্তার অশান্ত ও অস্থির হইয়া পড়িলে স্ত্রীর অমৃতবর্ষী কোমল বাক্য তাহাকে আশার সমাচার প্রদান করিবে; কঠোর স্বভাববশতঃ সহসা ক্রোধান্বিত হইলে স্ত্রীর একটা দীর্ঘনিশ্বাস বা একমাত্র অশ্রুবিন্দু সে ভীমকৃৎ মূর্তির স্থানে সৌম্য প্রশান্ত মূর্তি আনয়ন করিবে। যে স্ত্রী এ কার্যে অক্ষম তাহার স্ত্রীত্ব নাই। পক্ষান্তরে শোকে তাপে মুহমান হইলে পুরুষের

জ্ঞানগর্ভ উপদেশ নারীর মুষ্টিতে শান্তিবিধান করিবে। কোন প্রকার অশ্রয় কার্যে নিযুক্ত হইলে পুরুষের একমাত্র অপাঙ্গ দৃষ্টি বা সতেজ জ্জ্বলন্ত স্ত্রীকে প্রচুর শিক্ষা প্রদান করিবে, এ কার্যে যে পুরুষ অক্ষম তাহার পৌরুষ নাই। এইরূপে একের কঠোরতা দমনার্থে অপরের কোমলতার সাহায্য আবশ্যিক। এই দুই বিষয় স্বভাব অবিকৃতভাবে সম্মিলিত হইয়া কার্য করিলে মঞ্চভূমিতে সরিৎ প্রবাহিত হয়, বিষরক্ষ অমৃতফল প্রসব করে, শোকহুঃখ পরিপূর্ণ সংসার সুখের আকর হয়, পরিবার দাম্পত্য প্রণয়রসে পরিপ্লুত হয়।

কম্পনা ও কবি।

(পূর্ব প্রকাশিতের পর।)

১৬

তোমার প্রসাদে কবি ধূলিমুক্তি ধরিয়া,
প্রকাশে স্বর্গীয় তেজ স্বর্গমুক্তি করিয়া,
যেখানে কিছুই নাই, সেখানে দেখিতে পাই,
কবির তুলিকা চলে দৈব ছবি আঁকিয়া।
স্থূল বুদ্ধি যেইখানে নাহি পশে কোনক্রমে,
লৌহেকাষ্ঠ গোলাসম ফিরে আসে ঠেকিয়া,
কবি-বুদ্ধি সেইখানে, তব দৈব দৃষ্টি দানে,
অন্যসে প্রবেশ করে, স্তরে স্তরে বিঁধিয়া।

১৭

কম্পনে তোমার বলে, আকাশের উপরে
কবির অতুল শক্তি রক্ষা করে ভুধরে;
জলশূন্য মঞ্চভূতে বহায় প্রবল স্রোতে
অশুক-সলিলা নদী নিমিষের মাঝারে;
বনেরে নগর করে, নগরেরে বন করে,
নাচার সাগর - চেউ পর্বতের উপরে;
ভাসায় পর্বতমালা সুগভীর সাগরে।

করিবেন। যে কার্যে নিযুক্ত হইলে তাঁহাদের স্বাভাবিক কোমলতা ও মধুর্যের বিনাশ সম্ভাবনা তাহাই তাঁহাদের স্বাধীনতাপহারক। সন্তানসন্ততির লালনপালন, পারিবারিক শৃঙ্খলাবিধান, গুরুজনের পরিচর্যা, পীড়িতের শুশ্রূষা, সরল নীতিপুস্তক পাঠ, সুমিষ্ট কাব্য আলোচনা, নির্দোষ সঙ্গীতশিক্ষা প্রভৃতি তাঁহার কার্য; এ সকল পরিত্যাগ করিয়া যদি তিনি পৌরুষকার্যে ব্রতী হন সমাজে তাঁহার নিন্দা অবশ্যস্বাভাবী। এরূপ কার্যকে দাসীত্ব বিবেচনা করিয়া নারীদিগের জন্ম যাহারা হুঃখিত হইবেন, তাহাদের বিবেচনা করা উচিত যে, সূর্যোদয়ের সমকালেই প্রায় অর্দ্ধাশন করিয়া যাহারা তাড়াতাড়ি কার্যালয়ে গমন করে, সমস্ত দিন বেত্রাসনে ঋজুভাবে আসীন হইয়া সায়ংকাল পর্যন্ত হংসপুচ্ছ পরিচালনা করে এবং নির্দয় প্রভুর তাড়নাচিহ্ন উভয় গণ্ডে ধারণ করিয়া পরদিবসের ভাবীলাঞ্ছনা ভাবিতে ভাবিতে বিমলিন বদনে যাহারা গৃহে প্রত্যাগমন করে, তাহাদের অবস্থা আরও কত শোচনীয়। যাহাইউক অল্পধাবন করিলে প্রতীতি হইবে যে, উভয়েরই একরূপ অবস্থা, উভয়েই আপন আপন অবস্থায় সন্তুষ্ট থাকিলেই সকল বিবাদের মীমাংসা হইবে। অপিচ নারীদিগের কোমল ও মধুর স্বভাবের ব্যতিচার হইলে সমাজ সূর্য্যাকিরণমুগ্ধ মক্ভূমির অবস্থায় উপনীত হইবে। কেবল উগ্রতা ও কঠোরতা চতুর্দিক ধুধু করিতেছে, কোথাও সুখ নাই, দাঁড়াইয়া শান্তি নাই, উপবেশনে আরাম নাই, এরূপ অবস্থার অপনোদনার্থে স্ত্রীদিগের কোমলতা একান্ত আবশ্যিক। স্ত্রীর কোমলতা পুরুষের উগ্রতার প্রতীকার। পুরুষ সংসারচিন্তায় অশান্ত ও অস্থির হইয়া পড়িলে স্ত্রীর অমৃতবর্ষী কোমল বাক্য তাঁহাকে আশার সমাচার প্রদান করিবে; কঠোর স্বভাববশতঃ সহসা ক্রোধান্বিত হইলে স্ত্রীর একটা দীর্ঘনিশ্বাস বা একমাত্র অশ্রুবিন্দু সে ভীমক্রম মূর্তির স্থানে সৌম্য প্রশান্ত মূর্তি আনয়ন করিবে। যে স্ত্রী এ কার্যে অক্ষম তাঁহার স্ত্রীত্ব নাই। পক্ষান্তরে শোকে তাপে মুহমান হইলে পুরুষের

জ্ঞানগর্ভ উপদেশ নারীর মুগ্ধচিত্তে শান্তিবিধান করিবে। কোন প্রকার অগ্রায় কার্যে নিযুক্ত হইলে পুরুষের একমাত্র অপাঙ্গ দৃষ্টি বা সতেজ জ্বলন্তী ত্রীকে প্রচুর শিক্ষা প্রদান করিবে, এ কার্যে যে পুরুষ অক্ষম তাঁহার পৌরুষ নাই। এইরূপে একের কঠোরতা দমনার্থে অপরের কোমলতার সাহায্য আবশ্যিক। এই দুই বিষয় স্বভাব অবিকৃতভাবে সম্মিলিত হইয়া কার্য করিলে মক্ভূমিতে সরিৎ প্রবাহিত হয়, বিষয়ক অমৃতফল প্রসব করে, শোকহুঃখ পরিপূর্ণ সংসার সুখের আকর হয়, পরিবার দাম্পত্য প্রণয়রসে পরিপ্লুত হয়।

কম্পনা ও কবি।

(পূর্ব প্রকাশিতের পর।)

১৬

তোমার প্রসাদে কবি ধূলিমুক্তি ধরিয়া,
প্রকাশে স্বর্গীর তেজ স্বর্গমুক্তি করিয়া,
যেখানে কিছুই নাই, সেখানে দেখিতে পাই,
কবির তুলিকা চলে দৈব ছবি আঁকিয়া।
স্থূল বুদ্ধি যেইখানে নাহি পশে কোনক্রমে,
লৌহেকাষ্ঠ গোলাসম ফিরে আসে ঠেকিয়া,
কবি-বুদ্ধি সেইখানে, তব দৈব দৃষ্টি দানে,
অনা'সে প্রবেশ করে, স্তরে স্তরে বিঁধিয়া।

১৭

কম্পনে তোমার বলে, আকাশের উপরে
কবির অতুল শক্তি রক্ষা করে ভূধরে;
জলশূন্য মক্ভূতে বহায় প্রবল স্রোতে
অশুক-সলিলা নদী নিমিষের মাঝারে;
বনেরে নগর করে, নগরেরে বন করে,
নাচায় সাগর-চেউ পর্বতের উপরে;
ভাসায় পর্বতমালা সুগভীর সাগরে।

১৮

তোমার সাহস পেয়ে, নিরভয়ে যায় ধয়ে,
 স্থাপদ - সঙ্কল বনে কবিকুল অনা'সে,
 যুগেন্দ্র, শাদ্দুল, করি, মিষ্টভাষে আনে ধরি ;
 বিষমুখ সর্প লয়ে খেলা করে সহাসে।
 কখন সাগর - জলে কখন সাগরতলে,
 কখন ভূধর-চূড়ে, কখন বা আকাশে,
 তব পদ বক্ষে ধরে কেবল পরের তরে,
 নিজের জীবনসুখ ভুলি, ভ্রমে অনা'সে।

১৯

যে বঙ্গ পুড়িয়ে মারে, কবিকুল ধরে তারে
 তোমার প্রসাদে, দেবি, আপনার করেতে ;
 যে বাত্যা গর্জিয়া ক্ষণে, নাশে তরুজীবগণে,
 তা সহ নির্ভয়ে কবি খেলে তব বরেতে ;
 অমাসীর ঘোর রেতে, ভয়ঙ্কর শ্বশানেতে,
 কে পশিতে পারে ? শঙ্কা জাগি উঠে মনেতে,
 অনা'সে দাঁড়িয়ে তথা, বিবেক-তত্ত্বের কথা
 শিখায় মানবে কবি, তব দৈব বরেতে।

২০

কেবল পরের তরে কবিরী যা কিছু করে ;
 এমন নিঃস্বার্থ কেউ আছে কি এ ভুবনে ?
 এমন কবিরে তবে কে নাহি দেবতা কবে,
 কে বা না রহিবে বাঁধা কবিদের চরণে ?
 কবি বই এ ধরায় দৈব চিত্র কে দেখায়,
 কে ঙ্গকে মানবচিত্র যথাযথ বরণে ?
 এমন কবিরে তবে কে নাহি দেবতা কবে,
 কে বা না রহিবে বাঁধা কবিদের চরণে ?

২১

পরাধীন জাতিগণে, হত রাজ্য উদ্ধারণে,
 কে গায় বাজায় ভেরী বীরত্বের কাঙ্ক্ষিনী ?
 শোকবিহ্বলের কাণে, কে সে সুমধুর তানে,
 বাজায় অমরী-বীণা, শোকহুঃখনাশিনী ?
 যখন অসহ দুখ, বিদরে পীড়িত বুক,
 কবিরি মধুর বাণী, হয় মর্মস্পর্শিনী ;
 কবিরি মোহিনী মূর্তি, বিতরে, মানসে স্ফূর্তি,
 কবিরি অমরী-বীণা স্বর্গসুখা - বর্ষিণী।

২২

যদি না থাকিত কবি, মিরাগার চাক ছবি,
 সরল—সরলতর কে দেখা'ত আমারে ?
 কে দেখা'ত, ওখেলোরে গাঢ় রঙে চিত্র ক'রে,
 সন্দেহী পরের বাক্যে, তাজি নিজ বিচারে ?
 দেসুদিমোনার চিত্র—পতিগত সুপবিত্র—
 বিনা দোষে মরিবারে পতি-অস্ত্র-প্রহারে ?
 কে দেখা'ত হামলেটে (যার দুখে বুক ফাটে !)
 পিতৃহীন পিতৃব্যের পশু সম ব্যভারে !

২৩

যদি না থাকিত কবি, বীরত্বের চাক ছবি
 দেখিতে কি পাইতাম, আজো আমি নয়নে ?
 বীরত্বের মহাগ্রন্থ, বীরত্বের মহামন্ত্র
 রামায়ণ, ইলিয়েড, কে দেখিত নয়নে ?
 ইনিস, অডিসি গ্রন্থ—বীরতার সুদৃষ্টান্ত,
 বিশাল মহাভারত কে দেখিত নয়নে ?
 স্বর্গভ্রম্ণ কাব্য চাক, বীরত্ব-রসের কাক,
 দেখিতে কি পাইতাম, আজো আমি নয়নে !

২৪

যদি না থাকিত কবি, ভারতে গৌরব-রবি
একদা ছিল যে করে দশ দিক ব্যাপিয়া,
কেবা বিশ্বাসিত তায়? থাকিত স্বপ্নের প্রায়,
কাল-জলধর তারে ফেলিত রে ঢাকিয়া।
কেবল কবির গুণে, আজো সকলের মনে
সে গৌরবস্থি দেখা দেয় ফের আসিয়া,
এমন কবিরে তবে কে নাহি দেবতা ক'বে,
কে বা না করিবে পূজা ভক্তিশীল হইয়া?

২৫

যদি না করিত কবি, প্রাচীন গ্রীসের ছবি,
ঊনবিংশ শতাব্দীতে কে দেখিতে পাইত?
যদি না থাকিত কবি, প্রাচীন রোমের ছবি
ঊনবিংশ শতাব্দীতে কে নয়নে হেরিত?
কবি না থাকিলে পরে, আজো দীপ্তিময় করে
এলিজাবেথের রাজ্য কার মনে জাগিত?
কবি না থাকিলে পরে, ভারত-মাহাত্ম্য স্ম'রে,
কোন ভারতীয় আজো অশ্রুরাশি ঢালিত?

২৬

কল্পনে, তোমার ভক্ত কবিদের প্রসাদে,
কখন আমোদে ভাসি, কভু ডুবি বিষাদে;
সে সুদিন ভারতের যবে ভাবি, অন্তরের
অন্তস্তল নেছে উঠে অতুলিত আশ্লাদে;
আবার ক্ষণেক পরে, এ দিনের কথা স্ম'রে,
আনন্দ কোথায় যায়, ডুবি ঘোর বিষাদে!
এ ভারত কি যে ছিল, এখন বা কি হইল,
কেবলি জানিতে পারি কবিদের প্রসাদে!

২৭

যদি না কবির তুলী রাখিত যতনে তুলি,
ভারতের পুরা চিত্র—বিচিত্র এ জগতে—
কবিত্ব মণির খনি, কল্পনার কেলি-ভূমি,
ভূতলে স্বরগ বলি, কে চিনিত ভারতে?
তোমারি করুণাবলে তব ভক্তকুল মিলে,
ভারতের দৈবী মূর্তি আঁকি গেছে তুলীতে;
তবে হেন কবিগণে কে নাহি ভাবিবে মনে,
পরম দেবতা বলি? কে পারিবে তুলিতে?

২৮

যে ভুলে ভুলুক; কিন্তু আমি নাহি ভুলিব;
কবিই পরম দেব, চিরকাল বলিব;
আমার বিশ্বাস এই;—কবি বই দেব নেই
ভূতলে-স্বর্গের কথা জানি না, কি কহিব?—
যদি কোন দেব থাকে, থাকে থাক; কেন তাকে
(বাসনা হবে না সিদ্ধ) মিছামিছি ভাবিব?
যাহারে ভাবিলে পরে, সন্তরি আনন্দ-সবে,
এ হেন কবিরে আমি দেবজ্ঞানে মানিব।

পদার্থ-বিদ্যা।

পদার্থ-বিজ্ঞা অতীব প্রয়োজনীয়। পদার্থ-বিজ্ঞার অনুশীলন করিলে কি চেতন, কি অচেতন* জগতের সকল পদার্থের প্রকৃত ধর্ম অবগত হওয়া যায়। অন্তঃকরণ হইতে চিরপ্রসিদ্ধ কুসংস্কার অপগত হওয়াতে, মনোমধ্যে অতুল আনন্দ সঞ্চারিত হইতে থাকে এবং চরমে বিশ্বনিয়ন্তা সর্বশক্তিমান্ পরমেশ্বরের অচিন্ত্য

* উৎপত্তি পরিবর্তন ও নাশ প্রভৃতি অনেক বিষয়ে চেতন পদার্থের সহিত সামঞ্জস্য থাকতে কেহ কেহ উদ্ভিজ্জ পদার্থকে চেতন পদার্থ মধ্যে পরিগণিত করেন।

শক্তি, অনন্ত মহিমা ও অপার কৰুণার দৃঢ় প্রতীতি জন্মে। এতদ্ব্যতীত বাহুবল, সকলের পরস্পরের সম্বন্ধ সুন্দররূপে বিদিত হইয়া তদ্বারা মানবজাতির অশেষ উপকার সাধিত হয়। ফলতঃ এইরূপ পদার্থজ্ঞান মনুষ্যসমাজের উন্নতির একমাত্র মূলীভূত কারণ। বাকশক্তি অভাবে পশু পক্ষ্যাদি ইতর জন্তু যেমন অনন্ত-কাল হীনাবস্থায় অবস্থিতি করিতেছে, পদার্থজ্ঞান বা পদার্থ-বিজ্ঞান অশীলন না থাকিলে হয় ত আমাদিগকেও চিরকাল পশুবৎ জঘন্য অবস্থায় কালাতিপাত করিতে হইত। কোন্ পদার্থের কিরূপ গুণ ও ব্যবহার জানিতে না পারিয়া কেবল অযত্ন-সম্বৃত ফল মূল ও শস্য আহার, পশুচর্ম পরিধান, পর্ণকুটির বা গিরিগহ্বরে অবস্থিতি করিতাম। বিজ্ঞা, ধর্ম প্রভৃতি যে সকল সদুপায়ে মনুষ্য নামের একরূপ গৌরব বৃদ্ধি হইয়াছে এবং কৃষি, শিল্প, বাণিজ্য প্রভৃতি যে সকল সুপায়ে এবিধ অসম্ভাবিত উন্নতি সাধিত হইয়াছে তাহা কখনই হইত না।

ইংরাজেরা একমাত্র পদার্থ-বিজ্ঞাবলে কি অসাধারণ উন্নতি সাধনে কৃতকার্য হইয়াছেন। ঊনবিংশতি শত বৎসর গত হইল, ইঁহারা অতি সামান্য পর্ণকুটিরে বাস করিতেন, ; যুগ্মালক পশু-মাংসই ইঁহাদিগের অনন্তজীবিকা ছিল ; এবং বসনাভাবে বন্ধল বা যুগচর্ম পরিধান করিয়া যথাকথঞ্চিৎরূপে কালযাপন করিতেন। সত্যধর্ম কি, না জানিয়া কুসংস্কারপাশে আবদ্ধ থাকিয়া বক্ষ লতাদির উপাসনা করতঃ দেবপ্রমাদোদ্দেশে নরহত্যা প্রভৃতি একান্ত নিষ্ঠুরাচরণেও কুণ্ঠিত হইতেন না। কিন্তু সেই ইংরাজ জাতির আধুনিক সামাজিক অবস্থা অবলোকন কর। পদার্থবিদ্যার অশীলন করিয়া বিদ্যা, বুদ্ধি, ধর্ম, সভ্যতা প্রভৃতি সকল বিষয়েই পৃথিবীর আর আর প্রায় সকল জাতিকেই সম্যক পরাভূত করিয়া “সর্বপ্রধান ও প্রথম” জাতি বলিয়া পরিগণিত হইয়াছেন। বাষ্পীয় রথ, অর্নবযান ও অশেষবিধ শিল্পযন্ত্র প্রভৃতি ধনাগমের সুন্দর কৌশল আবিষ্কার করতঃ ভূমণ্ডলের সকল প্রদেশেরই মহৎ

উপকার সাধনে যার পর নাই উন্নতি বিধান এবং দেশ বিদেশে বিদ্যার বিমল জ্যোতিঃ ও ধর্মের প্রশান্ত ও সারগর্ভ উপদেশ বিস্তার করিতেছেন। সুর্গম জনপদ, বিজন বন, চিরতুষারারত উন্নতশীর্ষ পার্বতচূড়ায়, এমন কি, সুমেক হইতে কুমেক পর্যন্ত সকল স্থলেই বাণিজ্য সংস্থাপনে আপনার ও অপরের দুঃখ হ্রাস করিয়া সুখ বৃদ্ধি করিতেছেন। যদি পদার্থবিজ্ঞান আলোচনার ফলে, জল, অগ্নি, বায়ু, কাষ্ঠ, লৌহ ও চূষক প্রভৃতি পদার্থের নৈসর্গিক ধর্ম অবগত হইয়া বাষ্পীয় রথ, অর্নবযান ও, দিগ্ দর্শন যন্ত্র আবিষ্কৃত না হইত, তাহা হইলে পদার্থবিজ্ঞা সম্বন্ধীয় এবিধ কল্পনাভীত মহোপকার প্রত্যক্ষ হওয়া দূরে থাকুক, কদাচ কল্পনাপথে উদ্ভিতও হইত না। ফলতঃ পদার্থবিজ্ঞান অপ্রতিহত প্রভাবে পদার্থমাত্রই আপন আপন স্বভাব পরিত্যাগ করিয়া ইহাদিগের বশ্যতা স্বীকার করিয়াছে। “আকাশের, চন্দ্রও” হস্তগত হইয়াছে।

রসায়ন বিজ্ঞান ফলও অতীব চমৎকার। ইহা দ্বারা জগতের কত কত অত্যাশ্চর্য ব্যাপার সম্পাদিত হইতেছে, তাহা দেখিলে পরম পুলকিত হইতে হয় :—যে হীরক ধনগর্ভের উচ্চতম পরিচয় সেই হীরক যুদঙ্গারের রূপান্তর মাত্র। বিমল শুভ্রবর্ণ অবলোকন করিলে নয়নের পরম প্রীতি জন্মে কিন্তু সেই শ্বেতবর্ণ, পীত লোহিত প্রভৃতি কতিপয় মূলবর্ণের মিশ্রণে অনায়াসে উৎপন্ন করা যাইতে পারে। রসায়ন বিজ্ঞাবলে এইরূপ কত কত অপূর্ব পদার্থ উৎপন্ন হইতে পারে তাহার ইয়ত্তা করা যায় না। কিন্তু আক্ষেপের বিষয় এই যে, পদার্থ-বিদ্যার ঐদৃশ অনির্কচনীয় সুমহান ফল প্রত্যক্ষ করিয়াও আমরা একান্ত নিশ্চেষ্টভাবে অবস্থান করিতেছি! স্বীয় অবস্থা উন্নতি বিষয়ে অণুমাত্র যত্ন ও উদ্যোগ করি না। আমাদিগের দেশেও জল, বায়ু, অগ্নি, কাষ্ঠ প্রভৃতি সকল প্রকার প্রয়োজনীয় পদার্থ অনায়াসে প্রাপ্ত হওয়া যায়, ধনও হুপ্পাপ্য নহে এবং প্রাচীন সংস্কৃত শাস্ত্রে পদার্থ-বিদ্যা সম্বন্ধীয় রাশি রাশি গ্রন্থও অনায়াসলভ্য, কেবল যত্ন ও উদ্যোগ মাত্রের অভাব। অতএব

যত্নসহকারে এবং ইংরাজদিগের ন্যায় দৃঢ়সঙ্কল্প হইয়া পদার্থ-বিদ্যার সম্যক আলোচনা করিলে একদা যেভারতের মুখশশী উজ্জ্বলিত হইবে, তাহাতে আর সন্দেহ নাই।

স্বাস্থ্য-রক্ষা ।

চুয়ান জল সকল জল অপেক্ষা পরিষ্কৃত। জল উত্তপ্ত করিলে যে বাষ্প উদ্গাত হয়, তাহা নলদ্বারা শীতলজলপূর্ণ পাত্রে প্রবেশ করিলে পুনর্বার জল হইয়া নির্গত হয়, ইহাকেই চুয়ান জল বলে। বৃষ্টির জল প্রায় চুয়ান জলের স্থায় পরিষ্কৃত। জল দেখিতে কাচের স্থায় স্বচ্ছ, গন্ধ বা আস্বাদশূন্য এবং ঠাণ্ডা হইলে পানোপযোগী হইতে পারে। জলে দুই প্রকার ময়লা থাকে, মিলিত ও মিশ্রিত। মিলিত ময়লা ক্ষণকাল জলে ভাসিত থাকিয়া ক্রমে আপনা হইতেই তলায় পড়িয়া যায়। মিশ্রিত ময়লা জলের সহিত এককালে সংযুক্ত থাকে এবং অগ্নি বা কোন রসায়নিক পদার্থের সংযোগ ভিন্ন উহা স্বতন্ত্র বা নষ্ট হয় না; যথা, চূর্ণ বালুকা বা খড়ী জলে মিলিত করিলে উহা ক্ষণকাল পরে তলায় পড়িয়া যায় কিম্বা ছাকিয়া জল হইতে স্বতন্ত্র করা যায়। কিন্তু লবণ বা চিনি মিশ্রিত করিলে উহা দ্রব হইয়া জলের সহিত সংযুক্ত হইয়া যায় এবং বালুকা বা খড়ীর ন্যায় সহজে স্বতন্ত্র করা যায় না। কাদা বা বালুকামিলিত যোলা-জল শীঘ্র পরিষ্কৃত করিতে হইলে, পাঁচ সের জলে তিন রতি ফট্কিরী মিলিত করিলে, বার ঘণ্টার মধ্যে কাদা নিচে থিতিয়া জল পরিষ্কৃত হয়। কতক ফল (যাহাকে সচরাচর নির্মলী বলে) জল-পাত্রে গায়ে ঘসিয়া জলের সহিত মিলিত করিলেও জল ঐরূপ শীঘ্র পরিষ্কৃত হয়।

গ্রীষ্মাতিশয্য বশতঃ এতদ্দেশীয় লোকেরা অধিক পরিমাণে নানাপ্রকার পানীয় দ্রব্য ব্যবহার করিয়া থাকে। অধিকাংশ পানীয় দ্রব্য বৃক্ষ ও ফল হইতে প্রাপ্ত হওয়া যায়, যথা খেজুর-রস, নারিকেল-জল ইত্যাদি।

খেজুর-রস।—শীতকালে খেজুরগাছের অগ্রভাগের ত্বক ছেদ করিলে এক প্রকার রস অস্পে অস্পে নির্গত হয়। ইহা খাইতে সুস্বাদ ও মিষ্ট এবং ইহাতে শর্করার ভাগ অধিক থাকাতে ইহা পান করিলে শরীরের তাপ উদ্ভাবন হয়। উত্তপ্ত খেজুর-রস যাহাকে তাতারসি বলে, কিঞ্চিৎ ভেদক। এই রস জ্বাল দিয়া খেজুরে গুড় প্রস্তুত হয়।

ইক্ষু-রস।—ইক্ষু পেষণ করিলে উহা হইতে রস নির্গত হয়। আকের রস অতিশয় মিষ্ট এবং কিয়ৎপরিমাণে ভেদক। অনেকে গ্রীষ্মকালে এই রস পান করিয়া তৃষ্ণা দূর করিয়া থাকে। আকের রস জ্বাল দিয়া একোগুড় হয়। আক দন্তদ্বারা চর্ষণ করিলে মুখে যে রস আইসে তাহাতেও পিপাসা নিবারণ হয় এবং জ্বরাদি পীড়া কালে ইহা দ্বারা পিপাসার অনেক শান্তি হয় ও পিত্ত দমন করে।

তালের-রস।—ইহা খেজুর রসের ন্যায় তালগাছের অগ্রভাগ হইতে নির্গত হয়। প্রত্যাষে বা সন্ধ্যাকালের রস গাছ হইতে পাড়িয়া সেই দণ্ডে পান করিলে সুস্বাদ ও মূত্ররোগবিশেষে উপকারক হইয়া থাকে। এই রস ক্ষণেক রৌদ্রের তাপে থাকিলেই গাঁজিয়া তাড়ি হয়। তাড়ি বিলক্ষণ মাদক এবং অধিকাংশ নিম্ন শ্রেণীর ব্যক্তির ইহা পান করিয়া মাতাল হইয়া থাকে। এই রস হইতে তালের মিছরি প্রস্তুত হয়।

নারিকেল-জল।—আমাদের দেশে নারিকেল একটা আশ্চর্য ফল। ইহার তুল্য জলপূর্ণফল আর কোন দেশেই নাই। জল প্রায় আদ পোয়া হইতে আদ সের বা অধিক পরিমাণে একটা নারিকেলের মধ্যে থাকে। ডাবের জল অতি সুস্বাদ ও মিষ্ট এবং তৃষ্ণাতুর ব্যক্তির পিপাসা যেরূপ ইহাতে নিবৃত্তি হয়, বোধ হয় এমন আর কিছুতেই হয় না। নিতান্ত কচি অবস্থায় ইহার জল তত সুস্বাদ বা মিষ্ট হয় না। ভিতরের শাঁস কিঞ্চিৎ পক হইলে অর্থাৎ নেয়া-পাতি অবস্থায় ইহার জল উত্তম হয়। অধিক পক অর্থাৎ বুনা

হইলে জলের অস্বাদন কটু হয় এবং গুণেরও ব্যত্যয় হয়। ডাবের জল অপেক্ষা সুনা নারিকেলের জল অধিক ভেদক। জুরাদি পীড়ার সময় অল্প অল্প ডাবের জল অতি উপাদেয়।

চিনির পান।—চিনি জলে ভিজাইয়া তাহাতে কিঞ্চিৎ লেবুর রস মিশ্রিত করিয়া আমরা সচরাচর পান করিয়া থাকি। ইহাতে পাকস্থলি ঠাণ্ডা রাখে এবং শরীর স্নিগ্ধ করে। বাতাসা ভিজান জলেরও এইরূপ গুণ।

মিছুরির পান।—মিছুরি কিছুক্ষণ জলে ভিজাইয়া রাখিলে গলিয়া যায় এবং একটা উত্তম পানীয় প্রস্তুত হয়। ইহা গরম ধাতুতে প্রত্যহ প্রাতে পান করিলে কোষ্ঠ পরিষ্কার রাখে এবং শরীর স্নিগ্ধ করে। মিছুরির পানায় বাতিক দমন করে এবং নরম ধাতুতে স্নেহ বৃদ্ধি করে।

বেলের পান।—সুপক বেলের শাঁস কিঞ্চিৎ অন্ন ও মিষ্টের সংযোগে জলের সহিত মিশ্রিত করিয়া পান করিলে উদরাময়ের বিশেষ উপকার হয়। ইহাতে মল সরল ও কোষ্ঠ পরিষ্কার হয়।

তরমুজের পান।—তরমুজের রস কিঞ্চিৎ চিনির সহিত মিশ্রিত করিয়া পান করিলে অতি সুস্বাদ হয় কিন্তু অধিক পান করিলে গরম হইতে পারে।

বেদনার রস।—পানীয় দ্রব্যের মধ্যে ইহা অতি সুস্বাদ এবং বলকারক। পীড়াবস্থায় ইহার বিশেষ ব্যবহার হইয়া থাকে।

এই কয়েকটা দেশীয় পানীয় ব্যতিরেকে আর কয়েক প্রকার বিদেশীয় পানীয় এক্ষণে আমাদের দেশে প্রচলিত হইয়াছে। যথা চা, কাফি, ও নানাবিধ সুরা ইত্যাদি।

চা ও কাফি।—চীনদেশীয় এক প্রকার গাছের শুষ্ক পাতাকে চা বলে। এক্ষণে ইহার চাষ অত্যাশ্রয় দেশে এবং ভারতবর্ষেও হইতেছে। ইহা দুই বর্ণের হইয়া থাকে, সবুজ ও কাল। এই শুষ্ক পাতা অধিক উষ্ণ জলে ক্ষণকাল ভিজাইয়া রাখিলে পাতা সিদ্ধ হইয়া উহার সারভাগ জলে মিশ্রিত হয়। শুষ্ক চার

জল বা উহা দুগ্ধ ও চিনির সহিত মিশ্রিত করিয়া লোকে পান করিয়া থাকে। আরবদেশীয় এক প্রকার গাছের ফলের বিচিকে কাফি বলে। ইহার চাষ এক্ষণে আসিয়া ও আমেরিকা প্রদেশে অধিক পরিমাণে হইয়া থাকে। এই বিচি ভাজিয়া চূর্ণ করিয়া চার ছায় উষ্ণ জলে ভিজাইয়া রাখিতে হয়, পরে ঐ জল ছাকিয়া দুগ্ধের সহিত পান করিতে হয়। আরব, তুর্ক, ফরাসি, ইংরাজ প্রভৃতি জাতিদিগের মধ্যে চা ও কাফির অধিক ব্যবহার। ইহারা এই দ্রব্যের এত প্রিয় যে প্রতিদিন চা কিংবা কাফি না পান করিলে তৃপ্ত হয় না। তাহাদের মতে ইহা পান করিলে শরীরে ও মনের ক্ষুধা হয়, অধিক পরিশ্রম করিতে সমর্থ হয়, ক্রান্তি দূর করে, মস্তিষ্ক উত্তেজিত করে ও বুদ্ধির প্রার্থনা হয়।

সবুজ চা কাল অপেক্ষা তেজস্কর এবং শরীরের পক্ষে অপকারক, এই নিমিত্ত কাল চাই ব্যবহার করা উচিত, তবে উহার সহিত কিঞ্চিৎ পরিমাণে সবুজ চা মিশ্রিত করিয়া ব্যবহার করিলে ক্ষতি নাই। চা ও কাফি পান করিলে নিদ্রার ত্রাস হয় এবং বিনা কষ্টে অধিক ক্ষণ জাগ্রত থাকা যায়। এই গুণ চা হইতে কাফিতে অধিক আছে। এবং এই গুণবশতঃ ইহা আফিম ও অন্যান্য মাদক দ্রব্যের মাদকতার ত্রাস করে। চা সর্ষ ও মূত্রোৎপাদক বলিয়া কফ স্নেহ ও বাতরোগে বিশেষ উপকারী। চা ও কাফি গরম ধাতুতে সহ হয় না।

বঙ্গদেশে বর্ণবিভাগ।

ভারতবর্ষে হিন্দুজাতির মধ্যে নানাপ্রকার বর্ণবিভাগ দেখা যায়। এরূপ বর্ণবিভাগ সর্বপ্রথমে কিরূপে হইল, তাহা প্রথম খণ্ডের নবম সংখ্যায় বিশেষরূপে বর্ণিত হইয়াছে। পুরাণে কথিত আছে যে, সত্যযুগে বাণ নামে এক নরপতি ছিলেন, তিনি হিন্দুদিগকে নানা শ্রেণীতে বিভক্ত করিয়া যান। ইহার পূর্বে হিন্দুজাতি ব্রাহ্মণ, ক্ষত্রিয়, বৈশ্য ও শূদ্র এই চারি শ্রেণী বদ্ধ ছিল, ও

অসবর্ণবিবাহ একবারে নিষিদ্ধ ছিল। কিন্তু বাণ রাজার আধিপত্য সময়ে যদৃচ্ছাপ্রবৃত্ত অসবর্ণবিবাহ প্রচলিত হয়। এই অসবর্ণবিবাহোৎপন্ন সন্তানদিগকে, বাণ রাজার পুত্র পৃথু, নানা শ্রেণীতে বিভক্ত করেন ও প্রত্যেক শ্রেণীকে ভিন্ন ভিন্ন কার্যে নিযুক্ত থাকিবার আজ্ঞা দেন।

বঙ্গদেশে আৰ্যজাতি যে কখন প্রথম পদার্পণ করেন তাহা নির্ণয় করা সুকঠিন। আৰ্যজাতির আগমনের পূর্বে বোধ হয় কিরাতাদি অসভ্য জাতি এস্থলে বাস করিত। মহাভারতে আছে যে, ভীম দিগ্বিজয় করিতে বহির্গত হইয়া বঙ্গদেশ পর্যন্ত আসিয়াছিলেন। অনুমান হয়, বঙ্গদেশের যে অংশ তিনি বর্জন করিয়াছিলেন, ও যাহা তজ্জন্ম এখনও পর্যন্ত “পাণ্ডুবর্জিত” দেশ বলিয়া খ্যাত, তথায় অসভ্যজাতির আৰ্যজাতি কর্তৃক দূরীভূত হইয়া, তৎকালে বাস করিত। পুরাণে আছে যে, চন্দ্রবংশোদ্ভূত বাণরাজার অঙ্গ, বঙ্গ, কলিঙ্গ, পুণ্ড্র, স্বক্ষ্ম নামক পঞ্চ পুত্র স্বনাম খ্যাত দেশে রাজ্য বিস্তার করিয়া পুরুষাত্মক্রেমে বহুকাল রাজত্ব ভোগ করেন। তদবধি বঙ্গদেশের উৎপত্তি গণনা করা যাইতে পারে।

এরূপ কথিত আছে যে, রাজা আদিশূর বঙ্গের ব্রাহ্মণগণকে আচারভ্রষ্ট ও বেদবিহিত ক্রিয়াক্রম দেখিয়া কাণ্ডকুঞ্জের রাজার নিকট শাস্ত্রজ্ঞ পঞ্চ ব্রাহ্মণ প্রার্থনা করেন। তদনুসারে তিনি শাণ্ডিল্যগোত্রজ ভট্টনারায়ণ, সার্বর্ণগোত্রজ বেদগর্ভ, বাৎস্যগোত্রজ ছান্দড়, ভরদ্বাজগোত্রজ শ্রীর্ষ ও কাশ্যপগোত্রজ দক্ষকে, মকরন্দ ঘোষ, দশরথ গুহ, পুরুষোত্তম দত্ত, কালিদাস মিত্র ও দশরথ বসু, এই পঞ্চজন ভূত্যের সহিত আদিশূরের সন্নিধানে প্রেরণ করেন। ইহাদের আগমনের পূর্বে এতদ্দেশে সাত শত বর্ষ ব্রাহ্মণ ছিল। ইহারা সপ্তসতী নামে খ্যাত হইয়া পূর্ষদিকে অপসৃত হইলেন।

আদিশূরের বংশলোপ হইলে, বৌদ্ধমতাবলম্বী পালবংশ প্রবল হইয়া উঠে। কিন্তু সেনবংশীয় বল্লালসেন সিংহাসনে আরোহণ

করিলে পালবংশীয়েরা নতশির হইলেন। বল্লাল হিন্দুরীতি ও নীতি দৃঢ়ীকরণার্থ সমস্ত হিন্দুজাতিকে শ্রেণীবদ্ধ করেন ও কৌলীন্য মর্যাদা সংস্থাপন করেন।

বঙ্গদেশে ব্রাহ্মণদিগকে চারিভাগে বিভক্ত দেখা যায়। যথা রাঢ়ী, বৈদিক, বারেন্দ্র ও কনৌজ।

বল্লালসেন রাঢ়ীশ্রেণীর ব্রাহ্মণদিগকে চারিভাগে বিভক্ত করেন যথা, মুখ্যকুলীন, শ্রোত্রিয়, গৌণকুলীন ও বংশজ। ইহাদের মধ্যে নানা দল বা “মেল” আছে, যথা ফুলিরা মেল, বল্লভী, সর্কানন্দী ইত্যাদি। দেবীবর পণ্ডিত ব্রাহ্মণদিগকে “মেল” বদ্ধ করেন। এই জাতীয় ব্রাহ্মণদিগের মধ্যে অতিনৃশংস ও অতিজঘন্য বহুবিবাহ প্রথা প্রচলিত আছে।

এরূপ কিম্বদন্তী আছে যে, বৈদিক ব্রাহ্মণেরা ভট্টনারায়ণাদির আগমনের পূর্বে, উড়িষ্যা হইতে বঙ্গদেশে উপনিবেশ করে। বৈদিকেরা হুইভাগে বিভক্ত, দক্ষিণাত্য অর্থাৎ বাহারা প্রথমে বঙ্গদেশে আগমন করেন, ও পাশ্চাত্য অর্থাৎ যাহারা তাহাদের পরে আসেন। এক্ষণে রাঢ়ীশ্রেণীর ব্রাহ্মণদিগের স্থায় বৈদিকদিগের মধ্যেও নানা বিভাগ দৃষ্ট হইয়া থাকে। বৈদিকদিগের মধ্যে সাধুবিগর্হিত বাল্যবিবাহ প্রচলিত আছে। হুই তিন ঘাস হইলে, অথবা গর্ভে গর্ভে শিশুদিগের সম্বন্ধ স্থির হয় এবং কন্যা ও পুত্র নয় বৎসরের হইলে বিবাহকার্য সম্পন্ন হয়। বিবাহের পূর্বে ভাবী বরের মৃত্যু হইলে অন্য বরের সহিত কন্যার বিবাহরীতি আছে। ইহাতে কন্যার পিতার কুলক্ষয় হয় না, কিন্তু কন্যা সকলের মরণই হয়, ও তাহার হস্তে কেহ আহারাদি করে না। এরূপ কন্যাকে অল্পপূর্বা কহে।

ক্রমশঃ।

প্রাপ্তপ্রত্নের সংক্ষিপ্ত সমালোচনা।

উদ্ভিদশাস্ত্রের উপক্রমণিকা।—মিস্ ইওমান প্রণীত পুস্তকহইতে ত্রিযুক্ত ব্রজেন্দ্র নাথ দে, এম, এ, সি, এস কর্তৃক অনুবাদিত।

আমরা এই গ্রন্থখানি পাইয়া বিশেষ প্রীতিলাভ করিয়াছি। অসার কাব্য নবল ও নাটক-প্লাবিত দেশে হুই এক খানি সারবান্ বিজ্ঞানবিষয়ক গ্রন্থ দেখিলে যথার্থই আনন্দ হয় ও বাঙ্গালী সাহিত্যের ভাবী উন্নতি বিষয়ে ভরসা হয়। “উদ্ভিদশাস্ত্রের উপক্রম-নিকা” মিস্ ইওমান কর্তৃক প্রণীত পুস্তকের অনুবাদ। উদ্ভিদ-শাস্ত্র পাঠ করিলে ও বিশেষতঃ উদ্ভিদসমূহের সম্যক্ পর্যালোচনা করিলে যে কিরূপ আনন্দ পাওয়া যায়, তাহা যাহারা ঐরূপ করিয়াছেন তাহারাই জানেন। উদ্ভিদশাস্ত্রালোচনার বিশেষ সুবিধা এই যে, অত্যাশ্র বিজ্ঞানশাস্ত্র অধ্যয়ন করিতে যেমন মহা-শূন্য যত্নাদি আবশ্যক করে, উদ্ভিদশাস্ত্র আলোচনা করিতে ঐরূপ করে না। উদ্ভিদশাস্ত্র শিক্ষা করিতে হইলে অত্নের বিবরণ কঠিন করিলে চলেনা, স্বক্ষলতা আহরণ করিয়া চাক্ষুষ পর্যালোচনা করিতে হয়। ঐরূপ করিলে যে শিক্ষার্থীর বুদ্ধিবৃত্তি পরিমার্জিত ও বিবেকশক্তি তীক্ষ্ণ হয় তাহা বলা বাহুল্য।

ব্রজেন্দ্র বাবুর অনুবাদ অতিমুন্দর হইয়াছে। এই গ্রন্থ লিখিতে তাঁহাকে তত্পরযোগিনী ভাষার সৃষ্টি করিতে হইলেও তাহা সরল ও সাধারণের বোধগম্য হইয়াছে। আমাদের বোধ হয় যে, যদি ব্রজেন্দ্র বাবু উদ্ভিদের কেবল বাহ্যিক চিত্র বর্ণনা না করিয়া উদ্ভি-দের কার্যপ্রণালী আর একটু বিস্তৃতরূপে লিখিতেন, তাহা হইলে গ্রন্থখানি আরও হৃদয়গ্রাহী হইত।

আমরা অনেকগুলি ক্ষুদ্র ক্ষুদ্র কাব্য প্রাপ্ত হইয়াছি।

- (১) কবিতাকৌমুদী হুইভাগ শ্রীরাজকৃষ্ণ রায় কর্তৃক বিরচিত।
- (২) কুমুমকলিকা ... শ্রীপ্রসন্নকুমার ঘোষ প্রণীত।
- (৩) কুমুমাঞ্জলী ... শ্রীনগেন্দ্রচন্দ্র মিত্র প্রণীত।
- (৪) মানসকুমুম ... শ্রীহারাগচন্দ্র বন্দ্যোপাধ্যায় প্রণীত।
- (৫) কবিতাকৌমুদী বালকের পাঠোপযোগী পত্রগ্রন্থ।
বালকদিগকে নীতিগর্ভ কবিতা শিক্ষা দেওয়া ইহার উদ্দেশ্য।
ইহাতে রাজকৃষ্ণ বাবু সম্পূর্ণ কৃতকার্য হইয়াছেন।

(২) কুমুমকলিকা—কবিতাগুলি উত্তম। অতি উৎকৃষ্ট বলিয়া প্রশংসিত না হইলেও, ইহা যে সুপাঠ্য ও চিত্তরঞ্জক তাহাতে সন্দেহ নাই।

(৩) কুমুমাঞ্জলি সম্বন্ধে আমরা অধিক প্রশংসা করিতে পারি না। ইহার মধ্যে পুরাতন কথাই অনেক; কবিতাগুলি যে মধুর ও সরস, তাহাও নয়।

(৪) মানসকুমুম—এ কবিতাগুলি ভাল। লেখক বালক হইলেও তাহার যে কবিত্বশক্তি আছে তাহা বিস্ময় সংশয় নাই।

বামাগণের রচনা ।

কে লিখিল ?

কোথা ব্রজবালে মধুর-ভাষিণী,
মানস মোহন পতি-সোহাগিনী,
“যৌবন নর্তনে নুপুর নিকণে,”
নাচিয়া নাচিয়া সংসার ভবনে,
কঙ্কণ বাজায়ে টলাও অবনী।
অবনী কাঁপিবে চপলা ছুটিবে,
গভীর ঘর্ঘরে জীমূত নাদিবে,
মহা সমারোহে পবন বহিবে,
হিঁহুদের পুনঃ ডাকিয়া কহিবে,
“অরে রে শুন রে ভারতে এখন
বিভ্রমান আছ বত হিন্দুগণ,
এই বেলা সবে কররে মোচন
বিধবার হুখ করি প্রাণপণ
নতুবা সহিবে নরকজ্বালা।”

কোথা ব্রজবালে অমৃতভাষিণী
 গাও দিদি গাও কাঁপায়ে অবনী,
 মিলিবে ও গান বীণার সনে ।
 পুরুষ হুদিন পরে, আবার বিবাহ করে,
 অবলা রমণী বলে এতই কি সয় রে ।
 যবে কবিবর বীণার ঝঙ্কারে,
 বীণার ধৈবতে কাঁদো কাঁদো সুরে
 গাবেন ধসিয়া যশের মন্দিরে,
 তখন ভারত যুমে অচেতন
 থাকিতে পারিবে আর কি হায় ?
 তখন কি আর ছাতারের রব
 'বিনোদ' বলিয়া শুনিবে কি সব ?
 'কেঁদেছি অনেক দিন কাঁদিব না আর
 ঘুচাইব হৃদয়ের কামনা এবার'
 এ রব যখন বঙ্গবাসীগণ
 নতমুখে হায় করিবে শ্রবণ,
 তখন কি আর স্থস্থির হৃদয়ে
 বহিতে কলঙ্ক মস্তকে করিয়ে
 পারিবে আর ?
 নাড়োন চাড়োন কেবল পুরাণ,
 ব্যবস্থা খুঁজিতে বোহে যায় প্রাণ ।
 পাইয়া বচন তবু না বুঝিব
 তারানাথ "বোলে" তথাপি চলিব ।
 মনেতে বুঝিব অন্তরে কাঁদিব
 সমাজের ভয়ে কাজে না করিব ।
 কোথায় কামনা স্থবিরী অঙ্গনা
 ভারতের দশা বারেক দেখনা ?
 বারেক দেখ না বারেক ভাব না

জগহত্যা পাপ ভারতে এখন
 কত যে হ'য়েছে কে করে গণন ?
 কে করে গণন কলঙ্ক লহরী
 বহে যায় বঙ্গে দিবস শর্করী
 বাজিছে অদূরে মুরলী - মোহন
 নাচ ব্রজবালে বাজায় কঙ্কণ,
 ধরিয়া মুলতান কবির প্রধান
 নবীন, গাইবে নবীন গয়ান,
 ভাবে গদ গদ হইয়া অবনী
 ধীরা ধীরা করি নাচিবে তখনি,
 গভীর স্বনে পবন তখন
 বহিবে ভারতে করি শন্ শন্
 বলিবে নির্ভয়ে বঙ্গবাসি গণে
 বলিবে নির্ভয়ে চিরদাসগণে
 "ওরে হুরাচার পাষণ্ড হৃদয়
 বিধবার প্রতি হওরে সদয়
 নতুবা যাইবে ভীষণ রোরবে।"

কোথা ব্রজবালে মধুর ভাষিণী
 মানস মোহিনী প্রেম-সোহাগিনী
 যৌবন নর্তনে নূপুর নিক্রমে
 নাচ ত দেখি !
 তোমার নর্তন নবীন গায়ন
 হেমচাঁদ বীণা খামিবে যখন,
 তখন অমনি গভীর স্বরেতে
 ধরিবে বক্তৃতা বিধবা তরেতে
 বিজ্ঞার সাগর দেব অবতার
 দেবের প্রকৃতি বঙ্গের মাঝার,
 শুনিবে সে বাণী হ'য়ে অভিমানী
 রাজেন্দ্র ভূদেব বড় বড় মানী,
 "নাহি আর ভয় নাহি আর ভয়
 জয় ভারতের জয়, জয় ভারতের জয়"
 বলি করতালি দর্শকমণ্ডলী
 দিয়া গরজিয়া উঠিবে

অমনি তখনি বাজিবে মুরলী
মানস মোহন মধুর কাকলী,
বাজিবে মুরলী বাজারে নুপুর
ডাণ্ডব নর্তনে নাচিবে মধুর,
আমরা নাচিব করতালি দিয়া
উদ্ভাদিনী বেশে করি ধীয়া ধীয়া,
তখন কি আর বঙ্গবাসিগণ
কলঙ্ক পশরা করিতে বহন

হইবে সক্ষম ?

ক্রমশঃ ।

কালিকাপুর ।

শ্রীমতী কুমুমকামিনী ।

মৃতপত্নীর নিমিত্ত পতির বিলাপ ।

কেমন করিয়া প্রিয়ে তব মুখ ভুলিব !
কেমন করিয়া আমি অনুগামী হইব !
কেমন করিয়া হায়, তব মুখ চন্দ্রিমায়া,
অগ্নিসমর্পণ প্রিয়ে এ চক্ষেতে দেখিব !
এ মনোবেদনা আমি কেমনেতে সহিব !
কেমন করিয়া প্রিয়ে তব মুখ ভুলিব !

কোথায় যাইবে কান্তা মম মনোহারিণী
কোথায় চলেছ সখি সূচঞ্চলগামিনী
উঠ উঠ প্রাণপ্রিয়ে, তব মুখ নিরখিয়ে,
আজ্ঞাদ-মাগরে আমি ডুবিব এখনি
এলে ফিরে ভবনেতে কি সুখী যে হইব
কেমন করিয়া প্রিয়ে তব মুখ ভুলিব !

তব মুখ-চন্দ্রানন ভুলিবার নয় রে
ক্ষণে ক্ষণে দিবে দেখা স্মৃতির মাঝারে রে
কেমনে ভুলিব আমি, বলিয়া দেও হে তুমি
ভুলিবার নয় সখি কেমনে ভুলিব রে
মধুমাখা কথাগুলি কেমনে গো ভুলিব
কেমন করিয়া প্রিয়ে তব মুখ ভুলিব !

তব মুখ পূর্ণ শশী যবে মনে করিব
হৃদয়ে কোন মতে প্রবোধিতে নাহিব ।
হুরন্ত শমন হায়, তব সুকোমল কায়া,
অনায়াসে প্রিয়তমে গ্রাস করে ফেলিল,
কিছুতেই হায় হায় বারণ নাশুনিল,
কেমন করিয়া প্রিয়ে তব মুখ ভুলিব ।

কমলনয়নী অগ্নি প্রেমসী আমার
কমলনয়নে প্রিয়ে হের একবার,
বারেক কটাক্ষে তব, বেদনা যাইবে সব,
অন্তরে বিরহজ্বালা না হইবে আর,
সুধামাখা কথাগুলি একবার শুনিব,
কেমন করিয়া প্রিয়ে তব মুখ ভুলিব ।

তোমার হৃদয় প্রিয়ে মম বাসস্থান,
হরণ করিয়া কোথা করিছ প্রস্থান,
বল দেখি সুবদনে, কেমনে রহিব প্রাণে,
হেরিব কি গৃহরূপ এ শূন্য কানন,
বিদায় করিয়া কান্তা বল কি হেরিব,
কেমন করিয়া প্রিয়ে তব মুখ ভুলিব ।

মনেতে করিয়া প্রিয়ে ছিলাম রে আমি,
প্রেমের আরামভূমি হইবে রে তুমি ।

কোথায় রহিল তব, প্রেম অঙ্গীকার সব,
কেমন করিয়ে প্রিয়ে ছলিয়াছ তুমি,
তোমার পথের পথি কেমনে যে হইব,
কেমন করিয়া প্রিয়ে তব মুখ ভুলিব ।

কণ্টকশায়ায় প্রিয়ে রাখি কলেবর,
হইয়া আছ হে কেন বল নিক্তর ।

আমার চখের জল, পড়িতেছে অবিরল,
তোমার হৃদয়ে সখি দেখ একবার,
তোমার সহিত যদি যায় এ জীবন,
তাহাতে আমার হৃৎকথ হবে না কখন ।

কেঁদেছি কাঁদিব আঁহা যাবত জীবন,
তব রুখা যখনই হইবে স্মরণ।
তোমার বিরহানল, হইবে না সুশীতল,
প্রিয়তমে মম মনে রবে অক্ষুণ্ণ,
তুমি কিন্তু দেখিবে না আমার রোদন,
সে অশ্রুতে তব অশ্রু হবে না পতন।

স্বপনে জানি না সখি হইবে এমন,
আমার হৃদয়ধন হরিবে শমন,
মম গৃহ শূন্য করি, চলিলে হে স্বর্গপুরী,
আমার হৃদয় শূন্য করিয়া এখন,
বল হে শশাঙ্ক মুখী কি হবে আমার,
তোমার বিরহে প্রাণে থাকিব কি আর।

যে মুখেতে প্রিয় কথা শুনেছি কেবল,
কেমন করিয়া তাহে দিব পিও জল,
যে তব কাঞ্চনসম, ছিল মোর প্রিয়তম,
অনায়াসে তারে আমি দিব বিসর্জন,
আমার হৃদয় প্রিয়ে কঠিন কেমন
বিরহ-অনলে হবে সতত দহন।

তাজিয়ে তটিনী-তট ভবনে গমন,
সংসারের এই গতি বিরহ মিলন,
ভাসারে শ্মশানে যেন, অতি প্রিয়তর ধন,
যায় যায় ফিরে চায় বিষণ্ণ হৃদয়ে রে
যেখানেতে প্রিয়তমা আছেন শুইয়ে রে
এইখানে অভাগার যতনের ধন রে।
কলিকাতা।

শ্রীমতী স্ত্রী—

বঙ্গমহিলা ।

মাসিক পত্রিকা ও সমালোচন ।

নারী হি জননী পুংসাং নারী ত্রিরুচ্যতে বুধৈঃ ।
তস্মাৎ গেহে গৃহস্থানাং নারীশিক্ষা গরীমসী ।

বিষয়।	পৃষ্ঠা
১। স্ত্রী ও পুরুষ।	২৪১
২। ইংলণ্ডের শাসন-প্রণালী।	২৪৫
৩। বঙ্গদেশে বর্ণবিভাগ।	২৫২
৪। স্বাস্থ্য-রক্ষা।	২৫৬
৫। বামাগণের রচনা।	২৫৯

চোরবাগান-বালিকা-বিদ্যালয়ের অধ্যক্ষসভা হইতে
প্রকাশিত।

কলিকাতা ।

শ্রীধরচন্দ্র বসু কোম্পানির বহুবাজারস্থ ২৪৯ সংখ্যক ভবনে
ষ্ট্যান্‌হোপ যন্ত্রে মুদ্রিত।

১২৮৩।

বঙ্গমহিলার নিয়ম।

- অগ্রিম বাৎসরিক মূল্য ১০০ টাকা মাত্র।
 মফস্বলে ডাক মাসুল ১০ আনা।
 প্রতি সংখ্যার মূল্য ২০ আনা।
 ষাণ্মাসিক বা ত্রৈমাসিক হারে মূল্য গৃহীত হইবে না।
 পত্রিকা প্রাপ্তির সময় হইতে চারি মাসের মধ্যে অগ্রিম মূল্য
 না দিলে বঙ্গমহিলা আর পাঠান যাইবে না।
 সচরাচর অগ্রিম মূল্য না পাঠাইলে অপরিচিত নূতন গ্রাহ-
 কের নিকট 'বঙ্গমহিলা' পাঠান হইবে না।
 মনি অর্ডার বা ডাক টিকিট, বাহার বাহাতে সুবিধা হয়,
 তাহাতেই মূল্য প্রেরণ করিতে পারিবেন, কিন্তু ডাকের টিকিটে,
 টাকায় এক আনার হিসাবে বাটা দিতে হইবে।
 মূল্য প্রাপ্তি স্বীকার বঙ্গমহিলার শেষ পৃষ্ঠায় করা হইবে।
 কলিকাতা ও তন্নিকটবর্তী গ্রাহকগণ সম্পাদকের স্বাক্ষরিত
 ছাপা বিল ভিন্ন বঙ্গমহিলার মূল্য প্রদান করিবেন না।
 বিজ্ঞাপনের নিয়ম প্রতি পংক্তি ১০ আনা।
 গ্রাহকগণ অগ্রিম মূল্য সত্ত্বর প্রেরণ করিয়া বাধিত করিবেন।

বাগানের গদ্য বা পদ্য রচনাবলী অতি সাদরে বঙ্গ-
 মহিলায় বিন্যস্ত হইয়া থাকে। অতএব সকলে প্রেরণ
 করিয়া বাধিত করিবেন।

কলিকাতা, চোরবাগান, } শ্রীভুবনমোহন সরকার,
 মুক্তারাম বাবুর ষ্ট্রিট, ৭৭ নং। } সম্পাদক।

বিজ্ঞাপন।

১২৮২ সালের বঙ্গমহিলা একত্র বাধান প্রস্তুত আছে।
 মূল্য ডাকমাশুল সমেত দুই ২ টাকা।

১২৮২ সালের বঙ্গমহিলা ২য় ও ৩য় সংখ্যা ব্যতীত বাহার
 যে কোন সংখ্যা প্রয়োজন হইবে, প্রতি সংখ্যার মূল্য ডাকমাশুল
 সমেত ১০ দুই আনা প্রেরণ করিলে প্রাপ্ত হইবেন।

স্ত্রী ও পুরুষ।

স্ত্রী ও পুরুষের মধ্যে যেমন শরীরগত বিশেষ বৈলক্ষণ্য আছে,
 সেইরূপ মানসগত একটি আশ্চর্য্য প্রভেদ দৃষ্ট হয়। যেমন একই
 মূল উপাদানে গঠিত হইয়াও শরীরের অবয়ব সম্বন্ধে নরনারীর
 স্বাভাবিক প্রভেদ রহিয়াছে, নরনারীর হৃদয়, মনের বৃত্তি ও
 শক্তি সম্বন্ধেও সেইরূপ একটি বিশেষ পার্থক্য পরিলক্ষিত হয়।
 মানসিক সকল বৃত্তিই, হৃদয়ের সকল ভাবই নরনারী উভয়েরই
 প্রকৃতিতে প্রস্ফুটিত আছে। কিন্তু এইরূপ অভিন্নতা সত্ত্বেও যে
 মানসিক বৃত্তি ও হৃদয়ের ভাবনিচয়ের প্রকার ও পরিমাণসম্বন্ধে
 নরনারীর প্রকৃতিতে যে বিশেষ তারতম্য আছে, তাহা নিতান্ত
 সুলদর্শী ব্যক্তিও অবলোকন করিতে পারে। পুরুষ কঠোর, স্ত্রী
 প্রেমময়; পুরুষ ক্রেশসহিষ্ণু, স্ত্রী কোমল; পুরুষ, নির্ভীক, স্ত্রী
 ভীকস্বভাব। মনুষ্যের মনের ভাব সমূহের মধ্যে যেগুলি কোমল
 ভাবাপন্ন, সেইগুলি নারীর হৃদয়ক্ষেত্রে প্রচুর পরিমাণে উদ্ভূত
 হয়। বিনয়, দয়া, স্নেহ, মমতা, শালীনতা ইত্যাদি স্নিগ্ধ ও কমনীয়
 গুণরাজিই স্ত্রীহৃদয়ে প্রত্যক্ষ হয়। সাহস, নির্ভীকতা, বুদ্ধির
 প্রাখর্য্য ইত্যাদি কঠোর গুণসমূহ পুরুষে পরিলক্ষিত হয়। পুরুষের
 জ্ঞান যেমন অধিক বলবান্, স্ত্রীলোকের হৃদয় সেইরূপ অধিক
 প্রশস্ত, কোমল ও মাধুর্য্যময়। বুদ্ধিসামর্থ্যে কণীস্বামী হইয়াও
 হৃদয়াংশে নারী পুরুষাপেক্ষা শ্রেষ্ঠ। পুরুষের পক্ষে যে কোমল
 গুণসমূহ অবাঞ্ছনীয় তাহা নহে, তবে পুরুষে ইহাদের অভাব
 একদা ক্ষমাযোগ্য, স্ত্রীগণে তাহা অমার্জনীয়।

অনেকে বলেন যে, স্ত্রীপুরুষে প্রকৃতিগত যে বৈষম্য দৃষ্ট হয়,
 তাহা অনেকটা সমাজের দোষে। পুরুষ-প্রকৃতির সহিত নারী-
 প্রকৃতির কিছু প্রভেদ নাই, কেবল বলবান্ পুরুষগণই আদিম
 কাল হইতে স্ত্রীগণকে অধীনতা শৃঙ্খলে বদ্ধ করিয়া আসিয়াছে
 বলিয়া তাহাদের স্বাভাবিক শক্তি প্রস্ফুটিত হইতে পারে নাই।

চিরকাল পুরুষদিগের নিতান্ত অধীন থাকাতে নারীজাতির যথার্থ প্রকৃতি বিকাশ পায় নাই। চিরান্ত অধীনতা ও পর-বশতা নিবন্ধন, তাহাদিগের স্বাভাবিক ভাব বিকৃত হইয়া গিয়াছে। যাহারা এইরূপ আপত্তি করেন তাহাতে যে কিছু মাত্র সত্য নাই তাহা আমরা বলিতে চাহি না। যে রূপ অবস্থাপন্ন হইয়া পুরুষেরা উন্নতি লাভ করিয়াছে, সেইরূপ অবস্থাপন্ন হইলে যে স্ত্রীগণ অনেক বিষয়ে পুরুষের সমকক্ষ হইতে পারে না, তাহা আমরা বিশ্বাস করি না। কিন্তু কোন কোন বিষয়ে যে নরনারীর মধ্যে প্রকৃতিগত পার্থক্য আছে, তাহা অবশ্যই স্বীকার করিতে হইবে। আদিম অবস্থা হইতে পুরুষ বলবান, স্ত্রী অবলা; শারীরিক প্রাবল্য বশতঃ পুরুষদিগের প্রাধান্য ছিল ও স্ত্রীদিগকে তাহাদের বশ্যতা স্বীকার করিতে হইত। আদিম অবস্থায় পুরুষেরা যুদ্ধ বিগ্রহে সর্বদা ব্যাপৃত থাকিত; ঈশ্বর স্ত্রী-জাতিকে তাদৃশ সামর্থ্য দেন নাই বলিয়া তাহাদিগকে কাজে কাজেই পুরুষদিগের অধীনে থাকিতে হইত। কিন্তু পুরুষদিগের অধীনে থাকিয়াও যে স্ত্রীলোকের তাহাদের উপর কোন ক্ষমতা ছিল না তাহা বলা যায় না। পুরুষের কঠোর স্বভাবকে স্ত্রীগণ প্রকৃতিদত্ত কোমলগুণে অনেকটা সংযমিত করিত; তাহাদের ক্ষমতা সকল সময়েই পুরুষদিগকে স্বীকার করিতে হয়।

দেখা বাইতেছে যে, পুরুষজাতি উগ্র ও কঠোর প্রকৃতি, স্ত্রীগণ স্নিগ্ধ ও কমনীয় ভাবের আধার; শারীর বীর্ঘ্য ও বুদ্ধি প্রাথর্ঘ্যে পুরুষ যেমন বলবান, হৃদয়ের প্রীতি, দয়া ও কোমলতায় নারী তেমনি সম্মাননীয়। পুরুষগণের উগ্রতা ও কঠোরতার স্ত্রীজাতির কোমলতাই একমাত্র প্রতিকার। গৃহই এইরূপ করিবার উপযুক্ত স্থান। এই জন্মই কবির কহিয়া থাকেন, রমণী গৃহের অধিষ্ঠাত্রী দেবতা, গৃহের লক্ষ্মী স্বরূপ—“নারী স্ত্রীকচ্যতে বুধৈঃ।” রমণীগণের পুরুষের চরিত্র সংশোধন করিবার ক্ষমতা বিষয়ে অধিক বলিবার প্রয়োজন করে না। ইহা বলিলেই পর্যাপ্ত হইবে যে, মহৎ

লোকের জীবনচরিত পাঠে দেখিতে পাওয়া যায়, যে সম্ভজনীয় চরিত্রের বলে লোকে পৃথিবীতে বশস্বী হইয়াছে, সেই চরিত্র বাল্যকালে তাহাদের প্রভেদের মাতৃকর্তৃক সংগঠিত হইয়াছিল।

আমরা দেখিলাম যে, নারীজাতি তাহাদের হৃদয়গত স্বাভাবিক কমনীয় ভাব দ্বারা পুরুষের উগ্র ও কঠোর চরিত্র সংযমিত করে। তবে পুরুষের মনকে কোমল করিবার নিমিত্ত কি নারী জাতি সৃষ্টি হইয়াছে? তাহাদের কি জ্ঞানোন্নতি বিষয়ে কোন ক্ষমতা নাই? মানিলাম যে, নারীজাতি বুদ্ধিশক্তিতে পুরুষের কণীয়সী; পুরুষের মধ্যে যে সমস্ত অসামান্য ব্যক্তি জন্মগ্রহণ করিয়া যেমন বিজ্ঞানের মহতী উন্নতি করিয়াছেন, সেইরূপ নারী-জাতির মধ্যে তাহাদের সমকক্ষ এতাবৎকাল পর্যন্ত জন্মগ্রহণ করেন নাই। তথাপি ইহা জিজ্ঞাস্য যে, জ্ঞানোন্নতি বিষয়ে তাহারা কি একবারে ক্ষমতাহীন? সকলেই স্বীকার করিবেন যে, স্ত্রী-জাতিতে কল্পনাশক্তি অতি প্রবল, তাহাদের সহজ জ্ঞান অতীব বলবান। যে বিষয় পুরুষেরা অনেক তর্ক বিতর্কের পর নির্ণয় করেন, স্ত্রীলোকেরা তাহা এক মুহূর্ত্ত মধ্যে স্থির করিতে সক্ষম। এইরূপ সামর্থ্য তাহাদের বলবতী কল্পনাশক্তির ফল। দেশ-পর্যটকেরা বলিয়া থাকেন যে, বিদেশীয় ভাবগতিক স্ত্রীগণ যেমন শীঘ্র বুঝিতে পারে, পুরুষেরা তেমন পারে না। ইহাতে উপলব্ধি হইতেছে যে, স্ত্রীলোকের বুদ্ধিশক্তি কিছু ত্বরিত, পুরুষের বুদ্ধির গতি কিছু ধীর। সুপ্রসিদ্ধ ইতিহাসলেখক বাকল সাহেব বলেন, বিজ্ঞানরাজ্যে যাহারা বশস্বী হইয়াছেন, তাহারা যদি স্ত্রীগণের নিকট হইতে ঐ আশ্চর্য্য শক্তি প্রাপ্ত না হইতেন, যদি তাহাদের মনে ঐ অল্পম কল্পনাশক্তি সংক্রামিত না হইত, তাহা হইলে, বিজ্ঞান এতদূর উন্নতি লাভ করিতে পারিত কি না সন্দেহ। তিনি বলেন, যেমন বিশ্বরাজ্যের তত্ত্ব নিরূপণ করিবার নিমিত্ত প্রত্যক্ষ ব্যাপারসমূহ পর্যালোচনা করা নিতান্ত আবশ্যিক, সেইরূপ কল্পনাশক্তি দ্বারা কোন বিষয়ে শীঘ্র প্রবেশ ও তাহার অন্তরতম

প্রদেশ পর্যন্ত অবলোকন করা তেমনি আবশ্যিক। প্রকৃতির বাহ্য ব্যাপার পর্যালোচনা করা যেমন বিজ্ঞানতত্ত্বাসন্ধানের একটি প্রধান উপকরণ, তেমনি আন্তরিক ভাবনিচয় হইতে আরম্ভ করিয়া বাহ্য ব্যাপার সমূহের মর্ম নির্ণয় করা আর একটি প্রধান উপকরণ। বস্তুতঃ যে কল্পনাশক্তির প্রভাবে নারীজাতি কোন একটি বিষয়ের গভীরতম প্রদেশ পর্যন্ত প্রত্যক্ষ করিতে সক্ষম, সেই শক্তি যদি পুরুষেরা সম্পূর্ণরূপে আয়ত্ত করিতে পারিতেন, তাহা হইলে বাকলের মতে বিজ্ঞানের উন্নতি আরও অধিক হইত। ইহাতে প্রতিপন্ন হইতেছে যে, গৃহকার্যে ও পরিবারের সুখসম্বন্ধনেই যে কেবল স্ত্রীগণের ক্ষমতা প্রকাশ পায় তাহা নহে, জ্ঞানোন্নতি বিষয়েও তাহাদের বিশেষ ক্ষমতা আছে।

নারীজাতির হৃদয়ের স্নিগ্ধ ও কমনীয় গুণরাজি স্বীকার করিলাম, ও তাহাদের প্রথরা কল্পনাশক্তি জ্ঞানোন্নতি বিষয়ে বিশেষ সাহায্য করে তাহাও দেখাইলাম। কিন্তু যে গুণসমূহের কথা বলিলাম, তাহা শিক্ষা বিহনে বিনাশ প্রাপ্ত হইতে পারে। সৌভাগ্যবশতঃ নারীজাতির শিক্ষার আবশ্যিকতা বিষয়ে এক্ষণে আর লোকের দ্বৈধভাব নাই। কিন্তু কিরূপ শিক্ষালাভে তাহারা অধিকারী ভবিষয়ে মতভেদ আছে। অনেকে নারীজাতিকে কেবল হৃদয়ানুকূল শিক্ষাদানে উद्यোগী। তাহাদের মতে বাহাতে নারীহৃদয়ে প্রকৃতিগত সৌন্দর্য্য ও সদ্ভাবসমূহ সুন্দররূপে বিকসিত হয়, সেইরূপ শিক্ষা নারীজাতির উপযোগী। স্ত্রীজাতি কেবল কাব্য পাঠ করিবে, সুকুমার বিদ্যা আলোচনা করিবে, সঙ্গীত শিক্ষা করিবে, ইহাই তাহাদের অভিলাষ। তাহাদের মতে, বিজ্ঞান আলোচনা স্ত্রীলোকের পক্ষে অবৈধ। তাহারা ভাবেন যে, কঠোর বিজ্ঞান পাঠ করিলে গোলাপ পুষ্পের স্থায় নারীর কোমল হৃদয়কে প্রস্তরবৎ কঠিন করিয়া ফেলিবে। আমাদের মত ইহার সম্পূর্ণ বিপরীত। প্রথমতঃ, বিজ্ঞান যে কঠোর তাহা আমরা স্বীকার করি না। আমরা

স্পেন্সরের সহিত এক বাক্যে বলিতে পারি যে, বিজ্ঞানই কাব্য। কবিতা পাঠ করিলে যেরূপ সুখ হয়, যেরূপ মনের উৎকর্ষ সাধন হয়, বিজ্ঞান পাঠ করিলে এরূপ যে হয় না তাহা আমরা বিশ্বাস করি না। দ্বিতীয়তঃ যদিও বিজ্ঞানকে অতি কঠোর সামগ্রী বলিয়া মানি, তথাপি তাহা যে স্ত্রীজাতির পাঠের অল্পযুক্ত তাহা বলিতে পারি না। পুরুষ জাতি স্বাভাবিক উগ্র ও কঠোর-হৃদয় বলিয়া কেবল বিজ্ঞানশাস্ত্রালোচনা করা ও কাব্যরসাস্বাদনে একবারে বিমুখ থাকা যদি সম্ভব হয়, তবে স্ত্রীলোকের পক্ষে কেবল কাব্য পাঠ করা সম্ভব হইতে পারে।

ঈশ্বর স্ত্রীজাতিকে কোমল প্রকৃতি দিয়াছেন, সেই কোমল প্রকৃতি শিক্ষাদারা উৎকর্ষসাধন করিয়া, কোমল ও মধুর ব্যবহারে পরিবারের সুখ সচ্ছন্দতা বৃদ্ধি করেন ও জনসমাজে শান্তি ও প্রেমের রাজ্য বিস্তার করেন ইহাই বাঞ্ছনীয়।

ইংলণ্ডের শাসন-প্রণালী।

পূর্বে ইংলণ্ড একটি স্বতন্ত্র রাজ্য ছিল। ইহা তৎকালে ব্রিটন বলিয়া বিখ্যাত ছিল। ইহার লোকেরা এরূপ অসভ্য ছিল যে, তাহাদিগের মধ্যে কোন প্রকার সুচারু রাজপ্রণালী চলিত ছিল না। দেশের ভিন্ন ভিন্ন প্রদেশে ভিন্ন ভিন্ন দলের এক একটি স্বতন্ত্র রাজা ছিল; তাহারা সকলেই স্বেচ্ছাচারে প্রজাবর্গের উপর আপনাপন আধিপত্য প্রকাশ করিত। যে অরণ্যচারী মুর্খজাতি পশুচর্মপরিধান করিয়া কেবল যুগ্ম ও পরস্পর কলহে দিনযাপন করিত,—বাহারা গৃহাদি নির্মাণ দূরে থাকুক, লৌহাদি ধাতুর ব্যবহারও উত্তমরূপে বুঝিতে পারিত না, বাহাদের মধ্যে লেখা পড়া কখনই কিছুমাত্র চলিত ছিল না তাহাদিগের রাজ্যশাসন কি প্রকার ছিল, তাহা পাঠকবর্গ বোধ হয় অনায়াসেই বুঝিতে পারিবেন।

পরে রোমীয় জাতি আসিয়া ব্রিটন আক্রমণ করিয়া তাহার

প্রদেশ পর্যন্ত অবলোকন করা তেমনি আবশ্যিক। প্রকৃতির বাহ্য ব্যাপার পর্যালোচনা করা যেমন বিজ্ঞানতত্ত্বাসূক্ষ্মানের একটি প্রধান উপকরণ, তেমনি আন্তরিক ভাবনিচয় হইতে আরম্ভ করিয়া বাহ্য ব্যাপার সমূহের মর্ম নির্ণয় করা আর একটি প্রধান উপকরণ। বস্তুতঃ যে কল্পনাশক্তির প্রভাবে নারীজাতি কোন একটি বিষয়ের গভীরতম প্রদেশ পর্যন্ত প্রত্যক্ষ করিতে সক্ষম, সেই শক্তি যদি পুরুষেরা সম্পূর্ণরূপে আয়ত্ত করিতে পারিতেন, তাহা হইলে বাকলের মতে বিজ্ঞানের উন্নতি আরও অধিক হইত। ইহাতে প্রতিপন্ন হইতেছে যে, গৃহকাৰ্য্য ও পরিবারের সুখসম্বন্ধনেই যে কেবল স্ত্রীজাতির ক্ষমতা প্রকাশ পায় তাহা নহে, জ্ঞানোন্নতি বিষয়েও তাহাদের বিশেষ ক্ষমতা আছে।

নারীজাতির হৃদয়ের স্নিগ্ধ ও কমনীয় গুণরাজি স্বীকার করিলাম, ও তাহাদের প্রথমা কল্পনাশক্তি জ্ঞানোন্নতি বিষয়ে বিশেষ সাহায্য করে তাহাও দেখাইলাম। কিন্তু যে গুণসমূহের কথা বলিলাম, তাহা শিক্ষা বিহনে বিনাশ প্রাপ্ত হইতে পারে। সৌভাগ্যবশতঃ নারীজাতির শিক্ষার আবশ্যিকতা বিষয়ে এক্ষণে আর লোকের দ্বৈধভাব নাই। কিন্তু কিরূপ শিক্ষালাভে তাহারা অধিকারী ভবিষয়ে মতভেদ আছে। অনেকে নারীজাতিকে কেবল হৃদয়াকুল শিক্ষাদানে উদ্যোগী। তাহাদের মতে যাহাতে নারীহৃদয়ে প্রকৃতিগত সৌন্দর্য্য ও সদ্ভাবসমূহ সুন্দররূপে বিকসিত হয়, সেইরূপ শিক্ষা নারীজাতির উপযোগী। স্ত্রীজাতি কেবল কাব্য পাঠ করিবে, সুকুমার বিদ্যা আলোচনা করিবে, সঙ্গীত শিক্ষা করিবে, ইহাই তাহাদের অভিলাষ। তাহাদের মতে, বিজ্ঞান আলোচনা স্ত্রীলোকের পক্ষে অবৈধ। তাহারা ভাবেন যে, কঠোর বিজ্ঞান পাঠ করিলে গোলাপ পুষ্পের স্থায় নারীর কোমল হৃদয়কে প্রস্তরবৎ কঠিন করিয়া ফেলিবে। আমাদের মত ইহার সম্পূর্ণ বিপরীত। প্রথমতঃ, বিজ্ঞান যে কঠোর তাহা আমরা স্বীকার করি না। আমরা

স্পেন্সরের সহিত এক বাক্যে বলিতে পারি যে, বিজ্ঞানই কাব্য। কবিতা পাঠ করিলে যে রূপ সুখ হয়, যে রূপ মনের উৎকর্ষ সাধন হয়, বিজ্ঞান পাঠ করিলে এরূপ যে হয় না তাহা আমরা বিশ্বাস করি না। দ্বিতীয়তঃ যদিও বিজ্ঞানকে অতি কঠোর সামগ্রী বলিয়া মানি, তথাপি তাহা যে স্ত্রীজাতির পাঠের অল্পযুক্ত তাহা বলিতে পারি না। পুরুষ জাতি স্বাভাবিক উগ্র ও কঠোর-হৃদয় বলিয়া কেবল বিজ্ঞানশাস্ত্রালোচনা করা ও কাব্যরসাস্বাদনে একবারে বিমুখ থাকা যদি সম্ভব হয়, তবে স্ত্রীলোকের পক্ষে কেবল কাব্য পাঠ করা সম্ভব হইতে পারে।

ঈশ্বর স্ত্রীজাতিকে কোমল প্রকৃতি দিয়াছেন, সেই কোমল প্রকৃতি শিক্ষাদ্বারা উৎকর্ষসাধন করিয়া, কোমল ও মধুর ব্যবহারে পরিবারের সুখ সচ্ছন্দতা বৃদ্ধি করেন ও জনসমাজে শান্তি ও প্রেমের রাজ্য বিস্তার করেন ইহাই বাঞ্ছনীয়।

ইংলণ্ডের শাসন-প্রণালী।

পূর্বে ইংলণ্ড একটি স্বতন্ত্র রাজ্য ছিল। ইহা তৎকালে ব্রিটন বলিয়া বিখ্যাত ছিল। ইহার লোকেরা এরূপ অসভ্য ছিল যে, তাহাদিগের মধ্যে কোন প্রকার সুচারু রাজপ্রণালী চলিত ছিল না। দেশের ভিন্ন ভিন্ন প্রদেশে ভিন্ন ভিন্ন দলের এক একটি স্বতন্ত্র রাজ্য ছিল; তাহারা সকলেই স্বৈচ্ছাচারে প্রজাবর্গের উপর আপনাপন আধিপত্য প্রকাশ করিত। যে অরণ্যচারী মুর্খজাতি পশুচর্মপরিধান করিয়া কেবল যুগয়া ও পরস্পর কলহে দিনযাপন করিত,—যাহারা গৃহাদি নির্মাণ দূরে থাকুক, লৌহাদি ধাতুর ব্যবহারও উত্তমরূপে বুঝিতে পারিত না, যাহাদের মধ্যে লেখা পড়া কখনই কিছুমাত্র চলিত ছিল না তাহাদিগের রাজ্যশাসন কি প্রকার ছিল, তাহা পাঠকবর্গ বোধ হয় অনায়াসেই বুঝিতে পারিবেন।

পরে রোমীয় জাতি আসিয়া ব্রিটন আক্রমণ করিয়া তাহার

কিয়দংশ অধিকার করে; ইহারা তখন ইউরোপে সর্বাপেক্ষা সুসভ্য ছিল। ইহারা ব্রিটনদিগকে অনেকাংক শিপ্পাদি শিক্ষা প্রদান করে এবং লেখাপড়ার প্রথম সূত্রপাত করে। এক্ষণে ইং-রাজীভাষা যে অক্ষরে লেখা হয়, তাহা রোমীয়েরা ইংরাজদিগের পূর্বপুরুষ ব্রিটনদিগকে শিখাইয়া দেয়; রোমীয়েরা প্রায় দুই শতাব্দী পরে ব্রিটন ছাড়িয়া আপনাদের দেশে প্রত্যাগমন করে। সেক্সন নামে এক জাতি সেই সময়ে ইংলণ্ডে আসিয়া বলপূর্বক ঐ দেশের অনেকাংশ অধিকার করে, এবং ব্রিটনদিগের সহিত পর-স্পর পুত্র কন্যার বিবাহ প্রদান করিয়া সেই দেশে বাস আরম্ভ করিল। অতি অল্পকাল মধ্যেই দুই জাতি এরূপ মিলিত হইল যে তাহাদের মধ্যে প্রায় কোন প্রভেদ রহিল না। যাহারা সেক্সন-দিগকে বৈদেশিক বলিয়া অত্যন্ত ঘৃণা করিত, আপন আপন পুত্র কন্যার সহিত তাহাদিগের বিবাহাদি রহিত করিল ও তাহাদিগের সহিত সকল প্রকার সম্পর্ক বন্ধ করিল, তাহারা প্রায় সকলেই ব্রিটন, অর্থাৎ ইংলণ্ড পরিত্যাগ করিয়া ওয়েল্‌স্, স্কটলণ্ড ও আয়র্লণ্ডে উঠিয়া গেল। সেই সময়ে ঐ দেশের নাম ইংলণ্ড হইল এবং তাহার লোকেরা ইংরাজ বলিয়া বিখ্যাত হইল। ইহার কারণ এই যে, যে সকল সেক্সন ব্রিটনে আগমন করে তাহাদিগের অধিকাংশই এংগল্‌ নামে বিখ্যাত ছিল।

ইহাদিগের সময়ে ইংলণ্ড সাত ভাগে বিভক্ত ছিল। প্রত্যেক ভাগে এক একটা রাজা ছিলেন। এই সকল রাজারা প্রায় সকলেই সম্পূর্ণ স্বৈচ্ছাচারী ছিলেন। ক্রমে তাহারা রাজকার্য্য সূচক-রূপে নিরীহার্থ আপন আপন প্রদেশে এক একটা সভা স্থাপন করেন। সেই সেই ভাগে যত জ্ঞানী ব্যক্তি বাস করিতেন তাহারা এই সভার সভ্য হইতেন ও আপনাদিগের মন্ত্রণা ও পরামর্শ দ্বারা রাজাকে রাজকার্য্যে সাহায্য করিতেন। এই সভাগুলি বিটেনগেমেট্ অর্থাৎ বিট্‌সভা বলিয়া বিখ্যাত ছিল এবং ইহাদিগের অনুকরণে আধুনিক পার্লামেন্ট মহাসভা সংস্থাপন হয়।

পরে ১০৬৬ খৃঃ অব্দে নরম্যান নামক এক জাতি ফ্রান্সের উত্তর ভাগ হইতে আসিয়া ইংলণ্ড আক্রমণ ও জয় করিয়া সমস্ত দেশ অধিকার করে। ইহাদিগের রাজা উইলিয়ম ইংলণ্ডের রাজসিংহাসনে আরোহণ করিয়া আপনাদিগের জাতীয় মতে দেশ শাসন করিতে আরম্ভ করিল। এইটী ইংরাজদিগের সর্বাপেক্ষা দুঃখের সময় হইয়াছিল। ইহারা রাজ্য জয় করিয়া ইংরাজদিগকে দাসের আয় ব্যবহার করিত। এমন কি এরূপ ভয়ানক অত্যাচার আরম্ভ হইল, যে যদি কোন নরম্যান কোন ইংরাজের প্রাণ হরণ করিত তাহা হইলে তাহার কিছু মাত্র দণ্ড হইত না; কিন্তু যদি কোন ইংরাজ কোন নরম্যানের নিকট অপরাধী হইত তাহা হইলে তাহাকে ধনে প্রাণে বধ করা হইত। রাজ্যের যত প্রধান প্রধান পদ সকলেই নরম্যানদিগকে প্রদত্ত হইল। তাহারা যাহা করিত তাহার উপর কাহারও কোন প্রকার আপত্তি চলিত না। এইরূপ অবস্থায় প্রায় ১০০ বৎসর গত হইলে রাজাদিগের ভয়ানক ক্ষমতা হইয়া উঠিল এবং সাধারণ প্রজাবর্গের উপর তাহাদিগের প্রভুত্বের সীমা রহিল না। ক্রমে রাজাদের ক্ষমতা এমন হইয়া উঠিল, যে তাহারা সকলেরই উপর সমান আধিপত্য করিতে আরম্ভ করিল। নরম্যানেরা প্রথমে রাজাকে সাহায্য করিত, কারণ তাহারা জানিত যে ইংরাজ প্রজাগণ তাহাদিগের কর্তৃক প্রীড়িত হইয়া তাহাদের নামে রাজার নিকট অভিযোগ করিলে রাজা ইংরাজদিগের বিপক্ষে তাহাদিগেরই সাপেক্ষতা করিবেন। এই ভাবিয়া তাহারা রাজার প্রভুত্ব বর্ধনে প্রাণপণে সহায়তা করিতে লাগিল। রাজারাও দেখিলেন যে, তাহাদিগকে কেহই দমন করিতে পারে না। তাহারা আর ইংরাজ নরম্যান প্রভেদ না মানিয়া সকলেরই উপর সমান অত্যাচার আরম্ভ করিলেন। রাজ্য মধ্যে চতুর্দিকে বিশৃঙ্খলতা প্রবল হইয়া উঠিল।

অবশেষে যখন জন্ নামে এক ব্যক্তি সিংহাসনে আরোহণ করিলেন, তখন রাজাত্যাচার এমন দুঃসহ হইয়া উঠিল যে, প্রজা-

বর্গ সকলেই একত্র হইয়া তাহাকে সিংহাসন-চ্যুত করিতে চেষ্টা করিতে লাগিল। রাজা তখন ভয় পাইয়া একখানি নিয়মাবলি প্রস্তুত করিয়া দিলেন এবং সেই নিয়মাবলি অবলম্বন করিয়া ইংলণ্ডের শাসনপ্রণালী অত্যাধি চলিতেছে। ইহা মাগ্নাকার্টা বলিয়া অত্যাধি বিখ্যাত রহিয়াছে। ইহা দ্বারা রাজার ক্ষমতা এত হ্রাস হইয়া যায়, যে তিনি সেই অবধি কেবল নামে রাজামাত্র হইয়া আছেন। ইহার মর্ম এই যে, রাজা স্বয়ং কিছুই করিতে পারিবেন না। যদি কোন প্রজা কোন অপরাধ করে তাহা হইলে সেই প্রজার সমান পদস্থ অত্রাণ প্রজাগণ তাহার দোষ নির্দোষ বিচার করিবে এবং যদি দোষী সাব্যস্ত হয়, তাহা হইলে দেশের দণ্ডবিধি অনুসারে দণ্ডনীয় হইবে। রাজা কাহাকেও আপন ইচ্ছাতে কারাবাসে বা নির্বাসনে প্রেরণ করিতে পারিবেন না। তাঁহার প্রজাবর্গের নিকট হইতে অর্থসংগ্রহের ক্ষমতা একেবারে লোপ হইল। রাজকার্যনির্বাহার্থ একটা সভা স্থাপন হইল। প্রজাগণকর্তৃক মনোনীত ব্যক্তিগণ কেবল এই সভার সভ্য হইতে পারিবে। এবং এই সভার সভ্যগণ যে সকল নিয়মাদি প্রস্তুত করিবেন, সেই নিয়মানুসারে কি রাজা কি প্রজা সকলকেই চলিতে হইবে। এই সভা এক্ষণে পার্লামেন্ট নামে বিখ্যাত।

এই মাগ্নাকার্টার পরে আরও দুই বার কতকগুলি নিয়ম প্রস্তুত হয়। তাহাদিগেরও মর্ম প্রায় ঐরূপ।

এই প্রকারে রাজকার্য দুই শ্রেণীস্থ লোকের উপর অর্পিত হইয়াছে। প্রথম,—রাজা; দ্বিতীয়—পার্লামেন্ট। আমরা রাজার বিষয় কিঞ্চিৎ বলিতে প্রবৃত্ত হইলাম।

ইংলণ্ডে স্ত্রীপুরুষ উভয়েই রাজা হইতে পারে; অর্থাৎ রাজা পরলোক গমন করিলে তাঁহার যদি একমাত্র কন্যাসন্তান থাকে তাহা হইলে সেই কন্যাই রাজসিংহাসনে আরোহণ করিবে। একের অধিক পুত্র থাকিলে জ্যেষ্ঠেরই সিংহাসনে অধিকার। জ্যেষ্ঠ

পুত্র পিতার জীবদ্দশায় পরলোক গমন করিলে তাহার যদি কোন সন্তান থাকে তাহা হইলে সেই সন্তানই (কন্যাই হউক বা পুত্রই হউক) কেবল রাজা হইতে পারেন। কিন্তু পুত্র এবং কন্যা উভয়ে বর্তমান থাকিলে পুত্রের প্রথমে অধিকার। পূর্বেই কথিত হইয়াছে যে, এক্ষণে রাজার প্রায় কোন ক্ষমতাই নাই। অপূর জাতির সহিত যুদ্ধ করা, যুদ্ধে নিযুক্ত হইলে সন্ধি করা, অপরাধী ব্যক্তিকে মার্জনা করা, প্রজাগণকে উচ্চ উপাধি প্রদান করা, আপনার মন্ত্রী নিযুক্ত করা ইত্যাদি সামান্য ক্ষমতাই তাঁহাকে প্রদত্ত হইয়াছে। রাজ্যে করসংগ্রহ, আইনসৃষ্টি, এবং দোষাদোষ বিচারের ভার পার্লামেন্টের উপর সম্পূর্ণরূপে ন্যস্ত হইয়াছে। রাজার এই মাত্র বিশেষ ক্ষমতা যে তিনি স্বয়ং যদিও কোন আইন অর্থাৎ নিয়ম সৃষ্টি করিতে পারেন না তত্রাপি পার্লামেন্ট-সৃষ্টি নিয়মে তিনি যতক্ষণ সম্মত না হইবেন, ততক্ষণ তাহা দেশে আইন বলিয়া চলিত হইবে না।

পার্লামেন্ট সভা দুই ভাগে বিভক্ত; একটা সামান্য লোকদিগের জন্য, আর একটা উচ্চপদস্থ লোকদিগের জন্য। ইংলণ্ডের একটা চমৎকার নিয়ম এই যে, যদি কোন প্রজা কোন প্রকার উত্তম কর্ম করে, তাহা হইলে রাজা তাহাকে উচ্চ উপাধি প্রদান করিতে পারেন। এই উপাধি ছয় প্রকার। (১ম) “বেরনেট”—এইটা সর্জনিকৃষ্টি। এই উপাধি যাহাকে দেওয়া যায় সে ব্যক্তি সেই অবধি “সর্” অর্থাৎ “মহাশয়” বলিয়া খ্যাত হয়। “নাইট” নামে আর একটা উপাধি আছে তাহাতেও লোকে “সর্” বলিয়া খ্যাত হয়। এই উভয়ে প্রভেদ এই যে, বেরনেট উপাধিটা পুরুষানুক্রমে চলিয়া থাকে, অর্থাৎ যাহাকে দেওয়া হয়, সে মরিলে তাহার জ্যেষ্ঠ পুত্র, তৎপরে সেই জ্যেষ্ঠ পুত্রের জ্যেষ্ঠ পুত্র, পুত্র না থাকিলে ভাতা, ভাতার অবর্তমানে ভাতুপুত্র, এইরূপে পুরুষানুক্রমে সকলেই বেরনেট হইয়া থাকে। নাইট উপাধি যাহাকে দেওয়া হয়, সে পরলোকে গমন করিলে সে বংশে এই উপাধি

একেবারে লোপ পায়, অর্থাৎ আর কেহ নাইট হয় না। এই উপাধি একগুণে ভারতবর্ষীয় প্রজাগণকেও দেওয়া হইতেছে; সুপ্রসিদ্ধ রাজা রাধাকান্তদেব এই নাইট উপাধি প্রাপ্ত হইয়া সর রাজা রাধাকান্ত বলিয়া বিখ্যাত হইলেন। (২য়) “বেরন,”—ইহা বেরনেট্ হইতে উচ্চ। ইহা যাহাকে দেওয়া হয়, সে সেই অবধি লর্ড অর্থাৎ প্রভু বলিয়া প্রসিদ্ধ হয়। এই উপাধিটীও বেরনেটের স্থায় পুরুষানুক্রমে চলিয়া থাকে। (৩য়) “ভাইকাউন্ট”—ইহা বেরন অপেক্ষা শ্রেষ্ঠ। (৪র্থ) “আরল্”; (৫ম) “মার্কুইস”; (৬ষ্ঠ) “ডিউক,” ইহা সর্বাপেক্ষা শ্রেষ্ঠ উপাধি। এই সমুদায় অর্থাৎ ভাইকাউন্ট, আরল্, মার্কুইস্ এবং ডিউক পুরুষানুক্রমে চলিয়া থাকে এবং এই সকল উপাধিধারী ব্যক্তিগণও লর্ড অর্থাৎ আমীর বলিয়া প্রসিদ্ধ হয়। কেবল জ্যেষ্ঠ পুত্র ইত্যাদি পিতার মৃত্যুর পর এই উপাধি প্রাপ্ত হয়। অন্যান্য পুত্রগণ সামান্য লোকই থাকে। সুতরাং পাঠকগণ দেখিতেছেন সামান্য লোক স্ক্রুতি দ্বারা আমীর হয়, এবং আমীরগণের কনিষ্ঠ পুত্রগণ সামান্য লোক হয়। উভয় শ্রেণী এত মিশ্রিত যে, পরস্পরে কেহ কাহাকেও স্বর্ণা বা অবহেলা করিতে পারে না।

পূর্বেই উল্লিখিত হইয়াছে যে, পার্লিয়ামেন্ট দুই ভাগে বিভক্ত; প্রথমটী লর্ড অর্থাৎ ডিউক, মার্কুইস, আরল্, ভাইকাউন্ট ও বেরনদিগের জন্ম; দ্বিতীয়টী বেরনেট্, নাইট্, ও অন্যান্য অপর সাধারণের জন্ম। প্রথমটীকে হাউস অব লর্ড অর্থাৎ লর্ডদিগের সভাগৃহ, দ্বিতীয়টীকে হাউস অব কমন্স অর্থাৎ সাধারণের সভাগৃহ বলে।

ইংলণ্ডে যত লর্ড বা আমীর আছে, সকলেই প্রথম সভার সভ্য। রাজা স্বয়ং এই সভার অধ্যক্ষ। উচ্চপদস্থ ধর্মযাজকগণ এবং বিচারপতিগণও এই সভায় বসিতে পারেন।

হাউস অব কমন্সের সভ্যগণ সাধারণ প্রজাবর্গ কর্তৃক মনোনীত হয়। ইংলণ্ডে যত নগর, গ্রাম ও পল্লীগ্রাম আছে, প্রায় প্রত্যেক স্থান হইতে দুইটী, তিনটী বা চারিটী ব্যক্তি আসিয়া এই

সভায় সভ্য হয়। প্রত্যেক স্থানের সমস্ত লোকের, আপনাদিগের মধ্য হইতে সেই দুই, তিন বা চারি ব্যক্তি মনোনীত করিয়া মহা-সভায় প্রেরণ করে। ইহারা সকলে একত্র হইয়া রাজকার্য্য করিতে থাকে।

এই সমুদয় ব্যতীত রাজার কতকগুলি মন্ত্রী আছে। তাহাদিগকে রাজা স্বয়ং মনোনীত করেন। (১) প্রধান মন্ত্রী;—ইহার উপর রাজকোষের ভার অর্পিত থাকে। (২) বিচারমন্ত্রী; (৩) ভারতবর্ষের মন্ত্রী; (৪) বিদেশীয় কার্যের মন্ত্রী; (৫) স্বদেশ রাজকর্মের মন্ত্রী; (৬) যুদ্ধ বিষয়ের মন্ত্রী, ইত্যাদি। কি লর্ড কি সামান্য লোক সকলেই এই পদে অভিষিক্ত হইতে পারেন।

রাজ্যের কর আদায়ের ভার হাউস অব কমন্সের উপর অর্পিত আছে। ইহারা রাজাকে বাৎসরিক যে অর্থ দেয়, তাহা দ্বারাই রাজার ভরণপোষণ হয়। পাঠকগণ একগুণে দেখিতেছেন যে, ইংলণ্ডে রাজা স্বাধীন হওয়া দূরে থাকুক, কতদূর পরবশ। পূর্বে বলা হইয়াছে যে, রাজা যুদ্ধে প্রবৃত্ত হইতে পারেন। কিন্তু যুদ্ধ করিতে হইলে অর্থের নিতান্ত আবশ্যক। অর্থ আবশ্যক হইলে হাউস অব কমন্স ব্যতীত আর কেহই দিতে পারিবে না। সুতরাং রাজা কোন দেশের সহিত যুদ্ধ করিতে ইচ্ছুক হইলেও হাউস অব কমন্সের সম্মতি ব্যতিরেকে তাহাতে প্রবৃত্ত হইতে পারে না। প্রজাগণের উপরই বাস্তবিক রাজকার্যের ভার সম্পূর্ণরূপে ন্যস্ত আছে। কথিত আছে যে, জেম্‌স্ নামে ইংলণ্ডের একজন রাজা একটী দুর্ভাগ্যের পৃষ্ঠে কোনক্রমেই আরোহণ করিতে না পারিয়া ক্রোধভরে ভৃত্যকে কহেন, “আমাকে একক পাইয়া এই দুর্ভাগ্য প্রকাশ করিতেছে; জানে না যে আমার হাউস অব কমন্সে পাঁচ শত আমা অপেক্ষা শ্রেষ্ঠ ও ক্ষমতাপন্ন রাজা বসিয়া আছে; সেইখানে লইয়া যাও এবং তাহারা আমাকে যে প্রকারে নিস্তেজ করিয়াছে, ইহাকেও সেই প্রকারে নিস্তেজ করিতে বলিও।”

বঙ্গদেশে বর্ণবিভাগ ।

পূর্বে প্রকাশিতের পর ।

বারেন্দ্রশ্রেণী।—বল্লালসেনের সময় কাঞ্চকুজাগত পঞ্চ ব্রাহ্মণের অধস্তন বংশাবলীর কতকগুলি “রাঢ়ী” সংজ্ঞায় ও কতকগুলি “বারেন্দ্র” সংজ্ঞায় পৃথক দুই শ্রেণীতে বিভক্ত হইলেন। বারেন্দ্রদিগের কুলশাস্ত্রে আছে যে, যৎকালে বল্লাল রাঢ়ী ও বারেন্দ্র বিভাগ সংস্থাপন করেন, তৎকালে ১১০০ শত বর কাঞ্চকুজাগত পঞ্চ ব্রাহ্মণের বংশাবলী বঙ্গদেশে বাস করিত। ইহার মধ্যে রাঢ়ে ৩৫০ ও বারেন্দ্র ভূমিতে ৪৫০ বর বাস করিত। রাঢ়দেশবাসিগণ “রাঢ়ী” ও বারেন্দ্রভূমিনিবাসীরা “বারেন্দ্র” সংজ্ঞায় অভিহিত হইলেন। কেহ কেহ বলেন যে, যখন বঙ্গদেশে পূর্বোক্ত পঞ্চ ব্রাহ্মণ আইসেন, তখন তাহাদের সঙ্গে স্ত্রী ছিল না। কাঞ্চকুজ হইতে তাহাদের স্ত্রীগণ আসিবার পূর্বে, তাহাদের ঔরসে ও সপ্তশতী ব্রাহ্মণকন্যা-দিগের গর্ভে যে সন্তানসন্ততি হয়, তাহারাই বারেন্দ্র-শ্রেণীতে বিভক্ত হইয়াছে।

অগ্রাচ্য নীচশ্রেণীর ব্রাহ্মণ।—পূর্বোক্ত ব্যতীত অগ্রাচ্য অনেক নীচবংশীয় ব্রাহ্মণ আছে। ইহারা নীচবর্ণের পৌরোহিত্য করিয়া থাকে। এই জন্ত ঐ সমস্ত ব্রাহ্মণদিগকে গোয়াল-ব্রাহ্মণ, কৈবর্ত-ব্রাহ্মণ ইত্যাদি কহা যায়। এরূপ কথিত আছে যে, ব্যাসমুনি একদল কৈবর্তকে ব্রাহ্মণসংজ্ঞা দান করিয়াছিলেন, সেই জন্ত তাহাদিগের বংশাবলীকে কৈবর্ত-ব্রাহ্মণ কহে। ইহা ব্যতীত আচার্য্য, অগ্রদানী, ভাট, ঘটক ইত্যাদি পতিত ব্রাহ্মণ আছে। এক জাতীয় পতিত ব্রাহ্মণদিগকে পিরালী বা পিরিলী-ব্রাহ্মণ কহে। কথিত আছে যে, পির-আলী খাঁ নামে একজন আমীন, যশোহর জিলাস্থ শ্রীকান্ত রায়ের বাড়ী তদারক করিতে যায়। তথায় সে বলপূর্বক পুরুষোত্তম বিজ্ঞাবাগীশকে তদীয় স্নেহ আহার সামগ্রী ভ্রাণ করায়। “ভ্রাণে অর্দ্ধেক ভোজন,” এই জন্ত সেই ব্রাহ্মণ জাতিভ্রষ্ট হয় ও তাহার বংশীয়েরা পিরীলি ব্রাহ্মণ সংজ্ঞায় অভিহিত হয়।

ক্ষত্রিয়জাতি এতদেশে নাই, বৈশ্যজাতিও এদেশে বিরল, কিন্তু সুবর্ণবণিকেরা এই নামের আকাঙ্ক্ষী! তাহারা কহে যে, তাহারা পূর্বে বৈশ্য ছিল, বল্লাল তাহাদিগের গর্ভিত, ব্যবহারে ক্রুদ্ধ হইয়া জাতিভ্রষ্ট করেন। কথিত আছে যে, বল্লাল তাহাদিগকে জঙ্গ করিবার নিমিত্ত রক্তবর্ণজল-পূর্ণ সোণার একটা গাভী প্রস্তুত করিয়া সুবর্ণবণিকদিগকে কষিতে দেন। সেইরূপ করিতে গিয়া ভিতরের রক্তবর্ণজল বাহির হইয়া পড়ে ও সুবর্ণবণিকেরা গোহত্যা করিয়াছে, অতএব তাহারা অত্যাধি জাতিভ্রষ্ট হইল, বল্লাল এইরূপ আজ্ঞা প্রচার করিলেন।

বৈদ্য।—বৈদ্যদিগের উৎপত্তি বিষয়ে একটা গল্প আছে। এক জন প্রসিদ্ধ মুনি তপস্যা করিয়া বন হইতে প্রত্যাগমন করিয়া প্রতিদিন তাহার কুটীর সুন্দররূপে পরিমার্জিত দেখিতেন। কে এইরূপ করে, তাহা জানিবার নিমিত্ত মুনি একদিন তপস্যায় না যাইয়া নিজ কুটীরে গুপ্তভাবে অবস্থান করিলেন, এবং দেখিতে পাইলেন, যে, একটা পরমা সুন্দরী বৈশ্যকন্যা তাহার গৃহ পরিষ্কার করিতেছে। তিনি সেই কন্যার উপর সাতিশয় সন্তুষ্ট হইয়া “পুত্রবতী হও” এই আশীর্বাদ করেন। কন্যা অনুচল ছিল কিন্তু ঋষিবাক্য অগ্রথা হইবার নহে। কন্যা যথাসময়ে একটা পুত্র প্রসব করে। সেই পুত্রের নাম অমৃত্যুচার্য্য। অমৃত্যুচার্য্য ধন্বন্তরীর পুত্র অশ্বিনী-কুমারের কন্যার পাণিগ্রহণ করেন। ইহাদেরই সন্তানসন্ততি বৈদ্য নামে ধাত।

কায়স্থ।—পূর্বে বলা হইয়াছে যে, রাজা আদিশুর যজ্ঞার্থে পঞ্চ ব্রাহ্মণ ও পঞ্চ কায়স্থ এতদেশে আনয়ন করিয়াছিলেন। গোতম গোত্রে দশরথ বসু, সৌকালীন গোত্রে মকরন্দ ঘোষ, বিশ্বামিত্র গোত্রে কালিদাস মিত্র, ভরদ্বাজ গোত্রে পুরুষোত্তম দত্ত ও কাশ্যপ গোত্রে দশরথ গুহ। ইহারা বর্তমান কায়স্থদিগের আদিপুরুষ। কেহ কেহ কায়স্থদিগকে শূদ্র পদবী দিতে অসম্মত। তাহারা কহেন যে, কায়স্থ সামান্যত তিন প্রকার। ব্রহ্মকায়স্থ, করণকায়স্থ

ও সামান্যকায়স্থ । ব্রাহ্মকায়স্থ দুই প্রকার । দালুভ্য মুনি চন্দ্রসেন রাজার অন্তর্বর্তী ভাষণকে পরশুরামের হস্ত হইতে মুক্ত করেন । তাহারই সন্তানেরা দালুভ্য কায়স্থ নামে খ্যাত । ইহারাজ-বংশোদ্ভব ও ক্ষত্রিয় । দ্বিতীয়তঃ ব্রাহ্মার কায়োদ্ভব চিত্রগুপ্তের বংশীয়েরা ব্রাহ্মকায়স্থ ও ক্ষত্রিয়বর্ণ । করণকায়স্থও দুই প্রকার । ত্রেতাযুগে পরশুরাম যখন পৃথিবী নিঃক্ষত্রিয় করেন, তখন যে সকল ক্ষত্রিয়সন্তান নানাদেশে পলায়ন করিয়া নীচাচারে প্রবৃত্ত হয়, তাহারাজ করণকায়স্থ নামে খ্যাত হয় । বৈশ্ব পিতা ও শূদ্র মাতা হইতে উৎপন্ন সঙ্করজাতিকেও করণকায়স্থ কহে । ইহারাজ লিপিব্যবসায়ী বলিয়া প্রসিদ্ধ । সামান্যকায়স্থের উৎপত্তি এইরূপ—ব্রাহ্মণ হইতে বৈশ্বাতে বৈদেহ, ক্ষত্রিয় হইতে বৈশ্বাতে মাহিষ্যা, ও বৈদেহ হইতে মাহিষ্যাতে যে সন্তান জন্মে, তাহারাজ কায়স্থ নামে অভিহিত হইয়াছে । যে পাঁচ জন কায়স্থ এখানে আইসে, তাহারাজ অনেকের মতে ক্ষত্রিয় । যাহারাজ এই মতের বিরোধী, তাহারাজ বলে যে, তবে শূদ্রোপাধি যে দাস শব্দ তাহাজ কায়স্থেরাজ নামান্ত্রে ব্যবহার করেন কেন এবং উপবীত ধারণাই বা না করেন কেন ? ইহার উত্তরে অপার পক্ষীয়েরাজ বলেন যে, যদি কায়স্থেরাজ শূদ্র হইত, তাহাজ হইলে সর্বদেশে ও সর্বশ্রেণীর কায়স্থেরাজ নামান্ত্রে দাস শব্দ ব্যবহার করিত । উত্তরপশ্চিম দেশস্থ কায়স্থেরাজ লালাজ ও এতদেশে উত্তররাষ্ট্রীয় বঙ্গজ শ্রেণী কায়স্থেরাজ নামান্ত্রে ঠাকুর শব্দ ব্যবহার করে । তাহারাজ ইহাজ বলে যে, পুরুষোত্তম দত্ত দাস বলিয়া পরিচয় দিতে অসম্মত হন । তিনি শূদ্র হইলে যে এরূপ মিথ্যা স্পর্ধা করিবেন, তাহাজ বিশ্বাস হয় না । ইহাতেই তাহারাজ বলে যে, বঙ্গদেশের কায়স্থেরাজ শূদ্র নহে । কায়স্থেরাজ যে উপবীত ধারণ করে না তাহারাজ কারণ তাহারাজ এইরূপ নির্দেশ করে । যবনদিগের রাজত্ব সময়ে যবনেরাজ হিন্দু-দিগকে অতিশয় পীড়ন করিত, এমন কি তাহারাজের উপবীত হরণ করিয়া অগ্নিতে দগ্ধ করিত । ব্রাহ্মণেরাজ পুনর্বার সংস্কৃত হইয়া

গোপনে থাকিতেন । কিন্তু কায়স্থেরাজ রাজকর্মচারী ছিলেন বলিয়া উপবীত ধারণ করিতে পারিতেন না । তদবধি কায়স্থদিগের মধ্যে উপবীত ধারণ করা প্রথা উঠিয়া যায় ।

পূর্বোক্ত মত যে কতদূর সত্য তাহাজ আমরা বিচার করিতে অক্ষম । কিন্তু ইহাজ বলা যাইতে পারে যে, এই ঊনবিংশ শতাব্দীতে এই বিষয় লইয়া বাণবিতণ্ডা করা ব্রথা, তাহাজে কোন ফলোদয় নাই । আর যদি কায়স্থেরাজ শূদ্রবংশীয় হয়, তাহাজ হইলে তাহারাজ যে বিস্তর উন্নতি লাভ করিয়াছে তাহাজে সন্দেহ নাই । ইহাজে কায়স্থদিগের অবমাননার মূল নহে, গৌরবের বিষয় বলিতে হইবে ।

কায়স্থেরাজ কুলীন ও মৌলিক এই দুই ভাগে বিভক্ত । ঘোষ, বসু ও মিত্র ইহারাজ “কুলের অধিকারী” অর্থাৎ কুলীন । কুলীনদের মধ্যে আবার নানা ভাগ আছে, যথা মুখা, কনিষ্ঠ, তেওজো, ছভায়া, মধ্যমাংশ ও মধ্যমাংশদ্বিতীয়পো । দে, দত্ত, কর, পালিত, সেন, সিংহ দাস ও গুহ এই আট ঘর প্রধান মৌলিক । এতদ্ব্যতীত যে সকল মৌলিক আছে, তাহারাজদিগকে “বাহাজতুরে” বলে । পূর্ববঙ্গালার গুহেরাজ কুলীন ।

শূদ্রবর্ণ—শূদ্রেরাজ ৭৪ ভাগে বিভক্ত । তন্মধ্যে নয়টি প্রধান তাহারাজদিগকে ‘নবশাক’ বলে । যথা (১) সন্দোপ, (২) মালি, (৩) তেলী, (৪) তন্তবায়, (৫) মদক, (৬) বারজীবি, (৭) কুস্তকার, (৮) কর্মকার, (৯) নাপিত । সন্দোপেরাজ কৃষিকার্য করে । ইহাদের মধ্যে কুলীন ও মৌলিক আছে । সুর, নেউগি, বিশ্বাস, ইহারাজ কুলীন ; পাল, হাজরাজ, ঘোষ, সরকার ইত্যাদি মৌলিক । ইহারাজ বৈশ্ব পিতা ও শূদ্র মাতা হইতে উৎপন্ন সঙ্করজাতি । গন্ধবণিক, ব্রাহ্মণ পিতা ও বৈশ্ব মাতা হইতে উৎপন্ন ; শাঁকারাজ, কাঁসারাজ, স্বর্ণবণিক, এই জাতীয় ।

কৈবর্ত—কৈবর্তেরাজ বঙ্গালার অসত্য আদিমনিবাসীদিগের বংশোৎপন্ন বলিয়া বোধ হয় । ইহাজ ব্যতীত আণ্ডরি, কুর্নি, চাষা,

উত্তেজিত হইয়া মনোরঞ্জিত তেজ বৃদ্ধি করে, অভ্যংকরণ প্রকল্প হয় এবং আনন্দের উদয় হয়। রক্ত বেগে সঞ্চালিত হইয়া সমস্ত শরীরকে উত্তপ্ত করে। শরীর বলিষ্ঠ ও রোগশূন্য বোধ হয় এবং জ্ঞানের ত্রাসতা দৃষ্ট হয়। ক্রমে অধিক পান করিলে ইন্দ্রিয় সকল বিকৃত হইতে থাকে। অল্প ক্রমে অবশ হইয়া পড়ে, ভয় ও লজ্জা মন হইতে তিরোহিত হয় এবং সকল প্রকার গর্হিতাচরণ সহজ হইয়া উঠে। আরও অধিক পান করিলে মস্তিষ্ক অতিরিক্ত উত্তেজিত হইয়া ঘুরিতে থাকে, চাক্ষুশক্তির জড়তা হয়, জ্ঞানের লাঘব হয় এবং উন্নততার প্রায় সকল লক্ষণই দৃষ্ট হয়। শরীর ও মন এককালে অকর্মণ্য হইয়া পড়ে। সুরার মাদকতার যে পরিমাণে শরীর ও মন উত্তেজিত হয়, মাদকতা দূর হইলে শরীর ও মন সেই পরিমাণে দুর্বল হইয়া পড়ে।

সুরাসক্ত ব্যক্তির অঙ্গ বয়সেই প্রায় বৃদ্ধ হইয়া পড়ে। ত্রিশ বৎসর বয়ঃক্রম যুবার কেশ পুরু এবং ত্বক ও মাংস শিথিল হইয়া নিতান্ত বৃদ্ধের স্থায় আকার হয়।

সমাজ সম্বন্ধে সুরাসেবনের ফল অতি শোকাবহ। একজন বিচারপতি বলিয়াছিলেন, যদি সুরাপান দোষ না থাকিত, তাহা হইলে তাঁহার বিচারকার্যের প্রায় আবশ্যিকই হইত না। অন্য একজন লেখক বলেন, পাঁচ ভাগের চারি ভাগ দুর্ভিক্ষ প্রায় সুরাপানদোষ হইতেই উৎপন্ন হয়। আর একজন লেখক বলেন, যদি সুরা না থাকিত তাহা হইলে পৃথিবীর অর্ধেক পাপ, অধিকাংশ দরিদ্রতা ও অসুখ দূরীভূত হইত। পরীক্ষা দ্বারা ইহা স্থিরীকৃত হইয়াছে যে, ২১ হইতে ৩০ বৎসর বয়ঃক্রমে মিতাচারী অপেক্ষা সুরাপায়ীদিগের যুত্ব পাঁচ গুণ অধিক এবং ৩০ হইতে ৪০ বৎসরে চার গুণ অধিক।

সুরায় আসক্ত হইলে আয়ুর প্রায় ত্রাস হইয়া থাকে।

মিতাচারী ২০ বৎসর বয়ঃক্রমে সম্ভবত ৪৪ বৎসর বাঁচিতে পারে।

” ৩০ ” ” ৩৬ ”

মিতাচারী ৪০ বৎসর বয়ঃক্রমে সম্ভবত ২৮ বৎসর বাঁচিতে পারে।

” ৫০ ” ২১ ”

” ৬০ ” ১৪ ”

সুরাপায়ী ২০ বৎসর বয়ঃক্রমে সম্ভবত ১৫ বৎসর বাঁচিতে পারে।

” ৩০ ” ১৩ ”

” ৪০ ” ১১ ”

” ৫০ ” ১০ ”

” ৬০ ” ৮ ”

সুরাসক্ত হইবার পর, কৃষী ও শ্রমজীবী ব্যক্তিগণ সচরাচর প্রায় ১৮ বৎসরের অধিক জীবিত থাকে না; দোকানদার, পাইকের ও সওদাগরেরা ১৭ বৎসর; ব্যবসায়ী ও ভদ্রলোকেরা ১৫ বৎসর এবং স্ত্রীলোকেরা ১৪ বৎসর।

সুরার সহিত স্বাস্থ্যের কোন সম্পর্ক নাই, বরং গ্রীষ্মপ্রধান দেশে শরীরের পক্ষে বিশেষ অনিষ্টকর। ইউরোপীয় প্রসিদ্ধ ডাক্তারেরা স্থির করিয়াছেন যে, মনুষ্য শরীরের পক্ষে সুরা একটা বিষ স্বরূপ। অল্প পরিমাণে সেবন করিলে উহার কোন বিশেষ হানিজনক ফল তৎক্ষণাত্ দৃষ্ট হয় না বটে, কিন্তু অধিক দিন অল্প পরিমাণে সেবন করিলেও উহা ক্রমে শরীরকে রোগগ্রস্ত করিয়া ফেলে। সুরা সেবন করিলে যে রক্তের তেজ হয়, শরীর সবল করে, রোগ ও শোক দূর হয়, শ্রমশালী ও কর্মক্ষম হওয়া যায়, এ সকল সাধারণ ভ্রম মাত্র। এই নিমিত্ত সুরা এককালে পরিত্যক্ত করাই বিধেয়। কেবল চিকিৎসকের ব্যবস্থামুসারে ঔষধার্থে সেবন করা যাইতে পারে।

বামাগণের রচনা।

বসন্ত।

আসিল বসন্ত হাসিতে হাসিতে,

শীতের প্রভাব হইল শেষ।

সখিগণ সহ নাচিতে নাচিতে,

পরিয়া ভূষণ করিয়া বেশ ॥ ১ ॥

মনের হরিষে প্রকৃতি যুবতী,
মনো মত সাজে সাজায় অঙ্গ।
বহুকাল পরে পেয়ে প্রাণপতি,
নাশিবে সন্তাপ করিয়া রঙ্গ ॥২॥

সহকার তরু মুকুলে শোভিয়া,
প্রেমানন্দে মধু করিছে দান।
কোকিল তাহার শাখায় বসিয়া,
মধুর সন্তাবে করিছে গান ॥৩॥

আধ বিকসিত কদম্ব নিচয়,
রোমাঞ্চ শরীর হাসি হাসি প্রায়।
ঋতুরাজ দেখি দক্ষিণ মলয়,
সহায় হইতে সত্বর ধায় ॥৪॥

শিখিকুল সব করিতেছে রব,
আনন্দে কদম্ব তরুর ডালে।
বিলম্ব করিতে পুচ্ছ গুচ্ছ সব,
সুবর্ণ কিরীট মধুর ডালে ॥৫॥

মালতী নাথবী লতা সমুচয়,
তরুর গলে জড়িত হেন।
কান্তরে পাইয়া পুলকিত কায়,
বহু লতা পাশে বান্ধিছে যেন ॥৬॥

মলয় অনিলে মন্দ মন্দ হুলে,
পড়িছে সখার গায়েরে যেন।
সুরভি কুমুম অর্ঘ্য দিবে বলে,
ফেলিছে সখার রাখিতে যান ॥৭॥

মল্লিকা গোলাপ অতি মনোহর
রূপেতে করিছে পৃথিবী আল।
তরুণ অরুণ কিবা শোভাকর,
দিতেছে তাহাতে কিরণজাল ॥৮॥

প্রকৃতি স্তম্ভরী বিলাসেতে সতী,
এলাইয়া যেন বান্ধিল বেণী।
তুলিতেছে ফুল মনোহর অতি,
সাজাবে বলিয়া কুন্তল ধনী ॥৯॥

অনতি নিবিড় অতি মনোহর,
কুন্দ কলি সম দন্ত নিকরে।
বিহগ কুজম বচন মধুর,
আনন্দ দিতেছে প্রকৃতি লোকেরে ॥১০॥

ময়নাগোড় ।

শ্রীমতী দেবকুমারী দেবী ।

লঙ্কার পতন ।

(আষাঢ় মাসে প্রকাশিতের পর ।)

“কি ! অনন্ত নিরয় ॥”

গর্জিল গভীরনাদে লঙ্কেশ আবার,
নেউটিল পাদাহত ভুজঙ্গ মতন;
কাঁপিল সে ঘোর রবে অখিল সংসার,
বলিল সদন্তে “রাম ! এস করি রণ ।

“এস রাম রণে, দেখি বীরতা তোমার,
বুঝিব সমরে তব দীক্ষা শিক্ষা কত,
ছোট মুখে বড় কথা সহেনা রে আর,
বুঝিলাম যত্নে তোর নিকট আগত ।

“ভেক হয়ে রণ চাও ভুজঙ্গ সদনে ?
শৃগাল হইয়ে কর করীরে আঘাত ?
কেশরীর কত বল মুষিক কি জানে ?
স্থির হও, এই বার যাইবে নিপাত ।

“স্ত্রীবধে বীরত্ব তোর তারকা বধিয়া,
জীর্ণ হরধনু ভাঙ্গি গর্কে স্ফীত বুক,
ক্ষমতার সীমা ভোজবাজি প্রকাশিয়া,
কাষ্ঠতরী স্বর্ণ, বটে দেখিতে কোঁতুক ।

“কুমারিকা হ’তে লঙ্কা হাত চারি জল,
বেঁধেছিস্ গোটাকত বানর সহায়ে,
খাটিবে না রণে আজি সে সব কৌশল,
ভোজবাজি কারসাজি যাবে চূর্ণ হয়ে ।

“চৌধুরী যুদ্ধে করেছিস্ বালির নিধন,
তাতেই কি মনে এত দস্তুর উদয়?
বীরকুল-গ্লানি! একি বীরের লক্ষণ?
ধিক্ তোরে! কি সাহসে যুদ্ধ ইচ্ছা হয়?”

“ভুলেছিস্ নাগপাশে হৃদয় বন্ধন?
বিস্মৃত হিলি কি ইন্দ্রজিতের সময়?
শক্তিশেল-শক্তি কিরে হিলি বিস্মরণ,
ভুলিলি কি দশস্কন্ধ কত শক্তিধর?”

“রে কপটী হুরাচার সময়-বর্ষর!
অবৈধ সংগ্রামে যবে মেঘনাদ বীরে,
বধিল অযুজ তোর, তক্ষর সোসর—
ছল করে নরাধম পশি যজ্ঞাগারে,

“সে সময় ছিল না কি ধর্ম ভয় মনে?
ধর্ম ধর্ম করি কেন করিস্ চীৎকার?
ধর্মের দোহাই দিয়া কি ফল এখানে!
পরলোকে দেখিবিরে ধর্মের বিচার।

“বানরের বাহুবলে করিয়া নির্ভর,
পশিলি ত্রিদশজয়ী রাক্ষসের রণে,
হীনবল হীনবুদ্ধি মানব বর্ষর!
অচিরাত্ যেতে সাধ যম-নিকেতনে।

“কেন রে সীতার আশে হারাবি জীবন?
বারে চলি ক্ষুদ্র নর! সরযুর তীরে,
রাজরাজেশ্বরী এবে রমণী রতন,
সামান্য মানব বামে বসিবে না ফিরে।

“বৃথা আশা—বৃথা তোর যুদ্ধবাঞ্ছা মনে,
লক্ষ্য বৈভব ভুলি যাবে না জানকী;
তবে যদি যেতে সাধ কৃতান্ত-ভবনে
এস যুদ্ধে, আছে এবে যত্ন মাত্র বাকি।”

“সত্য বটে আছে এবে যত্ন মাত্র বাকি,
পুত্র পৌত্র বংশাবলী নিহত সকল;
ত্রিদশবিজয়ী বীর, ভীক! তুই নাকি!!
হবে আজি যমালয় চির বাসস্থল।”

বলিয়া, রাঘব দিল ধনুকে টঙ্কার,
ছাইল কলধকুলে আকাশ মণ্ডল;
ক্রোধ ভরে ঘন ঘন ঘোর হুঙ্কার,
বিষম বাজিল রণ লক্ষা টলমল।

বাণের আগুণে আকাশ ষেরিল,
ত্রিদিবে দেবতা ত্রাসিত হইল,
পাতালে বাসুকি সন্তরে কাঁপিল,
ভয়েতে সাগর উছলি উঠিল,
অনল বর্ষণে ধরণী পুড়িল
অকালে প্রলয় বুঝি বা ঘটে।

হলো ভস্মীভূত বিশ্ব-চরাচর,
গেল রে গেল রে সৃষ্টি মনোহর,
সৃষ্টি-সংহারক ভীষণ সময়,
ঘটিল আজি রে সাগর তটে।

কোদণ্ড নির্যোষে বিশ্ব বিভ্রাসিত,
মুহমুহ রণশঙ্খ নির্যোষিত,
সিংহনাদ তাল্প হলো সংমিশ্রিত,
ঘোরারাবে কাঁপে ত্রিলোকবাসী।

অপ্রমেয় বলী রক্ষা অনীকিনী,
যম দম রণে সীরাম বাহিনী,
হুহ সেনাদল বীরত্বের খনি,
রণমদে মত্ত যত্ন তুচ্ছ গনি,
স্বহে তপ্তধারা কাঁপায় ধমনী,
বহিল লক্ষায় শোণিতরাশি।

ছিন্ন শীর্ষ তাজিছে জীবন,
ছিন্ন হস্ত পদ পড়ে কোন জন,
হয়ে মর্মান্বিত অনন্ত শয়ন,
করে কোন বীর সমরাজনে।

কভু বা এদিকে কভু বা ওদিকে
জয়শ্রী চঞ্চলা ফিরে পাকে পাকে,
যুঝে না আশ্রয় করিবে কাহাকে,
হুই দল তুল্য হেরে নয়নে ।

প্রমত্ত কেশরী রাম রঘুবীর,
প্রমত্ত কেশরী সম দশশির,
সিংহ পরাক্রমে যুঝে হুই বীর,
যুঝে হুই বীর প্রচণ্ড দাপে ।

প্রচণ্ড দাপটে অধীর সকল,
আকাশ পাতাল সাগর-ভূতল ;
গন্তীর গর্জনে গগনমণ্ডল—
বিদারি, স্ফুরিছে প্রচণ্ড অনল,
আবার উঠিছে ঘোর কোলাহল,
মাঠে মাঠে ধনিছে কেবল,
ঝন্ ঝন্ ঝন্ বাণ অবিরল
পড়িতেছে যেম বরিষার জল,
উঠে পড়ে ধায় সৈনিকের দল,
মৃত্যু পরশনে হয় স্তম্ভিতল,
গেল রে গেল রে ধঙ্কা রসাতল,
আপন করম অর্জিত পাপে ।

গর্জিল ব্রহ্মাস্ত্র রাম-শরাসনে,
মুহুর্তে উঠিল সে অস্ত্র বিমানে,
ঘাতিল মুহুর্তে লঙ্কেশ রাবণে,
নিয়তির ভেরী বাজে তখন ।

পড়ে দশানন রথের উপরে,
বিধির বিধান খণ্ডিতে কে পারে,
কাল আবর্তনে ভৈরব সমরে,
আজি রে লঙ্কার হলো পতন ॥

জয়দেবপুর ।

শ্রীমতী কু—দেবী ।

বঙ্গমহিলা ।

মাসিক পত্রিকা ও সমালোচন ।

নারী হি জননী পুংসাং নারী শ্রীকৃত্যতে বুধৈঃ ।
তস্মাৎ গেহে গৃহস্থানাং নারীশিক্ষা গরীয়সী ।

বিষয়।	পৃষ্ঠ
১। ভারতবর্ষের শাসন-প্রণালী। ...	২৬৫
২। মিষ্টভাষিতা। ...	২৬৯
৩। বিশ্ববিদ্যালয়ে শ্রীলোকদিগের পরীক্ষা। ...	২৭১
৪। প্রগর। ...	২৭৪
৫। স্বাস্থ্য-রক্ষা। ...	২৭৭
৬। সৌন্দর্য ও অলঙ্কার। ...	২৮২
৭। বামাগণের রচনা। ...	২৮৭

চোরবাগান-বালিকা-বিদ্যালয়ের অধ্যক্ষমত্না হইতে
প্রকাশিত ।

কলিকাতা ।

শ্রীঈশ্বরচন্দ্র বসু কোম্পানির বহুবাজারস্থ ২৪৯ সংখ্যক ভবনে
ষ্ট্যান্‌হোপ যন্ত্রে মুদ্রিত ।

১২৮৩ ।

বঙ্গমহিলার নিয়ম ।

অগ্রিম বাৎসরিক মূল্য ১।০ টাকা মাত্র ।

মফস্বলে ডাক মাশুল ১।০ আনা ।

প্রতি সংখ্যার মূল্য ১।০ আনা ।

বাণ্যাসিক বা ত্রৈমাসিক হারে মূল্য গৃহীত হইবে না ।

পত্রিকা প্রাপ্তির সময় হইতে চারি মাসের মধ্যে অগ্রিম মূল্য না দিলে বঙ্গমহিলা আর পাঠান হইবে না ।

সচরাচর অগ্রিম মূল্য না পাঠাইলে অপরিচিত নুতন গ্রাহকের নিকট 'বঙ্গমহিলা' পাঠান হইবে না ।

মনি অর্ডার বা ডাক টিকিট, যাহার যাহাতে সুবিধা হয়, তাহাতেই মূল্য প্রেরণ করিতে পারিবেন, কিন্তু ডাকের টিকিটে, টাকায় এক আনার হিসাবে বাটা দিতে হইবে ।

মূল্য প্রাপ্তি স্বীকার বঙ্গমহিলার শেষ পৃষ্ঠার করা হইবে ।

কলিকাতা ও তন্নিকটবর্তী গ্রাহকগণ সম্পাদকের স্বাক্ষরিত ছাপা বিল ভিন্ন বঙ্গমহিলার মূল্য প্রদান করিবেন না ।

বিজ্ঞাপনের নিয়ম প্রতি পংক্তি ১।০ আনা ।

গ্রাহকগণ অগ্রিম মূল্য সত্বর প্রেরণ করিয়া বাধিত করিবেন ।

বাংলাগণের গদ্য বা পদ্য রচনাবলী অতি সাদরে বঙ্গমহিলায় বিন্যস্ত হইয়া থাকে । অতএব সকলে প্রেরণ করিয়া বাধিত করিবেন ।

কলিকাতা, চোরবাগান,) শ্রীভুবনমোহন সরকার,
মুক্তারাম বাবুর ষ্ট্রীট, ৭৭ নং ।) সম্পাদক ।

বিজ্ঞাপন ।

১২৮২ সালের বঙ্গমহিলা একত্র বাধান প্রস্তুত আছে ।
মূল্য ডাকমাশুল সমেত দুই ২ টাকা ।

১২৮২ সালের বঙ্গমহিলা ২য় ও ৩য় সংখ্যা ব্যতীত যাহার
যে কোন সংখ্যা প্রয়োজন হইবে, প্রতি সংখ্যার মূল্য ডাকমাশুল
সমেত ১।০ দুই আনা প্রেরণ করিলে প্রাপ্ত হইবেন ।

ভারতবর্ষের শাসন-প্রণালী ।

হিন্দুরাজগণের অধিকার সময়ে ভারতবর্ষে অনেক ক্ষুদ্র ক্ষুদ্র রাজ্য ছিল । প্রত্যেকটি এক এক স্বতন্ত্র রাজকর্তৃক শাসিত হইত । রাজগণ সকলেই আপনাদিগের ইচ্ছানুসারে কার্যা করিতেন এবং তাঁহাদিগের ক্ষমতা ও প্রতাপের বিকৃদ্ধাচরণ করিতে কাহারও কখন সামর্থ্য হইত না । হিন্দুদিগের মতে রাজা মন্দই হউক বা উত্তমই হউক, প্রজাদিগের এত, ভক্তিভাজন ছিল যে তাহার রাজদর্শন পুণ্যসঞ্চয়ের একটা প্রধান উপায় বলিয়া গণনা করিত । ক্ষত্রিয় বর্ণীয়েরাই কেবল রাজপদ পাইবার যোগ্য ছিলেন । তাঁহাদিগের অমাত্যগণ এক প্রকার চাটুকরবর্গ ছিলেন । কিন্তু রাজসভাতে যে সকল ব্রাহ্মণ বা মুনি ঋষিগণ গমনাগমন করিতেন, তাঁহারা প্রায়ই আপনাদিগের উপদেশ ও মন্ত্রণাদ্বারা রাজকার্যে নৃপতিগণকে সাহায্য করিতেন । আমাদিগের প্রাচীন হিন্দুগ্রন্থে যে সমুদয় রাজনীতি লিখিত আছে, তাহার অনেকগুলিই স্মৃতিশাস্ত্র সুন্দর ও জনসমাজের হিতকারী । কিন্তু স্বেচ্ছাচারী রাজবর্গ কতদূর সে সমুদয় মান্য করিয়া চলিতেন, তাহা এক্ষণে বলা অতি দুঃস্থ ।

পুরাকালে উত্তর ভারতবর্ষেই কেবল হিন্দুরাজ্য ছিল । দক্ষিণ প্রদেশে হিন্দু জনসমাজের চিহ্ন অতি বিরল । অসভ্য মুর্খজাতি-নিবাসিত দাক্ষিণাত্য পূর্বে ক্রুরপে শাসিত হইত, তাহা এক্ষণে কেহই বলিতে পারে না ।

পরে মুসলমানেরা ক্রমে ক্রমে আসিয়া একে একে হিন্দু রাজগণকে আক্রমণ করিয়া তাঁহাদিগের রাজ্য বলপূর্বক অধিকার করিতে লাগিল । তাহাদিগের সময়ে রাজকার্য্য যে কতদূর বিশৃঙ্খল হইয়াছিল তাহা বোধ হয় সকলেই অবগত আছেন । রাজাগণ যথেষ্টাচারী, প্রজাগণ সর্বদা প্রাণভয়ে সশঙ্ক ও কম্পান্বিত । এক রাজা অপরের রাজ্য অপহরণ করিতেছে, কেহ বা আপনার প্রজাবর্গকে লুণ্ঠন করিতেছে, কেহ বা আপনার পিতা বা ভাতাকে বধ করিয়া সিংহাসনে আরোহণ করিতেছে । দেশ এমন অরাজক হইয়া

উঠিল যে, মহারাষ্ট্র নামে একজাতি দস্যুবৃত্তি অবলম্বন করিয়া ভারতবর্ষের এক সীমা হইতে অপর সীমা পর্যন্ত স্বচ্ছন্দে সাধারণ জনগণের উপরে যথেষ্ট অত্যাচার আরম্ভ করিল। বাঙ্গালার “বর্গী” বলিয়া শিশুদিগকে স্ত্রীলোকেরা যে বিভীষিকা দেখাইয়া থাকেন, সে এই মহারাষ্ট্রীয় দস্যু।

ক্রমে ইংরাজেরা আসিয়া এই দেশ অধিকার করিতে লাগিল। ইহার প্রথমে এই দেশে বাণিজ্য করিতে আইসে। তখন ইহার “ইষ্ট-ইণ্ডিয়া কোম্পানি” অর্থাৎ ভারতবর্ষীয় বণিকদল বলিয়া বিখ্যাত ছিল। ইহার ভিন্ন ভিন্ন স্থানে ভিন্ন ভিন্ন কারখানা করিয়া বাণিজ্য করিতে লাগিল। কিন্তু দেশ এমন অরাজক ছিল যে রাজা স্বীয় প্রজাগণকে রক্ষা করিতে চেষ্টা করিত না। সুতরাং প্রজারা আপন আপন রক্ষার নিমিত্ত আপনাই চেষ্টা করিতে লাগিল। ইংরাজেরাও তদ্রূপ আপনাদিগের রক্ষার জন্ত যত্নবান হইল। ভিন্ন ভিন্ন স্থানে কতিপয় প্রহরী নিযুক্ত হইল। ক্রমে যেমন তাহাদিগের বাণিজ্যের উন্নতি হইতে লাগিল, তাহাদিগের ক্ষমতাও বৃদ্ধি হইতে লাগিল। যদি কখন কোন দস্যু তাহাদিগকে লুণ্ঠন করিবার মানসে তাহাদিগের কারখানা আক্রমণ করিত, তাহা হইলে ইংরাজ প্রহরীগণ সশস্ত্র হইয়া তাহাদিগের সহিত যুদ্ধ করিত। প্রহরী সংখ্যাও এত হইল যে তাহারা ক্রমে সৈন্য বলিয়া পরিগণিত হইল। রাজাগণ ক্রমে ক্রমে দেখিলেন যে, ইহার অত্যন্ত ক্ষমতাপন্ন হইতেছে, অতএব ইহাদিগকে দমন করা কর্তব্য। বাঙ্গালাতে সিরাজউদ্দৌলা এই অভিপ্রায়ে চল করিয়া তাহাদিগের সহিত কলহ করেন ও আপন রাজধানী মুরশিদাবাদ ত্যাগ করিয়া সসৈন্যে কলিকাতায় ইংরাজদিগকে দমন করিতে আগমন করেন। ইহাতে তিনি কিয়দংশ কৃতকার্য্য করেন বটে কিন্তু অতি অল্প দিনেই হিতে বিপরীত হইল। মাদ্রাজ হইতে ক্লাইব নামে এক ইংরাজ আসিয়া সিরাজউদ্দৌলাকে পরাস্ত করিয়া সিংহাসনচ্যুত করিল এবং আপনাদিগের অধুগত এক ব্যক্তিকে

বাঙ্গালার সিংহাসনে অধিরোহণ করাইল। ক্রমে মাদ্রাজ ও বোম্বাইয়েও এইরূপ হইল। সর্বত্রই ইংরাজদিগের জয় ও দেশীয় রাজগণের পরাজয় হইতে লাগিল। এবং ভারতবর্ষে আগমন হইতে দুই শত বৎসরের মধ্যেই ইহার সমস্ত রাজ্যের এক প্রকার অধীশ্বর হইয়াছে।

এক্ষণে সমস্ত ভারতবর্ষই প্রায় ইংরাজদিগের। কেবল বুটান, নেপাল, কাশ্মীর, রাজপুতানা, হাইদ্রাবাদ, মহীশূর, ক্রীবানকোর, টিপেরা প্রভৃতি কয়েকটি করদ ও স্বাধীন রাজ্য এপর্যন্ত বর্তমান আছে।

প্রায় ২০ বৎসর হইল ইংলণ্ডের অধীশ্বরী “ইষ্ট-ইণ্ডিয়া কোম্পানির” হস্ত হইতে ভারতবর্ষের রাজ্যভার স্বয়ং গ্রহণ করেন; এবং এক্ষণকার রাজপ্রণালী ইংলণ্ডের রাজাভিমনে চলিতেছে। সুচারুরূপে রাজকার্য্য নির্বাহার্থে ভারতবর্ষ তিন খণ্ডে বিভক্ত হইয়াছে; ১ম—বোম্বাই বিভাগ, ২য়—মাদ্রাজ বিভাগ, ৩য়—বাঙ্গালা বিভাগ। প্রথমোক্ত দুই বিভাগে স্বতন্ত্র দুই গবর্নর অর্থাৎ শাসনকর্তা নিয়োজিত আছে। প্রত্যেকেই কতিপয় সভ্য লইয়া এক এক সভার সাহায্যে আপন আপন বিভাগ শাসন করিয়া থাকেন। এই সমুদয় সভাগণ ইংলণ্ডের ন্যায় প্রজাবর্গকর্তৃক মনোনীত না হইয়া এক এক বিভাগের গবর্নরকর্তৃক নিযুক্ত হইলেন; উপযুক্ত দেশীয় ব্যক্তিগণও এই সভার সভ্য মনোনীত হইলেন। ইহার একত্র হইয়া যে সকল রাজনীতি প্রস্তুত করেন, তাহা সেই সেই বিভাগে আইন স্বরূপ গ্রহণ ও চলিত হয়। কিন্তু গবর্নরের অসম্মতিতে সভাগণ কিছুই করিতে পারেন না।

বাঙ্গালা বিভাগ পুনরায় তিন ভাগে বিভক্ত। ১ম—প্রকৃত বঙ্গদেশ, ২য়—উত্তর পশ্চিম প্রদেশ, ৩য়—পঞ্জাব। এই প্রত্যেক ভাগের এক একটা স্বতন্ত্র শাসনকর্তা আছে। ইহাদিগকে লেপ্টেনেন্ট গবর্নর কহে। ইহাদেরও উপযুক্ত শাসনকর্তাদিগের ন্যায় আপন আপন সভা আছে এবং ইহাদের ক্ষমতাও তাদৃশ।

বঙ্গালাবিভাগের লেপ্টেনেন্ট গবর্নর কলিকাতায় অবস্থিতি করেন এবং লোকে তাঁহাকে ছোট লাট সাহেব কহে। তাঁহার সভার সভ্যগণকে বঙ্গালা-কোর্সিলের-মেশ্বর বলে এবং উপযুক্ত দেশীয় বঙ্গালীগণও ইহার সভ্য বলিয়া মনোনীত হইলেন।

রাজপ্রতিনিধির স্বরূপ একজন ব্যক্তি এই সমস্ত ভারতবর্ষের উপর বিরাজ করিয়া থাকেন। ইনি “বাইসরায় এবং গবর্নর জেনেরল” অর্থাৎ রাজপ্রতিনিধি এবং সর্কাপেক্ষা শাসনকর্তা বলিয়া প্রসিদ্ধ। ইহাকে লোকে লাট সাহেব বা বড় সাহেব কহে। ইনি যাহা করিবেন তাহার বিপক্ষে ভারতবর্ষে কাহারও আপত্তি করিবার ক্ষমতা নাই। ইহারও সাহায্যার্থ একটা সভা স্থাপিত আছে, এবং তাহার সভ্যগণের সহিত একত্র হইয়া ইনি রাজকার্য্য করিতে থাকেন। বোম্বাই বা মাদ্রাজের সভা হইতে যে আইন সৃষ্টি হইবে, তাহা তত্তৎ বিভাগ ব্যতীত অত্র কোর বিভাগে চলিত হইতে পারে না। কিন্তু গবর্নর জেনেরলের সভা হইতে যে আইন সৃষ্টি হইবে, তাহা সমস্ত ভারতবর্ষে চলিত হইতে পারে। এই সভার সভ্যগণকে ইম্পিরিএল লেজিসলেটিভ কোর্সিলের মেশ্বর বলে এবং ইহাতেও দেশীয় যোগ্য ব্যক্তিগণকে সভ্য মনোনীত করা হইয়া থাকে। বঙ্গালা বিভাগের লেপ্টেনেন্ট গবর্নরদিগের সভাহইতে যে সকল আইনের সৃষ্টি হইয়া থাকে, তাহাতে গবর্নর জেনেরলের সম্মতি না হইলে প্রচলিত হইতে পারে না। অত্র দেশের সহিত যুদ্ধ বা সন্ধি বা অপরাধীর অপরাধ মার্জনা করিবার গবর্নর জেনেরলের সম্পূর্ণ ক্ষমতা আছে। শেষোক্ত ক্ষমতাটা সকল গবর্নর ও লেপ্টেনেন্ট গবর্নরেই আছে, কিন্তু প্রথম দুইটা গবর্নর জেনেরল ব্যতিরেকে আর কাহারও নাই। ইহার আর একটা অসাধারণ ক্ষমতা আছে। ইংলণ্ডের রাজা ও পার্লামেন্টে মহাসভার সম্মতি ভিন্ন কোন আইন সৃষ্টি করিতে পারেন না। কিন্তু ভারতবর্ষের গবর্নর জেনেরল আপন সভার অসম্মতিতেও আইন প্রস্তুত করিতে পারেন। পাছে এতদ্বারা কোন অত্যাচার হয়, এজন্য ইংলণ্ডে একটা নিয়ম

করা হইয়াছে যে, গবর্নর জেনেরল যদি কখন, আপন সভার ইচ্ছা বিকল্পে স্বয়ং কোন আইন সৃষ্টি করেন ও তাহা সাধারণের অপকারী হয়, তাহা হইলে তাঁহাকে পার্লামেন্টে তাহার দায়ী হইতে হইবে। কিন্তু সভার সম্মতিতে যাহা কিছু করিবেন, তাহার জন্ত তাঁহাকে নিজে দায়ী হইতে হইবে না। নতুবা পার্লামেন্টে এমন কি, দণ্ডনীয়ও হইতে হইবে। সুতরাং এ ক্ষমতা থাকিলেও গবর্নর জেনেরল অতি সাবধানে তাহা চালনা করেন।

“হেব্রিস কর্পাস” নামে প্রজাগণের স্বাধীনতা রক্ষার আর একটা প্রধান যন্ত্র। যদি কোন রাজকর্মচারী কোন প্রজাকে বিনা বিচারে আপন ইচ্ছাতে কারাবাসে প্রেরণ করে, তাহা হইলে সে ব্যক্তি আদালতে “হেব্রিস কর্পাসের” প্রার্থনা করিতে পারে; করিলেই কারাগার হইতে তৎক্ষণাৎ তাহাকে মুক্তি দিয়া তাহার দোষাদোষ বিচার হইবে।

ইংলণ্ডের অধীনে ভারতবর্ষের যে কতদূর উন্নতি হইতেছে, তাহা পাঠকবর্গ সকলেই বুঝিতে পারিতেছেন। প্রজাগণের ধন ও প্রাণ যে পূর্বাপেক্ষা অনেকাংশে নিরাপদ তাহার আর কোন সংশয় নাই। সর্কট্রই বিজ্ঞার চর্চা হইতেছে, প্রজাগণ নিভয়ে আপন আপন ধর্মের আলোচনা করিতেছে এবং রাজকর্মচারীগণের কাহারও উপর অত্যাচার করিবার কোন সম্ভাবনা বা ক্ষমতা নাই।

মিষ্টভাষিতা।

কোন ব্যক্তি অসুস্থ হইলে চিকিৎসক প্রথমে তাহার জিহ্বা পরীক্ষা করেন, কেননা অপ্রকৃতিস্থ রসনা শারীরিক অসুস্থতার নিদর্শন। যাহার রসনা পরিষ্কার, তাহার শরীর সুস্থ। যেমন শরীরের অবস্থা রসনার অবস্থা হইতে নিরূপণ করা যায়, সেইরূপ মনুষ্যের চরিত্র ও মনের ভাব তাহার কথাবার্তা হইতে অনেকটা

স্থির করা যায়। কোন ব্যক্তির সহিত কিয়ৎকাল কথোপকথন করিলে প্রায় বলিতে পারা যায় যে, তাহার স্বভাব কোমল কি উগ্র। যাহার মুখে সর্বদা সংপ্রসঙ্গ ও মিষ্টভাষা শ্রবণ করা যায়, তিনি যে সচ্ছত্রিত লোক তাহাতে সংশয় করা যায় না। মিষ্টভাষীর সহিত কথা কহিতে সকলেরই প্রীতি জন্মে। ক্রোধ বশতঃ আমরা অনেক সময়ে কৰ্কশ ভাষা ব্যবহার করিয়া থাকি, ইহাতে অনিষ্ট ভিন্ন কোন মঙ্গলসাধন হয় না। যিনি ক্রোধকে জয় করিয়াছেন, তিনি প্রকৃত জয়ী। আমরা বলিতেছি না যে, আমাদের কদাপি ক্রোধ প্রকাশ করা উচিত নহে; অশ্রায় ও অত্যাচার দর্শন করিলে যাহার ক্রোধোদয় হয় না, তিনি নিতান্ত অপদার্থ পুরুষ। কিন্তু যিনি ক্রোধপরবশ হইয়া অপরের প্রতি কটুভাষা প্রয়োগ ও তর্জন গর্জন করেন এবং ক্রোধে অন্ধ হইয়া প্রহারাদি করিয়া থাকেন, তাহার সহিত আমাদের কোন সহানুভূতি নাই।

আমাদের দেশে স্ত্রীলোকের হৃদয় কোমল বলিয়া প্রসিদ্ধ। কিন্তু দুঃখের সহিত বলিতে হইতেছে যে, তাহারা দাসদাসীর সহিত প্রায় যেরূপ ব্যবহার করিয়া থাকেন, তাহাতে তাহাদের হৃদয় নিতান্ত নিষ্ঠুর বলিয়া প্রতীয়মান হয়। সামান্য ক্রটি হইলে গৃহিণীরা দাসীদিগের সহিত অত্যন্ত মন্দ ব্যবহার করিয়া থাকেন; প্রায়ই তর্জন গর্জন ও কটুবাক্য প্রয়োগ করিতে দেখা যায়। এরূপ করিলে উভয়পক্ষেরই অন্তঃকরণে অশান্তি ও অশুখ। দাসীদিগের প্রতি দয়া ও সৌজন্যপ্রদর্শন ও মিষ্টভাষা প্রয়োগ করিলে তাহারা যে প্রভুভক্ত হইবে ও প্রভুর কর্ম সন্তুষ্টিতে ও সূচাকুরূপে সম্পাদন করিবে, তাহা বলা বাহুল্য।

দাসীদিগের সহিত কলহ ব্যতীত, কোন কোন পরিবারে পরিবারস্থ রমণীগণের মধ্যে সর্বদাই কলহাঙ্গি জ্বলিয়া থাকে। একান্নবর্তী পরিবারের মধ্যে এইরূপ প্রায়ই হইয়া থাকে। অনেক পরিবারে, দুই একটি উগ্রস্বভাব কন্দলাহুরাগী স্ত্রীলোক প্রায়ই দেখিতে

পাওয়া যায়। তাহারা তাহাদের কটুক্তি ও কুব্যবহারে সংসারকে নরকতুল্য করিয়া তুলেন।

অনেক স্ত্রীলোক সন্তানদিগের প্রতি যেরূপ ব্যবহার করেন, তাহা দেখিলে বাস্তবিক দুঃখ হয়। সন্তান কোন সামান্য দোষ করিলে, কোন কোন মাতা অতি নির্দয়রূপে তাহার প্রতি ব্যবহার করিয়া থাকেন। বালক বালিকা মাতার আদেশ অবহেলা করিয়া দোঁড়া দোঁড়ি করিতে করিতে পড়িয়া গেলে, কেহ কেহ তাহাদিগকে মাতুলনা না করিয়া “বেশ হইয়াছে” “খুব হইয়াছে” বলিয়া গালি দেন। এরূপ করিলে বালক বালিকার মনে কিরূপ নির্বেদ উপস্থিত হয় তাহা বিবেচনা করা উচিত। বস্তুতঃ বালক বালিকাদিগকে কিরূপে মাতুলনা করিতে হয়, কিরূপে তাহাদের দোষ সংশোধন করিতে হয়, তাহা অনেক পিতামাতা ভালরূপে জানেন না। প্রহার অপেক্ষা মিষ্ট-ভৎসনায় বালক বালিকারা যে অধিকতর শাসিত হয়, তাহা তাহারা অবগত নহেন।

বস্তুতঃ কৰ্কশ, গর্জিত, কোপনস্বভাব, তীব্ররসনা না হইয়া যদি লোকে ধৈর্যশীল ও মিষ্টভাষী হয়, তাহা হইলে পরিবারের মধ্যে শান্তি ও কুশল সর্বদা বিরাজ করে। কোন এক সম্মুখ একটা গৃহস্থকে বহু পরিবার লইয়া নির্বিবাদে কালযাপন করিতে দেখিয়া জিজ্ঞাসা করেন, তিনি কিরূপে এত বিভিন্ন প্রকৃতির লোক একত্র শান্ত রাখিয়াছেন। গৃহস্থ তিনটি কথায় সম্মুখের প্রশ্নের উত্তর করেন, সহিষ্ণুতা, সহিষ্ণুতা, সহিষ্ণুতা। কলতঃ, সকলে আত্মসংযম সর্বোপরি বাক্যসংযম করিতে পারিলে, কোপনস্বভাব না হইয়া মিষ্টভাষী হইতে পারিলে সংসারে সুখের সীমা থাকে না।

বিশ্ববিদ্যালয়ে স্ত্রীলোকদিগের পরীক্ষা।

কলিকাতা বিশ্ববিদ্যালয়ের সভাগণ তাহাদিগের গত অধিবেশনে এতদেশীয় স্ত্রীলোকদিগের জ্ঞানোন্নতি সম্বন্ধে একটি উপায় বিধান করিয়াছেন। তাহারা নিয়ম করিয়াছেন যে, এদেশীয়

স্ত্রীলোকগণ পুরুষদিগের স্থায় বিশ্ববিদ্যালয়ের এন্ট্রান্স ও ফার্স্ট-আর্ট পরীক্ষা দিতে পারিবে। ইহা সামান্য আঙ্কাদের বিষয় নহে যে, শিক্ষাবিষয়ে পুরুষদিগের সহিত স্ত্রীলোকদিগের যে সমান অধিকার তাহা বিশ্ববিদ্যালয়ের সভ্যগণ স্বীকার করিয়াছেন এবং যাহাতে তাহারা বিশ্ববিদ্যালয়ের পরীক্ষা নিয়মের ফল যুবকদিগের সহিত সমানভাবে ভোগ করিতে পারে, তাহার উপায় করিয়াছেন। এই পরীক্ষাপ্রণালীর ফল, উপাধি, বৃত্তি, পুরস্কার, সম্মান ইত্যাদি লাভে উৎসাহিত না হইলে এত অল্প সময়ে শিক্ষিত যুবকগণের দল এত অধিক হইতে পারিত না। এই পরীক্ষাপ্রণালী স্ত্রীগণের প্রতি বিস্তার করিয়া সভ্যগণ যে কেবল মহিলাগণের মান ও গৌরব বৃদ্ধি করিয়াছেন এমত নহে, ইহা দ্বারা তাহারা আমাদের সমাজের ভাবী কল্যাণের দ্বার উদ্ঘাটন করিলেন। এক্ষণে যাহাতে এই বিধানটী কার্যকর হয়, মহিলাগণ উৎসাহপূর্ণ মনে এবং একাগ্রচিত্তে তাহাতে সচেষ্ট হউন, এই আমাদের প্রার্থনা।

এক্ষণে কথা হইতেছে যে, কেবল পরীক্ষার বিধান হইলেই কি হইবে, উপযুক্ত শিক্ষার ব্যবস্থা না হইলে মহিলাগণ কিরূপে উক্ত পরীক্ষার উপযোগী হইবেন? যে সকল বালিকা-বিদ্যালয় সংস্থাপিত হইয়াছে, তাহাতে উচ্চ শিক্ষার কোন ব্যবস্থা দেখিতে পাওয়া যায় না। বাঙ্গালা ছাত্রবৃত্তি পরীক্ষার নিমিত্ত যে শিক্ষা নির্দিষ্ট আছে, প্রায় তাহাই আমাদের বালিকা-বিদ্যালয়ের শিক্ষার সর্বোচ্চ সীমা। ইহার মধ্যে কোন কোন বিদ্যালয়ে ইংরাজী শিক্ষা দেওয়া হইয়া থাকে কিন্তু তাহা নিতান্ত যৎসামান্য। এতদেণীয় বয়ঃস্থা মহিলাগণের নিমিত্ত যে কয়েকটি বিদ্যালয় এ পর্যন্ত স্থাপিত হইয়াছে, তাহাতে অপেক্ষাকৃত উচ্চ ইংরাজি শিক্ষা দেওয়া হইয়া থাকে এবং তাহা হইতেই বিশ্ববিদ্যালয়ের প্রবেশিকা পরিক্ষার্থিনী হই একটি ছাত্রী আপততঃ পাইবার আশা করা যাইতে পারে। কয়েকটি খ্রীষ্টান মিশনারিকৃত বিদ্যালয়েও উচ্চ ইংরাজি শিক্ষাও

দেওয়া হইয়া থাকে এবং ইহার ছাত্রীগণ অল্প আয়সে, বিশ্ববিদ্যালয়ের পরীক্ষায় বোধ হয় উত্তীর্ণ হইতে পারিবেন। এক্ষণে হিন্দু বঙ্গমহিলাগণ যাহাতে উচ্চশিক্ষা লাভ করিয়া প্রস্তাবিত বিশ্ববিদ্যালয়ের পরীক্ষার উপযুক্ত হইতে পারে, সে বিষয়ে দেশ-হিতৈষী কৃতবিদ্যাগণের বিশেষ মনোবোগী ও উৎসাহের সহিত যত্নবান হওয়া কর্তব্য।

স্ত্রীলোকের শিক্ষাপ্রণালী ও পরীক্ষার নিয়ম পুরুষগণের সহিত সমান হওয়া উচিত কি না, সে বিষয়ে মতভেদ দেখিতে পাওয়া যায়। মানসিক বৃত্তি ও হৃদয়ের ভাবনিচয়ের প্রকার ও পরিমাণ সম্বন্ধে নরনারীর প্রকৃতিতে যে বিশেষ তারতম্য আছে, তাহা বোধ হয় সকলেই স্বীকার করিয়া থাকেন। এই ভিন্নতা থাকতেই অনেকে বলেন যে, বিশ্ববিদ্যালয়ের পরীক্ষার নিমিত্ত নর ও নারীর পাঠ্য ভিন্ন প্রকার হওয়া আবশ্যিক। তাহাদের মতে গণিত, দর্শন, বিজ্ঞান প্রভৃতি কঠোর চর্চাতে মহিলাগণের কোমল ভাব লুপ্ত হইয়া হৃদয়কে প্রস্তরবৎ কঠিন করিয়া ফেলিবে। যাহাতে নারী-হৃদয়ে প্রকৃতিগত সৌন্দর্য্য ও কোমল স্বভাব সুন্দররূপে বিকশিত হয়, তাহারা সেইরূপ শিক্ষাই নারীজাতির উপযোগী বলিয়া বোধ করেন। কিন্তু বিজ্ঞান যে কঠোর এবং উহার আলোচনা করিলে কবিতাপাঠের স্থায় মনে যে সুখের উদয় হয় না, তাহা আমরা বিশ্বাস করি না এবং তাহা যে স্ত্রীজাতির পাঠের অনুপযুক্ত তাহা বলিতে পারি না। তবে আপাততঃ সাধারণ বালিকাগণের উৎসাহের নিমিত্ত অপেক্ষাকৃত কিঞ্চিৎ সহজ পাঠ্য নির্দ্ধারিত করিয়া পরীক্ষার প্রণালী কিছু স্বতন্ত্র প্রকার করিলে মন্দ হয় না। তবে যে সকল বালিকা প্রতিযোগিতায় পুরুষদিগের সহিত সমকক্ষতা প্রদর্শন করিতে ইচ্ছা করিবে, তাহারা করিতে পারিবে। বিশ্ববিদ্যালয়ের পরীক্ষার প্রচলিত প্রথানুসারে পরীক্ষার্থীদিগকে প্রত্যেক বিষয়ে উহার নির্দ্ধারিত সংখ্যা রাখিতে না পারিলে উত্তীর্ণ করা হয় না। এরূপ না করিয়া যদি সকল বিষয়ের সংখ্যার সমষ্টি

ধরিয়ণ উত্তীর্ণ করা হয়, তাহা হইলে বালিকাগণ তাহাদের কৃতি ও ক্ষমতানুসারে পাঠ্য বিষয়ে পারদর্শিতা লাভ করিয়া পুরুষদিগের সহিত প্রতিযোগিতা প্রদর্শন করিতে সক্ষম হইতে পারে ।

আমাদের আর একটি প্রস্তাব এই যে, বর্তমান অবস্থায় স্ত্রী-গণের উচ্চশিক্ষা পাইয়া এটাল পৰীক্ষার উপযোগী হইবার তত সুবিধা না থাকা প্রযুক্ত, বাঙ্গালা ছাত্রবৃন্দের স্থায় বালিকাদিগের নিমিত্ত ইংরাজীতে একটি নিয়ম পৰীক্ষার নিয়ম করিলে ভাল হয় ।

এক্ষণে আমরা গবর্নমেন্টের নিকট একটি নিবেদন করিয়া এই প্রস্তাবের উপসংহার করিব। পূর্বে বালিকাগণ অতি সামান্য শিক্ষা লাভ করিয়া অতি শৈশবাবস্থায় বিদ্যালয় পরিত্যাগ করিত। অতএব তখন উচ্চশিক্ষার প্রয়োজন হইত না। কিন্তু হিন্দু বালিকাগণ এক্ষণে অপেক্ষাকৃত অধিক বয়স পর্য্যন্ত বিদ্যালয়ে পাঠ করিতেছে এবং কেহ বা উচ্চশিক্ষা লাভ করিবার আশয়ে আরও অধিক দিন পঠদশায় থাকিতে ইচ্ছা প্রকাশ করিতেছে। কিন্তু দুঃখের বিষয় এই যে, সেরূপ উচ্চশিক্ষা প্রদানের ব্যবস্থা না থাকিতে তাহাদের মনোরথ পূর্ণ হইতেছে না। বিশ্ববিদ্যালয়ের সভ্যগণ স্ত্রীগণের পরীক্ষার ব্যবস্থা করিয়া যেরূপ উদারতার পরিচয় দিয়াছেন, গবর্নমেন্টও স্ত্রীগণের উক্ত পরীক্ষোপযোগী শিক্ষার উত্তম ব্যবস্থা করিয়া স্ত্রীশিক্ষার গৌরব বৃদ্ধি করেন, এই আমাদের প্রার্থনা।

• প্রণয় ।

হৃদয়ে হৃদয়, সোহাগে গালিয়া,
স্নেহের রসানে চিকণ মাজিয়া
একটি গঠন হইল গঠিত
স্ফাটিক হইতে উজ্জ্বল শোভিত;
যাহার বিভায় তামসী অবনী—
আলোময় জিনি কহিবুর মণি।

সুধাকরে কত সুধা বিতরণে ?
তুলনা নাহিক জলধি-জীবনে ।
এ হেন প্রণয়—বিধি বিধাতার,
কুটীরের নিধি, প্রাসাদের সার;
দেবতা-বাঞ্ছিত কিন্নর-সেবিত,
ত্রিদশ-ভুবন যাহাতে মোহিত;

কে পারে ত্যজিতে এ হেন ধনে ?

তবে পারে সেই বিষয় হুর্জন,
হৃদয় যাহার পাশাণ-গঠন,
দয়া-সদাচার-মমতা-বর্জিত,
নরাধম শঠ ত্রিলোক-গর্হিত,
আহার আলস্য জীবনের সার,
জড় পিণ্ডবৎ, শরীর যাহার,
আয়স মস্তিষ্ক নিদয় যাহারে
গলে না গলে না অশনি-প্রহারে,
শোণিত যাহার কজ্জল-তরঙ্গ;
শিরাবলী স্থূল, গতিহীন, ভঙ্গ;
আচ্ছাদন যার বর্ম্ম সুকঠিন,
নয়ন যুগল নিস্তেজঃ মলিন,
শত ধিক হেন পিশুন জনে।

প্রণয় - তরঙ্গ যাহাতে উছলে
সে জীবন-স্রোতঃ যত কল কলে
বহে অবিরত—সুধার লহরী
ধরা-মক্‌ভূমে আনন্দ বিতরি।
প্রেম-পারাবার যখন আবার
গগন পরশি উথলে অপার,
সে নীলাম্বু-রাশি চকিতে অমনি
গভীর নিনাদে প্রবেশে ধরণি

প্রমোদ - উচ্ছ্বাসে হ'য়ে কুতূহলী
ভাসায় জীবন - সরিৎ - মণ্ডলী,
প্রণয় - তরঙ্গ নাচায়ো তার।

যুগল - কিশোর - হৃদয় - কমল,
স্নেহের স্নগালে শোভে নিরমল,
যাহার সৌরভে পথিক আকুল
নবরসভূজ প্রমত্ত অতুল
সেও নাচি নাচি ভাসিয়া যায়।

সংসার-নিলয় আনন্দের গ্রাম,
যতদিন তাহে প্রণয়ের নাম
বিরাজে—বিরাজে কুসুমে যেমন
বশীর অন্তর - ইন্দ্রিয় - মোহন
পরিমল - সহ মকরন্দ - ধারা,
যার লোভে অলি সদা মাতোয়ারা;
কিষ্ণা দরপণে স্বচ্ছতা যেমন
যাহার অভাবে মলিন ভুবন;
অথবা ক্ষণদা সুধাংশু - মণ্ডিত
যাহার বিরোগে অম্মা - নিশাবিত
বিশাল মেদিনী তটিনী কানন
অচল বারিধি অসীম গগন;
হেন অনুরাগ - বিহীন পরাগ
নিয়ত কাতর হৃৎধের নিধান,
কিসলয় জিনি হৃদয় যার।

কিন্তু রে সুধাই অবোধ হৃদয়!
যাহার লাগিয়া সুধা বিষময়,
সুখের কমল যাহার কারণ
বিষাদ - সলিলে মুদিত - বদন,

যাহার বিরহে এ মহী সংসার
অনুভবে নর জ্বলন্ত অঙ্গার
সেজন্য কেমন—কিরূপ প্রকৃতি
পার যদি তাহা করিতে বিব্রতি,
তবে ত তাহার পাইবে সার।
রমণীর মনঃ কত যে গভীর
তার পরিমাণ করিবারে স্থির,
তার অনুরাগ কত বেগবান
তাহার ইয়ত্তা করিতে বিধান,
কিষ্ণা সৈ হৃদয় কিরূপ কোমল
প্রণয়-পিপাসা কত যে প্রবল,
ভাব যদি তাহা মুদিয়া নয়ন;
হেরিবে অমনি অপূর্ব স্বপন,
বিষাদ-কটক পাসরি ভবে।
সুখের সংসার করো না আঁধার
পবিত্র প্রণয় ঐহিকের সার,
হৃদয়ের ধন যৌবন - ভূষণ
মানস - কমল - সুরভি - রতন,
যতনে তাহারে রাখহ সবে।

স্বাস্থ্য-রক্ষা।

বায়ু।

বায়ু আমাদের জীবনের পক্ষে একটা নিতান্ত আবশ্যকীয় পদার্থ। ইহা দ্বারা নিশ্বাসকার্য সম্পন্ন হয়। ভূমিষ্ঠ হইবামাত্র প্রথমেই আমরা শ্বাসদ্বারা বায়ু গ্রহণ করি, এবং মৃত্যুকালে শ্বাস দ্বারা বায়ু পরিত্যাগ করাই আমাদের শেষ কার্য। আহারা-ভাবে আমরা বরং কিছু দিন জীবিত থাকিতে পারি কিন্তু বায়ু অভাবে নিশ্বাস-রোধ হইলে আমরা এক দণ্ডে বাঁচিতে পারি

না। এই নিমিত্ত বায়ু পৃথিবীর সকল স্থানেই এত প্রচুর পরিমাণে ব্যাপ্ত আছে, যে স্বভাবতঃ জীবমাত্রকে এক মুহূর্তের নিমিত্তও উহার অভাব ভোগ করিতে হয় না। বায়ু পৃথিবীর চতুর্দিকে প্রায় ৪৫ মাইল (২২৥ ক্রোশ) উর্দ্ধে পরিবেষ্টিত করিয়া আছে। বায়ু গতিপ্রাপ্ত হইলেই ঝড় হয়। বায়ু অম্লজান ও যবক্ষারজান বায়ুদ্বয়ের সমষ্টিমাত্র। ইহার এক ভাগ অম্লজান বায়ু এবং চারি ভাগ যবক্ষারজান বায়ু। এই দুইটি বায়ুর মধ্যে অম্লজানই বিশেষ প্রয়োজনীয়। ইহা অতিশয় তেজস্কর এবং জ্বলনীয়, অর্থাৎ অগ্নির সহিত স্পর্শ হইলেই জ্বলিয়া উঠে। ইহা প্রাণীজীবন ও অগ্নিদাহের একমাত্র কারণ। বায়ুতে যদি অম্লজান বায়ু না থাকিত, তাহা হইলে প্রাণীমাত্রই জীবিত থাকিতে পারিত না এবং অগ্নিও নির্ক্ষাণ হইয়া যাইত। ইহা যে প্রাণীজীবন ও অগ্নির পক্ষে কত আবশ্যিক তাহা অনায়াসেই প্রমাণ করা যাইতে পারে। দুইটি কাচের ফানস লইয়া উহার একটির মধ্যে যদি একটা জীবিত ক্ষুদ্র পক্ষী ক্ষণকাল ঢাকিয়া রাখা যায় এবং অগ্নি দ্বারা একটা জ্বলন্ত বাতী ঐরূপ ঢাকিয়া রাখা যায় এবং দৃঢ়বন্ধ দ্বারা বাহিরের বায়ু উহার মধ্যে প্রবেশ করিতে না পারিলে, ফানসস্থিত বায়ুর অত্যল্প ভাগ অম্লজান বায়ু পক্ষীর নিশ্বাসকার্যে ব্যয়িত হইয়া গেলে, উহা অম্লজান বায়ুর অভাবে শীঘ্র প্রাণত্যাগ করে এবং ঐরূপে অগ্নি ফানসস্থিত অল্পভাগ অম্লজান বায়ু বাতীদ্বারা জ্বলিয়া গেলে, উহার অভাবে বাতীও শীঘ্র নির্ক্ষাণ হইয়া যায়। বাহিরের বায়ু যদি অল্প পরিমাণে ফানসের মধ্যে প্রবেশ করিতে দেওয়া যায়, তাহা হইলে পক্ষী শীঘ্র না মরিয়া নিতান্ত ক্ষীণ ও দুর্বল হইয়া পড়িবে, ও বাতী এককালে নির্ক্ষাণ না হইয়া মিট মিট করিয়া জ্বলিতে থাকিবে। বায়ুতে অম্লজান বায়ুর সহিত যবক্ষারজান বায়ু যদি মিলিত না থাকিত, তাহা হইলে নিশ্বাসকার্যের ব্যাঘাত হইয়া জীব মরিয়া যাইত এবং একস্থানে অগ্নি জ্বালিলে জ্বলনীয় অম্লজান দ্বারা বায়ুরাশি প্রজ্জ্বলিত হইয়া সমস্ত পৃথিবী ভস্মীভূত

হইয়া যাইত। এই হেতু অম্লজান বায়ুর তেজ হ্রাস করিবার নিমিত্ত উহার এক ভাগের সহিত চারি ভাগ নিস্তেজ যবক্ষারজান বায়ু মিশ্রিত করিয়া বায়ু প্রস্তুত হইয়াছে।

বায়ুর এই দুইটি প্রধান উপাদান অম্লজান ও যবক্ষারজান বায়ু ব্যতিরেকে কয়েক প্রকার দূষিত বাষ্প বায়ুর সহিত মিলিত থাকিয়া উহাকে অনিষ্টকর করে। এই দূষিত বাষ্পের মধ্যে অঙ্গারক বায়ু সর্বপ্রধান, ইহা পৃথিবীর সকল স্থানের বায়ুর সহিত সতত মিলিত থাকে। বায়ুর দশ সহস্র ভাগের চারি ভাগ অঙ্গারক বায়ু। কিন্তু সহরের বায়ুতে ইহার ভাগ অধিক হইয়া থাকে। এই অপকারক অঙ্গারক বায়ু প্রাণীদিগের শরীরেই উৎপন্ন হইয়া থাকে। অম্লজান বায়ুর সহিত অঙ্গার মিশ্রিত হইয়া অঙ্গারক বায়ু প্রস্তুত হয়। নিশ্বাস দ্বারা বায়ু শরীর মধ্যে গ্রহণ করিলে, উহার অম্লজান ভাগ ফুস্ফুস দ্বারা রক্তের সহিত সংলগ্ন হইয়া, কৃষ্ণবর্ণ ও অপরিষ্কৃত রক্তকে শোধন করিয়া উহাকে উজ্জ্বল লোহিতবর্ণ করে এবং সর্বশরীরের পরিত্যক্ত পদার্থের অঙ্গারভাগের সহিত মিলিত হইয়া ইহাকে দাহন করিয়া ফেলে। এই অঙ্গারের দাহন হইতেই অঙ্গারক বায়ু উৎপন্ন হয় এবং ইহা হইতেই শরীরের তাপ উদ্ভাবন হয়। এইরূপে একজন পূর্ণবয়স্ক ব্যক্তির শরীরে প্রায় ৩৩৬ গ্রেন বা ৩৥০ ভরি ওজনের অঙ্গারক বায়ু এক ঘণ্টার মধ্যে প্রস্তুত হয়। এবং কেবল নিশ্বাস দ্বারা ১২ হইতে ১৬ ঘন ফুট পরিমাণ (কিউবিক ফিট) এই বাষ্প ২৪ ঘণ্টার মধ্যে শরীর হইতে নির্গত হয়। আমরা পূর্বে বলিয়াছি যে, সচরাচর বায়ুর দশ সহস্র ভাগে চারিভাগ অঙ্গারক বায়ু আছে, কিন্তু নিশ্বাস দ্বারা যে বায়ু শরীর হইতে নির্গত হয় তাহাতে এই বাষ্পের ভাগ এক শত গুণ অধিক, অর্থাৎ দশ সহস্র ভাগে চারি শত ভাগ আছে। নিশ্বাস ব্যতিরেকে গাত্রের ত্বক হইতেও এই বাষ্প অধিক পরিমাণে নির্গত হয়।

কয়লা, কাষ্ঠ, তৈলাদি অঙ্গারক দ্রব্যের দাহন হইতেও অঙ্গারক বায়ু অধিক পরিমাণে উৎপন্ন হয়।

উদ্ভিজ্জ এই বাষ্প উৎপত্তির আর একটি প্রধান স্থল । প্রাণী-দিগের শ্বাস উদ্ভিজ্জেরও নিশ্বাসক্রিয়া আছে । রুক্ষলতাদি পত্রের দ্বারা দিবসে অঙ্গারক বায়ু গ্রহণ করে এবং অল্পজান বায়ু ত্যাগ করে, কিন্তু রাত্তিকালে ইহার বিপরীত হইয়া থাকে, অর্থাৎ ইহার অঙ্গারক বায়ু ত্যাগ করে এবং অল্পজান বায়ু গ্রহণ করে ।

মৃত জীবদেহ ও উদ্ভিজ্জ জব্যাদি পচিয়াও অঙ্গারক বায়ু উৎপন্ন হয় । সমাধিস্থান এবং আর্দ্র ও জলাকীর্ণ ভূমির বায়ুতে এই বাষ্প অধিক পরিমাণে থাকে ।

অঙ্গারক বায়ু একটি প্রাণনাশক বিষম্বরূপ । অল্পজান বায়ু যেমন জীবনের ও জ্বলনশক্তির আধার, অঙ্গারক বায়ু উভয়েরই নাশক । অঙ্গারক বায়ুপূর্ণ পাত্রের মধ্যে একটি ক্ষুদ্র জীব বদ্ধ করিয়া রাখিলে উহা তৎক্ষণাৎ মরিয়া যায়, এবং ঐরূপে একটি জ্বলন্ত বাতী উহার মধ্যে রাখিলে বাতীও নিৰ্ব্বাণ হইয়া যায় । কখন কখন এই বাষ্প গভীর কুয়ার তলায় জমিয়া থাকে এবং অসাবধানতাবশতঃ কেহ উহার মধ্যে প্রবেশ করিলে তাহার প্রাণের হানি হইয়া থাকে ।

কোন সঙ্কীর্ণ গৃহে বহুসংখ্যক লোক সমাগত হইলে এবং সেই গৃহে যদি কতকগুলি বাতী জ্বলিতে থাকে, তাহা হইলে প্রাণাসিত বায়ু ও অঙ্গার দাহন হইতে এত অধিক অঙ্গারক বায়ু উৎপাদন হয় যে, পুনঃ পুনঃ সেই দূষিত বায়ু গ্রহণ করিয়া সকলেরই নানাবিধ ক্লেশ উপস্থিত হয় ও সকলেই সেই গৃহ শীঘ্র পরিত্যাগ করিতে ইচ্ছা করে এবং বাহির হইয়া বিশুদ্ধ বায়ু সেবন করিলেই সে সকল ক্লেশ দূর হইয়া যায় । ভারতবর্ষের ইতিহাস পাঠ করিয়া নবাব সিরাজউদ্দৌলা কর্তৃক ১৭৫৬ সালে কলিকাতার অন্ধকূপে যে শোচনীয় হত্যাকাণ্ড অবগত হওয়া যায়, তাহা এই প্রাণাসিত অঙ্গারক বায়ু দ্বারা ঘটয়াছিল । ১২ বর্গ হাত পরিমিত একটি অতি সঙ্কীর্ণ গৃহে রাত্তি আট ঘটিকার সময় ১৪৬ জন ইংরাজকে বলপূর্বক বদ্ধ করিয়া রাখাতে অল্পকাল মধ্যেই তাহাদের গলদৃষ্ম হইতে

লাগিল এবং বিশুদ্ধ বায়ু অভাবে যৎপরোনাস্তি ক্লেশ সহ করিয়া অধিকাংশ ব্যক্তির প্রাণবিয়োগ হইল । রাত্তিপ্রভাতের পূর্বেই ১২৬ জনের মৃত্যু হইয়াছিল । শয়ন ঘরের সকল জানালা ও দরজা উত্তমরূপে বদ্ধ করিয়া এবং উহার মধ্যে কয়লার আগুন জ্বালিয়া রাত্তিকালে সেই ঘরে নিদ্রা যাইলে, প্রাণাস ও দাহন দ্বারা যে অঙ্গারক বায়ু উৎপন্ন হইয়া ঘরের মধ্যে জমা হয়, তাহার নিশ্বাসে প্রাণের হানি হইতে পারে । এইরূপ ঘটনায় নিদ্রিত ব্যক্তির মৃত্যু হইতে শুনা গিয়াছে ।

কেহ বলিতে পারেন যে, এত সামান্য পরিমাণ অঙ্গারক বাষ্প নিশ্বাস দ্বারা গ্রহণ করিলে যদি মনুষ্যের মৃত্যু হয়, তবে, ভূমণ্ডলের অগণ্য মনুষ্য ও ইতর প্রাণীর প্রাণাস হইতে এবং পৃথিবীর সর্বস্থানের অগ্নিদাহন হইতে যে প্রচুর পরিমাণ অঙ্গারক বায়ু নিয়ত উৎপন্ন হইতেছে, তাহার দ্বারা অল্পকালের মধ্যেই পৃথিবীর সমস্ত জীব নষ্ট হইয়া যাইত । কিন্তু প্রকৃতির এইরূপ আশ্চর্য্য নিয়ম, যে অঙ্গারক বায়ু জীবগণ প্রাণাস দ্বারা পরিত্যাগ করে তাহাই আবার উদ্ভিজ্জেরা আহার বলিয়া গ্রহণ করে । আমরা পূর্বেই বলিয়াছি যে, জীবের শ্বাস উদ্ভিজ্জেরও নিশ্বাসক্রিয়া আছে । জীবগণ বায়ুর অল্পজান বায়ু শরীরে গ্রহণ করিয়া অঙ্গারক বায়ু ত্যাগ করে কিন্তু উদ্ভিজ্জ অঙ্গারক বায়ু গ্রহণ করিয়া অল্পজান বায়ু ত্যাগ করে । এবং যে পরিমাণ অল্পজান বায়ু জীবের কার্য্যে আবশ্যক হয়, ঠিক সেই পরিমাণ অল্পজান বায়ু উদ্ভিজ্জ হইতে উৎপন্ন হইয়া বায়ুর প্রকৃত বিশুদ্ধাবস্থা সদত রক্ষিত হয় । জীবগণ যেরূপ রাত্তি ও দিবস সকল সময়েই অল্পজান বায়ু গ্রহণ করিয়া অঙ্গারক বায়ু পরিত্যাগ করে, উদ্ভিজ্জ সেরূপ করে না । দিবসে এবং রৌদ্রের দীপ্তিতে উদ্ভিজ্জের পত্রসমূহ অঙ্গারক বাষ্প গ্রহণ করে এবং অল্পজান বায়ু ত্যাগ করে, কিন্তু রাত্তিকালে অঙ্গারক বায়ুর শোষণ বন্ধ করিয়া পূর্বগৃহীত অঙ্গারক বায়ু কিঞ্চিৎ পরিমাণে পরিত্যাগ করে । এই নিমিত্ত রাত্তিকালে শয়নঘরের নিকট বা

মধ্যে রক্ষণতাদি রাখা ভাল নয়, কিন্তু দিবসে ইহার। বাতীর মধ্যে বা নিকটে থাকিয়া বায়ুর অঙ্গারক ভাগ গ্রহণ করিয়া উহাকে পরিষ্কার করে। যাহারা ফুলগাছ ভাল বাসেন, তাহারা দিবসে উহা ঘরের মধ্যে রাখিতে পারেন, কিন্তু রাতিকালে উহা-দিগকে স্থানান্তরিত করিতে অবহেলা করা কদাচিৎ উচিত নহে।

সৌন্দর্য ও অলঙ্কার ।

পৃথিবীতে এমন কোন স্থান নাই, যেখানে সৌন্দর্যের আদর নাই, এমন কোন মনুষ্য নাই যে সৌন্দর্যে সুখী নহে। সুন্দর পদার্থ দর্শন করিতে সকলেই আগ্রহ হয়, সকল দেশেই সৌন্দর্যতৃষা বলবতী। মনুষ্য যে কেবল সুন্দর পুষ্প, সুন্দর পশুপক্ষী, সুন্দর কীটপতঙ্গ দেখিতে ভালবাসে এমন নহে, মনুষ্য মনুষ্যের সৌন্দর্য দেখিতে ও ভোগ করিতে অধিক ভালবাসে। এই নিমিত্ত সর্বত্র সর্বসময়ে সুন্দর মুখের জয়, রূপসীগণের গৌরব ও আদর। কল্প জন লোক বিভ্রাবতী অথচ কুৎসিতা নারী আকাজক্ষা করে। কিঞ্চিৎ অনুধাবন করিলে বুঝিতে পারা যায় যে, যে মনের ভাবকে আমরা প্রেম রূহি, তাহা মানসিক গুণনিচয় হইতে যত না হউক, বাহ্যসৌন্দর্যেই অধিক পুষ্ট লাভ করে। ইহা প্রায়ই দৃষ্ট হয় যে, যে কণ্ঠার স্বাভাবিক সৌন্দর্য আছে, অপাত্রে পতিতা হইয়াও তাহাকে সচরাচর যন্ত্রণাভোগ করিতে হয় না। বস্তুতঃ সৌন্দর্যই স্ত্রী-মর্যাদার পরিপোষক। অনেকে বলিয়া থাকেন, যে স্ত্রী-সৌন্দর্যের বশীভূত হওয়া অজ্ঞানের কাজ। কিন্তু এই সর্বমুগ্ধকরী সৌন্দর্যতৃষা যে, সংসারের অনেক ইচ্ছাসাধন করে তাহা তাহারা মনে করে না। যখন দেখা যাইতেছে যে, জগতের উৎকর্ষসাধনই প্রকৃতির প্রধান উদ্দেশ্য ও যখন বুঝা যাইতেছে যে, সুন্দরে সুন্দরে মিলন হইলে, উত্তরবংশীয়ের সুন্দর ও উৎকৃষ্ট হয় ও অসুস্থ বিকলাঙ্গ ব্যক্তিদিগের সন্তানসন্ততি “প্রাকৃতিক নির্বাচনের” প্রভাবে বিনাশ প্রাপ্ত হয়,

তখন সুরূপে স্বাভাবিক অভিকৃতি ও কুরূপে অবজ্ঞার যে আবহিত-কতা আছে, তাহা বুঝিতে পারা যায়।

সৌন্দর্যের এত আদর বলিয়া, কি সভ্য কি অসভ্য সকল জাতীয় নারীগণ স্বাভাবিক রূপলাবণ্যে সন্তুষ্ট নহে। শারীরিক নানা প্রকার ক্লেশ অসীম ধৈর্যের সহিত সহ করিয়া ললনাকুল নৈসর্গিক সুশ্রীকতা বৃদ্ধি করিতে সর্বদাই যত্নবতী। কাকরী রমণী স্কুল ওষ্ঠের লালসায় সর্বদা অধর টানিয়া লোলায়িত করে। পোলিনেসীয়-দ্বীপ-বিহারিণীরা উখাদারা ঘর্ষণ করিয়া দন্ত ক্ষুদ্র করে। আমেরিকা ইণ্ডিয়ানেরা তীক্ষ্ণ অস্ত্রদ্বারা সর্বগাত্রে উল্কী পরে। অসাগিজাতী-য়েরা বৃহৎ কপাল কবিবার আশয়ে, বাল্যকাল হইতে মস্তকের উপরিভাগ দাবাইয়া ললাট বৃহদাকার করে। আমেরিকানিবাসী অপর একজাতী চেপ্টা কপালের লালসায় বালিকাদিগের মস্তকো-পরি কাষ্ঠফলক বাঁধিয়া রাখে। চীনদেশের ভদ্ররমণীরা ক্ষুদ্র পদের আকাজক্ষায় বাল্যকাল হইতে লৌহ পাত্ৰকা ধারণ করে। অসভ্য-জাতিদিগের মধ্যে এইরূপ। সভ্যজাতিদিগের মধ্যে ও সৌন্দর্য-বৃদ্ধির ইচ্ছা কিছু কম নহে। যে ইংরাজজাতি সভ্যতার চূড়ামণি বলিয়া স্পর্ধা করেন, তাহাদের রমণীরা কটিদেশ ক্ষীণ করিবার নিমিত্ত স্বাস্থ্যের মহাহানি সত্ত্বেও বাল্যকাল হইতে তথায় সজোরে কিতা বান্ধিয়া রাখেন। অস্বদেশীয় মহিলারা অলঙ্কার পরিধান করিতে কিরূপ ধৈর্যসহকারে নাসাকর্ণ বিদ্ধ করিয়া থাকেন, তাহা কাহারও অবিদিত নাই।

বস্তুতঃ এই সমস্ত বিষয় আলোচনা করিলে প্রতীতি হয় যে, সকল দেশে সকল জাতিই বস্ত্র পরিধানের পূর্বে অঙ্গবিন্যাস করিতেই বিশেষ মনোযোগী। দেখিতে পাওয়া যায় যে, যে অসভ্য-জাতিরা গাত্রে উল্কী পরিবার নিমিত্ত নানা প্রকার ক্লেশ সহ করে, তথাপি শীতনিবারণার্থ বস্ত্র পরিধান করে না। হাঙ্গোণ্ট বলেন যে, আমেরিকার অসভ্যজাতিরা শারীরিক সুখসম্পাদনে বিমুগ্ধ হইয়াও অঙ্গরাগ আহরণের নিমিত্ত এক ঘাস ধরিয়া কষ্ট স্বীকার

করিতে পরাঙ্মুখ নহে। তাহাদের রমণীরা উলঙ্গ হইতে লজ্জা বোধ করে না, কিন্তু অচিত্রিত হইয়া গৃহের বাহিরে যাওয়া শীলতার বিকল্প মনে করে। দেশভ্রমণকারীরা কহিয়া থাকেন যে, অসভ্য জাতির বস্ত্র অপেক্ষা রঞ্জিল কাচ ও ভগ্ন প্রস্তর, চিকণ স্নিগ্ধ ইত্যাদি পদার্থ অধিকতর আশ্রয়ের সহিত গ্রহণ করে। ত্রিপুরা-সন্নিহিত দেশে কুকী নামে বস্ত্র-পশু সদৃশ এক অসভ্য জাতি বাস করে। তাহারা প্রায়ই উলঙ্গ থাকে, কিন্তু চিকণ প্রস্তরখণ্ড, সুচিত্রিত কপর্দক, পক্ষীর সুন্দর পালক পাইলেই মস্তকে বা গলদেশে বন্ধন করে। কেবল অসভ্যজাতির কেন, সভ্যজাতীয় রমণীগণের সুন্দরী বলিয়া লোকসমাজে পরিচিত হইবার লালসা এত অধিক যে, তাহাদের জীবনের অধিকাংশ অঙ্গবিন্যাসে অতিবাহিত হয়। বস্ত্রতঃ অসভ্যজাতির বিবরণ পাঠে ও সভ্যজাতির রীতি দর্শনে ইহাই প্রতীতি হয় যে, সুবিধা ও শীলতার অনুরোধে পরিচ্ছদের ব্যবহার চলিত হইবার পূর্বে, সৌন্দর্যবৃদ্ধি ও প্রশংসা লাভের অনুরোধে অলঙ্কারপরিধান-প্রথা প্রচলিত ছিল। আর যখন আমরা দেখিতে পাই যে, সভ্যজাতির মধ্যেও, বস্ত্র শক্ত ও গাত্রের উপযোগী হইল কি না তাহা না দেখিয়া বস্ত্রের উজ্জ্বলতা ও সৌন্দর্যের প্রতি অধিক দৃষ্টি, সুবিধাজনক হইল কি না তাহা না দেখিয়া “কাট” উত্তম হইয়াছে কি না তাহাতে অধিক মনোযোগ, তখন ইহাতে আরও সপ্রমাণ হইতেছে যে, অঙ্গের সৌন্দর্যসম্পাদনের লালসা হইতেই বস্ত্রপরিধানপ্রথার উৎপত্তি।

আমরা পূর্বে বলিয়াছি যে, অঙ্গনাগণ সৌন্দর্যবৃদ্ধির আশয়ে নানাবিধ অলঙ্কার পরিধান করে। ইংরাজরমণীরা অধিক গহনা পরে না, কিন্তু তাহাদের বসনের পারিপাট্য ও উৎকর্ষের প্রতি বেশী মনোযোগ। বঙ্গমহিলাদের বসনের দিকে তত দৃষ্টি নাই, কিন্তু তাহারা নানাবিধ গহনা পরিতে ভালবাসেন। বস্ত্র যোগাইতে ও অলঙ্কার প্রস্তুত করিতে খরচ অত্যন্ত অধিক। তবে সুন্দর বসন চারি পাঁচ মাস মধ্যে নাশ প্রাপ্ত হয়; কিন্তু গহনা অনেক দিন

থাকে ও বিক্রয় করিলে সমুদয় লোকসান হয় না। কিন্তু এরূপ হইলেও আজিকালি যেরূপ গহনা প্রস্তুত করিবার রীতি প্রচলিত হইতেছে, তাহাতে বাঙ্গালীর পক্ষে ভয়ের বিষয় বলিতে হইবেক। আজিকালি গহনার নানাপ্রকার রকম বাহির হইতেছে; এবং সেই সকল রকমের গহনা গড়াইবার নিমিত্ত অনেক বঙ্গমহিলা তাহাদের স্বামীদিগকে ব্যতিব্যস্ত করিয়া তুলিয়াছে। আমরা দুই চারিখানি উত্তম গহনা পরার পক্ষে বিরোধী নহি। দুই চারিখানি গহনা পরিলে ললনাদিগকে বাস্তবিক অতি সুন্দর দেখায়। কিন্তু একখানি চিত্রে নানাবিধ রং দিলে যেমন বিজ্ঞী দেখায়, অধিক গহনা পরিলে স্ত্রীলোককেও এরূপ দেখায়। যে সৌন্দর্যবৃদ্ধির আশয়ে নানাবিধ অলঙ্কার পরিধান করা হয়, অধিক পরিমাণে পরিধান করিলে তাহার বিপরীত ফলোৎপত্তি হইয়া থাকে।

অনেকে বলিয়া থাকেন যে, স্ত্রীলোকের অলঙ্কার থাকিলে তাহাদিগকে অতিভাবকের যত্নের পর কোন কষ্ট সহ্য করিতে হয় না। আমাদের দেশে স্ত্রীলোকদিগের যে কিঞ্চিৎ পরিমাণে স্ত্রীধন থাকা আবশ্যিক, তাহাতে কোন সন্দেহ নাই। কিন্তু এরূপ প্রায়ই দেখা যায় যে, মধ্যবিত্ত লোকেরা অলঙ্কার ভিন্ন অন্য কোন সংস্থান করিতে পারে না। যে পরিমাণে লোকের ধন আছে সেই পরিমাণে অলঙ্কার প্রস্তুত করাই কর্তব্য। উপার্জিত সমস্ত অর্থ অলঙ্কারে ব্যয় করা অতীব অশ্রায় বলিয়া বোধ হয়। কেননা যখন কোন অলঙ্কার বিক্রয় করিতে হয় তখন তাহা হইতে অর্ধেক মূল্য প্রাপ্ত হওয়া যায় কি না সন্দেহ। প্রথমে কিছু টাকা জমাইয়া দুই চারিখানি গহনা প্রস্তুত করিলে বিশেষ হানি নাই। স্ত্রীপুত্রের সংস্থানের নিমিত্ত গহনা প্রস্তুত করা যাহাদের উদ্দেশ্য, ব্যাঙ্কে জমা রাখিলে, তাহাদের যে সে উদ্দেশ্য সাধিত হয় না তাহা বল যায় না।

কিন্তু অধিক গহনা গড়াইবার পক্ষে আর একটা গুরুতর আপত্তি আছে। এই আপত্তি সম্যকরূপে বুঝিতে হইলে অর্থ-

ব্যবহার-শাস্ত্রের দুই একটি মূল সত্য জানা আবশ্যিক। ব্যবহার-শাস্ত্র পাঠ করিলেই অবগত হওয়া যায় যে, ধন ও অর্থ বিভিন্ন পদার্থ। যে সকল দ্রব্যের বিনিময়ে অত্যাশ্রয় প্রয়োজনীয় দ্রব্য পাওয়া যায় তাহার নাম ধন। ধান, গম, কাপড় ইত্যাদি তাবৎ প্রয়োজনীয় দ্রব্যই ধন। কিন্তু স্বর্ণ, রৌপ্য, তাম্র মুদ্রাকে অর্থ কহে। কিঞ্চিৎ অনুধাবন করিলেই বুঝা যায় যে, স্বর্ণ রৌপ্যের কোন স্বতঃসিদ্ধ গুণ বা মূল্য নাই। যে দেশে রৌপ্য বা স্বর্ণমুদ্রা চলিত নাই,—যেমন আফ্রিকা—তথায় স্বর্ণ রৌপ্যের কোন প্রয়োজন নাই; উহার দ্বারা কোন আবশ্যকীয় দ্রব্য বিনিময়ে প্রাপ্ত হওয়া যায় না। কিন্তু চাউল কি অশ্রয় দ্রব্য দ্বারা সকল দেশেই অশ্রয় দ্রব্য পাওয়া যায়। রবিনসনক্রুশের পক্ষে সেই নির্মল্লভ্য দ্বীপে এক খলিয়া স্বর্ণমুদ্রা অপেক্ষা এক মুষ্টি ধান অধিকতর প্রয়োজনীয় হইয়াছিল। কিন্তু সকল সভ্য দেশে অর্থের বিনিময়ে নানাবিধ প্রয়োজনীয় দ্রব্য পাওয়া যায় বলিয়াই ইহার এত গৌরব। বিনিময় কার্য অত্যাশ্রয় বস্তুদ্বারা সাধিত হইতে পারে। চীনদেশীয়েরা চা একত্র জমাট করে এবং জমাট চা অর্থরূপে ব্যবহার করে। আমাদের দেশে পুরাকালে কড়ি ব্যবহৃত হইত। কোন দোষ করিলে দশ বা কুড়ি কড়ি জরিমানা হইবে, এইরূপ মনুতে অমুজ্ঞা আছে। ফলতঃ যে প্রকার পদার্থই হউক না কেন, যাহা সাধারণে একমত হইয়া অর্থস্বরূপ নির্ণয় করেন, তাহা দ্বারাই বিনিময়কার্য সাধিত হইতে পারে। কিন্তু বিনিময়কার্যে স্বর্ণ ও রৌপ্য ব্যবহার সুবিধা আছে বলিয়া প্রায় সকল স্তম্ভ্য দেশে চলিত হইয়াছে। অতএব ইহাতে প্রতিপন্ন হইতেছে যে, স্বর্ণ বিনিময়কার্যে নিযুক্ত না করিয়া সিন্ধুকের মধ্যে রাখা ও ঐ সিন্ধুকে পথের ধুলা রাখা এই উভয়ই সমান। উহা কোন কার্যে না খাটাইলে অর্থ বৃদ্ধি পায় না, দেশেরও বৃদ্ধি হয় না। যখন আমরা গহনা প্রস্তুত করাই তখন উহা কোন কার্যে লাগে না; উহা আমাদের হস্তে অনুৎপাদক হইয়া পড়িয়া থাকে। কোন ব্যবসায়ে নিয়োজিত না হওয়াতে উহা ক্রমশঃ

বৃদ্ধি পায় না, প্রত্যুত ক্ষয় প্রাপ্ত হয়। যদি ব্যবসায়ে নিয়োজিত করিতে অর্থনাশের ভয় থাকে, ব্যাঙ্কে জমা দিলেও লাভ আছে। এরূপ করিলে অর্থ রুখা পড়িয়া থাকে না, আমরা উহা হইতে কিছু কিছু পাইতে পারি, ব্যাঙ্কেও কোন ব্যবসায়ে অর্থ নিয়োজিত করিয়া লাভ করিতে পারে এবং দেশের শ্রমজীবীরাও কিঞ্চিৎ উপার্জন করে। গহনা প্রস্তুত করিয়া বে সকল টাকা অনুৎপাদক করিয়া ফেলিয়া রাখিয়াছি তাহা যদি ধনোৎপাদন-কার্যে নিযুক্ত করিতাম, তাহা হইলে আমিও কিছু লাভ করিতে পারিতাম ও যাহাদিগকে ব্যবসায়ে নিযুক্ত করিয়াছি, তাহাদেরও কিছু লাভ হইত এবং এইরূপে দেশেও ধন ক্রমে বৃদ্ধি প্রাপ্ত হইত। বস্তুতঃ আমাদের গহনা গড়াইবার রীতি আছে বলিয়া প্রায় দুই চারি কোটি টাকা অনুৎপাদক হইয়া পতিত রহিয়াছে।

বানাগণের রচনা ।

সংসারের-সার রত্ন ।

রমণীর জীবনের সার রত্ন পতি, সহায় সম্পদ ধন একমাত্র গতি; নিদাঘ শোকেতে যদি দহে প্রাণ মন, শত পুত্রশোকে হয় অস্থির জীবন, সে সময় যদি পতি সম্মুখীন হয়, হৃদয়ের শোক তাপ কোথায় পলায়। সুধাংশু কিরণে যথা শরীর শীতল, মন্দ মন্দ সমীরণে জলের ছিক্কোল, নিদাঘ সরোজ পতি তাপেতে তাপিত, জলধর যেমন নির্বাণ করে চিত, তজ্জগৎ নির্বাণ এই ধন দরশনে, কোন দুঃখ নাহি থাকে ইহার মিলনে। সুশোভিত সুসজ্জিত অট্টালিকোপরে, কত ধনী হায়া রবে কাঁদে উচ্চস্বরে,

“কোথায় রয়েছ ওহে হৃদয়ের স্নিগ্ধ,
 তেঁমসাবিনে অনাথিনী মরে একাকিনী।”
 বক্ষস্থলে করাঘাত করে যনে যন,
 যেমন অদৃষ্টলিপি কে করে ধ্বংস।
 এই কারণেতে ক্ষিপ্তা কুবনারীগণ,
 এই হেতু পাগলিনী লক্ষ্যসতীগণ,
 এ কারণ প্রাণ দিল প্রমীলা সুন্দরী,
 হারাইয়ে মেঘনাদ বীরেন্দ্র কেশরী।
 এ ধন হারালে লোকে সর্কৃত্যগী হয়,
 বসন ভূষণ সুখ কোথা চলি যায়,
 জীবন্তে হইয়ে থাকে যত্নের সমান,
 হারাইয়ে প্রাণধন অমূল্য রতন।
 এ হেন পদার্থ বিধি করেছে সৃজন,
 কিন্তু অমৃততে বিষ না হলে মিলন,
 এ ছার জীবন প্রাণপতি না রহিলে,
 পতি বিনা সকলেতে অঙ্গহীনা বলে।
 হকুনা সে নারী কেন পরমা সুন্দরী,
 হকুনা সে ধনী কেন বিজ্ঞাবতী নারী,
 হকুনা সে ধনী কেন ধনাচোর কন্যা,
 হকুনা সে ধনী গুণে ত্রিলোকের মায়া,
 হকুনা সে ধনী রূপে রতির সমান,
 হকুনা সে ধনী কেন গুণের নিধান,
 হকুনা তাহার কেন কোকিলের স্বর,
 তথাপি পতিরে যদি করে অনাদর,
 দিক শতদিক তার জীবন ধারণে,
 দিক শতদিক তার অমিয় বচনে,
 শত শত দিক তার রূপ আর গুণে,
 যদি না তুষিতে পারে পতিরে বচনে।
 যাহার জন্তেতে সুখ এ ভব ভবনে,
 যাহার জন্তেতে সুখ ঐহিক কাননে,
 সে যদি সন্তোষ নাহি হল মনে মনে,
 দিক এ কামিনীকূলে দিক এ জীবনে।

বাগবাজার।

শ্রীমতী নয়নতারাদে।